





M

Titelman
Philosoph
Naturalis

*Inter brachia Redemptoris mei;
et vivere uolo, et mori cupio.* I

A Parley Blois Perf.

(with) Andrea Bordini

Handwritten text in a cursive script, likely from a historical document. The text is faint and difficult to decipher, but appears to be organized into several lines. The script is characteristic of early modern European handwriting.




FRANCISCI
TITELMANNI¹
HASSELENSIS
NATURALIS PHILOSOPHIAE
COMPENDIUM,
SIVE

De Consideratione rerum Naturalium.
Lib. XII.



VENETIIS,

Apud Ioann. Antonium Farreum.
M D LXXII.



1230.e.8
ORDO, ET MATERIA LIBRO-
rum duodecim sequentium.

Liber Primus tractat de principiis rerum Naturalium.

Liber Secundus, de Causis rerum naturalium.

Liber Tertius, de Motu & Accidentibus eius.

Liber Quartus, de Infinito, Loco, Vacuo, & Tēpore.

Liber Quintus, de Generatione & Corruptione rerum naturalium.

Liber Sextus, de Meteorologicis impressionibus.

Liber Septimus, de Cœlo & Mundo.

Liber Octauus, de Anima in generali, & de Potentiis uegetatiuis, deque longitudine & breuitate uitæ.

Liber Nonus, de Sensibus exterioribus, & eorū sensibilibus.

Liber Decimus, de Sensibus interioribus, deque Somno & Vigilia.

Liber Vndecimus, de Intellectu & præcellentibus eius Officiis.

Liber Duodecimus, de Appetitu sensitiuo, & Voluntatis præcellentia.

2

OPTIMAE STUDIORVM PA-
RENTI, SEMPER VENERANDAE

Artium liberalium Facultati, in præclara Louanië

si Academia creditos alumnos fidelissimè edu-

canti. Frater Franciscus Titelmannus Hass-

lensis humilis eiusdem discipulus cum

omni reuerentia humile offert

obsequium.



V M. ante annos aliquot, optima stu-
diorum parens, è tuo gremio ad sa-
crâ Minorû Fratrum religionē me cō-
tulisses: ac nō multò post superiorû
imperio (quibus reluctari non poterâ, nec debe-
bâ) compellerer ad eam doctrinam fratribus cō-
municandam, quam è tuis suxerâ benignissimis
fœcundissimisq; uberibus, id est, ad prælegendas
Philosophicas disciplinas, ut mihi iniunctum obe-
dientiæ mandatum pro fratrum simplicium uti-
litate, quam possem fidelissimè perficere: uisum
fuit hoc mihi bonû consiliû, ut ea quæ olim tuo
insidens gremio, partim à doctissimis præcepto-
ribus (cuiusmodi semper plurimos alis) uiuæ uo-
cis magisterio acceperam, partim ex mutorû ma-
gistrorû scriptis, id est, eruditorû Philosophorû
libris pro ingenioli mei tenuitate hauserâ, succin-
ctè breuiterq; uelut in cōpendiû colligerè, & ni-
hilominus lucidè & ordinatè quantû possem om-
nia disponens, nihil eorû quæ cessent necessaria,
omitterè. Sic .n. simpliciu fratrum conditioni iu-
dicaui utilius, utpote quibus bona diei noctisq;

EPISTOLA

pars diuinis hymnis decantandis, sacris peragen-
 dis misteriiis, & circa proximos exercendis hie-
 rarchicis actibus foret impendenda, ita ut ad Phi-
 losophiæ studia minimū tēporis superesset, neq;
 uacaret eorum qui plenius illa tractarunt, proli-
 xos & diffīciles commentarios euoluere. Ad Phy-
 sicam autem disciplinam in compendium contra-
 hendam meum desiderium peculiariter etiam il-
 lud accendit, quod hanc rem à nemine hætenus
 tentatam conspicerem. Nam in Dialecticis, usq;
 ad nauseam abundè multos inuenias, qui totam
 librorum seriem per ordinem sunt prosecuti.
 Hætenus autem qui Physicæ disciplinæ amplitu-
 dinem compendio stinxisset (quod ego quidē
 sciam) extitit nemo. Ac proinde uid baropere-
 pretium facturum, si tam cōmoda oblata occasio-
 ne, quod animo infederat, opere perficerem. Ne-
 que .n. minimam præstare mihi uidentur studiis
 utilitatem, qui ea quæ à prioribus multa proli-
 xitate & obscuritate tractata fuere, sua industria
 atque diligentia in cōpendiosam ordinatamque
 breuitatē laborat contrahere. Quos .n. inuoluta
 prolixitas molestaq; diffīcultas deterrēt, plerūq;
 grata breuitas & compendiosa facilitas ad hone-
 sta studia inuitant. Super hæc uerò propositū no-
 strū uehemēter adiuit, animumq; addidit, quod
 uidebā Physicā disciplinā, si rectè & pro sua di-
 gnitate tractaretur, ad sacrā Theologiam pluri-
 mū omnino habere momenti, & ad pleniorē
 cognitio-

cognitionem, neque ad Dei tantū cognitionem, uerumetiā ad Dei excitandum amorem, mirū in modum conducere: quæ duo (nempe Dei cognitio & amor) omnium debent esse honestorū studiorum ultimus atque præcipuus finis. Et gestiebat animus, hac in parte aliquā tibi, optima mater, ostendere gratitudinē: uidelicet demonstrando eas disciplinas quibus tibi creditos alumnos instituis, non solum ad eruditionē absolutam esse omnino necessarias, uerumetiā ad pietatē (q̄ ad omnia utilis est) plurimum conducentes: ut meritò sanxerint uenerandi Theologorum Magistri, neminē ullo Theologiæ titulo insigniendū, itidem & Medicinæ honorandi ex sacræ paginæ instructione professores, neminem ad suæ professionis ullum gradum admittēdum, qui non prius in tuo gremio fatus tuoq; saluberrimo lacte pastus fuerit, immo & ablactatus, uidelicet hoc ipso suo iudicio manifestissimè attestantes, quod nulla omnino disciplina (neque quæ ad corpus, ad animam spectat) absq; tua institutionis præiacto fundamento, solida possit consistere. Nunquam enim uiri prudentissimi id statuti editis cauissent, nisi prorsus solido ueritatis cibo inēptos iudicassent, quos non tu prius tuo lacte potasses. Itaque, cum hos Physicæ considerationis libros Physicæ disciplinæ hoc cōpendium, multarū præcibus importunis diu multūq; sollicitatus, tandē acquiescens amicis postulationibus in lucē

EPISTOLA

edere decreuissem, post Deum oīs boni primū auctorem & oīs parentem ueritatis, nō inuenire potui in terris, cui hunc laborem iustius possem quam tibi mea nutrix, mea fotrix, mea optima mater dedicare ac nuncupare. Est. n. hæc Dei institutio, ut singula unde effluunt, illuc & refluāt. Ad locū (inquit sapiētissimus ille rerū naturalium inuestigator Ecclesiastes) unde exeunt flumina, reuertuntur, ut iterū fluant. Quæ nos erga primū quidem à Deo omnis ueritatis doctore, post hūc autem ex tua institutione accepimus, iustum est illi ut primario datori per gratiarum actionem accepta referri, ac deinde in te quoque unde nobis effluerunt refluere. Si uerò hunc nostrum laborem tibi non ingratum, ac tuis alumniis non inutilem compererimus, quod nunc in Physica disciplina egimus forsitan & in Dialecticis aliquando tentabimus. Puto enim & illic laborem superesse Christiano operario, hætenus à nemine susceptum, quo mirum in modum illius quoque disciplinæ dignitas possit exaltari. Qui te suorum nutricem instituit, ipse te quoque felici statu conseruet, & multa semper prole fecundet, ut sis quasi uitis abundans in lateribus domus eius sintque filii tui sicut nouellæ plantationes oliuarum, in circuitu delicatissimæ mensæ tuæ.

4

PSALMVS NVNCVPATORIVS
OMNIVM CREATORI, TRINO ET
VNO DOMINO.



IDEBAM ego librum latum, pulchrum
& magnum, & uterum eius quasi grauida-
tum & tanquam prægnantem conspiciebam in
visione mea.

Intendi inentis aciem, & uidi de utero eius
enasci libros plurimos: & contemplabar si non
imminueretur partu iam multiplici grauida-

us uterus.

Non potui considerare imminutionem eius: quanto plures prodi-
bant fetus, eo magis uidebatur intumescere.

Dimicabant secum intra me cogitationes meæ: & cogitabam uaria,
uoluebamque plurima, quoniam tenebar rei miraculo.

Mulierum partus me docuerant, fetus egresso abscedere collē ue-
ri: moniculus, quem gignit latens in occulto, cadere solet egresso
uagiente.

Propterea tenebat me rei nouæ miraculum: & luctabar ego cum
cogitationibus meis, neque inueniebam exitum.

Feci mihi scalas altas, ut introspicerem in uterum libri, erat enim
excelsus & eleuatus: longe supra paruitatem meam.

Datum est mihi post laborem multum introspicere à longe: con-
templatus sum (sed plusquam caligantibus oculis) quid inhabitaret
in utero, aut quæ esset huius causa miraculi.

Contemplans uideo uterum uelut abyssum: & qui sedebat in eo,
non poterat uideri, neque mensura, neque erat finis magnitudinis
eius.

Desi admirari postquam uideram: dixi enim, quomodo minus-
tur uterus, qui in se habet inhabitantem infinitum, & immensura-
bilem?

Quid enim si egrediuntur ex illo fetus paruulis, quando manet
intra uterum ipse de quo fetus procedunt, maximus & implens oīa.

Parabola hæc quam assumpsi, confitetur gloriam illi qui crea-
tor est & Dominus omnium, tibi dominator Domine, pater sanctæ,
Rex cæli, terræ, & marium.

Tuam gloriam eloquitur similitudo mirabilis libri huius: & ad te pertinet gloria inhabitantis in eo.

Tu fecisti librum magnum & latum, uniuersam hanc mundi machinam spaciosam & speciosam ualde tu creasti.

Scriptisti in eo mirabilia multa & magna, incerta quoque & oculta sapientiae tuae impressisti in eo: immensam potentiam tuam, & incomprehensibilem sapientiam descripsisti in eo: inestimabilem quoque bonitatem & perfectionem tuam.

Singula quae sunt in eo creaturae, singulae sunt paginae libri, singuli sunt characteres: singulae perfectiones, quae inueniuntur in illis.

In oculis omnium legendum exposuisti librum istum: uolumen hoc uolui facit atque reuolui, ante conspectum omnium populorum.

Legunt in eo quibuscunque leuare placuerit oculos: intellectum quoque das omnibus, qui pio corde abs te poposcerint.

Verumtamen intra uerum illius tu posuisti habitationem tibi: intus enim es & praesentissimus machinae quam creasti, quidquid est creatum penitus in habitans.

Considerauerunt librum hunc plurimi, & uiderunt quoniam esset fecundus nimium & de libro hoc ediderunt libros sine numero.

Uiderunt quoniam ad intelligendum esset liber difficilis: sectatoribus suis multiplicatione uerborum atque librorum conati sunt explanare illum.

Magi, Sophi, atque Philosophi innumeri operam impenderunt in considerandis paginis libri huius: te quoque auctore inuenerunt non pauca ueritatis tuae quam descripseras in illo.

Inuisibilia enim quae de te cognosci poterant, per facturam tuam fecisti intellectu ab illis conspici, sempiternam potentiam, uirtutem & bonitatem tuam.

A te procedebat quidquid describebant ueritatis tuae, a te namque pater luminum est omnis ueritas, & tu manifestasti illis.

Verumtamen uanitates multas immiscebant ueritati modicae, erroribus multis ac uanis opinionibus nimium erant permixta eorum omnia.

Non enim lumen plenum erat in oculis eorum: & quasi sine lumine excaecatis oculis legentes, non potuerunt quae descripta erant penitus cognoscere.

Excaecauit enim eos affectus non bonus; neque oculus totum corpus

pus fecit esse tenebrosum.

Dicētes enim se esse sapientes, stulti facti sunt, quia non dederunt gloriam Deo cæli, qui creauit omnia.

Cum adorare debuissent, populisque adorabilem prædicare, quæ in lectione libri huius cognouerant dissimulare maluerunt: seq; glorificare magis concupierunt quam creatorem Deum.

Quomodo paruuli in libro formulis pulchris decoro hærent in flosculis paginarum, neque perpendunt, quæ descripta est in eo, ueritatē.

Ita aspiciēbant isti in creaturarum pulchritudinem, sineque oblectati in eis: ueritati autem quæ continebatur, quæque parata se se erat aperire legentibus, non insederunt cultu debito.

Propterea non sunt inuenti digni ampliore lumine: quoniam accipis malè usi deprehensi sunt.

At uero, ubi nēnit plenitudo temporis, ut sanaretur cæcitas generis nostri: missisti tu Domine lucem tuam, quæ illuminat omnem hominem.

In hoc lumine salubriter iam legimus librum istum qui antè fuerat sterilis: docet enim mos sciētiæ salutaris fidei, in uniuersate uenerari creaturam tuam.

Qui attēdē in lumine spiritus tui considerauerit opera tua, delectabitur suauissimè Deus, auctōr omnium in factura tua.

Inueniet in ea materiam laudis, quam recitet tibi confessionis amoris, & sancti desiderii.

Qui enim opificem diligit, quomodo non oblectabitur in opere eius? quomodo non reficabit operis contemplatio memoriā artificis, & confirmabit desiderium eius?

Ita pater sancte, creator omnium, hoc animo descripsimus considerationem creaturæ tuæ, in adminiculum simplicium quibus placitū erit tuorum operum attentius aliquid perspicere.

Quæ ueteribus illis Philosophis qui ante lucem surrexerunt, manifestasti: ubi consentanea inuenimus ueritatē, uendicabimus in usum nostrum.

Nihil enim immundum putamus, quod sanctificatur & purificatur in fide tua: non sunt abominandi thesauri Aegypti, cum conferantur tabernaculo tuo.

Quæ uerò supra sensum sunt hominum, & quæ ratio monstrare

nō potuit ex uiris quos sacer tuus illustrauit radius desumptissimus ea.
Ita pater, collecta hæc labore nostro offerimus tibi: propter tuam
gloriam descripsimus, tuæ quoque manipamus gloriæ.

Confido enim, quod falsitas non inueniatur in opere isto, neque mē
dacium, omnis autem ueritas tibi debet consecrari, qui es Deus ueri-
tatis.

In hoc autem potissimum tu nosti fuisse conatum nostrum: ut for-
mulam præberemus philosophari cupientibus, qua te discerent rege-
re omnem considerationem suam.

Non enim ignoras, quanta sit in te ista abusio: & quàm rarus sis
qui sic doceat contemplari creaturam tuam, ut tibi accedat gloria, in
optime habes cognitionem.

Praua curiositas in faces abducit multos in profundum facit im-
mergi, ut ad te non leuent oculos.

In spinis & uepribus hærent plurimi, & dilacerantur in cogita-
tionibus & adinuenitionibus ingenii sui.

Qui autem te quæserint in horto creaturarum tuarū, inuenient
fragrantiam flosculorum bonorum: & qui cognitioni tuæ maiestatis
aptauerit omnia studia, ipse pascetur in delitiis tuis.

Suscipiat itaque Dominus meus quæ offert tibi seruulus tuus: ser-
uum de restis horti tui suscipe de manibus pueri tui.

Fac: pro fit olfacientibus illud, & excitatos odore creature tuæ,
subuehe in amorem sanctum tuum.

Ego uerò sperabo in misericordia tua: & adiiciā semper super om-
nem laudem tuam.

Gloria patri, & filio, & spiritui sancto.

Sicut eras in principio, & nunc & semper, & in sæcula sæculo-
rum. Amen.

FINIT PSALMVS.

6

PRAEFATIO IN SEQUENTES
duodecim libros de Consideratione
rerum naturalium .



D omnipotentis Dei gloriam, patris, fili, & spiritus sancti, omnium & spiritualium, & corporalium conditoris æterni, rerum naturalium considerationem pertractare cupientes, congruum existimauimus, ea quæ à Philosophis naturæ inquisitoribus longè lateque disputata atque modis varijs diffusè tractata sunt, succinctè breuiterque colligere, ac ueluti in compendium redigere : ut qui ad creatoris meliorem pleniorémque notitiam creaturarum cōsiderationem fortè exquisierint, nostro hoc compēdio præcauere ualeant temporis omnium prætiosissimi damnosa dispendia. Neq; enim dubium est, quin creaturarū uisibiliū & rerū naturaliū recta cognitio plurimū omnino habeat momenti, ad omnipotentis Dei pleniorē cognitionē, apud eum, qui fidei lumine illustratus interius, quæcunq; oculis foris cōtēplatur, aut naturali etiā ratione ex eisdem uenatur, in Deum studet creatorem regerere, adq; eius potentiam, sapientiam, & bonitatem cōtemplandam omnia referre. Siquidē inuisibilia Dei (quæadmodum Apostolus Romanis scribens) à creatura mundi per ea quæ facta sunt intellecta conspiciuntur, sempiterna quoque eius uirtus atque diuinitas: ita ut incusabiles sint: qui ex creaturarum cognitione non studuerint

rint dignas creatori gratias referre, cultuque debito famulari. A magnitudine enim speciei & creaturae (ut Sapiens alius attestantur) cognoscibiliter poterit creator operum mirabilium: quæ mundus iste habet, uideri. Neque difficile erit ijs in quibus est scientia Dei, cum specie delectantur mirabilium quæ habet mundus, uirtutemque, opera & eorum mirati fuerint intelligere ex his, quanto eorum dominator est speciosior, qui hæc omnia constituit, & quanto fortior est illis, qui de nihilo fecit omnia. Hunc ergo nostræ considerationis scopum habentes propositum, ex ijs quæ à naturalium tractatoribus fusius tractantur, uelut ex immensa sylua præcipua qualibet colligere curabimus: ea potissimum quæ nostro maxime deseruire queant instituto, ijs reiectis, aut certe relictis, quæ minus uidebuntur nostro proposito opportuna. Solent enim ex ijs qui naturalia tractant nonnulli acuta quidem & subtilia multa discerere, quibus sua ingenia ostentando aliena exercitent, ea uero in quibus pietatis est questus uberior, uel negligere, uel sicco pede pertransire. Nos uero institutum contrarium animo propositum habentes, nemo calumnietur, si quæ eiusmodi sunt nos uideat uel prætermisisse, uel parcius attigisse. Ob quam etiã causam in libris sex posterioribus, multa uerborum copia & similitudinum multiplicium adductione, conati sumus pro uirili nostra, quàm lucidissimè plenissimèque omnia tractare & cū in libris prioribus (maximè autem in tertio, quarto, quinto, & sexto) breui plerumque sermone rem tã

tum perstringentes, potius eam indicemus, quam pe-
 nitus explicemus. Videmus .n. ea quæ in posteriori-
 bus libris tractantur, multò magis ad Dei cognitio-
 nē & scientiā ueritatis esse utilia atque necessaria,
 quā ea quæ in prioribus illis enumeratis libris tra-
 dūtur. Proinde nemo nostrū calumniētur propositū,
 ubi præter quorundā cōsuetudinē (qui prioribus ma-
 ximē inharēt, posterioribus uel in totū, uel certē ma-
 gna ex parte neglectis) nos uiderit egisse. Si quidē
 non tam ad ingenij exercitationē, quā ad pleniorē de
 Deo cognitionē & pietatis qualēcunq; uenerationē
 noster iste labor desudauit. In scribendo autē hac liber-
 tate usi sumus, ut nullius scriptoris ordine nos pate-
 remur cōstringi: sed nostro iudicio, ubi cōmodissimus
 uisus est locus, singula locauimus, quæ prolixius di-
 cta uidebātur, plurima abbreviātes, ut cōpendij scri-
 ptorē decebat, nōnulla contrāctius dicta, quantū uti-
 le uidebatur, latius explicantes, nōnunquā humanis
 diuina, tēporalibus æterna, ex fidei illuminatione cō-
 miscentes, ut ne purus esset Philosophiæ hic tracta-
 tus, sed Philosophiæ pariter & Theologiæ cōmistio.
 Nō est .n. dignum ut ab ullius Christiani scriptoris
 operibus alicubi absit Deus qui cælū & terrā sua ma-
 iestate adimplens, sicut creauit, ita & cōtinet omnia
 qui est benedictus in sæcula, Amen. De rebus igitur
 naturalibus hac ratione tractare uolentes, ab ipsis
 earum principijs exordiemur determinationem si
 prius quid res naturalis sit, quidque natura breui-
 ter explicauerimus.

LIBER PRIMVS

QVI EST DE PRINCIPIIS

RERVM NATVRALIVM.

CAPVT I.

Quid sit res naturalis, & de quibus sit in præfenti libro tractandū.

*Hac tra-
ctat Ari-
stot. initio
2. li. Phi-
sic.*



*Es naturalis dicitur, quæ ex natu-
ris constat.*

Quæ secundum Græcam appellationem, alio nomine corpus physicum siue res physica solet appellari. Siquidem Græcis φύσις, idem est quod Latinis natura Res naturales sunt, oīa corpora quæcunque ex materia & forma componuntur, ut cœli,

elementa, & quæcunque sub eis sunt multa, siue animata siue inanimata. Angeli autem res naturales non sunt, eò quod ex naturis non componantur, sed puri actus sunt & formæ immateriales. Et de his quidem rebus quæ naturales nō sunt, in his libris per se tractare non intendimus, sed de rebus tantum naturalibus, quæ sunt subiectæ sensibus. Nonnunquam tamen ubi se occasio obtulerit, si de illis quoque nō nihil dixerimus, nō prorsus nostro instituto cōtrahibimus, quandoquidē proximæ sunt Deo mentes angelicæ, & corporeis omnibus illi accedunt uicinius. Atque ob hoc, cum à corporeis rebus ad Deum transire contendimus, commodius nonnunquam spiritualium mentium considerationē uelut mediam intericiamus, quo sic uelut gradatim, ab imperfectioribus ad perfectiora, in Deum qui est perfectissimus, ordinatius dirigamur. Erit ergo rerū naturalium determinatio nostræ considerationis præcipua materia: Dei autem cognitio, cōsiderationis ipsius primaria intentio: angelicæ uerò naturæ sicubi admiscebitur mentio, ad priora nonnihil præstabit adiumenti.

Quid

Natura est substantiale principium, mutationum atq; Arist. 2
accidentalium formarum rei conuenientium, uel ef- *Physic.*
fectiuum uel susceptiuum. In qua definitione posita disun-
ctiua coniunctio, duplicem innuit naturam, quarum altera
sit principium effectiuum, nempe substantialis forma alte-
ra uerò susceptiuum principium nempe materia. Omnes
enim mutationes & dispositiones accidentariæq; formæ re-
bus naturalibus conuenientes, efficiuntur ab earum formis
substantialibus, & conseruantur ab eisdem, quemadmodū
calor ignis, à forma substantiali est eius, & cum aqua ui-
olenter calefacta ad frigus redit, à forma substantiali frigus
illud efficitur: similiter & cum ipsa nimium rarefacta, ad iu-
stam densitatem se reducit. Ignis quoque per formā suam,
se mouet sursum: lapis deorsum, itē per suam formam. Nō
solum autem qualitates conuenientes, & motus ad proprias
perfectiones, à forma sunt, uerum etiam operationes om-
nes & motus omnes illis naturaliter conuenientes, quibus
agunt in exteriora. Vt cum ignis agit in aquam, aut in aliā
quamlibet materiā, calefaciendo, incendendo, sibi assimu-
lando, à forma substantiali sunt hæc omnia. Materia uerò
subiectum & receptaculum, in quo conseruantur & perma-
nent quæcunque rei conueniunt, ad actionem autē non cō-
currit. Propter quod passiuum tantum principium est, non
etiam actiuum. Cæterum, quod in definitione dicebatur
principium substantiale, excludit accidentia omnia, quo-
minus naturæ dici possint. Sunt enim quædam accidentia,
quæ uidentur quorundam mutationum rebus conuenien-
tium quædam effectiua principia: quemadmodum (exem-
pli gratia) ipsa ignis leuitas, causa quodammodo est & prin-
cipium quoddā motus eius sursum: & ipsa lapidis grauitas,
principium quoddam est motus eius deorsum. Sunt enim
quædam principia, & quædam causæ secundariæ horū mo-
tuum, & uelut instrumenta, quibus mediantibus formæ ip-
sæ substantiales ut principalia principia & causæ primariæ,
motus eiusmodi efficiunt. Non sunt autem naturæ, quoniā
prin-

DE PRINCIPIIS RERVM

principia substantialia non sunt. Est enim principium substantiale, quod rem substantialiter constituit atque componit, quemadmodum uidelicet ex materia & forma componuntur res naturales tanquā ex suis partibus essentialibus atque substantialibus, à quibus naturis duabus, res naturales denominantur. Non autem ex leuitate ignis constat, neque ex grauitate lapis. Quare neque naturæ rerum dicenda sunt, sed potius entia secundum naturam, quemadmodum infra plenius declarabitur. Cæterum Arist. in 1. lib. de Physico auditu, obcuriorem quidem uerbis, sed in sententia æquiualentem ponit definitionem, quæ ex prædictis euadet facilior. Sic itaque naturam definit Aristot.

Natura est principium quoddam & causa, ut id moueatur atque quiescat in quo primo per se, & non per accidens inest.

Quæ quidem definitio, conformiter ad prædicta, sic debet intelligi: Natura est principium quoddam, id est, substantiale principium, siue effectiuum, siue susceptiuum: & causa siue materialis, siue formalis, siue effectiua, siue conseruatiua principium (inquam) & causa, ut id moueatur atque quiescat, in quo ipsum tale principium inest, hoc est, motus uel quietis rei naturalis, in qua tale principium est: primò, id est, principaliter per se, id est, tanquam pars essentialis, ipsius rei naturalis: & non per accidens, id est, nō sicut aliquid accidentaliter inexistens, uel essentia extraneum. Vbi hoc peculiariter notandum est. coniunctionem copulatiuam. Atque loco disiunctiuæ coniunctionis accipiendam esse, ut sit sensus, principium quoddam ut id moueatur uel quiescat, &c.

CVPVV III.

Quæ dicuntur habere naturam & Entia secundum naturam.

Naturam autem habent quæcunque tale principium habent. Hoc est, Naturam dicuntur habere, quæ formam substantialem & materiam sub nomine naturæ prius definitas habent tanquam partes essentielles sui. Huiusmodi sunt omnes & solæ substantiæ corporales, quæ suprà dictæ sunt

sunt res naturales. Excluditur autē ab hac definitione materia (quæ formam in se uidetur habere) eo quod ipsam nō habeat tanquam partem essentialem sui, cum sit omnino simplex & incomposita, tamen si cum forma unum tertium constituit, cuius pars existit. Definitio autem entium secundum naturam, hæc est.

Secundum naturam sunt, & hæc ipsa, & etiam ea quæ hisce per se competunt.

Quæ definitio sic intelligitur: Entia secundum naturam dicuntur hæc ipsa, id est, res habentes naturam, & ea quoque quæ rei secundum naturam conueniunt, & c. quemadmodum accidentariæ dispositiones, & motus rebus naturalibus conuenientes, dicuntur esse eis secundum naturam: ut igni secundum naturam sunt calor, siccitas, raritas, leuitas, motus sursum, calefacere, exiccare: aquæ secundum naturam sunt frigus, densitas, grauitas, humiditas, motus deorsum, frigefacere, atque ita in ceteris. Quæ uerò naturæ rei non conueniunt, non sunt entia secundum naturam, ut quæ ab extrinseco per uolentiam, rei cuiuslibet imprimuntur, quemadmodum in aqua calor, & in lapide motus sursum, ignis percussio ad locum deorsum.

Et quidem si forma rei contranitente, per uolentiam prædominantis agentis hæc fiat impressio, dicuntur entia contra naturam, quemadmodum exemplum est in iis quæ statim posita sunt. Contranitur enim forma aquæ, ne calor suscipiat, licet præualens ignis imprimat eum uolenter: & lapidis forma, ne ipse moueatur sursum contranitur, quærens magis moueri deorsum. Itidem & forma ignis, motui deorsum reluctatur. Si uerò id quod ab extrinseco imprimitur, non repugnat naturæ, neque introducatur contranitente natura, sed permittente (cō quod si cōuenit, ita ei nec aduersatur neque officit) præter naturam id esse dicendum, est quemadmodum impressus in lapidem impetus ad motum lateralem in loco plano. Hic enim motus sicut lapidi secundum naturam non conuenit, ita secundum eam nec aduersatur, unde præter naturam dicendus est. Hæc et magis elat-

*Quid
ens contra
naturam.*

*Quid sit
præter na-
turam.*

DE PRINCIPIIS RERVM

reant, ponit Arist. hanc diuisionem.

Eorum quæ sunt, quedam sunt natura, quedam ob alias causas.

Cuius hic est sensus. Rerum productarum, quedam à natura naturaliter agente producuntur: aliæ aliis à causis, quippe ab arte à libera uoluntate, casu aut fortuna, quorum exempla ex sequentibus patebunt.

CAPVT. IIII.

De rerum naturalium principiis in genere, atque tribus eorum conditionibus.

DE numero & assignatione principiorum rerum naturalium uariè admodum senserunt ueteres Philosophi, quorum ut non est admodum operèpretiū, ita neque propositum singulas sigillatim sententias adducere, aut errores impugnare. Si quæ forte oblectant eiusmodi, is Aristotelem consulat 1. Physic. lib. quem de principiis rerum naturalium scripsit, & abundè illi (ni fallor) forsitan & uique ad nauseam, erit satisfactum. Nos uerò Aristotelis sententiam (qui ceteris certiora magisque consentanea in Philosophicis rebus descripta reliquit) insequentes atque adeo ueritatem ipsam quam fidelium doctorum omnium unanimis firmat consensus, duo tantum rerum naturalium principia ponimus, nempe materiam & formam, quæ substantialiter (uti supra dictum est) rem naturalem constituunt. Priuatio enim tametsi (ut post dicetur) principium transmutationis rerum naturalium admittatur, non tamen principium rerum naturalium admitti debet, cum res naturales ex priuatione non componantur.

Principia igitur prima rerum naturalium sunt quæ neque ex sese mutuo, neque ex aliis fiunt, & ex ipsis omnia esse oportet.

Tres conditiones principiorum posite ab Arist.

Ex qua descriptione tres colliguntur eorum conditiones: quarum prima est, ut simplicia sint penitus, & ex aliis non composita. Quod intelligi debet de partibus alterius rationis,

nis, siue de partibus essentialibus. Nam materia omnis, ex partibus componitur tanquam integrantibus ipsam, nō autem ex partibus alterius rationis siue essentialibus. Quælibet enim materiæ pars, eiusdem rationis & speciei est penitus cum tota ipsa materia. Non tamen componitur ex aliis partibus essentialibus, quasi ex alia ulterius materia ipsa componeretur: aliquid processus fieret in infinitum. Sic & formæ substantiales omnium rerum naturalium, præter animam rationalem, partes habent integrantes ex quibus componuntur. Sunt tamen etiam ipsæ rerum principia, neque ex ullis partibus essentialibus componuntur.

Secunda conditio est, ut non componantur ex se inuicē. Materia enim non est ex ulla forma composita, neque formam ullam in se habet ex qua componitur, neque item formam materiam habet pro parte sui. Ex quo patet, secundum eos qui formam corporeitatis distinctam ponunt in corporibus à formis primis, compositum illud ex materia prima & forma illa corporeitatis, non esse principium rei naturalis, tametsi pars sit ipsam componens, quoniam simplex nō est, sed ex materia & forma compositum. Tertia uerò conditio est, ut ex ipsis res omnes naturales substantialiter constituentur. Quam conditionem manifestum est materiæ, & formæ conuenire. Omnis siquidem res naturalis, ex materia, & forma tanquam ex partibus essentialibus, atque substantialibus constituitur.

Huius autem conditionis defectu formæ artificiales (ut forma statuæ) principia non sunt, quoniam ex ipsis nulla res naturalis componitur, sed tantum artificialis, ut ex forma statuæ cum materia componitur statua, quæ est opus artis; non res naturales. Hic animaduertendum est, illud esse principium rei naturalis, ex quo uidelicet ipsa res (tanquam parte essentiali) intrinseco componitur: iuxta interpretationem conditionum positarum, & principium trāsmutationis rei naturalis: quod uidelicet ad rei naturalis generationem seu productionem requiritur: siue ingeneratio postmodū maneat siue non. Priuatio siquidem formæ substantialis ad generationem requiritur: in productu tamen nequaquā man-

sura. Nihil enim potest generari substantiali, absq; formæ præexistentis in materia expulsionem. Nam ex homine cadauer non fit nisi rationali anima migrante: nec ex aere aqua nisi aeris forma substantiali cedente. Siquidem incompatibiles hæ formæ sunt, idem in ceteris uidere est. Sunt ita quæ tria transmutationis rerum naturalium principia, sed non item tria rerum naturalium principia. Duo enim sunt, & non plura.

CAPVT. V.

De materia, ut est alterum principium rerum naturalium.

Aduertendum est autem hoc loco, cum materiam dicimus rerum naturalium esse principium, eamq; alteram esse naturam, accipi debere nõ (ut uulgo solet) pro qua libet materia et artificiali, quemadmodum aurum, argentum, siue lignum statuæ ex aliquo ipsorum factæ, dicitur esse materia. Pro quo est intelligendum duplicem distingui solem materiam, nempe primam, & secundam. Secunda materia dicitur, quæ ex alia ulterius materia tanquam ex parte essentiali componitur neque pura potentia est, sed formam etiam in se includit, ut partem substantialem sui. Quemadmodum cum in exemplo supra adducto, aurum uel argentum dicitur materia statuæ aureæ siue argenteæ, quoniam ex ipsa & forma per artem introducta, una componitur res artificialis, quæ statua dicitur. Non est tamen aurum materia prima sed secunda tantum, quonia priorem habet aliam, in quam ut in partem resoluitur, ex qua simul cū forma sua substantiali componitur. Sic item compositum ex materia prima & forma corporeitatis, materia prima non est, sed secunda tantum. Atque hanc quidem materiam secundam, non est difficile ne rudibus quidem intelligere. Ceterum ad intelligendum secundum ueritatem & proprietatem, quid sit prima materia, quæ hic natura esse dicitur, & principium alteram substantiale rerum naturalium, subtiliorem adhiberi oportet mentis contemplationem, & intelligentiæ aciem fixius intendere. Neque satis recte potest

intelligi, nisi per comparationem ad formam, quemadmodum ait Aristoteles materiam per analogiam ad formam esse cognoscibilem, id est, per comparationem & relationem ad formam, sicut & omne relatiuum per collationem cum suo correlatiuo melius atque perfectius intelligitur, neque satis unum absque altero potest agnosci.

CAPVT. VI.

Quid sit materia prima, & quomodo cognosci debeat, quodque non sit propriè ens nominanda.

Est igitur materia prima, primum inuiscensque subiectum, ex quo quippiam eo fit pacto, ut non per accidens insit: & si corrumpitur, ad hoc ultimum sanè proficiscetur.

Quorū uerborū hæc est sententia, materia prima est subiectum primū & ultimum omnis formæ, tam substantialis quam accidentalis, & uelut ultimum subiterniculū, quod in se formam substantialem recipit, formæque subiternitur, cum ea rem naturalem pariter componēs, ita ut si quā rem naturalem per ablationē omnium formarum corrumpere contingeret, ad ipsam materiam nudam deueniendū esset. uerū hoc impossibile, quemadmodum & ipsam materiam omni forma spoliari. Vbi cum dicitur subiectū primum & ultimum, excluditur omnis materia secunda. Ipsa enim tamen alterius formæ subiectum sit, subiectum tamen primum siue ultimum non est, quod ex sua materia & sua forma tanquam ex partibus cōponitur, sed ulterius siue prius subiectum habet, illud formæ habitaculum & subiterniculum, quod in re formam nullam habet tanquā sui partē, sed tñ accidentaliter, uelut hospitem recipit formā substantialem, ut una cum ea non seipsam, sed rem naturalem componat. Materiam ergo primam intelligere uolens, ad illud subiterniculum ultimum debes intellectum conuerrere, in quo non includatur tanquam pars eius ulla omnino forma. Donec enim formam simul intelligis ut partem, materiam primam non concipis.

*Materia
prima ni-
hilo uici-
nissima.*

Materia enim ex sese pura potentia est, & quasi nihil p-
se, hoc est, nullam formam sibi habens intrinsecam, ex qua
componatur, neque ad aliquod particulare esse determinā-
ta, cum formam nullam habeat intrinsecam, cuius est dare
esse determinatum, sed fieri ex ea potest quodlibet, secun-
dum aduenientium formarum uarietatem. Itaq; per se qui-
dem nihil esse uidetur materia, nec simpliciter ens dicen-
da, neque simpliciter res, neque bonum, sed quasi nihil.
Est enim nihilo uicinissima, & inter oīa quę à Deo crea-
ta sunt aut facta, imperfectissima. Quare inter omnia, ab
optimo & summo & uerissimo ente Deo Domino, quā-
longissimè distat, cum ipse sit esse plenissimum & perfe-
ctissimum, actusque purissimus nihil habēs potētīę admix-
tū. Illa uerò est mera potentia, nullam habens essentię sta-
bilitatem, nullumque proprium esse, sed à forma tantum
quodammodo esse mutuatur accidentale, ut quoties de for-
ma in formam transit, toties suum quod habet accidenta-
rium esse, commutet. Quemadmodum accidentium subie-
cta, quoties de accidente in accidens transeunt, prius esse
accidentale, quod secundum formam abeuntem habebāt,
perdunt, & nouum esse accidentale, secundum qualitatem
aduenientem, acquirunt. Veluti cum homo qui albus erat,
fit niger, perdit esse album quod habebat, & acquirit esse
nigrum quod non habebat. Ita cum materia prima de for-
ma aquę sub qua fuit, mutatur ut sit sub forma ignis, de-
linquit esse materia aquę, & fit ignis.

CAPVT.

VII.

Quemadmodum materia non sit actiua, & à Deo longissimè distet.

Illud uerò de materia diligenter considerandum est, &
mera potentia sit, nihil actus in se essentialiter habēs, ac
proinde susceptiua tm̄ est atq; passiua, nulla autē ratione
actiua. Forma enim à qua est esse, ipsa etiam est à qua om-
nis procedit actio atq; motio, & omne quod agit, per for-
mam agit: quemadmodum & omne quod est, per formam
est hoc ipsum quod est. Vnde quanto formę rerum sunt
per-

perfectiores, tantò res ipsæ quarum sunt formæ, nobiliores habent actiones atque dispositiones perfectiores. Quæ admodum anima rationalis (quæ est omnium formarum nobilissima) nobilissimas dat homini præ omnibus creaturis operationes, quemadmodum & cœlestes formæ, suis corporibus dant potentissimas. Vnde & formæ illæ immateriales (cœlestes dico spiritus) quæ sunt formæ per se subsistentes, & actus puri, non potentes cum materia commisceri, potentia atque uirtute longè superant cætera creata omnia, atque adeo rationalem ipsam animâ, quatenus cū materia habet naturale commercium. Et super omnia benedictus Deus qui est forma perfectissima & actus purissimus, sup oēs formas alias creatas, materiales & imateriales, nihil prorsus habens admixtū potētiae, in infinitū potētia, uirtute, sapientia, & oībus perfectionibus supereminet creatis oībus, quantumuis in suo genere præcellentibus. Quæ in re meditatio sese offert non in iucunda, ei qui in materiam uelit tanquam entium infimum, & nouissimum ac nihilo proximum, cum Deo qui est entium primum supremum atque perfectissimum, & à nihilo prorsus elongatissimum, uelut ex opposito comparare atque contra opponere. Queamadmodum enim materia, pura existens potentia, nihil habens in se actus intrinseci, omnium maximè passiva est, & tm passiva, nulla uerò ratione actiua: sic ex aduerso Deus purus actus existens, & forma perfectissima, nihil omnino habens admixtū potentiae, maximè actiuus est super omnia (iuxta Apostoli dictum) in omnibus operans omnia, nulla tamen ratione passiuus, ut à quoquā quidquam possit suscipere. Et quemadmodum materia cū ab omni genere naturali passibilis sit, & ad quælibet suscipienda indifferens, quæcunque à quolibet fuerint prædominante agente impressa, nō potest tamen per se quidquam omnino agere: ita econtrario Deus cum ad quælibet agenda sit indifferens, & omnis actionis principium, omnia agens ac mouens pro suo libito, non potest tamen pati quippiā à quouis agente, imò nec à seipso, quæadmodum nec in seipsam aliquid agere potest materia. Et quæ-

Transsumptio in considerationem diuinae personæ

I. Co. 12

admodum cum multa accipiat in sese materia, nihil tamen ipsa cuiquā donat: ita e contrario, omnipotens Deus cum omnia donet omnibus, omnibusque rebus suum esse instillet, & cœteras perfectiones omnes dispense, nihil tamen ipse à quoquā accipit, neque accipere potens est: Est ergo materia, omnium entium imperfectissima, à Deo quam longissime distans, & nihilo atque non enti uicinissima, neque uicinius quidquam nihilo potest imaginari homo, aut Deus fabricare. Imò non ens simpliciter dicenda, & non ens in actu, sed tantum ens in potentia, tali nimirum diminvente determinatione adiecta.

CAPVT. VIII.

Quomodo Deus materiam creare potuerit, & an dignum fuerit, tan imperfectissimam rem illum creare.

Questio.

Cum autem inter agens & affectum oporteat esse similitudinem, forsitan mirum cuiquam uideri poterit, quemadmodū Deus perfectissimus atq; purissimus actus & forma simplicissima, aut potuerit aut uoluerit hanc impuram potentiam creare. Nam inter infinitam & purā formam, & finitam potentiam nihil actus habentem, nihil apparet similitudinis. Soluitur autem ista dubitatio hoc pacto, quoniam materiam non per se creauit Deus, quasi ens aliquod per se subsistens, aut quasi hoc aliquid: sed concreauit potius cū re naturali, cuius in creatione erat materia, fecitq; eam Deus esse sub forma, quam in se recipit: sub qua quodammodo esse habet, atque ita etiam quodammodo Deo assimilatur, quatenus est sub forma ipsius rei naturalis, cui ipsa subternitur. Neque simpliciter creatura dicenda uidetur, neque simpliciter creata, sed potius concreatura siue concreatum aliquid cum re naturali. Ex quo consequi uidetur satis manifestè, quod ab initio conditionis rerum Deus materiā non fecerit, neq; creauerit absq; formis substantialibus, sed omnē materiā sub aliqua certa forma produxit, cœlestē quidē materiā sub forma cœlorū, elementarem, uerò sub forma elementorū

*Solutio
questio-
nis.*

tametsi

tamenſi formisulterioribus, per ſubſequētes ſex dies diuinae operationis. poſtmodū fuerit cōpleta. Ex hoc ēt patet, materiam non poſſe ſine forma ſecundum naturam exiſtere, neque eſſe poſſibile, ut materia omni prout ſua forma ſit nuda atq; ſpoliata, neque una unquam poſſe ſpoliari, niſi adueniente altera. Imō neque Deum hoc poſſe (ut materiam nidelicet ſine forma creet, aut concreatam per ſe ſeruet abſque omni forma) probabilis quorundam ſententia eſt. Ait. n. à quo oīs forma aufertur, ab eodē ſimiliter omne eſſe auferri, cum forma ſit, quæ dat eſſe rebus. Aliis cōtra ſentientibus, Deo nō eſſe impoſſibile, q̃ naturę poſſibile nō eſt, ſed potuiſſe Deū & ab initio ſine forma eſſe materiam, & etiam nunc eam ſine omni forma ſeruare, licet ſub forma creatam. Vtra uerō ſententia ſanior debeat haberi, noſtro non ſtat in iudicio: quapropter utranq; in ſua probabilitate relinquimus. Nemo uerō exiſtimet Deo perfectiſſimo indignum, quòd tam uilem rem creare uoluerit, quæ ſit nihilo uiciniſſima. Imō uerō hac re admodum magnificauit potentiam ſuam qui eſt omnipotens, dum eā ſic demonſtrat ualidam, ut poſſit etiam in ultimum illud & imperfectiſſimum, quod à ſua eſſentia, quam longiſſimè diſtat, attingens à ſine uſque ad finem fortiter, id eſt, à perfectione naturæ angelicæ, uſque ad imperfectionem huius prope nihili.

*Diuersa
opinio.*

CAPVT IX.

*Nulla creata uirtute fieri poſſe materiam, ſed in omni
actione naturali eam præſupponi.*

NVlla uerō eſt tam potens creatura, quæ poſſit creare uel minimam quantitatem materiæ. Inſinitæ enim hoc eſt uirtutis tm̃, nempe diuinæ, facere aliquid ex nihilo, quemadmodum inuit Ariſtoteles, cum ait, ex nihilo nihil poſſe fieri. Nam ſi creatura aliqua materiam primā faceret, neceſſe eſſet illam ex nihilo fieri, ſicq; creari. Non poteſt autem creatura creare, neque ex nihilo quippiam efficere. Poteſt enim creatura cum influxu Dei cooperari

*Diſtinctum
Ariſtoteles
notandum.*

admodum cum multa accipiat in sese materia, nihil tamen ipsa cuiquā donat: ita e contrario, omnipotens Deus cum omnia donet omnibus, omnibusque rebus suum esse instillet, & cæteras perfectiones omnes dispense, nihil tamen ipse à quoquā accipit, neque accipere potens est: Est ergo materia, omnium entium imperfectissima, à Deo quam longissimè distans, & nihilo atque non enti uicinissima, neque uicinius quidquam nihilo potest imaginari homo, aut Deus fabricare. Imò non ens simpliciter dicenda, & non ens in actu, sed tantum ens in potentia, tali nimirum diminuente determinatione adiecta.

CAPVT. VIII.

Quomodo Deus materiam creare potuerit, & an dignum fuerit, tam imperfectissimam rem illum creare.

Questio.

CUm autem inter agens & affectum oporteat esse similitudinem, forsitan mirum cuiquam uideri poterit, quemadmodum Deus perfectissimus atque purissimus actus & forma simplicissima, aut potuerit aut uoluerit hanc impuram potentiam creare. Nam inter infinitam & puram formam, & finitam potentiam nihil actus habentem, nihil apparet similitudinis. Soluitur autem ista dubitatio hoc pacto, quoniam materiam non per se creauit Deus, quasi ens aliquod per se subsistens, aut quasi hoc aliquid: sed concreauit potius cum re naturali, cuius in creatione erat materia, fecitque eam Deus esse sub forma, quam in se recipit: sub qua quodammodo esse habet, atque ita etiam quodammodo Deo assimilatur, quatenus est sub forma ipsius rei naturalis, cui ipsa subternitur. Neque simpliciter creatura dicenda uidetur, neque simpliciter creata, sed potius concreatura siue concreatum aliquid cum re naturali. Ex quo consequi uidetur satis manifestè, quod ab initio conditionis rerum Deus materiam non fecerit, neque creauerit absque formis substantialibus, sed omnem materiam sub aliqua certa forma produxit, cœlestem quidem materiam sub forma cœlorum, elementarem, uerò sub forma elementorum tametsi

*Solutio
questio-
nis.*

tamen si formis ulterioribus, per subsequētes sex dies diuinae operationis. postmodū fuerit cōpleta. Ex hoc et patet, materiam non posse sine forma secundum naturam existerē, neque esse possibile, ut materia omni prorsus forma sit nuda atq; spoliata, neque una unquam posse spoliari, nisi adueniente altera. Imò neque Deum hoc posse (ut materiam nidelicet sine forma creet, aut concreatam per se seruet absque omni forma) probabilis quorundam sententia est. Aiūt. n. à quo oīs forma aufertur, ab eodē similiter omne esse auferri, cum forma sit, quæ dat esse rebus. Aliis cōtra sentientibus, Deo nō esse impossibile, q̃ naturę possibile nō est, sed potuisse Deū & ab initio sine forma esse materiam, & etiam nunc eam sine omni forma seruare, licet sub forma creatam. Vtra uerò sententia sanior debeat haberi, nostro non stat in iudicio: quapropter utranq; in sua probabilitate relinquimus. Nemo uerò existimet Deo perfectissimo indignum, quòd tam uilem rem creare uoluerit, quæ sit nihilo uicinisima. Imò uerò hac re admodum magnificauit potentiam suam qui est omnipotens, dum eā sic demonstrat ualidam, ut possit etiam in ultimum illud & imperfectissimum, quod à sua essentia, quam longissime distat, attingens à fine usque ad finem fortiter, id est, à perfectione naturæ angelicæ, usque ad imperfectionem huius prope nihili.

Diversa opinio.

CAPVT IX.

Nulla creata uirtute fieri posse materiam, sed in omni actione naturali eam præsupponi.

NVlla uerò est rem potens creatura, quæ possit creare uel minimam quantitatem materiæ. Infinitæ enim hoc est uirtutis trīn, nempe diuinæ, facere aliquid ex nihilo, quemadmodum inuit Aristoteles, cum ait, ex nihilo nihil posse fieri. Nam si creatura aliqua materiam primā faceret, necesse esset illam ex nihilo fieri, sicq; creari. Non potest autem creatura creare, neque ex nihilo quippiam efficere. Potest enim creatura cum influxu Dei cooperari

Dictum Aristotelis notandum.

te, ré quæ aliqualis est in potentia, efficitur ut talis sit actu: quemadmodum ignis ex ligni materia, quæ est in potentia ad formam ignis, potest facere ignem actu, introducendo in eam, formam suæ formæ similem. Cæterum quod in potentia non est, creatura facere non potest, ut potentia sit. Hæc ergo causa est, quare cum agens naturale aliâ ré naturalem possit efficere, quemadmodum de igne alium ignem producente iam monstrauiamus: materiam tñ producere non potest, quoniam maioris potentia est hoc, q̃ illud. In omni itaque actione quæ fit à re naturali, præsupponitur materia, in qua forma suscipiatur: quemadmodum & omnis artifex, non nisi ex materia quidquam efficit, neque item agēs naturale quodcunque. Quemadmodum ignis nunquam nisi ex præiacenti materia ignem facit. Sicut autem diximus de creatione, ita & de annihilatione dicendum est. Rem enim quæ actu est aliquid, potest agens naturale efficere, ut talis actu non sit: hoc est potest formas rerum destruere atque expellere, non potest autem efficere, ut res potentia talis non sit. Illud (nempe formam expellere ex materia) finitæ uirtutis est. Hoc uerò (scilicet materiam in nihilum redigere) infinitæ, quæ nulli competit creaturæ. Quin & illud probabilior tenet sententia non posse talem aliquam creaturam à Deo licet potentissimo, creari, cui uirtus illa competat creandi siue annihilandi: neque uirtutem hanc ulli creaturæ quantumuis nobilissimæ siue creatæ siue creandæ, communicari posse, sed eius solius omnipotentia conuenire. Solus est Deus in cœlestibus sursum habitans, qui potuit uniuersam hanc mundi machinam & molem per maximam, ex nihilo & materia nusquam præinuenta creare, & eandem potest, cum uoluerit, etiam nunc usque in nihilum redigere. Subest enim illi cum uoluerit, posse.

Sap. 12

CAPVT. X.

Ex materia in generabili & incorruptibili secundum sese, transitur ad diuinitatis considerationem.

MEditari hoc in loco possumus, quàm sit stabilissimus in sua essentia Deus, actus purissimus & perfectissimus,

mus, ipsumque suum esse infinitum existens, si sic permanet stabilis, quātum ad se attinet, imperfectissima ista materia, quæ à Deo est longissima, & nihilo uicinissima, sola sic eam conseruante diuina uoluntate. Tamen enim & formas tam substantiales quàm accidentarias plurimum ipsa uarietur accidentaliter, in se tamen essentiali mutatione & intrinseca manet prorsus inuariata, neque corruptio ni est aut generationi, ut cætera corpora naturalia inferiora, subiecta, adeò ut ab initio creationis rerum, de immensa illa mole materiæ, sub qua creata fuerunt cælum & terra & quæ in eis sunt omnia, nulla materia illius particula ne minima quidem deperierit, actione naturalis agentis, quēadmodū neq; minima particula adiecta est, eadē uirtute. Idq; non ob aliud, nisi q; & in suam existentiam uel nō existentiam, soli subdit diuinæ uoluntati: agentibus uerò naturalibus, non nisi & in formarum & accidentium transmutationes, est subiecta. Quantumuis enim humana potentia sæuiat, quantumuis ad perditionem omnimodā conetur, nunquam usque ad annihilationem pertinet. Poterit quidem efficere ut moriatur homo; & quæ materia erat hominis, iam esse incipiat materia cadaueris, deinde & hoc poterit, igne adhibito cadauer ipsum in cinerem atq; puluerem redigere. Verum, etiā si mille syluas in unius consumptione cadaueris adhibeat, ad hoc nequaquam pertinere ualebit, ut puluerem annihilaret. Dispergere quidem poterit in aerem, aut in aquam, aut in terrā abdere: facere autem ut aliquid materiæ perdatur, in omni uirtute sua & consilio non poterit. Atque hinc rursus ratio humana consideret, si omnis creata uirtus aduersus ipsum qd est omnium uilissimum non possit præualere, quodq; est nihilo proximum, ad nihilum nō potest reducere is qui est actus purissimus, forma perfectissima, esse infinitum atque plenissimum, quiq; est nihilo in infinitum elongatus Deus omnipotens, quam sit prorsus creatæ omni uirtuti subiectus, & quam aduersus illum omnis creata uirtus, etiam si millecuplo augmentetur, omnino nihil præualere possit.

*Alia con-
emplatio*

DE PRINCIPIIS RERVM

CAPVT. XI.

*Conurrectio in uinificum Dei affectum, ex præcedentium
contemplatione mirabilior.*

Tibi ergo soli domine Deus, debetur creationis honor & gloria. Tu solus non egres quopiam, ut tibi præpararet in tuo opere materiam. Nihil erat mundus, & solo eum uerbo suscitasti, prodijtque de nihilo hæc amplissima creatura. Sed nec quisquam est, qui nobis possit auferre uel pilum de capite, ut in nihilum pereat, præter te qui solus es potestatem habens creandi & annihilandi. Quare ergo piissime Domine, timebimus ullam huius mundi potestatem? cum nec animam interimere, nec corpus annihilare ualeant. Vnum hoc tu Domine reliquisti impiis persecutoribus, ut possint animam te sitientem ab inimica foedisimâque carnis huius molestia separare. Quo quid possit homini te uerè agnoscenti gratius euenire? Cæterum, neque corpus neque animam creata ulla potestas annihilare potest. Igitur in te Domine sperantes, tuoq; ualidissimo fulti auxilio, nullam omnino mundi huius pertimescimus quantumuis præcellentem potestatem, illud firmissime scientes, quoniam tua uirtus superuincit in immensum sed confidenter in doctrina benedicti filii tui peritamus, expectantes beatam spem, & aduentum tuum gloriosum, ò maxime deorum Deus, quem ipse repromisit nobis.

CAPVT. XII.

De forma ut est alterum principium rerum naturalium, & obiter de materia cælestium atque inferiorum, an eiusdem sint speciei.

Quod ad materiam pertinet, res omnes cognatæ sunt, & sibi speciem aut genus penitus indistinctæ. Siquidem in oïbus naturalibus, præcipue inferioribus istis una est eademque materia. Nam de materia cælestium corporum, propter ipsorum incorruptibilitatem dubitari solet, ob hoc potissimum, quod non uideatur cælestium corporum materia esse alienarum impressionum susceptiua, neq;

neque videtur transire de forma in formam, sed perpetuò sub eadem forma, eisdem dispositionibus permanere: quòd longe est à materia corporum horum inferiorum, elementarium atque mixtorum. Qua ratione permoti opinantur quidam, distinctionem esse ponendam, specificam uel genericam, inter materiam cœlestium ingenerabilium & in corruptibilium, & inter materiam elementorum atq; cæterorum mixtorum generabilium & corruptibilium. Alius e contrario dicentibus, non esse ponendam distinctionem ullam talem, siue genericam, siue specificam: sed omnem materiam eiusdem esse rationis: aliis dicentibus, illam cœlestis materiæ intransmutabilitatē nō ex ipsa sua natura provenire, sed ex conditione & uirtute formarum in ipsis inhabitantium, quibus tantum Deus naturæ uirtutem contulit, ut nullam extraneam impressionem patiantur materiā in qua creatæ sunt, suscipere, neque de forma in formam transire, quæadmodum in rebus quòque naturalibus uideamus, quasdam ex sua natura ad annorum centenarios perdurare secundum formam inuariatas, dum alię breuissimo intereant spatio, quod non dubium est ex formarum provenire uarietate. Quanquam autem his modis de materia cœlestium & inferiorum diuersa sententia est, illud tamē uno ore astruunt omnes, rerum inferiorum omnium unā eandemque esse materiam, atque ita quantum ad hanc esse secundum speciem indistinctas. Cæterum, ipsa rerū ab inuicem distinctio substantialis atq; specifica, à formis est substantialibus. Siquidē forma est, per quam res actu est, & in certam aliquam speciē redigitur, quæ ex materia prorsus indeterminata est, & in potentia ad quodlibet. Forma itaque in materia suscepta & producta, cum ea paritèr re unam substantialiter componit, & materiæ quodammodo esse communicans accidentaliter, & cōposita dans esse substantialiter & essentialiter. Ab anima enim rationali hêt homo, ut homo sit materia uerò prima, tantum hoc, ut materia humana sit.

*Contraria
opinionēs
de matē
ria cœli.*

*Quid for
ma.*

CAPVT. XIII.

*Ex massa cere & impressione sigilli per analogiam
declatur formæ officium.*

*Analo-
gia.*

VT autem clarior fiat formæ cognitio, analogiã quãdam & cõparationẽ assumimus cere & formæ sigilli, per quã utcunq̃ comprehendi poterit formæ officiũ atque naturæ. Sicut enim massa cere ex se nullam habet imaginem aut formam, sed iuxta sigilli uariam sculpturã nata est suscipere diuersas formas, siue hominis siue leonis imaginem, siue alterius cuiuslibet animalis, dum tamen sub una qualibet est, pariter nequit esse sub alia nisi prior abiciatur, ut cum in cera impressa est leonis imago, nõ potest in eam introduci hominis imago, donec abiciatur prior leonis, successiue tamen indifferenter quamlibet suscipere potest impressionem. Ita sane materia, ex sese ad omnem prorsus formam indifferens est & indeterminata: iuxta aut agentis supra ipsam dominium obtinentis naturã, impressionem recipit formæ, iuxta autem formæ uarietatem esse uarium suscipit. Forma uerò esse accidentarium dat materiæ, & eius indifferenciam suo aduentu sic stringit, ut pariter secum aliam suscipere nequeat. Quod quidem de formis ultimis debet intelligi. Nam inconueniens nõ est plures formas substantiales simul iidem inesse composito; cũ ambæ non ultimæ fuerint, aut etiam cũ altera tuerit nõ ultima. Quemadmodum forma corporeitatis, secundum eos qui eam distinctam ab ultima forma in omnibus corporibus ponunt, simul est cũ aia rationali, & secundũ corũ sententiam qui tres animas distinctas reponunt in hoie, simul sunt anima uegetatiua, sensitiua, & rationalis. Formas autem ultimas, impossibile est eidem simul inesse, cuiusmodi sunt forma hominis, equi & asini, forma ignis & aquæ. Successiue tamen potest quasilibet formas quãtũuis contrarias æquẽ recipere, modo adsit agens quod formam introducat, alia quæ prius inerat expulsa.

Quomodo forma esse aut non esse dicenda sit.

Rursum & illud in proposita analogia aduertendū est, q̄ sicuti figura illa aut forma quæ in ceræ massa per sigilli impressionem relinquitur, non apparet esse in sigilli imprimentis sculptura: ita forma cum det esse rei naturali, ipsa tamen non hoc esse dicitur, quod composito donat ut sit, quemadmodum (exempli gratia) donat homini anima rationalis, ut homo sit ipsa tamen homo non dicitur, neq; est. Imò forma cum det esse rebus, ipsa tamen non tam esse per se, q̄ coexistere uel inesse dicenda uidetur. Non enim est forma, eo modo, quo hoc aliquid siue compositum naturale est, aut quasi per se subsistēs, sed tanquā inexistens, quemadmodum de accidente dici solet, q̄ eius esse sit in inesse. Accidens enim quodlibet esse dicitur, non quia ipsum per aliquid est, quomodo res naturalis, per formā est: sed magis quia per ipsum subiectum cui inest, aliquale est. Sic etiam substantialis forma, eatenus est, quatenus per ipsam res naturalis est, non quatenus ipsa per aliquid est, ut magis propriè dici debere uideatur ipsa in esse rei, aut rem informare, quā simpliciter esse. Loquimur de formis purè naturalibus, & quæ nullam habent per se subsistentiam. Rationalis etenim anima, quatenus per se subsistentes à corpore separatim potest permanere, eatenus per se ens non solum inexistens rectè nominari potest. Et formæ illæ immateriales angelicæ, per se entia, & quidem nobilissima entia sunt. Super omnia uero forma illa purissima, & actus perfectissimus atq; inæstimabilis ens primum est atq; supremum, immo totius essentia plenitudo, non per se tantum felicissimè subsistens, sed omnium insuper rerum essentias, in suo esse plenissimo, benignissimè continens atque concludens.

Comparatur forma aliquatenus cum Deo secundum similitudinem & uiciniam.

Quemadmodum uero supra diximus de materia, q̄ à Deo q̄ longissime distet, & pene nihil habeat, cum illo

illo similitudinis, ita e contrario de forma uidetur eam
nimirum esse Deo adsimilem, Deoq; uicinam, cum sit
etiā ipse forma quædā perfectissima, & actus purissimus.
Neque difficile fuerit ei qui recte intellexerit supra posi-
tam materiæ ad Deum comparationē, quæ secundum dissi-
militudinem fiebat, formæ quoq; ad Deum per similitudi-
nem applicare. In omnibus enim iis comparari forma & in
similitudinē cum Deo poterit, in quibus materia dissimi-
lis fuit declarata, tametsi in immensum semper excellat di-
uina perfectio, & in infinitum ab ea deficiat formæ simili-
tudo. Non fuerit autem inutile ad formæ clariorem haben-
dam notitiam, & potissimum ad Dei perfectiorem aliquan-
to habendam cognitionem, adinuicem ista comparare, &
in quibus similitudo sit atque etiam dissimilitudo ostende-
re. Deus itaq; sicuti actus purus est & simplissimus, ex ma-
teria non compositus: ita & forma rei naturalis actus purus
est & simplex, ex materia non compositus. In hoc tamen à
Dei perfectione deficit, quoniam cum materia quæ est pō-
tentia pura, communicat atque societatem habet in ea in-
habitans, & cū ea pariter rem naturalem componens, cum
Deus nullam omnino potentiam secum admittat, neq; cō-
positionem sciat, Rursum quemadmodū Deus summe acti-
uus est, omnia operans in omnibus, quatenus actus purissi-
mus & perfectissimus atque infinitus, ita forma omnis sub-
stantialis, uirtutē habet agendi, operaturq; in corpore om-
nia quæ sunt rei quam constituit, conuenientia. Verum in
hoc deficit, q̃ limitata sit eius actiuitas, ut non quemlibet
possit effectum indifferenter operari, sed tantum quæ rei
conueniunt, quam componit, cum Deus infinita & illimi-
tata sua uirtute operetur omnia in omnibus, & nulla omni-
no sit actio, quæ ab eius non emanat immensa uirtute. Itē
rum in hoc cum Deo conuenit, quoniā principium actiuū
existens, pati non potest, neque aliunde quidquam suscipe-
re. Sic enim forma principium tantum actiuum est, nō au-
tem passiuum, quomodo materia tantum passiuæ est non au-
tem actiuæ. Neq; ipsa alias nouit in se formas, potissimum
corporeas suscipere, neque secundum eam res naturales pa-
titur.

titur. A diuina tamen perfectione adeò deficit, ut etiam ad corruptionem, contrariante uirtute perueniat, cum eā præ dominari contigerit. Amplius, quemadmodum Deus esse donans rebus, & omnia omnibus elargiens, nihil ipse recipit, neque recipere potens est: ita forma substantialis cum esse donet rebus atq; ipsi et materiæ, & oīa in eis quæ conueniunt operetur, atq; elargiatur, ipsa tamen à materia utilissimè nil recipit. In hoc tamē deficit, quoniam ille omnia largitur omnibus, hæc autem suò tantum composito atque etiam perculiaritur, quantum ad materiam, nullum illi donat esse intrinsicè, cum Deus rebus omnibus hoc ipsum donet, quod substantialiter sunt. Et Deus quidem nec recipit aliquid ab iis quibus benefacit, neque commodum ullum accipit. Forma uerò in materia, ut in domo necessaria inhabitat, & ea utitur ut officina extra quam prorsus nec existere possit; neque quidquam operari nihilo certè amplius quàm materia ipsa sine forma. Patet ergo, quemadmodum forma Deo sit adsimilis, eiq; in qualemcumq; similitudinem, tametsi deficientem, uicina possit demonstrari.

CAPVT.

XVI.

Quemadmodum materia dicatur appetere formam, tam absentem quam præsentem.

SVper est nunc, de mutuo amore atq; appetitu materiæ ad formam, & formæ uicissim ad materiam, ut aliquid dicamus. Neq; enim nihil huius rei cognitio, Dei gloriā magnificabit. Aduertendum ergo est, quod sicut rationalibus creaturis Deus appetitum dedit rationalem, quæ uoluntas nominatur, per quam ea quæ secundum rationem sibi cognoscunt utilia appetunt, absentia desiderando, præsentia amando; ea uerò quæ inconuenientia fugiunt, absentia detestando, & de præsentibus tristando: brutis uerò animantibus appetitum sensitium, quo ea quæ per sensum ut comoda apprehendunt, prosequerentur, itidem & incommoda fugerent: sic rebus naturalibus sensu atq; ratione carentibus, naturæ auctor Deus naturalem quendam instillauit indiditq; affectum siue appetitum, atq; desiderium, quo

Appetitus naturalis.

DE PRINCIPIIS RERVM.

res quælibet naturaliter suam perfectionem appetit, atque id quod sibi secundum naturam conueniens est, diligit, ita ut si adsit, in eo complaceat, & uelut oblectetur: si uerò absit, desideret, atque ad ipsum acquirendum quantum ex se est tendat atque conetur. Quemadmodum aqua, naturaliter frigus desiderat, & locum deorsum. Et quidem ubi præsens adest frigiditas, oblectatur & gaudet in ea, eâq; quoad ualet seruare conatur: Si forsitan abfuerit, ab extrinseco nimirum agête expulsa, non quiescit donec illâ rursum in sese recuperet. Sic lapis si in naturali est loco, quiescit & oblectatur in eo sine uiolentia. Si uero extra illû alibi detineatur, desiderabit nihilominus eundem, & ad eû quantum ex se est conabitur ut tendat atque perueniat: moxq; ubi fortè impedimentum ipsum detinens fuerit subtractum, illuc motu festinabit, quo prius tendebat desiderio. Hoc modo imperfectum omne (ut diximus) suam amat perfectionem, & illud appetit, atque desiderat, à quo habet perfici. Quapropter, cum ex supradictis euadat manifestum, materiam accipere suam quandam perfectionem à forma, per quam nimirum eius infinitas finitur, & indifferentia stringitur atque limitatur, & à qua esse accipit accidentarium & accidentarias alias dispositiones, quibus suo quodam modo perficitur, non est difficile intelligere, quo modo materia formam appetat ac diligat, ita ut absentem desideret atque ad eam tendat: præsentem uero amet, inq; ea complaceat nempe ut id, quod imperfectum est, suam appetit perfectionem.

CAPUT XVII.

Quemadmodum forma appetat materiam.

CAeterum, quomodo forma perfectior, materiam re imperfectissimam ac nihilo uicinissimam appetat, mirum forsitan cuiquam id uideatur. Oritur autem hæc admiratio ex humani cordis peruersitate. Sic enim uani sunt filii hominum, ut non ament neque desiderent, nisi eos à quibus emolumentum aliquid sperent. Neque nisi uile hunc nouerunt & mercenarium amorem, quo materia formam
& in-

& inuicem se filii huius seculi amant. Nimirum uilissimis rebus & infimis (materiæ, & crassis carnalibus) uilis eiusmodi & infimus competit amor. Cæterum, est præter illum alius amor longe nobilior, quo perfectum omne imperfectum amat atq; desiderat, non ut ab ipso accipiat aliquid, sed in hoc magis, ut ipsum perficiat. Et sic sane forma gaudet egenti atque nudæ materiæ, quod ab optimo creatore accipit gratis, libenter elargiri, quasi intelligat bonum quo communius, eo melius ac perfectius esse. In hoc enim diuinæ largitati multum assimilatur, quæ nos non ob nostra diligit (si quidem bonorum nostrorum ipsa non indiget) sed ob seipsam potius diffundendam, suamq; immensam bonitatem in nobis communicandam. Quanquam ex supradictis constet, materiam etiam formæ esse necessariā, & maximo omnino usui, ut in ea habitet, & quasi in officina omnem suam operationem operetur atque seruet, ut hac quoque ratione ipsam merito debeat expetere, quemadmodum non solum foemina appetit uirum, sed e conuerso uir etiam licet perfectior, foeminam.

Psal. 15

CAPVT XVIII.

Proponitur questio de rationali anima an etiā ipsa materiā appetat.

VErūm, quantū ad hanc rē attinet, peculiaris quædam *Quest. de anima rationali in materia.* dubitatio de rationali aia (quæ forma substantialis est hominis) moueri irrationabiliter potest numēt ipsa, ut cæteræ substantiales formæ, à materia inseparabiles, materiā appetat naturaliter. Videtur .n. & ratione auctoritate monstrari, quod ipsa magis odio debeat erga corpus affici, in quo habitat. Ratione quidē sic. Omnis enim res, naturaliter in eo magis statu esse desiderat, in quo sibi melius esse sentit, & in quo operationes sibi conueniēter magis debite, magisq; rite possit exercere. Rationalis aut anima per corporis huius crassitiē ita obuoluitur, ut operationes suas nobilissimas quas habet, nempe intelligere & uelle, minus recte possit exercere, quàm si ipsa à corpore foret separata. Sic enim anima rationalis corporis crassitiē impeditur.

peditur, quò oculus alioqui rectè dispositus, pellicula obu-
 latus clarè rem ipsam cernere nequit. Iuxta illud sapiētis,
 Caro quæ corrumpitur, aggrauat animam, & deprimit ter-
 rena inhabitatio sensum multa cogitantem. Videtur ergo
 anima naturaliter desiderare magis, ut à nube carnis hu-
 ius separetur, quam ut ei coniungatur. Neque præsens cor-
 pori uidetur in eo posse oblectari, neque absens ipsam de-
 siderare, quod in præstantissimarum suarum operationem exer-
 citio sibi nouit præbere impedimentum. Rursum, uidemus
 formas illas immateriales spiritus cœlestes materiam non
 appetere. Videbitur ergo & anima rationalis, tametsi for-
 sitan in materia oblectetur, donec in ea inest, cum tamen
 fuerit separata, iam illis modo quodam per se subsistendi
 assimilata, non ultra ad materiam trahi desiderio. Accedit
 his, sanctarum scripturarum auctoritas, sanctorumque pa-
 trum testimonia. Beatus n. Paulus dissolui cupit, & corpo-
 re magis exui, ut Christo domino possit coniungi. Et idē
 ipse de corpore mortis huius alio loco querit liberatorem :
 atq; alio rursus, in hoc corpore grauatus ingemiscit, sciens
 quoniam si terrestris ista domus corporalis huius habitationis
 per mortem dissoluatur, domum habiturus sit à Deo non ma-
 nus factam, id est, gloriæ eternæ accepturus mansionem.
 Sancti quoque patres, corpus istud quod circumferimus,
 carcerem siue ergastulum & exilij locum, atque alijs huius
 modi uariis nominibus nominandum putauerunt. Nemo
 uerò est, qui non de ergastulo & loco carceris libenter ue-
 lit liberari, neque liberatus, quisquam ad locum eiusmodi qui
 rit redire. Videtur ergo anima, quæ in corpore est ut in
 carcere nec in eo debere oblectari, neque ipsum absens
 desiderare.

Philip. 1

Ref. 7.

2. Co. 5.

CAPVT XIX.

*Ponitur differentia inter formas materiales & immateriales, quan-
 tum ad appetitionem materia.*

Pro solutione autem huius dubitationis sciendum est,
 diuersitatem esse (quantum ad hanc rem) inter formas
 prorsus immateriales, & quæ prorsus cum materia compo-
 ni

ni non possunt, cuiusmodi sunt spiritus angelici, & inter animam rationalem, quæ tametsi non ita sit materialis ut ceteræ corporeæ, quæ extra materiam nõ possunt subsistere, est tñ eatenus materialis, quatenus ex sua natura habet ut cū materia quid unum (nempe rem naturalem) possit cōstituire. Quæ, n. prorsus immateriales sunt, & cum materia componi non possunt, his proculdubio nullus inest ad materiam appetitus. Quorsum enim appetitus esset rebus a natura datus, qui nunquam posset impleri? Anima tamē rationalis, quoniam ex sua natura hoc habet, ut cum materia simul rem possit componere, & quidem rem inter res omnes naturales, nobilissimam, nempe hominem, idcirco dubitandum non est, quin ad materiam habeat naturalem appetitum, ita ut & absenti desideret, & præsentem amet. Tamet si enim uideatur anima rationalis separata aliquatenus cœlestibus spiritibus similior, dum per se subsistat extra corpus, eo quod tunc sine materia sit, atque ita forsitan perfectior in eo statu uideri possit, separata existens, quia tamen ab optimo conditore non separatim ipsa, neque per se, neque propter se creata est, sed in corpore propter hominem ipsum totum, ut ipsa uidelicet cum corpore hominem componeret (partes enim propter totum sunt, & non propter partes totum) idcirco suæ cōditionis memor, semper corpus desiderat & amat. Longè uerò diuersum est de formis illis cœlestibus, quæ neque in materia creatæ sunt, neque ad simulcum alio rem aliquam componendam, sed ut per se subsisterent, conditæ sunt ab initio.

CAPVT XX.

Soluitur proposita superius obiectio, & quomodo carnis corruptionem odio habeat anima, non corpus ipsum, declaratur.

AD ea uerò quæ in contrariis obiecta uidentur, respon-
deri debet, ea procedere contra corruptæ carnis miseria-
m quæ nõ ex ipsa cōditione primæ materiæ, neque ex corporis natura, sed per accidens exprimi parentis inobedi-
entia, in ipsum corpus intrauit, & per propagationem in-

omnium posterorum corpora deriuatur. Vnde quoties cōtra carnē uel corpus, in scripturis aut in patrum scriptis fit exclamatio, non contra ipsam corporis naturam; neque aduersus corpus ipsum p se, sed aduersus corruptionē & peruerfitatem & multimodam miseriam in carne humana post peccatum inhabitātē, intelligi debet indignatio. Vnde nō simpliciter corpus, sed corpus q corrūpitur, Sapiēs dicit, aggrauare animā. Neq; Paulus à corpore simpliciter uult liberari, ut ipsum nunquam recipiat: sed à corpore mortis huius, id est, à corpore, ut nunc est, hoc est, ab ista miseria multimoda, quæ in corpore adhuc inhabitet. Neque Paulus dissolui cupit à corpore, ut corpus nunquā uelit recipere: neque sic ingemiscit in hoc corpore, ut prorsus uelit expoliari, & corpore omnino priuari: sed ad hoc uult corpore exui mortali & misero, eoq; ad tēpus permanere priuatus, ut absorbeat mortalityas à uita, & recipiat aliquando ex Dei munere gloriosum, quod fœtidum atq; sordidum olim deposuerat. Sic etiam corpus istud, in eo statu miseriæ quo nunc est, obscurū, crassum, corruptibile, & tardum, rectē carcer nuncupatur, insuper & ergastulum, & locus laboris atque exilij. Quia donec in eo fm statum in quo nunc est anima inhabitat, magni laboris opus habet in prauis ipsius cupiditatibus refrenādis, atque expugnandis, propter corruptionem quæ ex prima inobedientia in ipso inhabitat. Verum hæc omnia nihil aliud probant, quā animam meritō carnis istam corruptionem, & omnem quæ ex corruptione est miseriam, detestari. Non autem consequitur, quod per se corpus ipsum odio habere, aut detestari debeat, Similiter & quod de impedimento dicebatur à corpore in animam ueniente, ad corporis miseriam & crassitiem referri debet. Cum enim resurrexerit olim uirtute diuina corpus hoc nostrū in incorruptione, in uirtute, in subtilitate, in agilitate, cæterisque perfectionibus, omni crassitie atque imperfectione ex Dei dono deposita, nullum erit animæ rationali ab ipso impedimentū, quo in corpore posita eiq; reunita glorificato possit beatifica uisione Deū ē facie ad faciē contemplari,

Sapient. 9

Roma. 7

Philip. 1

1. Cor. 5.

1. Co. 11

1. Co. 13

contemplari, & amore inæstimabili eo dulcissimè perfrui. Et erit tunc quidè animæ plenum gaudiū, cum ipsa carnè, qua dum uiueret homo, uelut ministra usā fuerat, ad hanc gloriā apud Deum bonis actionibus promerendā, sibi uiderit in præmij quoq; iucunditate consociatā, & gaudebit indubiè uidere in consolatione sociam, q̄ in labore uitę habuerat ministrā atq; adiutricē. Ex his ergo manifestum relinquitur, quēadmodum rationalis aīa æquè atque cæteræ substantiales formæ, materiam appetat atque desideret.

CAPVT XXI.

De priuatione, ut est principium quoddam transmutationis rerum naturalium.

QUoniam autē (sicuti iā diximus) forma perficit materiam, & ad omnem formam est materia indifferens, penitus ex se indeterminata, ad eò ut quælibet materia omnes omnium rerum formas suscipere per successionē nata sit, quanquā simul eas continere nequeat: hinc fit, ut materia indeterminate quælibet formā desideret & amet. Vnde & præsentē formam atq; hospitatam materia amat & seruare eam absq; fastidio cupit: & tamen quoniā indeterminata est, eas quas non habet similiter desiderat; atq; conatur habere, & genuino quodā natiuoq; conatu ad eas tendit, cupitq; de forma transire in formā, quasi hac ratione suæ quærens imperfectioni mederi. Atque ita fit, ut collaboret ad eius formę quam habet destructionem, dum aliam quærit, quæ hanc est expulsura quam habet. Et licet non hoc per se intendat, consequens tamen est, ut adueniente forma alia prior licet perfectior emigret, atq; abscedat: atq; ita per accidēs, dum eā desiderata acquirere formā quam non habet, seipsam priuat ea quā habebat. Sane materia omnes pariter formas, si id fieri posset, libens sustineret, optaretq; (si fieri id posset) impleri simul omnibus sed formæ plures se pariter compatiuntur (de ultimis rerum formis loquimur) sicut nec pluriū sigillorū impressiones, pariter in eadem massa coexistere valent. Atque ita

*Diffum
Aristote
lis notan-
dum.*

aduéniente una, necessario pellitur altera. Atq; ex his pater, quemadmodum priuatio formarum absentium in materia, earum uidelicet quas ipsa nata sit habere, & actu non habet, causa quædam sit quare res transmutentur, & materia rerum naturalium de forma transeat in formam. Quam ob causam dixit Philosophus, priuationem conari ad maleficium rei. Atque hinc est, quod uulgò priuationem tertium principium ponunt transmutationis rerum naturalium. Quia enim materia formis aliis substantialibus caret, quas non habet, & nata est habere, hinc est quod ad eas tendit desiderio, quas non habet, sicq; per se ad nouæ formæ acquisitionem, ac proinde ad nouæ rei generationem tendit, per accidens uerò ad prioris formæ amissionem, atq; ex consequenti prioris rei maleficium & corruptionem. Non debet tamen priuatio ista principium dici rerum naturalium, sed tantum principium transmutationis rerum naturalium. Non enim rem ipsam substantialiter componit, neq; in re manet, postquam generata est: sed quoties res aliqua generatur, priuatio illa abijcitur, quæ ad prioris maleficium machinata fuit. Quemadmodum cum in subiectum quodlibet habitus introduci- tur, priuatio eiicitur, cum nequeant opposita simul inesse eidem. Vnde cum principia rerum naturalium (ut supra patuit) res ipsas naturales debeant constituere atq; substantia- liter componere, manifestum est, priuationem non esse di- cendam principium rerum naturalium. Transmutationis tamen earum principium ratione supraposita poterit ad- mitti.

CAPVT.

XXII.

*Quomodo intelligendum, priuationem esse transmutationis princi-
pium, & ad rei maleficium conari.*

Cum uerò in præcedentibus diximus de priuatione, quod ipsa ad maleficium rei machinetur: & de materia, quod conetur atq; laboret ad nouæ formæ acquisitionem, sicq; per accidens ad ueteris expulsiōem, & rei perditionem: nemo ita intelligat (quemadmodum uerborum facies forsi-

tan prætendit) quasi priuationē dicamus uim aliquam habere agendi, per quam ipsa conetur & operetur rei naturalis corruptionem, aut materiam uirtutem aliquam actiuā similem habere, ratione priuationis, per quam ipsa aliquid efficiat ad formæ unius expulsionem, & acquisitionem alterius. Quo enim pacto priuatio ipsa (quæ ens uerum nō est, sedentis potius priuatio, & non existentia tantum formæ in subiecto apto eam habere) poterit ullam habere actiuitatis efficaciam: Sed & de materia iam supra declaratū est, agendi uirtutem ei minime cōpetere, neq; generare quicquam aut corrumpere, neq; destruere posse, neq; producere. Quod ergo de priuatione dictum est, eam ad rei maleficium machinari, intelligendum est, secundum occasionem. Siquidē priuatio formæ substantialis in materia ipsa est occasio, ob quam corruptioni res est obnoxia. Quod ex eius definitione facile intelligi potest quæ est hæc.

Formæ priuatio est, non existentia eius in subiecto eam habere nato.

Quemadmodum cæcitas, carētia est non existentia uisus in hominis oculo, qui aptus est potentiā talem in se habere. Hoc itaq; modo, quoniam materia apta & nata est habere quamlibet formam, non tamen habet nisi unam sub qua existit, constat aliarum omnium formarum in ea esse priuationem. Et quoniam sic quamlibet aliarum æquē habere apta est & nata, atque unam hanc pro tempore in-existentem, hinc fit occasionaliter, ut quancunque uirtute agētis naturale superueniente; si ipsam prædominari cōtingat uirtuti formæ ipsius quæ inhabitat, materia ipsa statim agentis prædominantis impressionem acceptet, nullo utiq; formæ prioris odio, sed rōne in-existentis priuationis, qm uidelicet & formam istam quæ introducitur nō habebat, & habere apta erat æquē atq; eam quā tenebat. Unde propter hanc indifferentiam, iuxta uirtutem prædominantis agentis, semp ipsa materia parata est de forma transire in formā. Quemadmodū ciuitas, quæ in medio duorum regnorum posita neutri est addicta, sed quasi media & neutra ad utrunque est indifferens, propter suam hanc indif-

*Cōparatio
ad proposi-
tam rem
accommoda-
da.*

feren-

DE PRINCIPIIS RERVM

ferentiam frequenter contrarios habet hospites siue dominos. Vtrumlibet enim regnorum illorum prædominari cōtigerit, non reluctatur ciuitas illa neutra. Sed & si alter Regibus in eam ingressus fuerit, superueniens autem alter uirtute separauerit, uictorem suscipiet, pulso altero, non utiq; prioris odio, sed ratione indifferentiæ, quoniam prædominatus est superueniens. Et quomodo hac in re dici potest in differentia illa, causa esse & occasio expulsionis regis, prioris non tñ quicquā efficit neq; egit illa indifferentia, siue (ut ita dicam) neutralitas, ita & de priuatione dicendum uidetur.

CAPVT

XXIII.

An in materia corporum cœlestium insit etiam supradicta priuatio.

DE cœlestis uerò corporum materia dubitari potest, nū habeat etiā ipsa hmōi in se priuationem. Si enim similem habere dicatur, uidebuntur cœlestia corpora corruptioni quoq; subiecta, cum sit ista priuatio principiū transformationis in rebus naturalibus. Vbi autem eadem est ratio, idem uidetur consequi effectus. Quod uerò ista priuatio in cœlestium corporum materia ponenda sit, eorū maxime sententiam consequi uidetur, qui materiam ponunt eandem specie in cœlestibus atque in his inferioribus. Nā si unius eiusdemq; speciei sit omnis materia, uidebitur, quō inferiorum istorum materia ex sua natura est indeterminata & indifferens, ad oēm formam, & quamlibet apta: & nata habere, eam etiam quam nunquam habuit, neq; est habitura: ita etiam cœlestium materiam aptam & natā habere quamlibet formam, atq; ita cum aliis omnibus careat præter eam quam habet, omnium aliarum in ea esse priuationem. Quod si admittatur, quæstio deinde fiet, quur minus sint obnoxia corruptioni cœlestia corpora q̄ inferiora, & quamobrem illorum materia non ita de forma transire possit in formam, quemadmodum materia inferiorum.

CAPVT. XXIII.

Soluitur quæstio proposita, & unde cælestibus corporibus sua sit incorruptibilitas, monstratur.

Propositæ uerò quæstioni respōderi poterit, admittendo priuationem, qualem diximus etiam in cælestium corporum inueniri materia, neq; tamen consequi, ut materia ipsa ratione huius priuationis transire possit à forma in formā, ac proinde corpora ipsa cælestia transmutationis, quæ est sē generationem & corruptionem, sint obnoxia. Formæ enim substantiales cælestium corporum, cum sint perfectissimæ in informando suam materiam, sic eam sua perfectione implent, & (licet ex se indifferentem) solidissima dispositione, ualidissimisque qualitatibus stabiliunt, tamq; potentes sunt ad se seruandum in eā, sub qua ab initio creatæ sunt materia, ut nullum sit agens naturale creatum tantæ uirtutis, quod aduersus ipsarum aliquam possit præualere. Neq; patiuntur in suam quam inhabitant materiam, ullam omnino extraneā impressionem ullo pacto repugnantem introduci: atq; ita propter formæ perfectionē fit, ut de forma in formam transire non possit materia. Et quidem rectius uidetur ac rationi magis consentaneum, ut cælorum impassibilitatē & incorruptibilitatē assignemus ex parte formæ, q̄ ex ipsa natura materiæ. Quod ut intelligatur clarius, suprapositam libet analogiam resumere. Ciuitas enim illa in differentia & neutra, quam cap. xxi. proposuimus, duorum regnorum uelut mediā, tametsi, ex se sit indifferens & neutra, & iuxta prædominantis regni uirtutem, temporis successu, nunc huic, nunc illi subiicitur transitq; de domino in dominum: potest tamen, si præpotentem admodum Regem contigerit illā occupare, ita ualidissimis turribus, arcibus, castris, muris, uallis & firmissimo præsidio muniri, diligentissima quoq; adhibita custodia fidelissime obseruari, tam utiq; potenter, sapienter, & ualidē, ut spes ultra nō uideatur econtrario dñō aliquando se posse illius potentie præualere. Quod ubi fuerit, ciuitas illa quæ primū erat indifferens, & neutra, atq; etiam nunc

qua-

DE PRINCIPIIS RERVM

quantum ex se talis permanet, per uirtutem nimiam & fortissimam munitionem occupantis & prædominantis, facta est modo quodam eius iam regno & potestati addicta. Neque poterit ultra de domino transire in dñm, aut de regno ad regnum, non utique ratione ipsius ciuitatis, sed ratione occupantis, cuius potentie nimie non uidetur spes ut aliquam potestas contraria resistat. Sic sane & de cœlesti materia dicendum, propter perfectionem & potentiâ formæ potētissimæ in informando, quæ illi data est ab initio, eam de forma in formam transire non posse: quoniam agens naturale deest, quod illi possit uel aliam imprimere, uel suam auferre.

CAPVT XXV.

Soluitur superius obiecta ratio.

AD rationem uerò quæ in oppositū obiciebatur, proponentem, ubi eadem est causa, eundem etiam cōsequi effectum, respondebitur, nō esse nisi occasionem similem in cœlestibus & inferioribus, cum priuatio (ut supra dictū est non sit uera cā per se effectiua ipsius transmutationis de forma in formam, sed tm̄ occasio, & cā sine qua nō. Nisi. n. in materia esset priuatio formarū absentium, & nisi eas esset apta habere quas non habet, nunquā de forma transmutaretur ad formam. Atque eatinus dicitur priuatio occasio esse, & causa tantum sine qua non, ac consequenter principium quoddam transmutationis huiusmodi. Cæterum, huius transmutationis uerā & efficientem causam diximus esse agens naturale, quod prædominans impressiones formæ inexistenti contrarias, & formæ quam ipsum uult introducere conuenientes imprimit in materiam, sicque eam de forma transire facit sua actiua uirtute in formam. Quamuis ergo eadem admittatur occasio transmutationis in cœlestibus atque inferioribus istis, non tamē est causa eadem. Non est autem necesse, quotiescunque eadem occurrit occasio, siue eadem causa, sine qua non, ut idem ponatur effectus quemadmodum securis acuries occasio

casio quædã est, & causa sine qua nõ sectionis ligni. Nõ n. scaret securis nisi acuta. Non est tamẽ necesse, ut semper fiat sectio, donec est securis acuta, sed uetã causã adesse oportet, & sectionem efficientem (hoc est, ipsum secantẽ) priusquã fiat sectio. Vbi autẽ defuerit secãs, quãtũuis acuta iaceat securis, non fiet ligni sectio. Ita & in proposito, quia agens inueniri nullum potest, quod effectum eiusmodi producat in cœlesti materia, nempe transmutationem in formam aliam nihil proficit occasio sola. Nihil enim prodesse ualet præsentia causæ sine qua non, ubi defuerit causã quæ effectum ipsum operetur.

CAPVT XXVI.

Quomodo uim nullam patiantur corporum cœlestium materiae, nisi eo quod de forma non transeant in formam.

S Ed uideri forsità poterit uim pati cœlestium materia, & uiolenter cohiberi à formis, ne transeat in formas alias. Cum .n. ex sua natura dicatur materia cupere transitum de forma in formã, si ab hoc cohibeatur atq; impediatur, uidetur id non carere uiolentia. Apparet autẽ inconueniens admittere perpetuã talẽ in nobilissimis illis corporibus uiolentiã. Verũ diligẽtius attendentes comperiemus cœlestium corporũ materiã prorsus nullã uim a suis formis perpeti, immò quietẽ bonam & stabilitatem congruã sic eam accipere, id quod suprapositæ analogiæ consideratio, facillẽ monstrat per similitudinem. Quõ enim ciuitas illa ex se indifferens & neutra nullum patitur uiolentiæ incomodũ, ex eo quod potens ille Imperator sic eam sibi firmat munitionibus ualidis atque diligenti custodia, ad eum modum quẽ supra expressimus, immo magis quietẽ dulcẽ & bona cõmoda consequitur, dũ à perpetua illa instabilitate liberatur, & stabili mãsione in ipsa habitãtis Imperatoris ornat, dicat, p̃ficaturq; plurimũ. Ita p omne modũ nulla fit materiæ cœlesti uiolentiã, cũ p nobilissimas formas stabili mãsione i ipsa ihabitãtes, & ab instabilitate eiusmodi liberat, p̃fectissimis qualitatib; & nobili dispositiõe semper

Obiectio.

Obiectio
nis solutio.

DE PRINCIPIIS RERVM

*Instabilis
tas ex im-
perfecto
est.*

*Canis Ae-
sopius.*

semper plenissima, eò quòd nobilissimarum formarum sit habitaculum. Ex imperfectione enim est, q̃ ita instabilis existens materia, semper quærat de forma transire in formã. Neque malè puerorũ cupiditati, materiæ hoc desiderium potest cõparari, quas uidemus nonnunquã ea quæ in manibus habet, siue cibaria, siue alia quælibet proiicere, ut alia quæ forte porriguntur, item apprehendât. Neque raro panem ut carnes abiciunt è manibus, ut lapidem aut carbonẽ, aut aliud uille quippiam apprehendant. Quorum cupidæ instabilitati parentes bene consulunt, neque uim ullam eis faciunt, dũ pro cibo quem tenent, aliud nihil apprehendere eos sinunt. Sic sanè & materiæ frequenter euenit, cũ sua instabilitate semper transire gestiât, pro forma nobilissima & perfectioribus qualitibus sub quibus stabat, formã imperfectiorem & uiliores dispositiones uti recipiat, cani illi Aesopico non admodum dissimilis, qui pro carnis umbra quæ uidebatur in aqua maior, carnis substantiam sibi permisit dentibus excidere. Huic uerò instabilitati dum forma cœlestis sua perfectione medetur, non solum uim non facit materiæ, uerumetiam quiete bona eam perficit, & magno afficit beneficio.

CAPVT

XXVII.

Quemadmodum corpora glorificata post resurrectionem sub suis formis sempiterna atque dulcissima quiete requiescent.

QUod autem nunc de materia & formis cœlestiũ corporum diximus, idẽ etiam de materia in hominibus glorificatis post factam resurrectionẽ dicendũ uidet, nulla uidelicet uiolentia eam à suo illo transitu in uarias formas cohiberi, neque uiolenter detineri, sed quiete summa atque dulcissima ex immortalitatis dono sub suis quamq; formis ita firmari atque stabiliri, ut nullo amplius transitu perdere ualeant quam habent, uel quam non habent acquirere. In hoc tamen est consideranda diuersitas, quòd in cœlestibus corporibus, formæ ipsæ ex sua perfectione naturaliter ita materiam, quam informant, perficiunt atque stabil-
liunt,

liunt, ut extraneam impressionem recipere nō ualeant. In hominibus autē post resurrectionem futuris gloriosus, nō ipsa naturalis animæ uirtus hoc præstabit, sed Dei uolūtas & beneplacitum, ita ut in beatorum corporibus hoc sit perfitura gratia, & Dei bona uoluntas, per immortalitatis donum gratuitū, quod cœlestibus orbibus ipse naturæ auctor, secundum primam contulit institutionem. Et quidem qđ *1. Co. 15*, ad damnatos attinet, quos etiam necesse erit (iuxta sacramentū catholicæ fidei confessionem) tuba canēte, in suis corporibus ad iudicium & ultionem exurgere, si in eis ponamus uiolentiam perpetuam, nullum sempiternum uidebitur inconueniens, illic nimirum, ubi horror & terror, nullus uerō ordo inhabitat, ubi diuinæ uoluntatis iustitia, uiolenta (quæ natura perpetuò non sustinet) suæ diuinitatis potentia ad ultionem eis in æternitate sustentabit. Cēterum, *Iob. 10*, in corporibus beatorum gloriosissimo illo immortalitatis dono ex diuini conspectus consortio factis immortalibus, dulcissima utique pace & quiete suauissima nihil dubium est quiescere pauperulam ex se & egenam illam materiā, cum sua hospita rationali anima, cui ut in peregrinatione laboris olim fuerat ministra, ita in patria dulcissimæ tunc beatitudinis erit socia. Si enim potest cœlestis corporis forma ab institutione naturæ, suam quam inhabitat materiā in se stabilire, eamque in pace & quiete perpetua possidere, poterit & hoc rōnalis aīa in Deum iam absorpta, cū plenitudinē acceperit in habitātis in se diuinitatis, ex Dei uolūte, eā uidelicet quæ illi restituetur habitationem, stabilem sibi atque perpetuam seruare, sicque sibi firmo fœdere & solidissima colligatione connectere, ut ultrā ab ea pelli non possit. Similiter & in impiis, ad æternam exercendam uindictam, colligationem hanc faciet iustus ille ultor ut perpetuis tormentis & suppliciis inæstimabilibus, ultrā à corpore anima, quantumcūque desiderauit, separari omnino non possit: Illis quidem ad gloriam æternā, ut ab ea, ad quam semel admissi fuerant, beatitudine non possint ex cedere: His uerō ad sempiterna supplicia, ut cruciatibus diabolo & ministris eius ab initio præparitis, nunquam ualeāt abesse.

DE PRINCIPIIS RERVM

abesse. Et hætenus quidem, quæ de rerum naturalium principis, ad omnipotentis Dei notitiam & gloriam conducere uidebantur, pro nostra paruitate tractauimus. Proximum est, ut ad earum causas utcunque explicandas altero libro, transeamus, si prius in ipso libri huius termino, ex iis quæ diximus, laudis qualescunque canticum cecinerimus altissimo omnium rerum Domino, qui super omnia uiuit benedictus & in æterna sæcula.

Finit ad Dei omnipotentis gloriam Liber primus considerationis Physicæ.

PSALMVS LAUDIS AD CONCLUSIONIS terminum, primo & optimo rerum omnium principio.

Confitebor tibi domine in toto corde meo, meditabor in omnibus mirabilibus tuis.

Non est similis tui in diis domine, & non est secundum opera tua. Tu solus inhabitas æternitatem cum unigenito tuo, in sancto spiritu semper perfectus atque beatus.

Cælo tibi opus non eras, ut sederes in eo: terra uerò & uniuersa quæ sunt in ea, quem tibi usum præbere poterunt, qui rebus nullis indiges?

Quia uoluisti, quando uoluisti, sicut uoluisti, ita uerbo dixisti, & surrexit uniuersa hæc machina, magna nimis.

Ecce non est in omnibus gentibus: uir industrius, aut potes artifex, ut suscitet de nihilo uel puluisculum terræ.

Tu autem ex nihilo fecisti, quæcumque nostris sunt obiecta sensibus, molem magnam ualde.

Sub materia, non ex materia, constituisti hæc omnia, suam cuique pondus liberans.

Materia quidem cognata erant, & indiuisa, formarum autem uarietate separasti ea.

Quoniam unico opere demonstrare nequisti infinitam pulchritudinem tuam, uariis sic rerum speciebus, ut manifestum faceres.

Ecce uerè in hoc mirabilis dulcedo sapientiæ tuæ, dum sic diuersissima

siſſime naiuo neſtis amore.
Et quæ per ſeſe inimica uidentur, tuo iuſſu, inſeparabili ſunt con-
glutinata lectione.

Verè magnus es tu, & faciens mirabilia, tu es Deus ſolus creator
omnium, creator cæli & terræ.

Tibi ſoli laus, honor, & gloria, tu es ſolus adorandus, Domine
Deus noſter.

Vt quid, Domine permittis alienis honorè tuum, & quare eū præri-
piunt tibi creaturæ tuæ, quæ adorantur in terris?

Intende ad uiſtandas omnes gentes, & agnoſcatur gloria nominis
tui ſuper omnem terram: ut non deficiat laus tua de ore noſtro in ſem-
piternum.

Gloria patri, & filio, & ſpiritui ſancto.

Sicm erat in principio, & nunc, & ſemper, & in ſæcula ſæculo-
rum. Amen.

FINIT PSALMVS.

IN LIBRVM SEC VNDVM PHYSICAE

CONSIDERATIONIS DE CAVSIS RERVM

NATVRALIVM PRÆFATIO.



OMNE quod creatum eſt, aliquam neceſ-
ſe eſt ſuæ exiſtentix habeat cauſam, e-
tiam angelica ipſa, licet nobiliſſima crea-
tura, Omnia ſiquidem quæ creata ſunt;
manifeſtum eſt ab eo qui ipſa creauit at
que effecit, ſuum eſſe accipere, & ſuum
effectorem ſuæ exiſtentix cauſam habe-
re, neceſſe item eſt, ad finem omnia ordinari, propter quæ
creata ſunt, & ad ſuam ſingula exiſtentiam perducta. Atq;
ita quidē efficientem & finalē cauſas, omnia quæ ſunt crea-
ta & uiſibilia & inuiſibilia, ſpiritus & corpora neceſſum eſt
habere. Ceterum res corporeæ, & naturales, præter ſuprà-
dicta duo cauſarum genera conſpiciuntur, & alia duo requi-
rere. Materialem cauſam dico ex qua conſtent, & formale

D per

per quā suam accipiant existētiā. Et de his quidem postērioribus, in priori libro, quatenus principia sunt rerum naturalium, cōceptum est determinati, propter quod non ita proluxa nobis præsenti hoc libro de eis faciendā erit determinatio, nisi quantum ipsa causalitatis ratio exposcet. De prioribus autem duobus prolixior restat tractatus. Ad gloriam ergo eius qui est omnium causarum prima atque nouissima, alpha & omega, principium & finis omnium, ex materia componens singula, & suis formis in sua existentia ligans uniuersa, rerum istarum iam aggrediamur determinationem.

CAPVT I.

Definitio causa, & quomodo ob occasione separanda causa.

*Causa de
finitio pri
or.*

Causa definiri solet, ad cuius esse consequitur aliud. Qua definitione indicatur, oē illud esse alterius causam, quod ei quomodocunq; dat esse, siue ut sit, aut à quo, hoc alterum accipit quomodocunq; ut sit. Quemadmodum (exempli gratia) ad Dei esse consequitur omnium esse creaturarum, id est à Deo omnia accipiunt ut sint, & Deus omnibus esse donat, atque ob hoc est Deus omnium causa. Similiter res omnes naturales, à materia, & forma accipiunt ut sint, & materia ac forma modo quodam dant rebus naturalibus ut sint dum ex illa & per hanc necesse habent subsistere. atque ob id omnium rerum naturalium causæ sunt, materia & forma. Sic & finis quatenus agentē mouet ad operandum effectum, quodā modo dat effectui ut sit cum propter finem agens eundem operetur. Aduertēdum est autem (quemadmodum in libro priore obiter indicaui mus) distingui solere duplicem causam, alteram propriè dictam, quam nunc definiuimus, & de qua principaliter loqui intendimus, cum de causis rerum facimus sermonē: alteram uerò impropriè causam nominatam, quæ est occasio siue causa occasionalis, aut causa sine qua non. Quemadmodum in ligno, siccitas uehemens occasio est accensio nis, inflammationis, & combustionis eius: & in stipula leuitas, occasio est facilis agitationis sursum: in globo rotunditas,

*Causa oc
casionalis
non est ue
ra causa.*

ditas, occasio est facilis motus: in cultro occasio bonæ sci-
 scionis est, ipsa eius acuties, atque ita in similibus: Non
 sunt tamen hæc nisi occasiones talium effectuum & oc-
 casionalis causæ (quod cum diminutione dicitur) at-
 que etiam causæ sine quibus non, hoc est, sine quibus
 effectus eiusmodi uel non fierent, uel non ita commo-
 dè & facile fierent: quæadmodum non fieret aut fieret, aut nõ
 facile fieret ligni accensio, nisi esset in eo siccitas: neq; facile
 globus laterali motu agitari possit, nisi rotundus: neque re-
 cte scindere culter, nisi acutus, atque ita in aliis. Causæ tñ
 ueræ non sunt, sed tantum dispositiones quædam, quas ne-
 cessè est adesse, si agens ipsum & præcipua causa debeat ef-
 fectum operari, aut quæ ubi adfuerit, rectius ac facilius a-
 gens & præcipua causa suum effectum operetur.

CAPVT II.

Quomodo in moralibus utile sit dignoscere causam ab occasione.

Est uerò in moralibus diligentissimè attendenda ista
 distinctio, ut non pro occasione causa, aut econtrariò
 pro causa existimeretur occasio. Multum. n. hæc distinctio ua-
 let ad peccatorum discretionem. Quemadmodum (exem-
 pli gratia) in scandalo dato, quod est uera causa ipsius scan-
 dalizationis passiuæ; & in scandalo non dato, sed accepto,
 ubi opus ipsum ex quo scandalizatur alter (quod scandalum
 acceptum nominant) non est causa scandalizationis passiuæ,
 sed tantum occasio: uera autem causa huius passiuæ scan-
 dalizationis est, ipsa praua uoluntas eius, qui ex eo scanda-
 lizatur sua prauitate, unde scandalizari meritò nec potuit,
 nec debuit. Sic & in consideratione finis, distinguenda fre-
 quenter uenit occasio & uera causa. Quemadmodum (ex-
 pli gratia) propter temporale præmium, actum aliquem sa-
 crum faciendo, si præmium illud temporale, tantum occa-
 sio quædam est, & finis quidem occasionalis, & occasionalis
 otium: sic uerò Deus finis uerus & uera causa finalis, nõ
 est actus ille malus uel illicitus. Si in temporale illud præ-
 mium, uera est causa finalis, & motiuum præcipuum, nõ au-
 tem Dei honor aut gloria, indubiè illicitus iudicabit. Qua-
 propter

*Quid scilicet
 datum da-
 tum quid
 acceptum.*

propter huius rei proderit exacta consideratio. Excluditur uero causa occasionalis à definitione supraposita, per hoc quod non sic ad eam effectus cōsequatur, ut ipsi det aliquo modo esse. Nullo enim modo occasio dat esse effectui, sed tantum est dispositio quædam, qua mediante causa præcipua facit effectum esse. Quemadmodum ignis agens, dispositione, & occasione siccitatis, facile inflammat lignum, & manus proicientis globum rotunditate dispositum, facile agit, Nemo autem dixerit siccitatē inflammare lignū, aut globum à sua rotunditate mouere.

CAPVT

III.

Alia ponitur causæ generalis definitio, ex qua speciales eliciuntur definitiones quatuor generum causarum.

Causa altera definitio.

Solet etiam hoc modo causa definiri.
Causa ex qua, aut per quam, aut à qua, aut propter quā, res quæpiam efficiuntur, uel est.

Quæ definitio, dum sub quadruplici datur disunctione quatuor indicat causarum genera, id est, causæ diuisionē in quatuor sub se contentas species. Diuiditur enim causa, in causam materialem, causam formalem, causam efficientem, & causam finalem. Nam ex qua, respicit causam materialem: per quam, causam formalem: à qua, efficientē: propter quam, finalem. Ex quibus facile colligi possunt singularum specierum harum definitiones.

Causa materialis.

Causa enim materialis est, id ex quo quippiam fit eo pacto ut insit.
 Id est, principium naturale uel artificiale ex quo res naturalis uel artificialis fit, ita ut in ipsa maneat. Siquidē ex materia cum forma, res omnis cōponitur, res (inquā) siue naturæ, siue artis. Ut ex ligni materia, cum forma ignis in eam introducta, fit ignis: Ex auro per formam idoli infusam, fit idolum. Per quam, causam formalem respicit, Per eam enim & secundum eam res dicitur esse substantialiter quod est, & in suo item peculiari esse per eam res conseruatur, ut per animam rationalem homo est homo: & per formam idoli, aliquod opus dicitur idolum. Quod si forma auferretur, oportet & homini & idolo esse similiter, auferri, ut non

non amplius sit homo uel idolum, quod prius erat, donec
inexisteret forma. Propter quod ab Aristotele dicitur, For- *Aristote.*
ma est species, exemplum, & ratio quidditatis, id est, essen-
tiæ rei naturalis. Sic enim ille solet essentiam rei expri-
re. Species quidem, quia per eam res in certam specie con-
stituitur, atque arctatur, quemadmodum in priore libro la-
tius tractauimus. Exemplum, quoniam & in formâ res sibi si-
milis efficiunt, quemadmodum ignis per suam formam ge-
nerat ignem alium sibi similem. Ratio autem dicitur, quo-
niam essentiam rei constituit, & & in eam res accipit suæ es-
sentiæ rationem, & & in eam etiam res definitur, quemad-
modum homo definitur esse animal rationale, & animal corpus a-
nimatum sensibile, ubi rationale, & sensibile, animam ratio-
nalem & animam sensitiuam (ex quibus essentia hominis
ac bruti est) respiciunt. Tertia autem disunctionis particu-
la, nempe a qua ad causam efficientem spectat. Ab ea enim
primum fit motio exterior, ut opus fiat, & in materiam ipsa
habet suo motu & actione formam introducere: idque tam
in rebus artis, quam naturæ. Hic primus motus interior à
causa finali procedat. Quemadmodum in domo constru-
enda, quæ est opus artis non seipsos lapides componunt, sed
est edificans, qui manum ad molitur operi, qui que suo
motu & actione materiam componens, & debito modo coa-
ptans, formam domus efficit. Item non seipsam ignis gignit,
neque materia seipsam accendit, sed ab alio agente. Hæc en-
dicitur materia ad formam ignis: Definitur autem ab Aristo-
tele hoc pacto.

Causa efficiens est id unde primum principium mutationis et quietis.

Cuius est hic sensus, causa efficiens principalis, est pri-
mum principium, à quo motus & quies exterius procedit,
uel effectus positius aut priuatiuis producit, quod tam ad
artem quam ad naturam applicari potest. Ultima uero par-
ticula propter quam uel cuius gratia, finem signat, qui men-
te quidem conceptus, tacite intrinsecus, efficietem mouet
causam & ueluti in exterius opus mittit, quemadmodum
propter inhabitationem homines domos ædificat, propter
defensionem & tutelam ab hostium incursibus ciues muro,

ualla, turres, aliaque fortalicia construunt: Mouet enim mentem finis iste cōceptus, & ad opus pcedere facit exterius. In naturalibus uero agentibus, in quibus non est ratio, finis ipse ut naturaliter intentus & desideratus, hoc est, quatenus res agens ad finem naturaliter inclinatur ac fertur, mouet ad rem operandam effectum tali fini congruum. Quem admodum forma lapidis mouet ipsum deorsum, propter finem ad quem naturaliter inclinatur, id est, propter quietem in loco naturali. Definitur hoc modo:

Causa finalis est cuius gratia omnia efficiuntur.

Id est, finis est principium ad quod diriguntur & destinantur omnia media, eidem congruentia, ueluti in scopum quendam.

CAPVT III.

Quomodo & causa efficiens & finalis utraque dici possit causarum prima.

EX quibus patet utranque causam, nempe & efficiente & finalem, recte dici posse causarum primam: sed differenter, aliaque, & alia ratione. Finis est enim prima causa secundum intentionem quatenus agentis uirtutem effectiuam (in rationalibus, per rationem intentus, siue in naturalibus per naturalem inclinationem desideratis atque naturaliter propositus) sollicitat interius, ad operationem exteriorem cuiuslibet effectus. Quemadmodum aues, tempore coitus & procreationis, ipsa suæ speciei multiplicatio & conseruatio (ut naturaliter intenta atque desiderata) excitulat & mouet ad coeundum, nidos construendum, & quæcunque sunt oportuna tali fini operandum. Ceterum, efficiens primum est in exteriori operatione & motione materie. Vnde sicut finis semper est intentione prior efficiente interius mouendo & sollicitando efficiens, ita e contrario, efficiens semper prior est fine. Quemadmodum sanitas ipsa atque sanatio, tempore est posterior ipsa portione siue balneatione, ad sanitatem ordinatis, tanquam ad finem & operatio bona Deo dignæ conuersationis, antecedere debet

æternæ felicitatis retributione, quæ est illius finis, cū hæc sit illa intentione prior.

CAPVT V.

De effectus definitione & diuisione per oppositum ad causam.

Quæ autem de causa dicta sunt, eadem effectui possunt omnia per oppositum aptari. Sunt enim causa & effectus relatiua, quemadmodum pater & filius. Vnde ex suprapositis causæ definitionibus effectus potest hoc modo definiri:

Effectus est, id quod sequitur ad esse alterius.

Hoc est, quod quoquo modo ab alio accipit, ut sit hoc est, quod ex aliquo est, aut per aliquid, aut ab aliquo, aut propter aliquid: Est autem effectus nomen generale, non quidem oppositum relatiuè causæ efficienti in particulari (quemadmodum ex nominis ratione uideri poterat, eo quod inter efficiens & effectum secundum nominationem & terminationem uideatur interuenire relatio) sed generaliter causæ opponitur secundum relationem. Vnde quemadmodum superius causa quadruplex distincta fuit, sic ex opposito quadruplex item effectus uenit distinguendus. Sed quia propria nomina non habentur, idcirco adiecta causarum distinctione necesse est circumloqui. Est enim effectus causæ materialis, est effectus causæ formalis, est effectus causæ efficientis, & est effectus causæ finalis.

Effectus causæ materialis est, quod est ex aliquo.

Vt homo hoc modo est effectus suæ materiæ, quoniam ex sua materia componitur: & idolum, effectus aurei uel argentei est, tanquam materialis causæ.

Effectus causæ formalis est, quod per aliquid est.

Vt homo per formam, quapropter homo respectu suæ formæ, & idolum respectu suæ formæ artificialis, effectus dicitur causæ formalis.

Effectus autem causæ efficientis, qui fit ab aliqua.

Vt domus à domificante, ignis genitus ab igne ipsum generante, filius à suo patre. Vnde domus, ignis genitus, & filius respectu domificantis, ignis generantis, & patris ge-

gentis, effectus dicuntur causæ efficientis. *Effectus deinde causæ finalis est, quod est aut sit propter aliquid siue alicuius gratia.*

Ut ambulatio quæ fit propter sanitatem cōsequendam, & bona operatio quæ exercetur propter uitam æternā. Et regulariter medium ipsum quod ad finē ordinatur, & quod ad finem peruenitur, effectus dicitur causæ finalis respectu eius ad quod ordinatur, & ad quod perducit, quēadmodum bona operatio ad æternæ uitæ consecutionē ordinatur, & ad ipsam perducit operantē similiter, & ambulatio, ad sanitatē. Videtur tñ difficile hoc intelligere quēadmodū medium causæ finalis siue ad finem, dicatur effectus illius, eo quod plerumq; ut post latius declarabitur, sit uerum efficiens illius. Sed facile nitatur difficultas, si attendatur, effectum generale esse uocabulū, & in unoquoq; causalitatis genere causæ relatiuē opponi. Vnde consequitur manifeste, si sanitas respectu ambulationis sit finalis causa, econtrario quoq; ambulationem effectum esse causæ finalis respectu sanitatis, si militer & de bona operatione, respectu fœlicitatis.

CAPVT VI.

Quemadmodum eiusdem rei possunt esse plures causæ.

*Prima
proprietat
causarū.*

AD maiorem autem prædictorum cognitionē, tres ponuntur solent causarum conditiones. Quarum prima est.

Eiusdem rei plures possunt esse causæ.

*Homo ge
nerat ho
minem &
sol, ut ha
bet Aristo
tele 2.
Physic.*

Quod si de diuersis generibus causarū intelligitur, etiā sensui est manifestum: Siquidem omne agens naturale causas materialem, formalem, efficientem & finalem habet. Si uerò in eodem genere causæ accipiatur, etiā sic uerū est. Nam idem homo filius existens, causas efficientes habet, patrem, matrem, corpora cœlestia, & super omnia Deum. Homo enim non generat hominem sine concursu causarū uniuersalium, id est, corporum cœlestium, & causæ uniuersalissimæ, quæ est Deus. Sic plures esse possunt eiusdem rei fines, ut corpus est propter animam, propter hominē, propter Deum. Terræ germina & herbæ sunt propter iumentorum pastum, propter ipsius terræ ornatum, & propter ho-

minum

minum consolationem, atq; in Deum ex ornatu illo pro-
 uocationem. In genere autem causæ materialis istud absur-
 dum uidetur, si de materia totali sermo fiat. Omne enim
 ens naturale non nisi ex una materia totali componitur. Et
 similiter nullum opus artis unum, duas totales habet mate-
 rias. Neque enim simul eadem statua, & tota aurea, & tota
 argentea esse potest. Possunt tamē commisceri aurum & ar-
 gentum, sed tunc non nisi pro una totali materia reputabi-
 tur. Similiter & de causa formali dicendum, maximē si de
 forma substantiali, & ultima sermo fiat. Quemadmodum
 enim ex primo libro patet, nulla res naturalis plures sub-
 stantiales formas habere potest. Neque item res quæcunq;
 artificialis plures simul totales formas artificiales habere
 ualet: Nequit enim statua leonis imaginem habere simul &
 bouis. Quod si formarum fiat commixtio, uelut cum huma-
 no capiti ceruicem equinam pectori iungere libuerit, non
 plures sunt formæ artis totales, sed unica tantum. Si tamē
 causam formalem largē acciperemus, ut etiā ad formas ac-
 cidentarias se extenderet, sic dubium non esset, plures etiā
 formales causas simul posse existere. Plurimas enim acci-
 dentarias formas idem simul in se continet homo.

*Horat. de
 arte poe-
 tica.*

CAPVT VII.

S *Causas posse sibi esse inuicem causas.*
 Secunda conditio est.

Causæ possunt sibi inuicem esse causæ.

*Secunda
 conditio
 causarū.*

Quod quidem in diuersis causarum generibus est indu-
 bitatū, plerunq; enim quod in genere causæ finalis est cau-
 sa, hoc ipsum in genere causæ efficientis est effectus: & qđ
 in genere causæ efficientis est efficiens, hoc est in genere
 causæ finalis effectus. Veluti cum non rectē quispiā ualens,
 propter acquirendam sanitatem deambulat, aut medicinā
 bibit amaram, deambulatio ista in guerræ causæ efficientis
 causa est sanitatis, quæ per ipsam & ab ipsa efficitur. Simi-
 liter & amaræ medicinæ potio causa est sanitatis quam effi-
 cit, atq; ita ex cōsequenti sanitas ipsa admitti debet in hoc
 causalitatis genere ipsius ambulationis atque potionis effe-
 ctus.

genere

DE CAUSIS RERVM

Actus. Econtrario autem, in genere causæ finalis causa est sanitas, ut intenta & desiderata. Ipsa enim est, quæ non rectè ualentem mouit ad ambulationem atque amaram potionem. Atq; per consequens, in hoc causalitatis genere, ambulatio effecta & potio illa amarioris medicinæ propter sanitatē, admitti debent effectus. Est autem in genere causæ finalis effectus ipsum medium quod est propter finem, & quo ad finem peruenitur, quemadmodum in proposito est, de ambulatione & potione respectu sanitatis. Patet ergo, quemadmodum in diuersis causarum generibus causæ sibi inuicem possint esse causæ. Amplius uero, etiam in eodem genere causæ inuenire possumus causas esse sibi inuicem causas. Nā habitus ex actibus generantur, quemadmodum uirtutes habituales ex actibus uirtutum frequenter iteratis, & nihilominus habitus cum generati fuerint, actus uicissim faciunt. Faciunt enim habitus, eos quos habent secundum ipsos operari, & delectabiliter operari. Verum istud secundum speciem est tantum. Nam actus qui præcedunt habitum, eumq; efficiunt, numero diuersi sunt, ab iis qui sequuntur & efficiuntur ab eo. Profundius autem considerando, inuenire poterimus, ubi causæ eadem secundum nomen, sibi inuicem sint causæ. Eadem enim caliditas quæ in manu à calido quod tenetur manibus producit, uicissim conseruat in ipso quod tenetur manibus, calorem. In eodē autem genere causæ efficientis sunt, causa produciens & causa conseruans. Vtraque enim causa & produciens & conseruans, dicunt efficiens. Similiter etiam dicendum uidetur in contemplatione rei iucundæ, quæ gaudium atque lætitiā in animo producit, à qua uicissim conseruari ipsa rei iucundæ contemplatio uidetur. Conseruat enim contemplationis actum absque fastidio, & permanere facit in animo, lætitiā interior, quæ in eo inde exoritur.

CAPVT VIII.

*Tertia
proprietates
causarū.*

Eandem posse esse causam contrariorum effectiuan.

Tertiam conditionum causarum ponunt hanc:
Eadem potest esse causa contrariorum effectiuan.

Quod

Quod quidem ad oculum promptum est uidere in Solis actione, qui unus & idem mediante calore, quædam facit liquefcere, alia indurans. Ceram enim, & butyrum, glaciem, atque similia, liquefacit. Lutum uerò & lutæa uasa, hisq; similia, facit indurescere. Et eadem portio in quibusdam efficit sanitatem, in aliis ægritudinem, immo etiã in eodem successiue. Huius autem ratio est, uaria dispositio subiecti in quo recipitur actio. Quemadmodũ ea quæ pro homine complexionis sanguineæ bona est portio, & sanitatis effectiua, fieri potest ut homini complexionis contrariæ (nempe melancholicæ) sit noxia, atque ægritudinis effectiua. Et frequenter portio quæ distemperatam complexionem ad temperamentum reducit, eadem distemperamentũ facit in eo qui recta est ualitudine. Sic eadem præmissæ in uno generant scientiam, in alio generant tantum opinionem, iuxta quod uel circa præmissas uel circa consequentis rectitudinem uariè fuerint affecti. Ita sæculi scientia aliquo modo perficit intellectum, quoniã omnis ueritatis cognitio, quantum ex se est, intellectum perficit. Imperficit tamen affectum, eo qd inflatum reddat. Et quidem in rebus naturalibus hæc contrariorum causalitas prouenit, ut diximus, ex parte uariæ dispositionis subiecti, in quo fit actio. In uoluntariis autem, ex uaria dispositione agentis pro sua libertate. Idem enim homo uult & non uult, non solum ratione rei mutatæ, sed pro sua etiam libertate absque rei ulla mutatione.

CAPVT IX.

*De causa diuisione in uniuersalem & particularem,
propinquam & remotam.*

Solent quoque de causis nonnullæ assignari diuisiones. *Causa uni*
Causarum enim quædam sunt uniuersales, quædam parti *uer salis*
culares, quædam remotæ, quædam propinquæ. *& parti-*

Et considerantur hæc rursum, uel s̄m nominationem, uel *cularis.*
s̄m rem. Secundum nominationem quidem, qñ causa & effectus nomine uniuersali uel particulari assignantur, ut cū dico, Bonum est finis rerum: Ex materia, fit res: Forma, facit esse

esse rem: Res est, per formam: Artifex, efficit opus: Finis, mouit operantem. In his, & causæ & effectus uniuersaliter nominantur seu generaliter. Cum autem dico ex auro facta est hæc statua, particularis causa & effectus exprimuntur. Item cum dico, artificem fecisse hanc domum, aut uiuentem aliquem esse patrem huius pueri, nominatione causas remotas ab effectibus dico. Causas enim noīe uniuersali designans, effectum particularem demonstro. Cum uerò huius pueri hunc hominem dico esse parentem, aut hunc artificem causam huius rei, aut domificatorem domus esse causam, & statuarium statuæ, propinquius nomino & exprimo causalitatem. Interdum uero nuncupamus causas uniuersales uel particulares secundum rem, ob rei generale uidelicet aut particularem, remotam uel propinquam causalitatem. Hoc autem pacto causa uniuersalis dicitur, uel generalis, quæ plurimos habet diuersorum generum effectus, quem admodum Sol, & cœlestia corpora, & super omnia Deus benedictus. Habent enim effectus plurimus diuersorum generum, cum omnis creatura corporalis sine illorum cōkursu non efficiatur. Non est autem necesse ad hoc ut causæ dicantur uniuersales seu generales, ut prorsus nullus sit effectus, cuius ipsæ nō sint causæ. Sic enim Sol & cœlestia corpora non dicerentur causæ uniuersales, cum non sint causæ spirituum, neq; spiritualium rerum: sed sufficit, quod multos ualde habeant diuersorum generum & diuersarum rationum effectus. Quanquā Deus super omnia benedictus, ob hoc uniuersalissima & generalissima causa per superlatiōnem recte dicitur, quod prorsus nihil neq; corporale neque spirituale eius causalitati sit subtractum. Videtur etiā homo sē genus causæ finalis esse causa uniuersalis, eo q̄ plurimos uideatur habere diuersarum rationum sē hoc genus effectus, id est, plurima ad ipsum ordinata. Cum omnia hæc inferiora, imò & cœlestia, ad hominem ut finē referantur. Causa autem particularis, dicitur, quæ non plurimos habet diuersorum generum effectus, ut homo, causa particularis est respectu filii quem gignit, etiam si mille genuissent numero filios. Oportet enim causam uniuersalem

*De causa
est uniuersa
salissima.*

*Quid causa
particularis.*

siue generalem, multos admodum habere effectus diuersorum generum atq; diuersarum rationum. Individuorū autem quantacunque multitudo, non sufficit ad faciendā causam uniuersalem. Causa uerò propinqua sū rem nominatur, illa quæ effectui prope est, & per se effectum attingit: quemadmodum pater, causa propinqua est sui filij, quæ per seminis decisionem gignit. Causa uerò remota est, quæ ab effectu est elongata. neq; ad effectum nisi alia causa priore mediante attingit, quomodo auus causa est remota nepotis, eo q̃ ad eius causalitatem non attingit, nisi mediante efficientia filij sui qui est pater nepotis illius, & causa propinquior. Magis autē remotæ causæ sunt proauus, atauus, tritauus, atque ita consequenter. Similiter si ignis aliquis sūm produxerit, atque hic rursus tertium, ille quartum qui deinde quintum: primus omnium, causa est propinqua secundi, & secundus tertii, atque ita consequenter, sed omnium aliorum præterquam secundi, est ignis primus causa mediata, & secundus causa mediata est quarti & quinti. Sunt autem causæ uniuersales etiā causæ propinquæ æquæ atq; particulares. Sol enim & corpora cœlestia, effectibus prope sunt, & secundum causalitatem effectum attingunt per sese, non tantum mediante aliis particularibus agentibus. In omni enim effectū naturali, immediate per se Deus concurrit, similiter & corpora cœlestia.

Causa propinqua & remota.

Causæ uniuersales sunt propinqua.

CAPVT

X.

De causa per se & per accidens secundum nominationem.

Iterum autem diuiditur causa, in causam per se, & causam per accidens. idq; rursus uel secundum nominationem, uel secundum realem considerationem.

Causa per se & accidens.

Secundum nominationem est causa per se, quando causa exprimitur sub ratione causalitatis, id est, sub ea ratione secundum quam talis ei effectus competit. Quemadmodū dicimus lucidū per se esse causam calefactionis, iugulationem esse per se causam interitus, summum quoq; bonū per se finē esse oīum. Atq; ita cū dicimus lucidū illuminare, calidū calefacere, iugulatū interire, uel interiisse summū bonū appeti uel desiderari, causa per se exprimit sūm nominationem,

Quid cā per se secundū nominationem.

tionem,

DE CAUSIS RERVM

Quid causa per accidens ex nominatone.

tionem. Lucidum enim quatenus lucidum, illuminat: & calidum quatenus calidum, calefacit, atque ita in ceteris. Per accidens uerò dicitur causa s^m nominationē, quando causa non exprimitur secundum rationem causalitatis, neque sub ea ratione secundum quam ei effectus talis conuenit, sed sub ratione aliqua extranea & impertinenti. Quemadmodum (exempli gratia) si quis dixerit calidum causam luminis, aut lucidum causam caloris, dicar^que lucidum calefacere, & calidum illuminare, percussum interiisse, omnia creatorem appetere & desiderare. In his enim ratio causalitatis non exprimitur, sed aliquid impertinens effectui. Non enim lucidum quatenus lucidum calefacit, sed quatenus calidum, neq; percussum quatenus percussum interiit, sed quatenus iugulatum: neque creator quatenus creator, sed quatenus summum bonum & finis omnium ultimus, ab omnibus appetitur ac desideratur, quasi ordinatis ad ipsum.

CAPVT XI.

De causa per se & per accidens secundum rem.

Quid causa per se ex re ipsa.

Secundū reale uerò considerationē d^r causa per se, q̄ ad effectū aliquò ordinat, siue s^m naturalē inclinationē, siue s^m rationis propositum. Per accidens uerò, quæ ad certum effectum non ordinatur, sed accidit ei effectus præter intentionem & ordinationē. Quemadmodū (exempli gratia) forma lapidis aut ligni per se mouet lignum ipsum aut lapidem deorsum. Ad talem. n. effectum est s^m naturā determinata, atq; ob hoc ipsa est causa per se motus talis deorsum. Ceterum si cadens lignum in ignē corrumpat, & inflammetur, per accidens fit talis effectus. Non enim intendebatur à forma deorsum mouente rei corruptio, sed accidit hoc præter inclinationem naturæ, item si cadens lapis frangat uas terreum, per accidens hoc euenit. Item cum propter suauitatem recuperandam quis deambulat, hoc ipsum intendens, ipsa ambulatio causa per se est sanitatis, ad quam ordinatur, ex ratione & proposito ambulantis. Cæterum, si inter ambulandum, contingat pedem offendere, aut

Quid per accidens causa ex re.

aut aurum reperire in uia, aut simile aliquid præter intétio nem, effectus eiusmodi per accidens est. Sunt præterea cau sæ quædam potétiales, ut ædificator, creator, figulus, pistor, faber, inflammatiuum, illuminatiuum. Et significant huius modi plerunque habitus, siue potencias. Aliæ actuales, ut ædificans, creans, fingens, fabricans, inflammâs, illuminâs, & ita in aliis, quæ actum significant uel actionem ipsius ef- ficientis, quemadmodum priora habitus uel potencias.

*Causa po-
tentialis
& actua-
lis.*

CAPVT XII.

De causa materiali, & duplici relatione nominis, materia.

Quæntum autem ad causam materialem atq; formale attinet, aduertendum est, non prorsus eodem modo hic accipi materiam & formam, quo in libro priore diximus significare. Latius enim hic sumitur causa mate- rialis & formalis, quàm ibi forma & materia. Vnde hic etiam materia artis, quæ secunda solet nominari, eo quòd ex alia priori componitur, est causa materialis, ut ex toto ligno sit idolum, & ipsa forma idoli hic formalis dicitur, cum illic nec lignum admittatur materia idoli, neque idoli species forma, quemadmodum latius fuit præcedenti libro decla- ratum. Præterea quod ad nominis matetix rationem atti- net, sciendum est, materiã dupliciter posse comparari. Pri- mò, ad formam quancunque quam recipit, uel in se habet. Atque ita solet uocari materia in qua, uel materia subiecti- ua. Nam hæc est matetix conditio, formam ipsam substan- tialem & alias oēs accidentales recipere, atque in se quodã modo sustinere. Secundò comparatur ad rem quam compo- nit, uel naturalem uel artificialem. Atque hac comparatio- ne nominatur materia ex qua. Similiter & de forma dicen- dum. Potest enim primo referri ad materiã cui inest, siue quã informat, quomodo dicitur hæc anima esse huius cor- poris, quã ipsum informans. Secundò, ad rê quam compo- nit, quò dicitur hæc anima huius esse hominis, eo quòd hunc hominem constituat. Iuxta primam considerationẽ, materia & forma sunt ad inuicem relatiua, & ad inuicem referuntur. Est enim materia, formæ materia, tanquam in forman-

*Materia
in qua &
ex qua.
Quid ma-
teria in
qua.*

*Quid ma-
teria ex
qua.*

DE CAUSIS RERVM

formantis eam: & uicissim forma, est materiæ forma, quasi ab ea informatæ. Et est relatio *fm* superpositionem, eo q̃ dignius sit formatum esse quàm materiam. Iuxta uerò secundam considerationem, & materia & forma referuntur ad rem naturalem, ut quæ ex ipsa & per ipsam componatur. Non tamen naturæ, non nisi compositū respicit. Nunquam enim dicitur forma esse naturæ materiæ, aut econtrariò, sed utraque & forma & materia, sunt naturæ compositi siue rei naturalis.

CAPVT XIII.

De triplici causa formali.

*Forma
substantia
lis, artifi
cialis &
accidenta
ria.*

SCiendum autem est, præter formas substantiales, quæ propriissimè causæ formales dicuntur, itē & præter formas artificiales, quæ minus propriè, cætera etiam accidentia quæ quaecunque esse accidentariū donant rei cui insunt nonnunquam causas formales nominari: quemadmodum albedo & scientia atque uirtutes, formæ quædā sunt, & quædam formales causæ eorum in quibus sunt, eò quòd esse quoddā eis dare uideantur. Dat .n. homini albedo, ut sit albus, dat sciētia, ut sciens sit ac doctus: uirtus, ut bonus sit ac probus. Sed cum forma, propria & uera definitione dicatur, quæ rei dat esse, uidetur sola forma substantialis propriè atque simpliciter dicenda forma siue causa formalis, cum ipsa sola det esse simpliciter rei quā componit. Cæterū, neq; artificialis forma neque alia quælibet accidentaria, ulli rei, propriè & simpliciter esse donat, sed tantū æqualiter esse, ut puta accidentarium, nempe esse album, uel nigrum, bonum aut malum. Vnde nec simpliciter formales causæ, neque propriè dicendæ sunt, sed tm̃ propriè, & cum diminutione quædā formales causæ quatenus esse quoddā (*fm* diminutionē loquendo) donant, non autem esse simpliciter. Relinquitur ergo, solas substantiales formas propriè atque simpliciter causas formales nominandas: cæteras autem, non simpliciter, sed cū diminutione, adiiciendo accidentales uel artificiales. Est autē forma accidentalis, quæ subiecto donat esse quaecunque accidentariū, id est esse aliquale. Forma uerò artificialis, quæ

*Quid ac-
cidental
is forma.*

*Quid arti-
ficialis.*

quæ

quæ donat esse artificiale, id est quæ esse quippiam facit opus artis. Quemadmodum formæ idoli facit, ut idolum dicatur, & facit lēcticæ forma, ut lēctica sit, qđ ex materia facit artifex, atq; ita in cæteris. Aut artificialis forma dicat ab artifice, nimirum quod artificis operationes, secundum eius artem introducat in materiam.

CAPVT XIII.

De causa efficiente principali & minus principali producete, corrumpente, & conseruante.

INter efficientes causas, sunt quædam coadiuuantæ tantum & disponentes sua actione siue operatione, suntque ministeria lex & minus principales causæ, quædam autem sunt principales, quæ formam in materiā introducunt, etiā si minus uideantur operari exterius, aut operi atque materiæ exteriori minus insudare. Nam constat, multò amplius in agendo res naturales sollicitari circa effectum. quā Deum, qui tamē principalissimus in omnia efficiendo est: non nisi quia uicinius formam in materiam inducit, & esse donat. Sic & de architecto dicendum est, qui in efficiendo rem ipsam artis præcipua est efficiens causa, tamen si plerunque ministri inferiores, operi ipsi exteriori, atq; præparandæ materiæ & disponendæ ad formam artis, multò amplius insudent. Est quoq; illud in proposito loco aduertendum per efficientem causam, non solum intelligi eam quæ rerum aliquam producit aut esse facit. Causa enim efficiens, sub se habet causam producentem, conseruantem, & corrumpentem. Nam & accidentia formæ conuenientia, quæ ipsam in materia conseruant, eius quædam efficientia sunt. Ut in igne, calor, siccitas, raritas, leuitas, quamuis formam non produxerint, tamen cōseruando progenitum, quodammodo efficiunt. Agentia quoq; naturalia cum sua uirtute aliquid corrumpunt, eatenus in proposito efficientia sunt. Ut cum ignis corrumpit aquam ac destruit, efficiens est corruptionis illius: & aquæ destructio, effectus est uirtutis ignis agentis.

*Causarū efficien-
tium quæ
dam prin-
cipalis,
quædam
minus prā-
cipalis.*

*Causa pro-
ducēs, cō-
seruās &
corrūpēs.*

De causa duplici, secundum esse & secundum fieri.

OMni autē diligentia est attendenda, quæ sequitur inter efficientia siue effectus distinctio.

Quædam sunt causa suorum effectuum secundum esse, quædam tantum secundum fieri.

Quæ sequuntur nota quæ diligentissimè.

Quædam enim rerū tantummodo dum sunt causæ sunt, ut domificans, causa est domus quādiu domus sit, & ignis causa est caloris quamdiu calor ipse sit in subiecto. Vbi uerò domus iam facta est, & calor introductus in subiectum, & in suo esse sunt effectus completi, cessant esse effectus, neque ultra accipiunt esse ab illis à quibus primitus eis datum est. Quare nec illæ causæ ultra sunt nominandæ. Domus enim postquam facta est, & semel ut domus sit accepit, non opus habet perpetua efficientia aut conseruatione domificantis. Manet enim semel extructa domus, moriente domificatore, quemadmodum & filius, patre moriente, non moritur. Sic est de omni effectū, qui permanet absque causæ conseruatione. Quædam uerò causæ rem quādiu est efficiunt, siue producendo, siue conseruando, ut lucidum causa est luminis, non solum ut fiat, sed etiam ut conseruetur atque ut sit, Mox enim subtracta luce, aut corpore lucem habente, lumen deficit, nec absque sua causā habere potest esse subsistēs. Illi ergo effectus qui quamdiu sunt, causam habent sui esse, effectus secundum suum esse dicuntur, & ea à quibus sunt, causæ eorum efficientes secundum esse, nuncupantur. Quæ uerò tantum dum sunt causam habent, effectus in fieri uel dum sunt nominantur, & eorum causæ, causæ in fieri siue secundum fieri possunt appellari. Et priori quidem modo causalitatis, constat Deum esse causam secundum esse creatorem omnium, & cœlestia corpora omnium corporalium. Non enim Deus est causa rerum solum dum sunt, uel ut sunt uel ut fiant, quasi postquam factæ fuerint ipsius causalitate ultrā non habeant opus: sed quemadmodum dum sunt ipsis esse primitus ab eo datur, ita ut sint, utq; in suo quod acceperunt, esse permaneant, conser-

Quid causa secundum esse.

Quomodo Deus est omnia causa.

conseruatione perpetua opus habent. Si enim uel ad momentū se subtraheret manu oīpotentis, & uirtus efficiētīe eius quam rebus in cōuersando impendit, in nihilū subito conciderent uniuersa, neq; nulla oīno uel nobilissima permaneret sustinens creatura, neq; humana, neq; angelica.

CAPVT.

XVI.

Ex causa secundum esse, ponitur manu dūctio, ad intelligendā æternam personarum in diuinis processionem.

Est autem causalitas ista rerum secundum esse, diligenter attendenda, & penitissimè contuenda. Valet enim ad intelligendam eam quæ in diuinis est personarum processionem, æternam dico uerbi generationem, & spiritus sancti æternam spirationem seu processionem. Per cōparationem enim eorum quæ in creaturis uidemus à suis causis semper esse accipere, & semper effici, utcunq; innotescere poterit diligenter attendentibus, quemadmodum & in diuinis credatur filius à patre semper gigni, & spiritus ab utroque semper procedere atq; spirari. Ad hanc autem declarationem, congruum uidebitur solis assumere considerationem, qui lumen, similiter & ardoris siue caloris uim spargit, donec existit. Priusquam tñ cōparationem hanc faciamus, expedit præmittamus quo pacto sit à sensibilibus ad æterna transeundum. Oportet enim uolentes ascende-

*Notare-
gulā pro
anagogi-
cis excessibus.*

E a consc.

*Manudu
Etio ad co
gnitionem
Trinita-
tis.*

consequētē ardorē efficerent : ita pater cœlestis, æternus lux æterna atque fœcundissima, filium suum unigenitum, uerbum inuisibile, non causat, non efficit, non facit, non creat, non producit (hæc enim corporalia sunt, & crassitiæ secum ferunt) sed modo inæstimabili atque incomprehensibili, qui est supra omnem sensum, quicquid intellectus & angelici & humani capacitatem excedit, gignit atque dicit filium sibi cœternum & consubstantialem, per omnia penitus æqualem : ipseque filius gignitur, dicitur atque procedit, aut est à patre. Et sicut æternaliter est pater cum filio, ita etiam æternaliter à patre gignitur filius, & æternaliter ut sit filius accipit à patre. Nec est huius processionis aut initium aut finem inuenire. Rursum, à patre & filio spiritus sanctus procedit æternaliter, & à patre & à filio, sicut lux & lumen temporaliter producant ardoris uim. In hoc tamen superat processio personarum processionem luminis & ardoris, quoniam non una est luminis, lucis & ardoris substantia, una est autem patris, filii & spiritus sancti substantia, una essentia : suntque unum ens summum atque perfectissimum.

CAPVT

XVII.

Consiurrectio ex præcedētibz in beatissimæ Trinitatis adorationem.

O Igitur lux beata Trinitas & principalis unitas, iā nos Sol iste igneus suis nos rotis sursum uectos coram te constituit in cœlestibus. Tibi uerò omnis gratiæ pater, de-
fixis in terram genibus gratias agimus, humiliata tibi ceruice uota perfoluimus, qui nobis indignis famulis tuis secretissima secreta diuinitatis tuæ per splendētem solem declarare dignatus es, quæ olim à filio tuo nobis secundum carnem assignato doctore, per fidem didicimus. Quam multis olim sol iste, dominator potentissime, fuit in laqueum, captionem & scandalum: qui nimium creaturæ ornatum attendentes, tuum illi honorē uanē impenderunt, tuæ lucis altissimam gloriam in hanc corpoream lucem cōmutantes. Nobis autem magistrum eum dedisti ueritatis,
& sicut

& sicut olim stella magos ad pueri tui Iesu noui regis duxit humile præsepium, ita nos uerè sol iste radians ad tui duxit magnifici throni sempiternam gloriam. Coram te ergo, ò beata Trinitas, toto corde prostrati, ecce iacemus pauperculæ creaturæ tuæ. Te adoramus, in unitate substantiæ trinum personaliter, & in personarum Trinitate unum substantialiter. Te ò lux immensa, lux non de luce, lux fecundissima, pater ingenite: te ò filii, lux de luce, lumen de lumine, splendor de splendore, uerbum patris æternum, de patris substantia æternaliter genitum: te ò sancte spiritus ardor inæstimabilis, ab æterno patre & filio æternus æternaliter spiratus atq; procedens. Te inquam unū Deū, unum Dominum, unum creatorem omnium adoramus solum qm̄ præter te non est Deus alius, neq; fuit, neq; erit, neq; potuit esse aliqñ absq; te, Domine Deus noster, hæc est nobis uita dulcissime Domine, te solum Deum uerum agnoscere: nunquidem per fidem dū in tenebris huius mundi subsistimus, tunc uerò tunc (ò utinam nunc) facie ad faciem te conspecturi; in æternum, & ultra. Amen.

Mat. 2

Ioan. 17.

1. Co. 13

CAPVT

XVIII.

De finis diuisione in ultimam & non ultimam.

Postquam de tribus causarum generibus suprâ determinatū est, superest nūc ut de finali causa et specialius determinetur. Est igitur finis quidam ultimus, ad quem propter se tanquā melius & perfectius, alius ordinatur minus bonum & perfectum, ut omniumque in hoc sensibili mundo sunt, est homo finis ultimus. Sunt enim cætera omnia propter hominem facta, & ad hominem quasi perfectissimū eorū que in hoc mundo sunt referuntur, uersa. Similiter nutrimentū est, propter uitam conseruandā: generans, propter speciem multiplicandam & conseruandā: fides propter uisionem, spes propter adeptionem & possessionem. Atque hic finis solet alio nomine uocari finis gratia cuius, uel propter quem. De hoc fine intelligitur, q̄ uulgò solet dici, Finis melior est iis quæ sunt ad finem. Siquidē Deus sic rerū ordinē disposuit, ut sint imperfe-

Duplex finis.

Quid finis ultimus.

DE CAUSIS RERVM

*Quid fi-
nis nō ul-
timatus,
sem finis
quo.*

Alia simpliciter propter perfectiora. Alius est finis nō ultimatus, quippe qui per se finis rationē non habet, sed solū est uia uel modus quo medium ad finem suū pertingit uel tendit: propter quod ē finis quo solet nominari. Verbi gratia Deus est finis ultimatus rerū omnium, atq; peculiariter naturæ humanæ: cognitio uerò Dei, est finis quo pertingimus ad consecutionem finis illius. Intelligēdo. n. & amando Deum, finem hunc nostrum ita habemus atq; possidemus. Sic medicina est propter sanitatem, nutrimentū pp nutritionem, cibus propter comestionē. Et uniuersaliter omnis usus rei est finis quidam eius, quo ad finem ultimatū cuius est usus pertingit: ut equitatio, usus equi est, quo pertingit equus ad finem, scilicet hominem, seruiendo ipsi. Sic enim equus ad hominem ordinatur ut illi seruiat, in ipsum ferendo, in agris arādis, in uehēdis frugib⁹, aliisq; hmōi ad hominis utilitatē oportunis. De hoc autē fine non est intelligendū quod dici solet, finē esse nobilio rē eo quod ad finē est. Nam Medicina quæ est substantia, perfectior atq; in se nobilior sanitate, quæ est accidēs: granū, perfectius actu nutritionis: pater perfectior filio, propter quem generet, quemq; in generatione intendit, & id cuius est usus, usu suo est nobilius. Ex quibus patet aliud esse finem ultimum & finem ultimum. Vnicus est. n. finis ultimus, Deus. Fines uerò ultimatī sunt plures.

CAPVT XXI.

Quemadmodum omnia, non solum uoluntaria, uerumetiam naturalia agant propter finem.

IN uoluntarijs & rationalibus, nullū dubium est quō hæc propter finem præscitū & præcognitū agant, in illis potissimum actibus qui secundum rationem & deliberationem fiunt. Quomodo autē agentia naturalia agant propter finem, forsitan minus patet. Cū enim finem nullum cognoscere ualeant, uidentur similiter non posse ob finem aliquem agere. Certum est tamen, etiam naturalia omnia propter finem agere, quoniam in naturalibus omnia uide-
mus

mus similiter & ordinatissimè euenire. Quæ res argumen-
to est, ea ordinatè propter finè agere. Sed ad hoc intelligè-
dum, quod per se alioqui uidetur captu difficile, ualebit
analogia Domini ad seruum: Dñs enim finem nouit, & pro-
pter hunc seruū ad opus mittit, nescientem tamen finem
operis sui. Quemadmodum igitur seruus ille non temerè,
sed propter finem certum agit, quem tamen nescit ipse,
& nouit qui eum dirigit Dominus: ita agentia naturalia
nesciunt quidem neque intelligunt finis sui rationem, &
tamen propter finem agunt ordinatissimè omnia non se-
cus ac si finè ipsa agnoscerent. Quòd patet maximè in bru-
tis animalibus, quæ sic ordinatæ quædam faciunt, ut pro-
sus uideantur finem agnoscere (ut est uidere in tela ara-
neæ, & nidis auium) cū tamen sit certissimum ea suum
finem non cognoscere. Similiter & agentia, quæ neque
sensum ullum habent, suntque prorsus insensibilia & ina-
nimata, suas naturales actiones conspiciuntur ordinatissi-
mè semper exequi: cum tamē suæ actionis finem nō agno-
scant. Sed est in cælis prouidissimus Deus, disponens
omnia suauiter, qui sic naturalia dirigit ad finem quem ip-
se eis præuidet, & perstituit, unicuique rei ad suum finem
dāns congruas modò mirabili inclinationes atque propen-
siones, qui singula disponit, & dirigit ordinatissimè uisq;
adeò, ut etiam si singulis agentibus singuli Dñi essent, me-
lius ordinatiusque ipsa dirigit aut gubernari non possent.
Ex quibus liquet creaturas omnes præter hominem agi
pōtius à Deo ad suos fines, quàm agere seipsas: quemad-
modū sagitta à sagittante emissā, & seruus emissus à Do-
mino aguntur ab iis à quibus emittuntur ad opus. Sola autē
creatura rationalis in actibus uoluntariis, seipsam agit, eo
quòd suum finem habeat cognitum.

*Quomo-
do agen-
tia natu-
ralia a-
gunt, pro-
pter finē.*

Sap. 8.

CAPVT XX.

*Quomodo fini cæteræ causæ proportionari debent, & quomodo di-
uersimodè quædam agunt propter finem.*

Est autem finis prima causarum atque adeò causarum
causæ: quoniam secundum finem cætera omnia propor-

E 4 tionarij.

*Finis quo
modo cau-
sari. pri-
ma.*

tionari debent. Verbi gratia, quoniam finis est domus familiaris inhabitatio, & domesticarum rerum exercitatio: templorum autem conuentus tantum fidei in unum ad orandum, ad audiendum uerbum Dei, non autem ad exercitationes domesticas, aut opera exercenda ciuilia, idcirco aliter templa, aliter domus edificantur. Quoniam alius castrorum finis, alius palatiorum, idcirco alij efficientes, alia materia & alia forma adhibenda his, quam illis. Longe enim alia est forma templi a forma domus, & alia plerumque materia. Similiter & alia est forma palatij triumphalis, alia castrorum propugnatorij, alij quoque lapides pro triumphali gloria, alij pro fortitudine castrorum solent exquiri. Et frequenter diuersi ad diuersa hominum opera sunt querendi artifices, cum plerumque, is qui in altero praeualet, in altero ualeat minus. Similiter & cum uestis est facienda, perquirendus est ante omnia finis. Et quidem si propter domesticum fiat usum tantum, longe alia materia ac forma fiet, quam si in honestum & publicum aut triumphalem usum fuerit. Sufficit enim materia rudior ac forma simplicior ad illam quam ad hanc faciendam. Simpliciter tamen a forma res habet necessitatem ut sit, & suam accipit ab ea denominationem: quemadmodum uestis si formam habet togae militaris, indubie militaris a forma denominari debet: si formam aliam, aliter denominabitur, iuxta quod expostulat forma. Fiunt tamen res secundum finem, & ipsa forma ab agente secundum finis intentionem debet introduci. Est quoque & illud aduertendum, quaedam agentia propter finem agere, ad illud adipiscendum & acquirendum, quemadmodum bene uiuunt homines, ut Deum suum finem apprehendant aliquando, atque in possessionem acquirant, quaedam autem propter finem agunt, diffundendo & communicando. Quemadmodum Deus agit omnia quae agit, non gratia ulius rei acquirendae, neque adipiscendae, sed propter bonitatem suam diffundendam atque communicandam creaturis. Atque hoc modo ignis alium ignem producit, propter suae speciei propagationem & multiplicationem:

CAPVT XXI.

De casu & fortuna, deq̃ue effectibus casualibus & fortuitis.

CAsus & forma quāquam causæ sunt efficientes & sub efficientibus partim dicta sunt, specialem tamen habent difficultatē, cō quod causæ per accidens sunt: quare & specialem exigunt tractatū. Subiungitur ergo hæc diuisio:

Eorum quæ fiunt, alia semper eodem modo fiunt, alia plerunq̃ue: alia fiunt præter hæc.

Cuius hic est sensus: Inter ea quæ fiunt, quædā semper aut ut plurimū à suis causis similiter fiunt, ut plerunq̃; deambulatio per locum amœniorē, animi releuationē operatur atque sanitatem siue producit siue conseruat, semper forma lapidis, ablato impedimento, lapidē deorsum moueri facit. Quædam uerò à suis causis neq̃; semper neq̃; ut plurimum fiunt, sed rarò eueniunt, quemadmodum rarò euenit, ambulantiem, & conantiem ad rei ueneræ sollicitationē ad uirtutē conuerti, quod Darix legimus accidisse cū Chrysanto: raro itē euenit, ambulantiē ad aquas puerū inuenire, quod accidit filiæ Pharaonis cum Moyse Aegyptio.

Rursum.

Eorum quæ fiunt, alia fiunt, alia non fiunt, alicuius gratia.

Exod. 2.^o

Cuius hic redditur sensus. Inter effectus, quidā sunt intenti ab agente, quidā non intenduntur, sed effectum agente interitū eos accidit concomitari, & hi dicuntur effectus per accidens, & eorum causæ sunt causæ per accidēs. Vt cō sensum in rē uenerēā per se intēdebat Daria, tuo ad Chrysantū aduentu. Ad hoc .n. ornata cultu mirificco illū accessit ut suis blanditiis in concupiscentiā eius animū inflecteret. Et ille quidem effectus, si conatū Darix fuisset sequutus, effectus fuisset dicendus per se. Sed præter intentionē & ordinationem euenit, & plane ex accidenti contigit ipsius ad Deum uerū conuersio: Sic ex intentione filia Pharaonis egredi uoluit, ut animum releuaret, præter intentionem uerò euenit, ut Moysen reperiret Aegyptium, puerum cistellæ aquæ supernatanti inclusum.

DE CAUSIS, RERVM

CAPVT XXII.

In quibus habet locum casus & fortuna, & quomodo inter se hæc duo differant.

HIs præmissis est aduertendum, casum & fortunā non nisi in illis locum habere quæ raro fiunt, & quæ per accidens sunt, In ijs enim quæ uel semper, uel ut plurimum ordinatè fiunt, casus & fortuna esse non potest. Similiter neque in ijs quæ per se sunt, sed in ijs quæ per accidens tantum.

Vnde effectus casualis definiuntur, quæ ex iis est, quæ raro fiunt & per accidens.

Quid effectus casualis. Ut in exemplis suprapositis, Dariæ illa ad Christum conuersio, effectus est casualis, qui ex eius ad Chrystantum accessu consequutus fuit. Similiter & Moyfi inuentio à Pharaonis filia, respectu deambulationis. Casus autem dici solet, ipsa causa effectus casualis, ita ut casus & casualis effectus pro relatiuis habeantur.

Est enim casus, causa per accidens effectus raro contingens.

Similiter de fortuna & effectu fortuito dicendum. Notanda tamen est differentia inter casum & fortunam, itèq; effectum casualem & effectum fortuitum: quoniam fortuna nomen specialius est, & commune minus est, quam casus. Fortuna enim in solis est agentibus à proposito, casus uerò etiam in agentibus naturalibus. similiter de effectu casuali & fortuito dicendū. Pro cuius noticia Aristoteles ponit hanc diuisionem.

Eorū quæ fiunt, alia per electionem fiunt, alia non per electionem.

Vnde exustioli ligni in ignem cadētis de superiori loco per actionem formæ substantialis ipsum mouentis, dicitur effectus casualis, cō quòd præter intentionem & inclinationem naturalem, talis accidit effectus: non est tamen effectus fortuitus, neque causa huius effectus per accidens fortuna, sed tantum casus dicenda est. Non enim uoluntate libera descensum intendit. Vnde Fortuna ab Aristotele finitur hoc pacto:

Fortuna

Fortuna est causa per accidens in his quæ per electionem alicuius gratia fiunt, extrâ semper, & frequenter.

Per electionem fieri nihil est aliud quàm libera uoluntate, & ex proposito.

CAPVT

XXIII.

Ex dictis quedam ponuntur conclusiones.

EX prædictis patet eorum falsitas, qui omnia ponebant fieri à casu & fortuna: similiter & eorū, qui nihil à casu uel fortuna fieri admittebant, In utroq; enim extremo rum horum inest falsitas. Media autem sententiā ueritatem tenet, quæ neque omnia dicit, neque nulla, à casu fieri, & fortuna, iuxta declarationem suprapositam. Patet insuper, quemadmodum insipientibus & improuidis plurima contingant casualia atque fortuita: prouidis autem, pauciora. Nam improuidis plurima contingunt præter intentionem & per accidens, dum suas actiones easque per se consequentia non attente considerant. Prouidis uerò, diligenter & suas actiones & quæ consequuntur circumspectantibus, non ita multa præter intentionem siue per accidens contingit, ac proinde non ita multi eis contingunt effectus casuales. Atque hinc rursus colligitur prouidissimo illi, ac summo sapienti Deo (cuius ordinatissimam dispositionem & præuisionem nil latere potest aut subterfugere) nihil accidere posse casuale uel fortuitum: cum præter illius intentionem prorsus nihil posset euenire, siue cuius ordinatione, dispositione, ac nutu neque folium arbori decidit, neque pilus deperit capiti. Et frequenter ea quæ secundum inferiores causas penitus casualia sunt aut fortuita, eadem quantum ad mentem diuinam primamque causam maxime sunt intenta, & secundum ordinatissimam eius dispositionem ita ordinata. Quemadmodum (exempli gratia) generis humani redemptio, legisque ueteris cessatio, & sanctæ fidei ad gentes transitus (quæ omnia ad Christi mortem consequuta sunt) uelut casualia atque fortuita effecta sunt, quantum ad Principes Iudæorum, qui Christi mortem effecerant, & impijssimos dæmones, qui ad eam sollicitando fuerant

*Conclusio
nes Ari-
sto.*

Coll. I.

rant

DE CAUSIS RERVM

rant conati, Omnipotenti autem Deo nihil unquam æquè prospectum fuit, intentum aut ordinatum. Siquidem ab æterno ille hac ratione instaurare decreuit, & quæ in cœlis & quæ in terris erant collapsa, & in filio suo super benedicto omnia adimplere. Et uniuersaliter, nullus omnino contingit in hoc mundo effectus, quem non plenissima illa & æterna sapientia præuiderit ab æterno, atque etiam si pessimus sit, nouit tamen ab æterno, & disposuit apud sese, cur illū esset in suo tēpore permissurus, & dispositione ordinatissima omnia nouit in debitos usus suos atque fines referre.

CAPVT XXIIII.

Quæ causarum genera Deo uel competant uel non competant.

VT autē singula causarum genera ad Deū nunc accomodemus, sciendum est, quòd prima duo causarū genera (nempe materialis & formalis) Deo non conueniunt, quoniam habent imperfectionem annexam. Materiam enim necesse esse partem constituentem aliquid siue naturale, siue artificiale. Similiter & de forma constat, per quam oportet ré esse. Deus aut nullam prorsus compositionem nouit, neque pars esse potest, qui est totum & perfectum esse omnium rerum. Casus etiam & fortuna illi non conueniunt, qui est prudentissima prouidentia, citra cuius ordinationem & intentionem nihil potest euenire. Cetera duo genera (nempe efficiens & finis) quatenus perfectionem nominant, illi sunt omnibus modis attribuenda. Est igitur Dominus Deus, omnium rerū finis ultimus, & ultimus, in quem omnes omnium particulares fines reducuntur, ad quem tendunt toto nisu uniuersis suis operationibus: oīa. n. naturalia, quanquā infima & uilissima, dum omnia ad hoc naturali tendunt conatu, ut illi assimilentur sua operatione, sicut & ipse summè potens est, summeque efficax in agendo, & dum omnia quærunt perfici, sicut & illè summè perfectus est. Duabus enim rationibus Deus omnium finis est cum ratione finium, particularium, quoniam

*Omnium
finis est
Deus.*

niam nihil bonum est neque appetibile, nisi secundum quod est à Deo, tum ratione sui ipsius, qui est etiam ut summum bonum immediatus finis omnium.

CAPVT

XXV.

Quomodo omnium effectuum & rerum Deus est causa efficiens.

Omnium quoque effectuum Deus est causa prima efficiens, & produciens, & conseruans. Omnium enim causa est, & ab ipso sunt omnia, non solum in fieri, sed quādiu sunt, continuo ipse eis esse influit, & omne efficiēs particulare in ipsum Deum ut primū reducitur. Vt enim quælibet res sit efficiens, à Deo hēt. Et hac ratione Deus quasi efficiens mediatum est eorum effectū, quos mediātibz alijs agentibus operat. Quanquā enim Deus per se potens sit absq; medio omnia similiter, sicut nunc fiunt, efficere & disponere: tamen ad magnificentiam gloriæ suæ declarādam & donandā creaturis perfectionem (est enim magnæ perfectionis, uirtutem habere quippiam efficiendi) proinde ita dispensat rerum ordinem, ut plurima alijs uelit meditantibus efficere. Quidquid tamen pōt mediante causa secundaria, hoc ēt per se, si uelit, potest. Quid enim per se non poterit qui per se cælum & terram, angelos & homines potuit creare? Non tamen est intelligenda hæc mediatā causalitas ad eum modū quo in creaturis pater causa est mediata filij, quoniam medio seminis (in quo est tota patris efficientia) gignit. Nam & si Deus mediante alio quippiam efficiat, nihilominus tamen oportet ipsum esse effectus immediatum, & influere in ipsum suum esse æquē ac si nulla adesset secunda causa. Imò neque fieri potest, ut talē q̄libet creatura uirtutem accipiat à Deo, ut possit per se solam, absque immediato Dei concursu, aliquid efficere. Patet igitur, quomodo particularis agentis efficientia in Deum reducitur, sicque Deum quodammodo mediatum agens constituit. Deinde, immediatus Dei concursus ad efficiendam rem, Deum facit esse omnium causam immediatam.

*Deus est
rerum om
nium cau
sa effici
ens.*

DE CAUSIS RERVM

CAPVT XXVI.

Vnde in rebus atque effectibus, possit defectus, aut peccatum, aut monstruositas inueniri.

IN illis autem operibus quæ absq; particulari causa mediata Deus facit, nullus potest esse defectus, neq; malū, neque peccatum. Sed in his quæ per causam mediatam facit, potest malum & defectus euenire: non ex ipso primo principio summæ bono atq; perfecto, sed ex particularis alicuius efficientis insufficientia, uel imperfectione. Ipse enim generaliter influit & concurrit, ad omnem actionē & opus omne, tam naturalis quàm uoluntarij agentis. Cæterum, causæ particulares & secundariæ, quæ ad effectum concurrunt, efficiunt facili, ut defectus aliquis siue peccatum contingat. Vnde manifestum est, quotiescunque effectus aliqui monstruosi contingunt, debere defectum illum atque monstruositatem in aliquam reduci causarum secundarum.

Effectus autem monstruosus est, qui deformitatem aliquam notabilem habet, toti suæ speciei extraneam; idque ab origine.

Quemadmodum si quis nascatur duo habens capita, senos digitos in una manu, os habens ad aurem retortū, aut rostrum caninum. Quæ possunt uel ex parte indispotionis materiæ, uel ex defectu & superabundantia euenire, similiter & ex superabundantia uel defectu uirtutis actiuæ, atque etiā alijs diuersis modis, de quibus particularius determinare, ad Medicum potius quàm ad Physicum spectat. Et quemadmodum in naturalibus istis defectus, siue monstruositas in Deum nequaquam reducitur, sed in causam secundam deficientem: ita in actibus humanis qui à uoluntate fiunt, si quid inest defectus atque monstri, si quid peccati & deformitatis (quemadmodum est in omnibus peccatorum actibus) nequaquam in Deum primam causam reduci debet, aut illi quasi auctori ascribi, sed in causam secundam, id est in hominis peruersam uoluntatem: ita ut quidquid est boni in actibus nostris, Deo omnis boni auctori, quatenus bonum, ascribatur: quod uerò inest defectus

Etus atque mali, nobis ipsis, id est, nostræ uoluntatis prauitati imputaretur. Iuxta quod per Osee Prophetā Dominus loquitur dicens, Perditio tua ex te Israel, tantummodo ex me auxilium tuum, siue saluatio tua in bonum. Igitur Domine omnem auferas impietatem, quam in nobis sine te nos sumus operati, & nunc accepta bonum placitumq; habere, quod tu in nobis es operatus, & uitulos labiorum nostrorum, laudem & gratiarum actionē, sacrificabimus tibi.

Osee. 13.

Ibidem.

CAPVT XXVII.

*Conclusio libri in conuersione ad creatorem ex spectaculo
creaturarum.*

Confiteri nunc ò anima mea Domino, & conuertere in requiem tuam. Ascende in speculam celsitudinis tuæ, calcatisq;ne subtus te elementorum globis, Luna, Sole, cunctisq; cælorum orbibus. Lena quoque te supra te, & stans prospice eminens super uniuersam creaturam Domini Dei tui. Contuere, & perspice diligenter, quæadmodum à summa illa ac prima omnium causa effluat esse omnibus, quemadmodum illo perpetuo influxu etiam minimis creaturis (quas hominis fastus uix dignatur aspectu) suum cuique proprium esse influat, quomodo ab illo inexhausto fonte, tanquam sitibunda omnis creatura suam hauriat bonitatem atque perfectionem. Rursusq; contemplare, quanto conatu uniuersæ creaturæ pro sua uirili, certatim ad illud primum & summum bonum contendunt redire, à quo sunt egressæ. Videbis certè, nihil aliud omnem creaturam agere, quàm ad Deum tendere, & natiuo ac genuino desiderio incessanter ad illum anhelare, illiq; ut fiat simillima, toto nisu elaborare; O quàm est iucundum hoc spectaculum animæ quærenti Deum. Ex aduerso autem, quàm fœdum est & abominandum spectaculum, & monstrum nimis horrendum, cum sic uideamus omnem creaturam ad Deum conari, ad quem tamen pertingere nequaquam potest, hominem solum oculos habere in terram defixos: cum sit ipse unus in hoc factus, ut Deo sempiterno nexu copuletur. O monstrum horredum. O execrabile facinus. O immane

Ps. 114

Thren. 3

Thren. 3. immane scelus, homo nō quærens. Nos uerò ad illum quē omnis laudat factura spiritalis atque corporea, corda etiam nostra leuamus cum manibus, & ne solos nos tam glorioso deesse contingat certamini, in quo primos iure fuisse oportebat, incessanter illius uacemus laudibus, ad illum desiderio semper incessanti anhelantes, atque per operationem Deo dignam & nobis congruam properantes, qui est unus primus atq; beatissimus, creatorum omnium, peculiariter uero humani figmenti finis & requies ultima, à quo uno sunt omnia, & in quem tendunt uniuersa. Cui sit honor & gloria in secula sæculorum. Amen.

FINIT LIBER SECVNDVS.

CANTICVM PSALMI, IN LAVDEM causæ primæ, creatricis omnium.

Cœli cælorum, & qui inhabitatis in eis accedite: terra, mare, & quæ in eis estis, omnia, festinate in chorum gaudiū.

Volucres cæli celeriter aduolantes ne moram nobis facite: etiam quæ super terram serpitis ac repitis, accelerate gressus uestros.

Venite quæcunque subsistitis, collaudemus unā Dominum: ipse est enim, cuius potentia surreximus de nihilo.

Non sunt absque illo Angelicæ substantiæ: si quidem in principio ipse creauit eas in nobilitate naturæ suæ.

Cælorum quoque amplissimos orbes tu extendisti solus, tantæ molis materiam erat tibi pro nihilo tondere, qui es omnipotens.

Virtutem mirificam indidisti corporibus istis, ut ad efficiendū quodque sint potentia, quomodo tu in omnibus operans omnia, te demonstrans omnipotentem.

Hunc etenim tu deputas ornatū gloriæ tuæ, sic constituit & creaturas tibi non in minimo similes.

In omnibus uero quæ sursum habitant, & nostro aspectui apparent eminus. Solis iubar sese monstrat gloriosius.

Ipse graditur in magnificentiā gloriæ suæ, per medium cæli ex omni parte luminaribus mille millibus stipatus atque circumdatus.

Quasi dominator in medio seruatorum graditur in comitatu stellarum, & diffundit multo ardore circunquaque flagrantes radios.

Quocumque aspexerit, illucescis lignum dissi: suū abscessu atque regressio

gressu contristat & letificat omnia.

Cum abscesseris à terris aspectus eius, marcescunt omnia: ipso redeunte in placiditate sua renouatur facies inuersæ terræ.

Ipse uulnerat & sanat, mortificat & uiuificat, & est in omnibus, ò altissime, tui monstrans miram similitudinem.

Laudet te quoque pallida Luna & lienem stellarum, quibus cælorum moles iussisti clarescere & illuminari per noctem obscuritatem terræ.

Laudetur in ignis natura stupenda potentia tua: cui & ipsi miram sibi placuit efficiendi communicare uirtutem.

Pulcer est, iocundus atque formosus, fortis ualidus, & in pugnando robustissimus.

Luce sua illuminat, & flagrat odoribus: quæ bona sunt perficit, absorbit mala, commixta purgat.

Nunquid non in omnibus his similitudo tua reuelat creator altissime: nam & tu ignis consumens es, probans, purgans, acq; perficiens.

Sed & aquæ quæ sunt sub firmamento, habent paratâ in se laudē tibi, in quibus uirtutem constituisti admirabilis fecunditatis.

Insisisti enim paulò post creationis initium producere eas natalitia uiuentia: benedictionem tuam contulisti in illas, ut implerentur inhabitatoribus natantibus.

At uerò terra mater cōmunis omnium nostrum habet, & ipsa manus plenas laudibus, parata offerre eas ante conspectum tuum.

Ecce enim quæ profert tibi ad obeditionem inssionis tuæ, herbam uiuentem, ligna pomifera, & multum omnino decorem ad necessitatem atque delicias filiorum hominum.

Cum tibi rationale figmentum operari placuerit aut fingere: ipsa est quæ tibi præbet copiosam semper materiam in opere tuo.

Et suis ipsa fructibus quos dedisti ei, sustentat mater bona filios suos: ò Deus magne, quàm es in omnibus creator tu mirabilis.

Quò pergimus longius, eò minus pertingimus: laudent te in substantia sua, quæcumque condidit altissima omnipotentia tua.

Nos quoque donec uiuimus filii hominum, benedicimus nomini gloriæ tuæ: & benedicimus amodo & usque in sæcula.

Gloria patri, & filio, & spiritui sancto. Sicut erat in principio, & nunc & semper, & in sæcula sæculorum. Amen.

FINIT PSALMVS.

IN LIBRVM TERTIVM PHYSICAE
CONSIDERATIONIS DE MOTV ET
EIVS ACCIDENTIIS.

PRAEFATIO.



D gloriam Dei summi declarandam, post rerum naturas, & causas, motum quoq; explicare tentabimus. Ipse namq; ut solus penitus perfectus, actus purissimus atque perfectissimus est, omnis expertus motus atque mutationis, ita cuncta creata mobilia fecit esse, motibusq; uariis ac multiplici mutationi subie-

cta, unde est parentissima inter Deum & creaturas distinctio, & Deus in seipso æternaliter perfectus, nihil perfectionis neque appositione annorum acquirit, neq; decursu perdit, neq; in ullam omnino mutationem potest pertinere ad habendum quod nō habuisset, siue ad perdendum q̄ prius habuisset. Omnes autem creaturæ ad suam perfectionem naturalibus attingunt mutationibus, acquirentes per motum quod non habeant, perdentes quod habeant. Atq; hic finis erit considerationis huius, ut cognoscamus præsentem omnibus in se semper immotum permanentem, singulis quibusq; rebus suos motus prouidissimè dispensantē dominum Deum nostrum: qui moueri nescius, singula ut uult, & quando uult mouere potens est: quiq; (ut diuinus ille ac planè theologissimus philosophus cecinit

Boetius in
lib. de con-
solatione
Philoso-
pho.

Boetius): Immotus ipse manens, dat cuncta moueri. Ad huius rei notitiam, nō nihil profuerit subijcere diuisiones aliquot ab ipso Aristotele positas, quarum prima est hæc.

Eorum quæ sunt, quædam actu tantum, quædam potentia sunt atque actu.

Cuius hic est sensus, rerum existentium, quædā est forma

ma accidentalis, aut substantialis, aut res ex illis composita, in quantum sub tali forma existens cōsideratur, alia est res existens in quantum talem formam non habet & habere potest: ut homo ea ratione qua animam rationalem habet: albedinem, talem uel talem dispositionem sub priori membro, sub consideratione uerò carentis alia forma [sub posteriori]: unde hæc membra tantum ratione differunt.

Secunda diuisio est.

Horum, aliud est hoc aliquid, aliud tantum, aliud tale, & in cæteris simili modo, quæ eius quod est prædicamenta dicuntur.

Id est, entium aliud est substantia, aliud quantitas, aliud qualitas: & sic de cæteris prædicamentis.

Tertia diuisio est,

Eorum quæ sunt ad aliquid, aliud excessione defectione uel dicitur, aliud actiui passiuæ, atque omnino motui ac mobilis ratione.

Cuius hic sensus, eorum quæ ad se inuicem quoquo modo referuntur, quædam significatione acquisitionis siue generationis, referuntur, siue actualis, siue potentialis possibilis uel sue, alia uerò deperditionis ratione, ut generans generatum, produçens productum, generabile generatum, corruptum corruptum, corruptibile corruptum.

Quarta diuisio est hæc,

Id quod mutatur, aut in substantia, aut in quantitate, aut qualitate aut in loco semper mutatur.

Cuius hic est sensus, motuum, uel corū quæ mouentur, aliud tendit ad substantiam tanquam terminum ad quem, aliud ad quantitatem, aliud ad qualitatem, aliud ad locum.

Quinta est hæc,

Motuum siue ad substantiam sit, siue ad quantitatem, siue ad qualitatem, siue ad locum, alius est perfectus, alius imperfectus.

Ille perfectus est, qui ad formam perfectiorem tendit. Ut generatio hominis perfectior est generatione equi, & hæc generatione arboris, & hæc generatione herbæ. Imperfectus est, qui ad formam imperfectam est, aut priuatiuam, ut denigratio dealbatione & corruptio generatione imperfectior est, & sic de cæteris.

DE MOTV ET ACCIDENT.

CAPVT I.

De definitione Motus.

*Arist. I.
Physic.*

Definit Aristoteles motum hoc modo.

Motus est actus entis in potentia ut est tale.

Item alibi.

Motus actus est mobilis ut est mobile.

Hoc est, quatenus in potentia est. Qua definitione significatur, motum esse accidentariam quandā rei mobilis formam, per quā ueluti uiam res quæ mouetur ad aliquid continuo acquirendum uel deperdendum tendit, quasi ad terminum. Motus enim est, quo mobilis potentia ad actum deducitur. Quemadmodū cum ex ligno generatur ignis, per motum hunc generationis, continuo forma ignis in materiam ligni introducit, & per corruptionis motum, continuo extralignum pellitur præinexistens forma. Vnde statim euidentissimè patet motum, nō nisi ijs conuenire quæ potentiam habent admixtam, & à Deo esse quod longissimū. Cæteræ uerò creaturæ quod plus habent potentiæ, eo amplius sunt motibus subiectæ. Spirituales enim substantiæ sensibilibus non mouentur motibus, eo quod ad formas sensibiles potentiam non habeant intellectualibus tamen mutationibus subiacent, quoniam potentiam habent ad intellectiones & affectiones, ad esse item & non esse. Cælestia uerò corpora, quia ad locum sensibilem potentia sunt, secundum suas partes diuersa loca habere apta, idcirco mouentur motu locali. Alterationes uerò horum inferiorum alterationibus similes, non recipiunt, quoniam ad similes qualitates potentiam non habent.

CAPVT. II.

De motu instantaneo subito, & successiuo.

Quid motus instantaneus.

NOtandum uerò est, quod quidam sunt motus instantanei, qui in momento temporis uel in non tempore perficiuntur, ut aeris illuminatio, quæ tota simul uno instanti cōpletur, secundum omnes aeris partes. Hocque ideo, quia lumen in aere contrarium nullum habet, sed tantum sunt in eo tenebræ, priuatio luminis, quæ nullam faciunt resistantiam

stentiam soli illuminanti, atq; hic motus, nullas habet successione partes. Alius est motus subitus, qui in instanti nō completur, tamen in imperceptibili fit tempore. Vt cum calefaciens primum caloris gradum in subiectum inducit, in instanti hoc facere non potest, ob resistantiam aliquale contrarii: tamen in imperceptibili tempore & indeterminato hoc facit, ita ut illius temporis non possit adæquatum assignari momentum, initians aut finiens. Successivus uerò motus & sensibilis est, quando aperta est in motu successio, ita ut monstrari possit, quæ pars formæ qua temporis parte sit per motum introducta aut expulsa. Quemadmodum est in motu calefactionis aut frigefactionis, quoniam calor totus, aut frigus totum, non in instanti neq; subito, sed cum temporis successione in subiectum introduci tur, ita ut in successione, una pars prius, altera posterius in subiecto habeatur. Et de huiusmodi motu plerunq; intelligimus cum de motu loquimur rerum naturalium. Res quippe naturales non multum movent, neq; moventur instantaneè, partim ob defectu uirtutis actiue, partim ob contrariorum resistantiam, uel mobilis indispotionem. Subitus uerò motus, plerunq; perficitur successivè, & in illum finitur: Aqua enim licet incipiat subito calefieri secundum primum caloris gradum, quantum tamen ad totam caloris formam, successivè debet calefieri.

Quid motus subitus.

Quid successivus motus.

CAPUT III.

De differentia rerum à successiviarum, rebus permanentibus.

Pro pleniori autem motus intelligentia aduertendum est, quo pacto distinguantur ab inuicem res permanentes & successivæ. Illa nanq; permanentia, sunt quæ omnes suas partes simul habent, aut habere nata sunt, ita ut nulla opus sit eis successione. Alioqui & qualitates sensibiles plerunq; successione secundum partes suas absoluuntur, sed non hoc requirit earum naturalis conditio, uerum ex motus natura contingit eis sic per accidens successivè fieri. Quemadmodum (exempli gratia) calor, res permanens est, quia tametsi ratione motus per quem habet acquiri, suc-

Quæ res sunt permanentes.

DE MOTV ET ACCIDENTIBVS

*Quid res
successi-
ua.*

cessiuè fiat atque in subiectum introducatur, tamen quantum ex suæ naturæ conditione, nulla opus habet successione. Potest. n. partes suas omnes simul habere, neque in ullo fluxu consistit. Illæ autè res sunt propriè dicendæ, successiuæ, quæ ex naturali conditione partes suas habent in successione, ita ut simul eas habere non possint. Cuiusmodi sunt motus & tempus. Partiū enim motus uel temporis adueniens altera alterā abigit: & hac abeunte, succedit iterum alia tertia, quod in horarū fluxibus apertissimum est. Porro quod in permanentibus rebus positio, hoc in succedentibus est successio. Sicut enim ligni partes positionem certā habent adinuicem, ut hæc non possit esse simul eodem locum cū illa, sed separatim hæc pars hic est, illa illic, ista istic: ita similiter quando prima hora est, nō est secunda: quando secunda, non est prima neque tertia, sed successione continuantur adinuicem, quia nunc est prima, post eā subsequitur secunda, postquam euestigio succedit tertia. Vnde patet, sicut certa positione quantitates permanentes sunt continuæ, ita tempus, huiusmodi successione esse continuum. Diuiditur. n. quantitas continua in permanentē & successiuam. Permanentes sunt, linea, superficies & corpus. Tempus autem, quantitas continua est successiuum.

CAPVT IIII.

Motum non esse quantitatem, neque ullo stringi prædicamento.

*Motus
uagatur
per om-
nia præ-
dicamen-
ta.*

Quanquam autem motus succedentes habere partes secundū successionē intelligatur, non tñ ad quantitatis prædicamentum debet stringi, cū nihil ab ipso denominetur quantum, sed (sicut facillè potuit aduerti ex dictis) à tēpore, quod motum sequitur, ut post dicitur. Vagatur. n. motus ad omnia prædicamenta quasi reductus, iuxta eius termini ad quem est, diuersitatem. Nam generatio & corruptio, ad substantiam: augmentatio & diminutio, ad quantitatem alteratio, ad qualitatem: loci mutatio, ad ubi, siue esse in loco, reducuntur. Et quanquam ita per omnia eodem reductionem motus uagatur, nullo tamen prædicamentali ordine constringitur neque concluditur.

Quomodo

Quomodo motus aliquis etiam in partes extensionis diuidatur.

PRæter motus diuisionem, qua diuiditur in partes succedentes, quæ copulantur per indiuisibile motus, correspondens instanti præfenti, quod solet uocari mutatum esse, est et quandoque diuisibilis in partes extensionis. Sicut enim totum cælum habet totum motum quo mouetur, ita cuilibet parti cæli respondet aliqua pars illius totus motus. Non omnem tamen motum necesse est sic diuisibile esse. Quandoque enim totum mouetur, & nulli parti motus conuenit: ueluti cum terminus ipsius motus indiuisibiliter sic est in toto, ut in nulla tamen subiecti parte, uel secundum se, uel secundum partem inueniatur. Vnde constat hanc diuisibilitatem competere motui per accidens, ratione termini ad quem est motus secundum eius extensionem. Cæterum, nullus motus partes ullas habet, aut habere potest secundum intentionem, cum non contingat plures partes eiusdem motus esse simul in eadem parte subiecti. Velenim sibi inuicem succedunt, uel secundum extensionem in diuersis subiecti partibus existunt.

*Arist. 6.
lib. Phy.*

*Motus
non potest
intendi.*

CAPVT VI.

De quinque ad motum requisitis, & duplicibus mutationibus.

ADuertendum autem, ad motum necessario quinque requiri nempe.

Mouens, mobile, terminum a quo, terminum ad quem, & tempus.

Absque his enim non fit motus, & sunt hæc in singulis motibus perquirenda, ut in alteratione a uitijs ad uirtutes, est mouens & operans Deus, atque suo exercitio liberum hominis arbitrium: ipse homo, est motus: terminus a quo receditur, uitiū est: terminus ad quem acceditur, uirtus est: tempus, est uisitacionis dominicæ hora, siue aliud quodcumque aduersitatis aut prosperitatis tempus, in quo se quis a uitijs auertit ad uirtutem. Terminus quippe a quo, intelligitur id quod per motum abiicitur: quod aliquando est pura negatio uel priuatio formæ quæ per motum acquiritur, aliquando forma

*Tractatus
hæc Arist.
lib. Phy.*

DE MOTV ET ACCIDENT.

contraria. Vnde claret quasdā mutationes esse de contrario in contrariū, ut ex calido fit frigidū, ex albo nigrū. Itē ex hæretica opinione mala fit alteratio ad contrariam opinionem ex carnali amore, conuersio ad amorem spiritua- lem: à uitio ad uirtutem, ut à gula ad sobrietatem: ex den- so, rarū, ex leui, graue. Sub quibus cōprehendimus mo- tus qui sunt de medio in alterū extremū, uel econtrario ut ex rubeo in albū aut nigrum, aut econtrario. Et eiusmo- di motus propriè uocantur motus, cō quod sunt (secundū Aristotelem) de subiecto in subiectum, id est, de affirma- tione ad affirmationem, uel de forma in formam suntque hi motus difficiliore. Quēdam sunt mutationes à priuatio- ne tm̄, uel negatione, ad oppositum habitū: ut ex non ho- mine generatur homo, ex non igne ignis, ex indocto & ru- di fit doctus, ex infideli priuatiuē fidelis: quando nimirum is qui de dogmatibus fidei catholicæ neque rectam, neque peruersam habet opinionē, in fide docentis opera erudi- tur, ut rectē quēadmodū oportet de eis sentiat: ex tenebro- so lucidū, atq; ita in similibus. Quas mutationes faciliores esse cōstat: Et (iuxta Aristotelis sententiā) motus ppriè nō sunt, sed mutationes tm̄: quia sunt de nō subiecto in subie- ctū: id est, de priuatione uel negatione (quæ per nō subie- ctā intelligit) ad affirmationē: aut econtrario de subiecto ad nō subiectū, id est, de affirmatione ad negationē uel pri- uationem. Huiusmodi autem sunt generatio, quæ est à nō esse ad esse. & corruptio, quæ est ab esse ad non esse.

CAPVT

VII.

*De termino ad quem, & à quo & quomodo secundum eos motus di-
stinguantur uel non distinguantur.*

*Quid ter-
minus ad
quem.* **T**Erminus uerò ad quē, illud dicitur ad quod mobile siue id quod mouetur tendit, siue sit affirmatio, siue negatio: ut terminus ad quem generationis est forma rei quæ acquiritur per generationē, & esse rei quæ acquiritur per generationem, siue esse rei generate. Ad hoc enim tē- dit generatio, ut forma substantialis insit in materia & res
substantia-

Substantialiter existat. Terminus corruptionis ad quem, est priuatio formæ præexistentis, & nõ esse rei præexistētis. Quippe ad hoc tendit corruptio, ut materia priuetur forma quæ inerat, & res quæ præerat, suū esse perdat. Terminus augmentationis ad quē, est maior quantitas: Diminutionis, minor quantitas. Alterationis uerò terminus: est qualitas secundum quam res alteratur loci mutationis: ipsum ubi, siue (ut crassius dicamus) locus secundum quem res uariatur. Est autem terminus ad quem, dignior & principalior consideratione motuū, termino à quo: quoniam & ab ipso motuum denominatio sumitur: ut alteratio, ad albedinē dealbatio, ad nigredinem denigratio uocatur.

Quodq; amplius est, etiam distinctio generica atq; specifica ex ipso accipitur. Secundum .n. terminos ad quos sunt distinguuntur, (ut suprà declaratum est) generatio, corruptio, augmentatio, diminutio, alteratio, atq; loci mutatio. Item generationes uiuentium & inanimatorum distinguuntur genere propter formas diuersorum generum. Generationes hominum & brutorum distinguuntur, specie ob formas ad quas sunt specie differentes. Generationes diuersorum hominum, numero distinguuntur, ob formatum ad quas sunt numeralem tantum distinctionem. Ita similiter in aliis motuū generibus est dicendum. Non solum tamen ex diuersitate termini ad quem, motus distinguuntur: sed accipitur etiam distinctio motuum ex medio, quò ad terminum ad quem, necessario debet perueniri, ob concatenationem cū termino ad quem. Motus enim rectus & circularis genere differunt, propter diuersum modum spatij quod pertransitur: item motus rectus & motus curuus ad eundem locū. Itē doctrinatio eiusdē conclusionis, iam per demonstrationem iam per uerisimile, tantum argumentum; ob mediū diuersitatem uariatur. Neque profecto minus apparet hæc distinctio ipsius motus per se esse, quæ sic ex medio uel ratione, aut modo aut conditione motus sumitur, quàm ea etiam ipsa quæ ex termino ad quem sumitur. Ex termino autem à quo, constat nunquam uariari speciem motus. Eiusdem enim speciei est dealbatio,

Terminus ad quem, est dignior termino à quo.

Vnde distinctio generica motus.

Terminus à quo

quæ

DE MOTV ET ACCIDENT.

*speciem
motus nō
uariat.* quæ est à nigredine ad albedine, cum ea quæ est à rubedine: & eiusdem speciei generatio ignis qui est ex stipula, & qui ex ligno. Diuersitatē autem numeralem facit quodlibet illorū suprapositorum. Qui enim motus uel aliud mouens, uel terminū à quo, uel ad quem aliū, uel aliud tēpus, uel aliud mobile habent, numero sunt indubiè diuersi. Facilius. n. est numerū uariare in rebus, quā speciem. Quanto enim minor est distinctio, tanto acquiritur facilius, quem admodum contrario, maior distinctio (nempe generica uel specifica) est difficilior.

CAPVT VIII.

An motus distinguatur a suo termino ad quem est.

Non est uerò dubitandum ulla ratione, quin motus à termino suo ad quem, alius sit, ac distinguatur, ut minimum secundum rationem: cum motus rationem habeat rei successiue, sitq; motus omnis quatenus motus, res successiua, non autem terminus ad quem: cum sit secundum suum esse res permanens, etiam si successiue fiat atque producat in subiecto. Verum de reali distinctione quæstio solet agitari, an motus res aliqua diuersa sit, & realiter secundum suum esse differens à termino ad quem est: quibusdam realem distinctionem ponentibus, quibusdam negantibus, & rationem tantum distingui asserentibus. Iuxta quorum sententiam dicendum est, quod substantialis ipsa forma quæ in generatione acquiritur in generato, ut à mouente in motum producta, quatenus per eam ens potentia actu fit, sit ipsa generatio. forma uerò quæ deperditur, sit ipsa corruptio: & maior continuo acquisita quantitas, augmentatio: minor, diminutio. Frustra enim (ut ipsi aiunt) rerum pluralitas absque necessitate ponitur. Neque tamen admittunt, in eisdem prædicamentis ponendos esse motus, in quibus termini ponuntur, tametsi & rem sunt idem: quoniam diuersa ratio prædicamentorum ordines etiam uariat.

CAPVT IX.

De motu in comparatione ad actionem, & passionem & de vocabulis motum significantibus.

Similis quoque de motu & actione & passione quaestio fieri solet, num realis sit ponenda distinctio inter actionem, passionem, & motum, an & in rem coincidere dicenda sint, sola uariantia oratione. Et huic quoque quaestioni contrariae adhibentur responsiones, alteris priorem, alteris posteriorem sententiam approbantibus. Sunt enim qui motum dicunt non nisi & in ratione differre ab actione, & passione. Verum in his atque similibus, ubi de reali distinctione mouetur quaestio, non multum est anxie perquirendum, cum utraque pars suam plerunque habeat probabilitatem, & suis rationibus ambae sententiae plerunque muniantur. Neque ad uerum Philosophiae finem (qui est Deum in creaturis cognoscere, agnitionemque collaudare) huiusmodi perplexa & steriles quaestiones multum admodum uidentur habere momenti. Illud autem aduertendum est, quod motus non est in mouente: tamen si efficiatur a mouente: sed est in ipso mobili, sicut & terminus ad quem, in mobilitatum est, non in mouente. Neque fingi debet unus motus in mouente quo moueat, & alius in mobili quo ipsum moueatur. Sed quemadmodum (iuxta Aristotelem) eadem est uia a Thebis ad Athenas, & ab Athenis ad Thebas: sic motus unus est, quo agens mouet extrinsece, & intrinsece mouetur mobile. Est. n. motus, medium quoddam, & ueluti quaedam uia inter actionem & passionem. Vbi rursus notandum, ratione huius coniunctionis distinguendas esse iuxta significationem omnes uoces quae motus significant: utpote exempli gratia, generare, corrumpere, generari, corrumpi, calefacere, caleferi, generatio, corruptio, calefactio, dealbatio, doctrinario, atque id genus alia, motum uel actionem aut passionem significare soli. Si. n. motus significant, non collocantur sub actione uel passione. Si uero actiones & passionem cum motu coexistentes significant, sub actione aut passione constituentur. Est. n. generatio, corruptio, augmentatio, diminutio, dealbatio, doctrinatio

Nota attendere.

Motus est in mobili tantum.

Arist. 3 Physic.

Triplex significatio distinctio motus designatio.

DE MOTV ET ACCIDENT.

natio quædam actiua, id est, actio: quædam passiua, id est, passio: quædam neutra, id est, motus ipse, qui neque actio, neque passio est sed inter utrumque mediat. Vocabula autē illa quæ motus significant aut actiones, passionesve immanentes animæ (cuiusmodi sunt intellectio, uisio, uolitio, auditio, ac similia) præter supradictas tres acceptiones, accipiunt etiam quartam. Est enim uisio actiua, qua obiectum agit in sensum: est uisio passiua, qua sensus ab obiecto patitur: est uisio motus, id est, alteratio ipsa uisus: & est uisio quarta, quædam neutra (qualitas ut dici solet tertiæ speciei qualitatis, quæ motus uisionis solet assignari terminus, soletque ad distinctionem, actus uidentis seu uisio neutra nominari. De his uerò latius pertractare, non arbitror præsentis esse negotij.

CAPVT X.

De motus continuitate, & quid ad eam requiratur.

*Tractatur ista
ab Arist.
3. lib.
Physic.*

HIs uerò præmissis, consequenti ordine de quibusdā motui accidentibus est determinandum. Et primum quidem de motus ipsius continuitate, ad sciendum, quis motus continuus sit, aut non continuus. Est ergo aduertendum, quòd ad motum continuum requiruntur, cōtinua formæ acquisitio, uel deperditio, mobile continuum, & temporis continuatio, ita ut nulla sit in motu temporis interruptio: quod si horū aliquod defuerit, non pōt esse motus continuus. Non autem requiritur mouentis cōtinuitas, quia succedentibus absque interruptione temporis diuersis mouētibz eiusdem rationis, continuus effectus producitur. Neque item requiritur continuitas termini à quo, quoniā continuo motu prius à calore, post à tempore, ad frigus mouetur mobile. Medium quoque non oportet esse continuum. Vnus enim motus secundum locum est, qui per contigua tantum fit. Non tamen sufficiunt consequenter se habentia. Est enim differentia inter continua, contigua, & consequenter se habentia. Vnde continua sunt, quorū ultima sunt unum: ita ut quod est finis unius, sit alterius uerum initium. Contigua sunt, quorum ultima non sunt quidem unum,

sunt

Sunt tamen simul. Simul autem sunt, quæ se inuicem tangunt, ut duæ lineæ diuisæ, quæ se inuicem tangunt in finibus punctis sunt contiguæ & non cōtinuæ. Similiter duo ligna diuisa, se inuicem in extremitatibus proximè tangentia, contigua sunt, non continua. Continua uerò sunt, duæ partes integrales unius lineæ, ad inuicē proximè, & unius totius integralis ligni duæ medietates sibi inuicem proximæ. Consequenter uerò se habent, quorum ultima non sunt unum, neque etiam simul: inter quæ tamen nullū medium est aliud eiusdem rationis. Vt duæ domus inter quas est spatium inter medium, nulla tamē alia domus cōsequēter se habent: quas tamen manifestum est neque continuas esse, neque contiguas. Continuæ autem domus essent, si unum haberent eundemque parietem, qui huius esset finis & illius principium. Contiguæ uerò, si diuersos quidem parietes, tamen se inuicem contingentes.

Cōtingua.

Consequēter se habentia.

CAPVT XI.

De motus tarditate, uelocitate, atque frequentia, deque causa tarditatis aut uelocitatis in motibus.

Tardus motus est, quo maiori tēpore minus acquiritur uel deperditur: ut tarde calefit aqua, si magno tempore parum caloris acquirat: tarde augmentatur siue crescit arbor, si in prolixo tempore parum acquirat maioris quantitatis, tarde discit discipulus, si in multo tempore, sciētiæ atque doctrinæ paulum assequitur. Velox motus est, qui minori tempore multum acquirit aut perdit: quemadmodum in aqua breui tempore uehementer calefacta, & in discipulo industrio ac diligenti breui tempore multam scientiam assecuto. Vbi diligenter attendenda est differentia, quæ est inter motum uelocem, & motum frequentem. Frequentia enim, interruptionem & discontinuitatē significat motus: longe uerò aliud, uelocitas. Procedit autē hæc tarditas in motu, aliquando ex defectu uirtutis mouentis: ignis. n. modicus, nequit uelociter calefacere: & doctor. piger atque ineptus, nequit discipulos citò ad doctrinā adducere. Non nunquā uerò, ex resistentia contrarij. Nequit enim etiam magnus

Motus tardus et uelox.

Vnde tarditas in motu.

magnum

DE MOTV ET ACCIDENT.

magnus & ualidus ignis, hominem multū frigidum cito ca-
lescere, neque præceptor industrius & diligens hebetem
& obtusum pigramq; discipulum, cito in scientia erudire,
aut petulantem citò moribus probis instituere. Aliquando
ex resistantia medij. Lapis enim licet grauis, non potest ci-
to per aquam moueri, sicut per aerem: nec pluuia pōt uelo-
citer descendere, ob resistantiam aeris. In uoluntarijs au-
tem, præter causis supradictas, uoluntas etiam sua liberta-
te causa esse potest tarditatis aut uelocitatis motus. Homo
enim nullum habens impedimentum uelociter uel tarde
mouendi siue agendi quippiam, potest tamen pro sua uolū-
tate uel tarde uel uelociter agere. Et primum mouens, qđ
est super omnia mouentia Deus in sæcula benedictus, cum
neque uirtute deficiat, neque ulla resistantia aut inconue-
nientia impediri possit, quædam tamen uelocius, quædam
tardius mouet, pro suo beneplacito, cui sine resistantia at-
que contradictione obediunt uniuersa.

CAPVT XII.

De uniformitate & diffinitate motus.

*Moueri
uniformi-
ter & dif-
formiter.*

ATtenditur autem etiam uniformitas uel diffinitas
in motu, secundum considerationem partium ipsius
mobilis. Illud mobile quod iuxta omnes partes suas æquali-
ter atque similiter secundum uelocitatem aut tarditatē mo-
uetur, ut totus homo æquē uelociter in omnibus mēbris
calefactus, moueri dicitur uniformiter. Illud uerò quod non
secundum omnes partes æqualiter, sed secundum diuersas
partes diuersimode mouetur, secundum aliam uelocius, se-
cundum aliam tardius, ut homo citius in manibus quam in
pedibus calefactus, aut in eisdem membris non æqualiter
calefactus, difformiter moueri dicitur. Prouenit autē hæc
diffinitas in motu, aliquando ex parte uirtutis ipsius a-
gentis, quæ tam uicina non est uni parti sicuti alteri. Ali-
quando ex parte mobilis, quia nimirū una pars est magis
indisposita ad susceptionem actiuitatis, quā alia. Notan-
dum autem est, quod secundum locum difformiter moue-
tur omne corpus circulariter motum, etiā cœlestes orbes.

Semper

Semper enim uelocius mouentur partes supremæ, quàm quæ sunt circa centrum aut medium: quoniam illæ lōgius distantes magnum spatium pertranseunt, cū illæ proximiores in æquali tempore, minimam circulationem absoluant. Id quod in rota figuli manifestè demonstrari potest: ubi partes quæ axi proximæ sunt, prorsus æquali tempore suam minimam circulationem complent, quo partes extremæ à medio longissimè distantes, suum illum multo maiorem absoluunt ambitum. Ita quæ non æqualiter secundum omnes partes accipiunt incrementum, difformiter augeri dicuntur. Et modo quodam etiam illi qui non secundum corpus & animam æqualiter proficiunt (utpote qui corpore crescunt, & animæ profectum nullum in uirtutibus aut moribus accipiunt) dici possunt difformiter proficere atq; augetur, quanquā non est postremus iste sermo proprius eò quòd ex partibus integrantibus mobilis, non essentialibus proprie fieri debeat consideratio uniformitatis aut difformitatis.

CAPUT XIII.

De motu regulari & irregulari.

INsuper poni solet in motu regularitas & irregularitas, quæ non attenduntur secundum partes mobilis, sed magis secundum tempus in quo fit motus. Si enim mobile toto tempore moueatur similiter siue æqualiter, secundum uelocitatem & tarditatem in principio, medio, & fine, dicitur motus regularis. Vnde cælum regulariter, licet difformiter, mouetur. Sic qui nunc uelox est in disciplinarū aut uirtutum profectu, cras tardior, irregulariter proficit, quoniam non similiter continuat. Procedit autem hæc irregularitas potissimum ex uirtute mouente, quæ augetur uel minuitur. Quod enim mouetur naturaliter, in ipso motus sui initio tardius, in medio uelocius, in fine uelocissimè mouetur, propter continuo aduenientem impetum, qui formam substantialem adiuuat in mouendo, atque etiam ob loci naturalis approximationem. Quæ malimodum enim unaquæque res ad suum locum naturalem desiderat, ubicūque

Quis motus regularis & irregularis.

Arist. 2. lib. Phy.

sup quæ

DE MOTV ET ACCIDENT.

Que extra ipsum fuerit posita, ita quo fuerit ei uicinior, magis naturaliter desiderat, atq; ad ipsum fertur, tenditq; uehementius. In ijs autē q̄ mouent̄ uolēter ab extrinseco, motus in principio p̄ceps est & uelocior, sed cōtinuo fit remissior uirtute impressa continuo debilitata. In motibus uerō q̄ s̄m sensum sunt, aut etiam nonnunq̄ s̄m rōem, ut in motu progressiuo & similibus, principium est quidem utcunque uelox, medium uelocius, finis tardior atque deficiens. Quod ex parte instrumentorum est, quæ in principio nondum sunt satis disposita ad expedire motum peragendum, sed per continuā exercitationem rectius disponuntur: quē admodum de uocis prolatione euidenter docet experientia. Tandem tamen, propter debilitatem si diutius perdureret continuus motus, instrumenta motus flaccescunt, & ueluti deficiunt: quemadmodum in uocalibus instrumentis experimur post longam locutionem, siue cantationem, p̄lixiorē: inq̄ue cruribus, & neruis, post diurnam ambulationem. Notandum uerō est, quod primum agens ac mouens, tametsi totam cœlorum machinā difformiter admodum moueat, faciens sphaeras difformibus atque diuersis motibus, aliam quidem citius, aliā uelocius suum cursum absoluerē, mouet tamen eam ab initio usque ad finem, motu regularissimo & ordinatissimo, eandem semper in motu regulam seruans atque custodiēs. Neq; n. ab initio seculi, citius aliquando aut tardius primum mobile motum est aut mouebitur unquam, quam nunc moueatur: neque item aliorum orbium quisquam, siue motus proprios, siue raptus ipsius motum consideremus. Et est id quidē supra modum admirabile, in tanta difformitate motuum corporum cœlestium, perpetuo regularitatem huiusmodi seruari posse, eiusque palam attestatur gloriam, qui in sapientia secundum quam condidit uniuersa, regit etiam, mouet, atq; gubernat, qui est in sæcula benedictus. Amen.

*Attentē
nota.*

Quid na **CAP. XIII.**
suralis **M**
motus.

De motu naturali & uolento, & quo modo in singulis motuum generibus hæc inueniantur.

Motuum insuper quidam sunt rebus naturales, quidam

dam uiolenti. Est autem motus ille rei naturalis, qui est secundum naturam rei, & ei est conueniens: ut igni, moueri sursum, & rarefieri, nisi fortè condensari ipsum amplius quàm conuenit contingat. Hi enim motus conueniunt naturæ uel formæ ignis. Motus uiolentus uel contra naturam est, qui rei secundum suam naturam non conuenit, neque est secundum naturam rei, sed ab extrinseco mouente imprimi-
tur, forma contrariante. Ut motus ignis deorsum, & eius condensatio uel compressio: motus lapidis sursum, aut aquæ siue terræ nimia rarefactio. Repugnat siquidem naturæ ignis & formæ eius, motus deorsum & nimia condensatio: quemadmodum aquæ & terræ, motus sursum aut nimia rarefactio, atque in ceteris. Vbi notandum est, materiã sicut est ad omnem formã indeterminata, ita & ad omnes accidentales dispositiones esse indifferentem, si in sua generalitate consideretur. Verum quatenus per formam limitatum esse participat, illa ei etiam dicuntur secundum naturam, quæ ipsi conueniunt sub forma quam habet. Et illa dicuntur ei esse, contra naturam, etiam ex parte materiæ quæ ipsam à suo esse quod habet participatum nata sunt repellere. Notandum uerò, in omnibus motuum generibus inueniri motus aliquos naturales, alios uiolentos. Generationes enim quædam naturales sunt, ut florum in æstate, & corruptiones eorum in hyeme. Quædam uiolentæ, ut generationes florum uel foliorum in hyeme, ab aliquo accidente: & corruptiones subitæ florum in æstate ante defectum naturalem, ob uehementem æstus Solis, aut aliud quodlibet accidens malum superueniens. Ita sunt partus tempestiui, & partus abortiui. Ita quædam naturaliter fit augmentatio, quædam uiolenter, ut augmentatio subita uel nimia pueri: uel tritici in tempestiua augmentatio, ob abundantiam pluuiæ. Ita in diminutione uirium, ita & in alterationibus dicendum. Immo quædam sanatio est naturalis, quædam uiolenta: ut quæ sit ab aliquo extrinseco, per uiolentiam ratione cuiuslibet accidentis. Quanquam enim sanitas semper sit naturæ conueniens, potest tamen motus per quem ipsa introducit, esse uiolentus, quando non per media

Quid naturalis motus.

Quis uiolentius.

*Arist. in 5. li. 7. hy-
sicorum.*

DE MOTV ET ACCIDENT.

naturę conuenientia, sed magis per accidens intröducitur, cum uiolentia agentis forma cötranitente. Item & sanatio quę fit in diebus criticis, naturalis est: quę uerö dies criticos præuenit aut subsequit, innaturalis, ut ait Aristoteles.

CAPVT

XV.

Quomodo adinuicem debeant motus uel comparari, uel non comparari.

*Tract.
hęc Ari
sto. 7. lib.
Phisic.*

NON est autem quilibet motus cuilibet motui comparabilis, secundū suprà determinatas proprietates uel accidentia. Motus enim rectus & circularis, secundum uelocitatem uel tarditatem non debent comparari. Vt enim in genere quolibet recta sit comparatio, oportet eā fieri secundum speciem specialissimam. Non enim dicitur uinum alio magis coloratum, aut quale, sed magis calidum uel magis album. Oportet item, ut fiat cöparatio in aliquo, quod utriusque comparatorum uniuocè & secundum eandem rationē conueniat. Non enim dicitur homo magis sapiens quā brutū, neque brutum melius sentiens, quā lapis, cum in utraq; comparatione, ea quę comparantur, non conueniant in eo in quo fit comparatio. Neq; rursum medicina magis sana dicitur, aut minus, quā homo: neque potio ipsa magis quā urina aut homo. Quamuis enim quolibet horum sanum dicitur, nempe homo, potio, & urina, fit tamen hoc ratione atque consideratione diuersa homo enim sanus dicitur, ut habens in se sanitatem: urina, ut significatiua sanitatis: potio, ut effectiua eiusdem. Vt ergo omnino recta sit comparatio, sumendi sunt duo motus eiusdem speciei, eiusdemq; rationis, qui secundum aliquod prædictorum accidentium comparentur. Quemadmodum (exempli gratia) hic motus rectus illo recto est uelocior aut tardior, regularior aut irregularior, uiformior aut difförmior: & hic circularis, illo: hæc alteratio, illa: hic motus localis, illo: atque ita in cæteris.

CAP. XVI.

De motuum contrarietate.

MOTUS ex terminis contrariis, non sunt necessario contrarii, ut patet de motu qui est ab albedine ad rubedinem, & de nigredine ad eandem rubedinem, qui sunt eiusdem speciei specialissimæ. Qui autem sunt ad terminos contrarios, sunt contrarii, & si non sint ex contrariis terminis. Ab eodē. n. medio termino motus sursum & deorsum, sunt contrarii. Et dealbatio quæ est à rubedine, contrariatur denigrationi, quæ ab eadem tendit rubedine. Illi tñ motus sunt maximè contrarii, qui sunt à contrariis terminis ad contrarios terminos: ut qui est ab albedine ad nigredinem, illi qui est à nigredine ad albedinem, maximè est contrarius, & magis quam ille qui à media tantum est qualitate. Sumitur etiam contrarietas motuum accidentaliter, sive naturale & uiolentum: ita ut generatio naturalis dicatur contraria simili generationi in specie uiolenter. Sed hæc non est specifica & essentialis contrarietas, cū naturale esse & uiolentum non uariant speciem motus, neq; etiam cetera supra posita accidentia. Opponitur præterea motus etiam quieti, sumendo quietem semper motui oppositam. Ut motus à loco aliquo opponitur quieti in loco illo, non autem motus ad locum aliquē contrarietur quieti in eodē loco, quemadmodum habet Aristot. 5. lib. Physicorum. Non est tamen hæc oppositio contrariorum, sed priuatiue oppositorum. Quies enim nihil aliud est, q̃ priuatio motus, atque ab eo cessatio, in subiecto apto nato. Quemadmodum autem supra motus quidam dicti sunt naturales, aliqui uiolenti, & sic & de quiete possumus distinguere. Lapis enim, in suo loco naturali quiescit quiete naturali: extra uerò eum, quiescit uiolenter.

*Arist. 5.**Physic.**Qui motus contrarii.**Aristo.**circa finē**5. lib.**Physic.**Quid**quies.*

CAPVT XVII.

*De iis que mouentur, quomodo quedam per se, quedam per
accidens moueantur.*

SUPEREST nunc, posteaquam de motus natura & proprietatibus diximus, de mouentibus etiam & motis de-

DE MOTV ET ACCIDENT.

Arist. 7. Phyl. et 5. terminationem subiungere. Ac primum quidem est ad uertendum, quemadmodum inter ea quæ mouentur quædam tantum secundum partem mouentur, ut cum solâ manum agitaui: quædam uerò secundum ipsum totum ut cū corpus uniuersum agitur, siue saltu, siue ambulatione, siue alio quolibet modo. Rursum, quædam per se mouentur, ut totus ipse homo ambulans de loco in locum: quædā uerò per accidens mouentur, alterius gratia, nimirum quæ in eo sunt quod per se mouetur. Idque rursum dupliciter, uel sicut partes in toto, ut manus per accidens ad totius corporis motum: & qui naui uehuntur, gratia nauis cui insunt pariter mouentur, sed per accidens: uel sicut accidentia quæ in rebus sunt quæ mouentur, maximè corporalia, quæ per accidens moueri dicuntur ad motum sui subiecti: quemadmodum ex Aristotele uulgò adduci solet. Motis nobis mouentur omnia quæ in nobis sunt. Complectitur autem Aristoteles hæc unica hac diuisione, quinto Physicorum:

Dictum Arist. 1. lib. Topice.

Eorum quæ mutantur, aliud per accidens mutatur, aliud ex eo quia aliquid huius mutatur, aliud ex eo quia ipsum primo mouetur.

Cuius sensus ex præcedentibus & subsequenter satis patet. Primæ partis ea sunt, dum musicus dicitur ambulare, sanare, &c. Est siquidem motus deambulationis musicæ extraneus & per accidens, quemadmodum & reliqui. Secundæ exemplum est, dum homo dicitur sanari, quia oculus, manus, pes, aut caput sanatur: motus enim toti homini attribuitur, qui tantum parti conuenit. Tertiæ exemplum est, ut homo ambulat ægrotus sanatur, dum ratione totius corporis pristinae ualitudini restituitur. hinc & similis diuisione mouentis ab Aristotele colligitur hæc uidelicet.

Aliud per accidens mouet aliud parte, aliud per se primo:

Quæ ex præcedente facile patent cum exemplis, si ea quæ rei mobili seu motæ attributa sunt mouenti applicentur. Similis quoque diuisione ab Aristotele de termino à quo motus procedit, & ad quem tendit, datur.

Terminorum à quo & ad quem, alius est per accidens, alius ratione partis, alius per se primo.

Vt si

Ut si quis simul ambulet & sanetur, loco à quo recedit, aut ad quem tendit, impertinens & per accidens est motus ad sanitatem, similiter sanatio febris, pars est, si conferatur ad sanitatem in genere: respectu uero sanitatis febris oppositæ, habet terminum per se primo. Ad hunc enim terminum per se primo, totus motus tendit, quæ est sanatio à febre.

CAPVT XVIII.

Quomodo aliter partes integrantes in toto moueantur quam accidentia in subiectis.

IN hoc tamen partes ab accidentibus sunt diuersæ, quod corporis partes, totius motus aliquam partem in se habet, cuius comparatione quodammodo per se mouentur; sicut per accidens mouentur comparatione ad motum totius. Quemadmodum enim totus motus in toto corpore, est sic pars motus in partibus sunt corporis totius quemadmodum de alijs corporalibus accidentibus est manifestum. Accidentia uero nihil in se motus habet, sed extrinsecè prorsus ad motum subiecti moueri debent. Proinde, quæ secundo hoc modo per accidens mouetur, magis per accidens & magis impropriè moueri debent, quæ modo priori. Nam quæ priori modo per accidens moueri dicuntur, simul etiam per se & aliud motum moueri possunt: quæadmodum is qui in naui ambulat, ratione ambulationis quam à naui non habet, per se mouetur: ratione uero uestitionis, per accidens. Sic cum inter ambulandum quis agitatur manum, eamque in sublime tollit, manus illa quatenus ambulatione una cum toto corpore de loco fertur in locum, per accidens mouetur: & uero illum agitationis motum, per se rectè moueri dicuntur. Nunquam uero id in accidentibus usu uenire potest, quæ per se moueri non possunt, sed per accidens & extrinsecè tantum.

*Arist. 4. Physico-
r. in ma-
terie de
loco.*

CAPVT XIX.

Quomodo rerum essentia nullo modo dicenda sit moueri, neque Deus inexistens omnibus.

Essentia rerum quæ mouentur, nullo modo mo-

ueri dicendæ sunt: neque etiam spiritualia accidentia, quæ creaturæ rationali secundum rationem insunt. Vnde cum homo mouetur secundum corpus totum, anima tamen ob hoc moueri non dicitur, neque ipsa eius humanitas, neq; ullus inter animæ actus. Ex quo patet, tametsi in omnibus rebus Deus existat, nulla tamen ratione debere illū dici moueri ad totum rerum quibus inest. Cum rebus ipse inest, non per modum accidentis, neq; per modum patris integrantis, imò neque per modum patris essentialis (cum ipse nullius sit pars compositi, neque esse possit) sed inest omnibus per suam essentiam, ineffabili modo præsentiamque & potentiam, quasi dator essentiæ & inexistentiæ rerum, eiusque custos, & sustentator, in omnibus mouentibus & motis ipse existens atque inhabitans, prorsus immutabilis.

CAPVT XX.

Regula generalis pro iis, quæ motu Physico mouentur.

*Hanc cō
clusionē
ponit &
demonstrat
Aristo.
initio 7.
libri Phy
sicor.*

DE rebus autem naturalibus, quæ per se mouentur physico & naturali motu, dari solet hæc generalis regula: Omne quod mouetur, ab alio necesse est moueri. Quod ut ueritatem habeat, intelligendum est, uel de mouente extrinseco, ut in iis quæ mouentur uiolenter: uel de principio motus intrinseco, quod est forma substantialis rei. Agens enim naturale, non potest seipsum primo mouere, id est, totaliter & secundum utramque partem essentialē: neque item primo, id est, secundum utramque essentialē, partem moueri: sed altera semper est per se mouens & agens, forma: altera per se mota atque patiens, nempe materia. Dictum est autem signanter de iis quæ mouentur motu physico: & de mouentibus rebus naturalibus: quoniam anima quæ res naturalis nō est, seipsam primò mouere potest, quia seipsam in actu facit, & ad intellectionem atque uolitionem per se mouet: neq; hic opus est diuersitate moti atque mouentis, sed eadem anima & mouet seipsam, & a seipsa mouetur.

Quoties uerò ad aliquod mobile plura contigit concurrere simul mouentia, talis inter ea debet esse subordinatio, quòd mouens proximum mobili mouet in uirtute mouentis prioris quod à te mota est elongatius: ut cum lapis mouentur à baculo, & hic à manu, & manus à corde, baculus est mouens proximum moto, & ideo est minus principale in illo motu: & cor est ibi primum in mouendo & principalius, quamuis remotius. Vnde pater Deum (eò quòd sit prius in omni motu, in cuius uirtute mouent alia omnia secundaria mouentia) esse principalissimum in mouendo, cumque omnis motus in his inferioribus causam primariam atque præcipuam assignari debere, quantumuis secundaria alia agentia ad eundem effectum uideantur concurrere. Notandum uerò huiusmodi subordinacionem mouentium esse duplicem. Quandam essentialè, ubi scilicet agens proximum non potest nisi per uirtutem patris mouentis prioris suum motum efficere, ut homo pater non potest siue cœlestium & Dei concursu filium generare: ideo hæc sunt essentialiter subordinata: homo pater, cœlestia corpora, Deus. In his autem sic essentialiter subordinatis, non potest processus esse in infinitum: alioqui, motus naturales essent indeterminati. Quod n. ab infinitis penderet, non haberet determinatam causalitatem. Sequeretur quoque positio infiniti actu secundum multitudinem, cum necesse sit causas sic essentialiter subordinatas simul existere. Quædam uerò mouentia, sunt subordinata accidentaliter: ut pater, auus, atauus, tritaui, &c. quando scilicet mouens immediatum non requirit coexistentiam uel concursum mouentis prioris mediati, ut efficiat uel moueat; quemadmodum pater, ut filium generet, nihil opus habet neque coexistentia neque concursu aui patris sui, neque attau, neque tritau. Sunt tamen hæc mouentia quodammodo subordinata, quatenus mouens ultimum (id est, pater generans) uirtutem accepit à suo patre, atque hic rur-

Quis ordo debeat esse pluribus mouentibus concurrentibus.

Probat hanc conclusionem Arist. 7 Physic.

DE MOTU ET ACCIDENT.

sum à priori, illéque iterum à suo patre, atq; ita consequenter procedendo. Verû in his mouentibus, nihil prohiberet ponere infinitum, ut si mundus poneretur fuisse æternus, & ab æterno homines aliquos fuisse, hoc modo infinitæ essent rerû naturalium causæ, & mouentia infinita. Ex his enim neque tollitur rebus determinata causalitas, eo quod mouentium huiusmodi non requiritur coexistentia, neq; infinitum actu sequitur, sed iucessione tantum, quod non est inconueniens admittere.

CAPVT XXII.

De multiplici proportionem & comparationem mouentis ad mobile.

Quoniam autem mouere aliud, perfectiorem habet: moueri autem secundum suam rationem, habet imperfectionem constat mouens, quatenus huiusmodi, esse moto dignius, & mouens mobili supraponi secundum relationem. Vt autem mouens moueat mobile, oportet ipsum fortius esse mobili, & quasi dominiû habere supra resistentiam mobilis. Iuxta igitur proportionem uirtutis mouentis supra mobilis resistentiam uel indispositionem contingit mobile uelocius, tardius, uel uniformius, uel difformius, uel regularius moueri uel non moueri. Non fit actio, nisi à proportionem maioris inæqualitatis. A proportionem autem minoris inæqualitatis non fit actio, quemadmodum uulgata habet Philosophorum sententia. Cuius dicti est hic intellectus. Agens non posse agere in passum, nisi uirtute superet ipsius resistentiam & potentia sit inæquale secundum excessum. Id uerò quod est minoris uirtutis, & potentia non posse agere in id quod est maioris uirtutis, & maioris resistentia. Ignis enim si sit uirtute potentior ad calefaciendum, quam ad resistendum aqua tunc aget ignis, & patietur aqua. Si e contrario dominetur aqua, patietur ignis, & iuxta ampliorem resistentiam passus plus aut minus mouebit agens. Ex quibus solent deduci septem proportionum regulæ ab Aristotele positæ in 7. Physicorum libro, quas hic quoque subnectimus.

*Maxima
phyloso-
phica.*

CAPVT XXIII.

Ponantur septem regule, quas uocant regulas proportionum.

PRIMA REGULA.

Si aliquod mouens moueat aliquod mobile, aliquanto tempore, & aliquanto spatio, eadem uirtutis mouens mouebit mobilis medietatem, per duplum spatium, in æquali tempore.

Qualis enim est proportio totius uirtutis motiue ad totam resistantiam mobilis, non æqualis est totius uirtutis illius motiue ad medietatem resistantiæ mobilis, sed dupla est proportio. Vnde cum (iuxta principium suprapositum) eam proportionem maioris aut superantis inæqualitatis fiat actio, sequitur eandem uirtutem mouentem, mobilis illius medietatem duplo uelocius mouere: quod facit, quando inæquali tempore per duplum spatium ipsam mouet.

Ponitur hæc regula ab Aristotele in fine 7. Phisicorum.

SECUNDA REGULA.

Si aliquod mouens moueat aliquod mobile, aliquanto tempore, & aliquanto spatio, idem mouens mouebit mobilis medietatem per idem spatium in medio tempore.

Ratio est eadem quæ supra posita est propter proportionem uirtutis actiue, quæ dupla est respectu medietatis ipsius mobilis.

TERTIA REGULA.

Si potentia aliqua mouens moueat aliquod mobile, aliquanto tempore, & aliquanto spatio, eadem potentia mouebit idem mobile per medium spatium, in medio tempore.

QUARTA REGULA.

Si aliquod mouens moueat aliquod mobile, aliquanto tempore & aliquanto spatio, media uirtus mouens mouebit medium mobile per idem spatium, in æquali tempore.

Harum duarum regularum eadem est ratio: quoniam uidelicet, qualis est proportio mouentis ad mobile, in comparatione ad totum tempus & ad totum spatium, talis est mouentis ad mobile in comparatione ad medium tempus pariter & medietatem spatii: & qualis est proportio totius mouentis ad totum mobile, æqualis & eadem est, medietatis ad medietatem, in comparatione ad idem tempus & idem spatium.

DE MOTV ET ACCIDENT.

QVINTA REGVLA.

Si aliqua virtus mouens mouet aliquod mobile aliquanto tempore, & aliquanto spatio, non est necesse eandem mouere duplum mobile per medium spatium in eodem tempore, aut per idem spatium in duplo tempore.

SEXTA REGVLA.

Si aliqua virtus mouens moueat aliquod mobile, aliquanto tempore, & aliquanto spatio, non est necesse medietatem virtutis mouere idē mobile per medium spatium, in æquali tempore, uel per idem spatium, in duplo tempore.

Harum duarum regularum ratio est, quia à proportionē minoris inæqualitatis, non fit actio. Non est autem necesse, ipsum mouens habere dominum, & superioritatem, & inæqualitatem uincētem ac superantem, super duplū mobile. Neq; medietatem uirtutis mouentis, necesse est maiorem inæqualitatem & superioritatem habere, supra ipsum totum mobile.

SEPTIMA REGVLA:

Si plures uirtutes motiue moueant aliqua mobilia, aliquanto tempore, & aliquanto spatio, uirtus ex illis uirtutibus motiuis collecta, mouebit mobile ex illis collectum per idem spatium, & æquali tempore.

Ratio autem est, similitudo proportionis.

CAPVT XXIIII.

Predictis adiunguntur aliæ duæ regulæ.

HIs autem regulis ab Aristotele sicpositis superaddi possent aliæ duæ, octaua & nona. Octaua regula. Si aliquod mouens moueat aliquod mobile, aliquanto tempore, & aliquanto spatio, duplū mouēs mouebit duplū mobile, per idem spatium in æquali tempore: aut per duplum spatium, in duplo tempore. Nona regula. Si aliquod mouens mouet aliquod mobile, aliquanto tempore, & aliquanto spatio, duplum mouens mouebit idē mobile, per duplū spatiū in æquali tempore, aut per idem spatiū in dimidio tempore. Harum duarum regularum rationes, facile patēt.

ex prædictis: Et notandum quòd hæ suprapositæ regulæ, tametsi peculiariter de mouentibus & mobilibus secundū locum datæ uideantur, possunt tamen similiter aptari etiā ad alias species motus, ad augmentationem, diminutionē, & alterationem, quemadmodum docet Aristoteles, in hūc modum. Si augmentans, diminuens, aut alterans, augmentat aliquid aut minuit, aut alterat aliquanto tempore, aliquanta quantitate, aut qualitate, idē augmentat, minuit, aut alterat dimidium, dupla quantitate aut qualitate in eodem tempore, aut dimidia dimidio tempore, atque ita per singulas regulas discurrendo.

CAPVT

XXV.

Quid per mouens & mobile intelligatur in proposito.

Aduertendum autem est, cū in his regulis de mouēte & moto duplo uel æquali loquimur, non uelle nos sermonem facere de quantitate molis. Sic enim non est necesse, si homo certæ quantitatis aliquid possit, idcirco aliū mole & quantitate duplo maiorem duplum posse: cum frequenter soleat in exiguo corpore uirtus regnare maior: Sed de uirtute sermo debet accipi ita, ut per medium mouens intelligatur uirtus ipsa, atque potentia mouentis: per mobile, uirtus resistendi: per medium mouens, medietas uirtutis motiuæ: per medium mobile, medietas resistentiæ ipsius mobilis: per duplum mobile, dupla resistentia: per duplum mouens dupla uirtus motiua.

CAPVT

XXVI.

Exemplo monstratur in igne, omnium regularum suprapositarum ueritas.

Volumus autē in igne alterante atq; calefaciente aquā, per singulas regulas q̄ dictū est exēplo declarare. Ponatur ergo uirtus alteratiua siue calefactiua ignis octo graduum: & resistentia mobilis, scilicet aquæ in sex tantū gradibus. Iuxta primam regulam, si uirtus motiua ut octo ipsius ignis, alteret aquam habentem resistentiā ut sex, tpe horæ

horæ unius, ad calorem duorum graduum: ergo eadem uir-
 tus motiua ignis, medium mobile, id est, aqua habentem
 mediam resistantiam, scilicet trium graduum alterabit ad
 duplam caliditatem, uidelicet quatuor graduum, in æquali
 tempore. Et iuxta secundam regulam eadem uirtus moti-
 ua ignis, dimidium mobile, aquâ dimidiæ resistantiæ, al-
 terabit ad eandem caliditatem, in dimidio tēpore. Et iuxta
 tertiam regulam, eadē uirtus motiua alterabit eandē aquâ
 ad dimidiam caliditatē, in dimidio tempore. Et iuxta quar-
 tam, media uirtus motiua ignis (quæ est ut quatuor) altera-
 bit aquam dimidiæ resistantiæ, ut tria, ad eandem calidita-
 tem duorum graduum in æquali tempore. Et s̄m quintam
 regulam, nō est necesse, si uirtus mouens ignis ut quatuor,
 aquâ habentem resistantiā ut tria, alteret ad caliditatē qua-
 tuor, ut ob hoc eadē uirtus motiua aquâ duplē resistantiā
 habentē ut sex, alteret ad mediā caliditatē in æquali tēpo-
 re, aut ad eandē caliditatem quatuor, in duplo tēpore. Ne-
 que iuxta sextam, necesse est, ut media uirtus actiua ut duo
 alteret, aquâ eandē resistantiā ut tria habentē, ad dimidiā
 caliditatē in æquali tpe, aut ad eandē caliditatē in duplo tē-
 pore. Deniq; iuxta septimā regulā, si tres ignes (quorū quī-
 libet est sex graduū) sigillatim calefacit aquâ resistantiā ha-
 bentē ut quatuor, ad caliditatem trium graduum in certo
 tempore necesse est ignes illos tres simul iunctos aquam il-
 lam ex tribus collectam alterare ad eandem caliditatem, in
 æquali tempore. Iuxta octauam quoq; & nonam regulas, si
 ignis uirtutis actiue trium graduum, aquam resistantiā ha-
 bentem duorum certo tempore alteret ad caliditatem gra-
 dus unius, necesse est ergo ut uirtus motiua sex graduum
 aquam habentem resistantiam ut quatuor, alteret ad cali-
 ditatem æqualem æquali tempore; uel caliditatem duplā
 duplo tempore: & ignis ille ut sex, duplæ uirtutis aquam di-
 midix resistantiæ, id est, unius gradus alterabit ad duplam
 caliditatem, id est duorum graduum in æquali tēpore aut
 ad caliditatem eandem unius gradus in dimidio tempore.
 Similiter practicari potest & in alijs motibus. Nobis uno
 exemplo rem monstrasse sufficiat.

Mouens secundum proportionem, ad mobile mouere debet. & quemadmodum Deus in mouendo potentissimus est, atque liberrimus.

EX his ergo omnibus manifestum enadit, quemadmodum semper mouens moueat, secundum proportionē uirtutis motuæ ad resistentiam eius quod mouetur. Patet etiam quodcumque in mobili est aliqua resistentia, quæ ipsum mouens impediat aut detineat, non posse moueri tale mobile à suo mouente in instanti. Vbi uerò uirtus actiua nullam patitur à mobili resistentiam, potest suum effectum in instanti efficere, quemadmodum est in illuminatione Solis. Omnipotens ergo Deus, cuius infinitæ uirtuti nihil potest contrauenire, cui nulla prorsus creatura potest resistere, cuius uirtus in infinitum superat omnē creatam resistentiam, quæcumque uult potest in instanti mouere, sicuti uult, & quocumque libuerit genere motus, siue generare, siue corrumpere, siue alterare, siue augmentare, siue diminuerē, siue secundum locum mouere. Neque ante Deum differentia est in multo uel breui tēpore, in omnibus quæcumque uoluerit. Cui insuper, quoniam nulli illi resistentia est in mouendo, nullus etiam labor fatigatio, nem, laborem, aut molestiam adducit omnia mouenti. Nō mouet tamen omnia, neq; agit in instanti, neq; subito; quoniam in mouendo est liberrimus, in arbitrio & potestate habens sic uel sic mouere. Ipse uero à nullo moueri potest, qui prius aliquod mouens non habet. Imò neq; ipse se potest mouere, qui nihil potest quod ante non habuit acquirere, neq; perdere quicquam quod ante habuisset. Huic itaq; & primo, & summo, & generalissimo, ac proinde efficacissimo mouenti, soli Deo sit laus, honor, gloria, & benedictio, ab omni mutabili creatura in æterna sæcula. Amen.

PSALMVS LAVDIS ET CONFES-
sionis, omnipotenti, uniuersali ac primo
rerum omnium motori immobili.

Domine, quis similis erit tibi? ne tacete labia confessionem, &
laudem ne continete super eo.

Super cælorum altitudinem residet in arce celsitudinis atq; for-
titudinis suæ: ab æterno triumphat in ea gloriosus ab initio.

Priusquam cælum formaretur & orbis, tu eras ante omnia in te
ipso perfectus & beatissimus in plenitudine tua.

Tu semper immutabilis moues omnia, generas, corrumpis, aug-
mentas, ac minuis, alteras, & rotas, mouesque omnia.

Tu uero ingenerabilis es, & incorruptibilis, augmentari nesciens
aut minui.

Neque alterari tu potes, qui non uariis accidentariis rebus: apud
quem nulla est transmutatio, neque uicissitudinaria obumbratio.

Loco non moueris qui implet omnia: neque ut hominum sunt iti-
nera gressum tuorum.

Incommutato loco accedis & recedis, quod & unde uolueris: non
est hoc datum crassitie filiorum hominum.

Præuales omnibus in fortitudine tua super excelsa: proque tuo
placito rotas agitasque omnia.

Non est neque moles, neque uirtus in omni creatura, quæ obstacu-
lum præbere queat actioni tuæ: super immensa enim uirtute absque
proportionem excedis uniuersa.

Homines & iumenta tu perducis ad augmenta congrua: arbores
quoque, & ligna, & plantas, & omnia uiuentia super terram.

Suis quæque statuis tu perficis ea iuxta conditionem generis sui:
mensuram tu tenes omnium descriptam in officina gloriæ tuæ.

Ipse autem augmentum nescis, neque immutationem pateris: nihil
accrescit neque decrescit in æternam plenissimæ plenitudini tuæ.

Qui pro tuo placito omnia facis altera, nequis ipse alter fieri potest
tia, sapientia, & omnis tua perfectio non immutabitur in seculum
seculi.

Magne Deus, Princeps Regum terræ, dominator omnium uirtu-
te tua, quis te agnoscat, aut collaudabit pro dignitate sic gloriosè
immutabilem?

Ecce qui seruiunt tibi, astantes perpetuo conspectui tuo: non sunt stabiles omnimodis.

Corporea uero creatura uniuersa, mille est rationibus uix momento stabilis: mutationibus ac uolutionibus in eis perturbantur oia.

Sol & Luna cursu suo regulari uolutata semper sic in instabilitate permanent miro modo stabilia.

Quæ uero his subiecta esse uoluisti, cum seipsis quoque sunt in suis motionibus prorsus irregularia.

Tu uero Deus in eadem semper tua stabilitate fixus permanens, cunctis mutabilibus præses, ipse immutabilis.

A te uero cum omnis exeat motus, donesque moueri omnibus: in te nullus tamen ualet ingredi.

Immutabilis, potentissime Deus, dominator omnium, tibi omnis tuæ factura canit gloriam.

Mirabilis tu & uerè miranda opera tua: obstupescet in eis anima mea, cum intenderit in illis aciem mentis suæ.

Exultabit cor meum Domine, in cunctis operibus magnificentiæ tuæ: lingua quoque mea laudem meditabitur gloriæ tuæ.

Benedictus Deus dominus uniuersæ creaturæ: ita fiat, ita fiat, Deus potentissime:

Gloria patri, & filio, & spiritui sancto,

Sicut erat in principio, & nunc, & semper, & in secula seculorum. Amen.

FINIT PSALMVS.

IN LIBRVM QVARTVM CONSIDERATIONIS PHYSICAE, DE INFINITO LOCO, VACVO, ET TEMPORE.

PRAEFATIO.

Hier. 23



T clarificetur in agnitis creaturarum suarum conditionibus dominus Deus noster, qui solus essentia sua infinitus, cœlumque & terrā & omnia sua immensitate implens, neq; loco tamen capitur, neq; tempore: atque ut patenter clareat, quanto intervallo omnem naturalium rerum ordinem post

se creator, ipse relinquat (quæ uniuersa loco & tempore, angustis nimium mensuris s̄m eius dispositionem sunt coarctata atque constricta) in animo est nobis, post motus utcunque descriptam naturam, etiam illud Deo donante explicare, quomodo in rebus finitum uel infinitum aut inueniatur, aut ab eis excludatur: post quæ loci, & oppositi uacui erit consideratio. Extremam sibi partem, tempus occupabit. Sunt enim & hæc ad plenam rerum naturalium considerationem nō minus q̄ motus, ut tractentur necessaria.

CAPVT I.

Quomodo possit infinitum multipliciter intelligi, & specialiter, de infinito atque finito secundum essentiam.

*Infinitum
secundum
essentiam.*

Primum quidem illud est aduertendum, dupliciter dici & considerari infinitum atq; finitum: nempe uel secundum essentiam, uel s̄m quantitatem. Ac rursum, s̄m essentiam infinitum intelligi potest, uel secundum rationem materiæ, uel secundum rationem formæ. Est .n. materia ex se, & per se suo modo infinita, quatenus ex sua natura

tura nullā habet formam intrinsecam, per quā finiatur, efficiatq; ens in actu. Ex parte uerò formæ sub qua est, finita est quatenus per illam eius indifferentia stringitur, ac ueluti terminatur. Formæ quoque materiales, consideratione quadam ad materiam, infinitæ ex se dici possunt. Et quodā modo omnis forma creata ex se infinita est, quatenus non est ex se ad aliquam particularem ac singularem materiam determinata. Non tamen simpliciter forma est infinita dicenda, sicut simpliciter est materia infinita: quoniam formæ et separatæ habent essentiam finitam, per esse particulare & distinctū: ac proinde simpliciter finitæ dici debent, non aut infinitæ, nisi secundum quid, aliquo modo scilicet & consideratione prædicta ad materiam. Unica est forma separata, actus scilicet simplicissimus, omnipotens atq; æterna diuina substantia, in qua nulla est determinatio essentia per aliquod esse particulare adueniens: sed est Deus essentia sua infinitus & indeterminatus, plena omnino, perfecta, illimitata, infinita, & interminata essentia. Cetera uerò omnia & materialia & spiritualia, sunt sua essentia finita, & particulari aliquo esse contracta, limitata atque terminata. Illæ tamen formæ quæ in materia sunt, magis sunt finitæ illis quæ sunt à materia separatæ.

Deus forma infinita.

CAPVT II.

Differentia inter infinitum secundum rationem materiae, & secundum rationem formæ.

NOtanda uerò est solerter ac diligenter inter duplicem hanc infinitatem diuersitas: quoniam prior quæ secundum materiam est, ea nimirum quæ in ordine ad formam, in recipiendo eam consideratur, ab imperfectione est. Materia enim perficitur, eo ipso quo finit. Infinitas uerò quæ attenditur ac sumitur secundum formam, perfectionis est. Formæ enim separatæ per materiam infinitæ, siue non finitæ ac limitatæ, sunt perfectiores corporalibus formis, quæ per materiā certam sunt finitæ, terminatæ & limitatæ. Unde sicut summa Dei perfectio est, quod sit forma sua essentia

DE INFINITO LOCO, VACVO,

essentia infinita: ita summa est materię imperfectio, quod ex se sit ad suscipiendum infinita, nullam in se formam qua finiatur habens intrinsecam. Illic enim, id est, in Dei infinitate, plenitudo totius esse significatur: hic uerò, id est, in infinitate materię, egestas omnis esse exprimitur.

CAPVT III.

De infinito secundum quantitatem duplicem deque infinito actu & potentia.

*Infinitū
quantita-
tis.*

*Aristo.
pulchrè
hæc om-
nia de in-
finito tra-
cta. 3.
lib. Phy.*

*Hæc con-
clusionē
pulchrè
demon-
strat Ari-
sto. in pri-
cipio 6.
lib. Phy.*

Consideratur autem alio modo infinitū & m quantitatem, aut continuam, id est, & m longitudinem, latitudinem, profunditatem: quæ solent dimensiones rerum nominari. Et quandoque quidem & m harum dimensionum aliquam tantum consideratur infinitum, nimirum longitudine sola, uel latitudine sola: quandoque uerò secundum omnes has tres dimensiones simul sumptas, atque id propriissimè & plenissimè infinitum dicitur. Aut secundum quantitatem discretam sumitur infinitum, id est secundum numerum & multitudinem. Iterum infinitum aliquod potentia intelligitur, aliud actu. Potentia infinitum intelligimus, quando continua appositione uel diuisione secundum proportionales partes, non peruenitur ad ultimam appositionem, aut ultimam diuisionem. Verbi gratia, Numerus est appositione & potentia infinitus, quia quantumlibet sit magnus, semper unius unitatis adiunctione potest fieri maior. Quodlibet item corpus continuum, infinitum est diuisione atque potentia: qui diuidendo nunquam peruenitur ad ultimam diuisionem. Omne si quidem continuum, diuisibile est in semper diuisibilia: cum ex indiuisibilibus partibus non possit totum aliquod componi, neque constari diuisibile. Nec enim potest diuisibile, ex indiuisibilibus ut suis partibus componi: Indiuisibile enim additum indiuisibili, non facit ipsum maius. Sumenda est aut hæc diuisio infinita, & m partes proportionales. Si enim linea diuidatur in trestantum, aut etiam in mille partes eiusdem alicuius certæ quantitatis, non euadet in

in infinitum, ista diuisio, q̄ ēm certæ alicuius quantitatis partes sumitur. In diuidendo uerò secundum partes proportionales, nunquam erit dabilis ultima quantumlibet paruæ lineæ diuisio. Tunc autem dicitur fieri diuisio secundum partes proportionales, quando sicut totum lignum in duas partes diuiditur, ita pars rursus in suas partes, & iterum illarum partiū pars aliqua in suas partes, & sic in infinitum: quomodo procedendo, nunquam perueniretur ad ultimam diuisionem.

CAPVT IIII.

Ponitur definitio infiniti actus:

CAETERŭ, actu infinitū ab Aristotele definit hoc pacto.
Infinitum, id est, cuius semper aliquid extraratione.
quantitatis accipi potest.

Hoc est, cuius quantitas tota non capi nec assignari potest: sed quantumcunque capias uel assignes de ipsius quantitate, adhuc semper ultrā manet, nec tota potest quātitas assignari. Illud enim corpus esset actu infinitum magnitudine, cuius quantitas sumpta secundum partes certę quantitatis, non est pertrāsibilis: sed quocunque partes sumantur, restat semper adhuc infinita sumenda quantitas. Ab infinito enim quantumlibet dematur, semper manet infinitū. Vnde infinito nihil est maius, sicut indiuisibili nihil minus. Et quemadmodum indiuisibile nulla adiectione potest fieri maius, sic infinitum nulla ablatione fieri potest minus. Idq̄; intelligēdo de infinito ex omni parte, id est, secundum omnem dimensionem. Alioqui constat maius esse infinitum quod ēm corpulentiam esset infinitum, quā quod sola longitudine uel latitudine esset infinitum. Proportionabiliter intelligi debet, ēm numerū infinitū. Infinitū autem successione, non est propriē infinitū in actu, sed magis in potentia: ut tempus infinitum, uel motus infinitus. Non. n. contingit infinitas partes simul accipere, sed tm̄ unā actu, cæteras potentia. Vnde relinquitur, infinitū actu dupliciter dici, magnitudine uidelicet & numero.

*Hanc de
 finitionē
 ponit Ari
 sto. 3. li.
 Physico.*

DE INFINITO, LOCO, VACVO,

CAPVT V.

Quomodo infinitum definiri possit, esse autem actu non possit.

*Definitio
quid no-
minis.*

*Conclusio
nem hanc
probat
Aristot. 3
li. Physic.*

Q Vanquam uerò definitum est ab Aristotele actu infinitū, nemo tamen existimet consequi, tale aliquod corpus esse in rerum natura, aut tale aliquod requirat sibi demonstrari, ut cernat oculis. Sunt enim definitiones quædam, quibus nō tam quid res aliqua sit q̄ quid nomen significet, explicatur: quemadmodum cū in consequentibus definiemus, uacuum non rem aliquam qualis sit definientes, sed nominis tantū significationem explicantes. Non posse autem dari corpus aliquod actu infinitum, multiplex ratio probat. Omne enim corpus Phisicum, habet naturam finitam, formam quidem per materiam; & materiam finitam per formam. Formam autem determinatam, consequuntur, accidentia determinata. Quare & finita sua quantitas cuiuslibet rei est, & naturali formæ disconueniens esset quantitas infinita. Item omni corpori conuenit secundum locum motus. Huiusmodi autem corpus si ponatur, quod actu sit infinitum, neq; recto motu, neq; circulariter agitari posset. Non quidem motu recto, quoniam omne quod mouetur motu recto, oportet locum habere extra se, quem non impleat, ad quem per motum tendit ut acquirat. Quod uerò actu infinitum esset, non haberet ullum extra se locum. Occuparet enim omnia, & non posset infinitū loco concludi, ad quem uel in quo moueretur. Neque iterum motu circulari moueri poterit quoniam in tali motu oportet partes uariari loco, ita ut ubi nunc sit hæc pars, debeat uenire pars alia subsequens: quod fieri non posset in infinita partium multitudine. Inter enim quaslibet partes deberet esse infinita distantia, protrahendo à centro illius corporis lineas duas. Illæ enim absq; dubio in infinitam distantiam euaderent. Infinita enim distantia pertransiri nō potest. Præterea, species quantitatis sumuntur secundū numerum: ut bicubitum, tricubitum, & cetera, Nulla autem species numeri potest esse infinita.

CAPVT VI.

Non posse esse multitudinem infinitam.

PORRò infinitum esse actu & in multitudine, idem est, impossibile. Impossibile est enim, esse speciem numeri infinitam, Omnes enim & finitæ sunt, & per unitatem adiectam semper augeri possunt. Infinitum autem non potest fieri maius. Quanquam igitur potentia sint infinitæ species numeri, nulla tamen earum est infinita. Sic enim infinita essent in certo aliquo & determinata numero, quod apertam uidetur includere contradictionem. Imo neque infinitæ sunt numeri species actu, sed solum potentia: sicut etiam infinitæ sunt species figurarum secundum potentiam, nulla tamen earum est infinita: id quod eis procedit à numero: quoniam species figurarum sumuntur secundum species numerorum: ut triangulare, quadrangulare, quinquangulare, &c. Cæterum de successione infinito, non uidetur naturæ repugnans ut esse possit. Nam si semper fuisset motus, & esset semper futurus, esset motus hoc modo, id est, successione infinitus, & tempus infinitum: uerum huiusmodi successione infinitum, non est infinitum nisi potentia.

CAPVT VII.

Inchoatur determinatio loci, & octo modi præmittuntur inexistendi.

POST hæc uerò de loco subnectamus determinationem. Nam uariè admodum antiqui Philosophati sunt de natura & conditione loci, quibusdam dicentibus materiam esse locum, aliis formam rei esse eius locum, uel materiam, aliis ponentibus corpus quoddam infinitum quod in se omnia susciperet non credendo aduenientibus aliis, quod penetratiue susciperet omnia absque cessatione uel suarum partium diuisione in quo putabant omnia moueri, ipsum uerò non moueri. Hæc uerò sigillatim non intendimus refellere: sed simpliciter tantum rei ueritatem de loco & eius natura manifestare. Ac primum quid præmittendum erit, quod

Aristoteles tractat ista de loco 4. Physicor.

DE INFINITO, LOCO, VACVO,

*Octo mo-
di essendi
in alio.*

modis aliud esse dicatur in alio. Ponit autem Aristoteles modos inexistenti, octo numero. Primò, enim pars integrans, est in toto. Secundò, totum in cunctis partibus consistit, ex quibus est compositum. Tertiò, species in genere continetur, quoniam genus capit & ambit intra se omnes suas species. Quartò, genus ut essentia est in specie: Sic etiam definitio est in definita specie. Quintò, forma in materia, & accidens in subiecto. Inter quæ tamen est distinctio, quoniam accidens cum subiecto nihil unum componit, sed forma cum materia rem naturalem atque singula rem substantiam componit. Sextò, effectus in causa, ut calor secundum uirtutem est in Sole. Septimò, Rex, in regno, idque per potentiam & auctoritatem, uel per maiestatem presentie suæ. Octauò, aliquid est in loco. Et hic modus est quem (ceteris omisiss) latius necesse habemus pertrahere.

CAPVT VIII.

De duplici superficie, concaua, & conuexa, & utraque locis dicatur.

*Quid lo-
cus.*

Est autem locus, extremum corporis talis quo aliud continetur: ipsa (inquam) superficies extrema corporis continentis, proxima superfici ei exteriori corporis contenti. Et solet uocari superficies concaua. Vt interior superficies cæli Lunæ, & concaua, quæ immediatè continet ignem, est ignis locus: & concaua superficies, aeris, est locus aquæ. Conuexa autem superficies non est locus: quoniam secundum ipsam corpus non continet, sed potius secundum ipsam continetur. Duplex est autem superficies, altera concaua, mediante qua corpus ipsum alia continet in se localiter, & est superficies interior. Alter conuexa, qua corpus continetur ab alio: & ipsa exterior quæ à circundante alio corpore circundatur. Prior est locus, non secunda. Secundum priorem corpora localiter continent: secundum alteram potius continentur. Ex quibus patet, locum non esse neque partem compositi, neque accidens, neque aliquid omninò locati, sed est locantis uel continentis accidens ultimum, terminus,

*Superfi-
cies du-
plex.*

terminus, & extremum. Non omne tamen extremum, sed illud quod est coniunctum locato, & mediante quo locatū continetur à locante. Est autem locans, id quod secundum locum continet aliud: & locatum id quod secundum locū ab alio continetur.

CAPVT IX.

Definitio loci, & definitionis declaratio.

*Definitio
loci ex A
rif.*

Locus, est finis continentis immobilis, primum.

Quæ solet hisce quoque uerbis eundem sensum habentibus assignari.

Locus est extremam continentis corporis, immobile primum.

Quarum definitionum hic est iensus: Locus est superficies concava, corporis continentis locatum, proxima locato & adæquata, per se immobilis, unde & de loco proprio dari constat tantum, siquidem is propriè locus dicitur. Vbi extremum uel finis excludit à definitione omnem superficiem præter ultimam. Infinitæ siquidem in corpore locante sunt superficies inter conuexam, & concavam mediæ, quarum tamen nulla est propriè locus, sed sol concava ultima. Quod uerò adijcitur, corporis continentis, prohibet, ne superficies exterior uel conuexa primi cæli dicatur eius locus. Primum, id est, immediatum excludit substantialem partem extremam ipsius corporis, simul accipiendo superficiem concavam. Huiusmodi enim pars extrema locatæ corporis, tametsi aliquando locus dicatur uulgari consuetudine, quemadmodum per alium locus dicitur pecuniæ eius quæ in est, propriè tamen non dicitur locus: cum locus sit accidens & supercies. Excluditur autem huiusmodi pars corporis à definitione loci (ut dicere cœperamus) quia non est prima, i. immediata & in se locato, ita ut simul sit cum superficie ultima & conuexa corporis contenti. Semper enim locus qui est superficies concava continentis, est simul cum superficie conuexa corporis immediatè contenti, quemadmodum superficies concava cæli Martis, & conuexa cæli Solis: rursumque superficies concava cæli Solis, & conuexa cæli Veneris ac

DE INFINITO, LOCO, VACVO,

que ita in alijs. Particula, primum, quoque dici potest idē quod suo locato uni, adæquatum, & ita soli proprio loco cōuenit. Ex quibus patet materiam non esse locum formæ, cū materia superficies nulla sit: immo uerò formam nullum locum habere, nisi per accidens, cū per se quantitatem superficiēi (secundum quam res in loco continetur) nō habeat. Formæ enī tam substantiales quā accidentales, non sunt in loco nisi per accidens ratione subiecti uel compositi cui insunt.

*De
locis
pro
prio
&
cōmuni.*

CAPVT X.

De loco proprio & communi, & loci proprietatibus.

*Locus pro
prius &
cōmunis.*

Dividitur autem locus, in proprium, & communem.
Locus proprius alicui locato dicitur, quando cuiuslibet parti loci respondet aliquid ipsius locati.

Vt locus igni proprius, est extremum cœli lunaris: & unicuique rei, locus eius adæquatus, proprius est.

Locus communis est, quando aliquæ partes loci sunt, quibus ipsius ceteri locati nulla pars earum respondet.

Vt tota superficies templi, est locus communis singulorum hoīum: & concavum lunæ omnium mixtorum, est locus communis. Incomparatione tamen ad superficiem extremam aeris totius, quo impletur continentia templi dicitur locus proprius & adæquatus: similiter & concavum lunæ, in comparatione ad superficiem ignis immediate adhærentis, dicitur locus proprius ipsius ignis. Ad maiorem notitiā loci, eiusdemq; naturæ, ponit Aristoteles proprietates quasdam quæ illi ueluti per se notæ convenire conceduntur, quæ sunt numero quatuor.

Prima est. Locus continet id cuius, & nihil est ipsius rei.

Quorum uerborum hic est sensus: Locus continet locatum, & nihil est ipsi rei locatæ intrinsecè inhærens neque ut pars neque ut accidens.

Secunda est, Primus locus, neque minor est, neque maior.

Id est, locus proprius est æqualis suo locato, quantum ad superficiem convexam ipsius corporis loco contenti.

Tertia

Tertia est, Locus non relinquitur ab unoquoque, & separabilis est.

Id est, locus nunquam omni locato priuatur, ita ut sine corpore contento, maneat: & est à locato suo separabilis, ita ut, successiue alia & alia corpora contineat.

Quarta est, Omnis locus differentias has habet, supra inquam ac infra, & corporum unumquodque, proprios ad locos suapte natura fertur sursum aut deorsum pergendo: & in eisdem manet.

Id est, omnis locus est sursum aut deorsum: & omnia corpora generabilia & corruptibilia (cœli enim non mouentur nisi circulariter) ad suum proprium locum naturalem sursum aut deorsum moueri nata sunt, & in eisdem quiescere, & conseruari.

CAPVT

XI.

De loco naturali & uiolento.

Locus autem naturalis dicitur alicui, qui à natura rei est determinatus & assignatus, in quo bene est ei, & conseruari natus est, ad quem proinde naturali desiderio semper sollicitat, ita ut quoties extra eum esse contingat, uiolentè quiescat. Si igni locus naturalis est, sub cœli immediato concauo: aeri, sub igne: aquæ, sub aeris: terræ, sub aqua. Naturali enim dispositione atque ordinatione, id quod est omnium leuissimum, summū sibi uendicat locum: quemadmodum id quod est grauissimum, locum requirit omnium infimum. Mistis uerò corporibus, locus est naturalis, secundum conditionem eius elementi quod dominatur in eorum complexionibus. Locus autem uiolentus est, in quo rei non est bene, & à quo dum potest, recedere nititur.

Locus naturalis est uiolentus

CAPVT

XII.

Quare res suum appetant locum naturalem, & quæ sit huius desiderii causa.

Volentes autem quænam causa sit motus huius rerum naturalium ad sua naturalia loca perquirere, de terra quæstionem proponimus, ob quid sine cuius commodi aut utilitatis gratia, extra locum naturalem posita, deorsum festinet,

Quæstio de naturali desiderio rerum

DE INFINITO, LOCO, VACVO,

*naturaliū
ad sua lo
ca natura
lia.*

festinet, & non impedita semper cadat. Et quidē si de par-
tibus terræ loquimur, satis constat, illis esse melius in to-
tius terræ globo, quā in aere aut sub luna. Verū respici-
entes totū globum terræ, quærimus, in quo male erit to-
ti terræ, si poni intelligatur in aere, non super neque intra
aquas. An ab aquis aliquid suscipit terra quo melius seruetur?
Quod est igitur hoc desiderium, ut desideret tota ter-
ra aerem relinquere, & ad aquas pergere, cū nihil ui-
deatur aqua illi donare unde seruetur, præ aere in quo ip-
sum suspensum imaginamur? Hanc autem quæstionem
(omissis diuersis diuersorum sententijs, quas super hac
re sunt commentati) ita nos dissoluendam putamus,
dicentes, totum uniuersum ab optimo ordinatissimo-
que conditore fuisse conditum sub certo numero, pon-
dere, & mensura, in quo omnia creata quasi uestigium in
se ferrunt benedictæ summæque trinitatis: atque in his si-
cut creata sunt, ita in eisdem conseruari atque gubernari.
Quoniam igitur dixit igni, ut sub luna acciperet primū lo-
cum: aeri secundum dedit, tertium aquæ, quartum terræ.
quā dixit piscibus ut in aquis locumsumerēt, uolantilia ius-
sit eleuari altius in aere metallis, quoniā terræ uiscera de-
putauit, oleum super aquam posuit: ex hoc Dei mādato for-
mæ rerum (quæ operatrices sæpius dictæ sunt omniū ope-
rationum rebus conuenientium) incessanti conatu ad hoc
tendunt, ut illic res sint, ubi à Deo creatore suo locū acce-
perunt: non tam ratione sui commodi, quā rōne diuini p-
cepti aut constituti perficiendi. Sicut enim uoluntarius hō
uoluntariē mouet se ad Dei implendum mandatū: ita res
naturales à suis formis per Deū agunt naturaliter, ad im-
plendā sanctissimam ipsius uoluntatē. Omnia siquidem in-
genuo conatu seruiunt & obediunt ei: Ipse præceptum eis
ponit, & illa non prætereunt. Ascendentes enim montes
& descendentes in loca præstituta campi terminum quem
præposuit Deus non transgredient, neque cōueniuntur o-
perire terrā: cuius ēt uerbo congregatæ sunt, uelut in utre
aque maris, positæ in thesauris abyssi. Igitur non est arbi-
trandum res naturales locum quærere naturalem ob sua
commoda,

*Pf. 118.
Pf. 148.
Pf. 103.
Psal. 32*

commoda, tanquam à locante corpore quippiam recipiāt sed ob Dei potissimum benedictā uoluntatē adimplendā, illic sibi melius esse existimant, ubi Deus ea magis uult locari. Quā in re utinam naturalia agentia sequantur creaturæ rationales, ut ea semper magis exoptēt quæ sui creatoris uoluntati magis sunt placita.

CAPVT XIII.

Quomodo secundum quantitatem res naturales locum occupent, & de impossibilitate penetrationis dimensionem.

AD loci autem perfectā considerationem exigitur, ut de occupatione quoq; & replētia aliquid dicamus: quā loco conuenit, occupari atq; repleri. Est ergo attendendū, quōd sicut color rebus natura datur, ut per ipsum res existant coloratæ, unde consequitur, ut sint etiam uisibiles: ita data est rebus quantitas, ut & ipsam sint res quantæ primum, ex quo deinde consequitur diuisibilitas. Sicut enim quæque res quanta est, sic est diuisibilis: nempe si per se quanta, per se erit diuisibilis: si per se accidens, ratione coextensionis, per accidens erit diuisibilis tantum: & quod longitudine uel latitudine quantum, sic solum est diuisibile. Super hæc tamen superficies rebus cōueniunt, ut contineant inuicem & contineātur: corporea quoque quantitas uel corpulentia, ut res secundum eam occupare possit atque replere. Nam & lineæ simul in se inuicem esse possunt & superficies. Quippe superficies concava continentis corporis, & superficies conuexa contenti semper sunt simul in inuicem. Sola corpulentia sic suū sibi locum occupat, ut aliam corpulentiam simul eodem in loco nequaquā admittat. Atq; hoc uidelicet est occupare, sic implere locū, ut simul ab alia corpulentia impleri non possit, nisi dum illo cedente, aliud adueniat. Hoc autem si contingeret, nempe duas corpulentias simul eundem locū adæquatē replere, penetrationem diceremus fieri dimensionū, dimensionū (inquā) corporearū, quā sic abhorret natura, & dā

*Penetra
tio dimen*

In

DE INFINITO, LOCO, VACVO,

*Non est
uacui at
que sunt
impossibi
lia.*

In utroque .n. horum peccatum in naturam admittit, qui uel uacui uacuitatem, uel penetrationem dimensionum corporearum quomodocunque constituit. Vtrumq; siquidē extremum falsum est, & secundum naturam impossibile. Media autem ueritas est, omnem locum ab aliqua corpulentia occupari, ut nihil sit uacuum: & eadē cedenter uel expulsa succedere aliam, ut non habeatur corporearum penetratio dimensionum. Ceterum, de dimensionibus longitudinis & latitudinis, uti iam diximus nullum est inconueniens, eas simul esse, aut se penetrare.

CAPVT XIII.

Quomodo in loco esse intelligantur, quæ quantitatem non habent.

*Tribus
modis res
sunt in lo
co.*

Quomodo igitur in loco sunt, quæ tactui patent, clarum omnibus. Ea uerò quæ non sunt quanta, quomodo in loco esse possint, aut debeant, intellectu uidetur difficilior, præcipuè quod dixerimus in hoc datam esse rebus quantitatem, ut locum occupent, & contineantur à loco. Qua in re est aduertendum, tribus modis aliqua esse in loco. Primo quidem, ut circumscribente, ad eum modum quo cælum inferius est in superficie concava superioris cæli, & quælibet res corporalis à suo loco circumscribitur, quia eius una pars huic parti, altera alteri respondet. Secundo definitiue, quando res loco non circumscribitur, ita ut diuersæ partes locati diuersis partibus loci respondeant, secundum tamen certum quendam terminum in eo includitur, ut non sit extra ipsum. Sic anima rationalis est definitiue in corpore, & angeli in loco. Vno tamen gradu superant. Angeli animam rationalem: quoniam anima non longiorem habet locum, quam sit ipsius corporis quantitas. Angelus uerò longiorem & ampliorem, quàm etiam corpus quod interdum assumit. Tertio autem modo longè diuerso a prioribus, Deus est in loco, non utique circumscriptus iuxta partium dimensionem correspondentium. Non definitus etiā neque certis conclusus limitibus, sed superaccedenter: quia

quia cū omne locū repleat, non tñ suo loco coangustatur, sed in infinitum pertransit immensus. In primo gradu sūt primum omnia corpora, & deinde omnia accidentia corporalia, quæ sunt materiæ coextensa: imò & formæ substantiales omnes, præter rationalem animam, quæ sola non coextenditur materiæ. Sicut autem dicitur anima rationalis esse in corpore, quia ipsum uiuificat (ita ut in arefacto mēbro non sit ut in loco, quod non uiuificat) si dicuntur substantiæ spirituales nō quantitate corporea esse in loco, sed magis secundum uirtutem & potestatem. Quousque enim earum uirtus funditur & efficacia, eatenus locus eius est assignandus. Et quæ sic sunt in loco, potius continere quā contineri sunt dicenda. Illa autem quæ primo modo, contineri simpliciter loco, non ipsum continere dicuntur. Atque hinc est, quod Deus omnipotens cum in omnibus existat, nullo tamen continetur, sed magis ipse continet omnia omnibus existēs: ut uerum sit & indubitatum quod per prophetam dicitur, Cælum & terram ego impleo, dicit Deus omnipotens.

CAPVT X V.

De occupatione & repletia, & de uariis replendi modis.

OMne autem quod occupat, occupando replet. At non contra fit uersio. Multa enim felicissimè replent, quæ non occupant. Spiritualia enim & non quanta replent sua loca sed non occupant: quoniam alia non excludunt, nec ipsa quidem corpora. Replere enim occupando, imperfectissimus est replendi modus. Quæ res ut clarius intelligatur, ponendi sunt aliquot replentium modi. Primus est corporū, quæ corpulenta sunt, & locū quem replent, simul ab alio nō permittunt repleri. Et hæc quia occupando quodammodo impediunt pleniorē repletiam, dum alia nō admittunt, idcirco imperfectè replent. Secundus est gradus eorum quæ per se quanta non sunt, sed per accidens sunt coextensa quātitati. Ut formæ corporales & accidētia, cætera

DE INFINITO, LOCO, VACVO,

cætera corporalia. Horum cum sint plurima simul, constat ipsa felicius quàm priora replere, quoniam se mutuo non impediunt, nec obstat alterum alteri. Tertius modus est, quo anima rationalis replet materiam uel corpus proprium, dum in ipso est. Quæ profectò excellentius replet aliis formis, quoniam singulas corporis partes tota replet. Cæteræ uerò habent partes suas partibus corporis respondentes. Quartus gradus est animæ separatæ & spiritualium substantiarum, quæ positam excedunt animam in corpore, eo quod sit quodammodo quanta, quamuis non coextensa corpori. Nā finitur eius uis & repletia, quantitate corporis, in quo hospitatur. Non sic est dum separata per se existit, neque in spiritibus, qui nullos terminos secum deferunt. Quoniam tamen horum repletia alicubi finem capit, nimirum ubi definit præsentia uirtutis eorum, ideo non optimè replent. Supremus gradus est eius quod replet absque termino, & proprio, & alieno, cuius uirtus non potest usquam aliquando finem capere, cuius tota uirtus similiter toti præsto est loco, & singulis partibus: quod proinde summè replet, & omnia replet intimè, atque penitissimè, ut nihil non contineat in sese, imò uerò ut ipsum semper contineat & concludat in se omnia, & à nullo concludatur. Ipsum est unicū ens, summū primū bonum, Deus uerus & unus, cui est honor soli & omnis gloria nunc, in æternum & ultra. Amen.

CAPVT XVI.

De uacuo & eius descriptione.

*Tota hæc
materia
uacui ab
Aristot.
Tracta-
tur dilige-
ter. 4. lib.
Physic.*

POST loci autem considerationem congruo ordine subiungi debet uacui determinatio. Est enim uacuum loco oppositum, & oppositorum semper rectè iuxta ponitur determinatio. Vacuum ergo antiqui uariis modis assignabant. Quidam arbitrati sunt, extra cælum esse quoddam infinitum uacuum. Alii dixerunt uacuum corporibus immersum propter augmentationem seruandam & diminutionem. Prima, rudis est opinio. Secunda, in iis quæ de generatione conscribemus (si sic erit uoluntas domini) refelletur. Secundum

cundum autem ueritatem, omnino nullum debet poni uacuum. Proinde definitionem non habet, qua rei uatura explicaretur. Quod enim neque est, neque esse potest, definiri nequit, tali utique definitione, quæ rei explicaret naturam. Cæterum, nominis definitione uel interpretatione, sic definitur.

Vacuum est locus si corpore careat.

Id est, uacuum dicitur superficies concava, nullum corpus continens aut in se cōcludens. Ut si concavo Lunæ per manente, Deus destruat omnem substantiam elementorū, ad nihilum redigendo, esset cōcauum Lunæ uacuum: & per se siue aliud quodlibet continens, si non impleteret eius continentiam aer neque aliud quippiam, sed intelligatur prorsus nihil in illa superficie contineri, esset locus eiusmodi uacuus. In præcedente autem definitione, cum uacuum dicitur locus corpore priuatus, aduertendum est, locum non accipi propriè. Nam sic fallum esset uacuum esse locum, cū sit uacui & loci propriè accepti repugnantia: sed locus pro superficie ipsa qualibet cōcaua accipitur, qui potens est per suam continentiam locare aliquid, etiam si actu nullum habeat locatum. Quomodo enim locum intelligimus superficiem continentem: ita uacuum, superficiem continere potentem, id est, concavam, sed nihil actu continentem, intelligimus.

CAPITULUM XVII.

Vacuum iuxta naturam non posse existere pluribus probatur experientiis.

Quæquam autem uulgato sermone, loca uel uasa dicere soleant homines uacua, in quibus tantum aer inest aut uentus, nullum tamen secundum ueritatem potest in natura uacui inueniri. Nullus est enim quantumlibet paruus locus, qui corpore careat contento. Atque ad hoc uniuersæ creaturæ naturaliter laborant, etiā cum suæ propriæ naturæ quodam dispendio, atque uelut nocumento, ut nullo modo permittant uacui fieri: facientes, & quæ contra

DE INFINITO, LOCO, VACVO,

*Experien-
tia qui-
bus mon-
stratur,
non posse
uacuum
existere.*

contra naturam propriam uidetur sponte sua, & quæ secundum naturam sunt propriam, dimittentes. Nam ad impediendum uacuum, leuia deorsum mouentur. Vt dum foditur puteus profundissimus, etiam usque ad terræ mediū sequitur aer, ut impediat uacui positionem. Aquam insuper contingit, prædicta ratione, sursum ascendere, & deorsum nihil impeditam non descendere, à fluxu cessare, omni etiam remoto obstaculo. Ad probandum autem quod natura abhorreat positionem uacui, plura adduci possunt experimenta. Primum enim, aqua in uase non congelabitur, etiam frigidissimo loco, si sit ita obstructum, ut nullus omnino posset aer ingredi quod si cogatur congelari, uas dirumpetur. Si enim fieret congelatio, & nullius ingrederetur aer, oporteret esse uacuum: quoniam in congelatione constringitur aqua, & aliquid loci prioris necesse est ipsam relinquere, quem oportet suppleri per aduentum aeris. Loquimur autem de uase pleno aqua. Nam ubi aliquid aeris est, poterit aer propter uacui impeditiōem subtilior effici atque rarefcere, ut modica fiat aquæ congelatio sine nocumento uitri. Rursum, sume clepsydrā qua irrigatur hortus, si supraponas pollicem illi forāmini quod in summo est, non egrediet aqua, nisi fortè modicissimè per maiora subius foramina, ut simul possit aliquid aeris introire. Iterum sume uas plenissimum uino, aqua, oleo, obstructum penitus desuper, non fluit liquor etiam patefacto transitu, nisi desuper aeri aditus itidem præbeatur. Præterea, in fontibus id ipsum perspicuū est, in quibus continuo fluxu aqua sursum agitur, ne uacuum alicubi in canalibus relinquatur: quod ad oculum clarissimè patet, si duo stramina perpendiculariter coniungantur. Sic enim plerumque & supra domorum fastigia scandit aqua, ne uacui hiatus aeris attractu, non subsequente aqua, contingat euenire. Quæ etiam patent in attractu uini per stramineum culmū absque quo nec duplo fortiore tractu quicquam consequeretur. Postremò follis undique conclusus non poterit lateribus distendi, quantumuis labores illū efficere, nisi disrupat, ut habeat aer ingressum. Igitur certissimū est experiē-

tijs, uacuum naturaliter non posse existere: quoniam sic uniuersa rerum natura abhorret à uacuo, atque præcauet, ut grauiam sursum, leuia deorsum moueantur, ut non sit usquā uel minimus hiatus, aut discontinuitas uniuersū.

CAPVT XVIII.

Quod motus isti qui contra naturam uidentur, sint secundum diuinam naturam.

IN quo contuendus est ordo uniuersæ creaturæ pulcherrimus, & miratq; benignissima Dei circa creaturarū impulsus dispensatio. Deus si quidē optimus naturæ institutor, & prouidissimus director, sicuti rebus singulis instinctus donauit particulares, quibus singula creatā suas perfectiones peculiariter sibi conuenientibus motibus quærant, atque congruis operationibus operantur: ita unum dedit omnibus desiderium, ut super omnia totius uniuersū quærant perfectionem, idque (si opus erit) etiam suo detrimento, ob quam naturalem inclinationem apertè uidemus & aerem naturaliter descendere, & aquam sursum scandere, eamque nullo impedimento detentam, tamen permanere sursum. Quæ omnia à formis rerum naturalibus, secundum illam generalem inclinationē fieri naturaliter creduntur. Quanquam enim motus ille grauium sursum, & leuium deorsum repugnet materiæ & formæ rerum, secundum suas particulares inclinationes quas habent: conueniens tamen est naturæ & formæ, propter uacui impeditionem, secundum generalem, quam habent ad perfectionem totius uniuersū inclinationem. Vnde si ab his motibus detinerentur grauiam deorsum uiolenter permanerent, & leuia sursum. Generalis quippe inclinatio & uniuersalis, non immerito præponderat particulari inclinationi. Quæ conatū si homo uelit intueri, non suam quæret uoluntatē supremæ unquā, imò nec superiori ulli uolūtatī antepone-
re, fietque ut facile dicat (iuxta Saluatoris exemplum) Nō
mea uoluntas, sed tua fiat: non quod ego uolo, nec quod mihi
bonum uidetur ac placitum, sed quod tu ordinator &

*Nota
tente.*

Luc. 12.

Mat. 26

DE INFINITO, LOCO, VACVO,

legislator domine Deus noster decreueris, id super omnia uolo ego quoque habere placitum & gratum.

CAPVT XXII.

De tempore, & eius definitione.

*Definitio
Aristote-
lis tempo-
ris.*

Absoluta nunc motus, infiniti, loci, atque uacui determinatio: superest postremo loco, ut de tpe suo ordine pertractemus, eiusque naturam quantum poterimus explicemus. Tempus itaque definit. Aristoteles hoc mō.

Tempus est numerus motus per ipsum prius posteriusue.

Quibus uerbis signatur tempus esse quantitatem continuam, & mensuram, qua motus numeratur, id est, mensuratur secundum partes successionis, Mensuramus enim motus durationem, dum dicimus cum tot horis, uel annis uel mensibus, uel seculis durasse. Nam motus quātus, per se nō est, neque continuus, nisi ratione tēporis. Quanquam autem motus duplices habeat partes, scilicet secundum extensionem mobilis, & secundum successionem: solæ tamē illæ quæ sumuntur secundum prius & posterius mensurantur tempore, non illæ quæ secundum extensionem subiectam accipiuntur, Nam hæ potius secundum extensionem permanentis quantitatis mensurantur. Atque ideo dicitur tempus numerare uel mensurare motum, secundum partes non quaslibet, sed eas quæ sumuntur secundum prius atq; posterius: hoc est, secundum successionem, non secundum extensionem. Et notandum, cū dicitur ab Aristotele, tempus esse numerum non debere numerum accipi pro quantitate discreta propria significatione (tēpus enim est continua quantitas: sed pro numero numerato. Quemadmodū cum numerantur duodecim, tribus Israel, secundum duodecim Patriarchas, ipsi duodecim Patriarchæ sunt quidē numerus, i. numerus numeratus, numeratus (i. quā) uero numero, qui est quantitatis discreta. Numerus. n. sunt, quatenus secundum eas numerantur duodecim tribus ab ipsis, p. genitæ, dicendo, tribus, Iuda, tribus Leui, tribus Isachar, & ita deinceps: Sed numeratus numerus sunt: quia numero uerē

ro uerè & propriè dicto (id est, duo denario) numerantur.

CAPVT

XX.

Quomodo unum est tempus, quo mensurantur omnia temporalia.

Sententia

Aristo. in

fine 4. li.

Physico-

rum.

QUod autem dicitur tempus mensurare motum secundum partes successionis primario respicit motum primi mobilis: cuius solius est mensura intrinseca, & ad æquata mensurato. Omnes uerò reliqui motus, in tempore fiunt, & tempore mensurantur ut mensura extrinseca & excedente. Vnum siquidem est tempus, quo mensurantur omnia temporalia extrinsece, per applicationem eius scilicet ad motum, uel rem temporalem. Quemadmodum declarationis gratia quantitas quæ in ulna est, solam ipsam ulnam intrinsece mensurat: omnia uerò reliqua, per applicationem mensurat extrinsece. Ita tempus (quod consequitur motum primi mobilis, & summi & regularissimi, & uniuersalissimi) est mensura intrinseca illius motus, quoniam in ipso est, & ipsi motui æquatur: ita ut principium temporis simul fuerit cum principio, motus, & finis unius sit futurus cum fine alterius, & duratio atque continuatio motus cum temporis continuatione atque duratione. Cætera uerò omnia mensurantur per applicationem ad hunc primum motum, non quidem realem, sed per hoc quod anima applicat motus inferiores ad illum primum motum.

CAPVT

XXI.

An essentialè sit hoc tempori, quod mensura est primi mobilis.

NOtandum uerò, non esse hoc tempori essentialè, ut huius sit primi mobilis quod nunc est primum mobile. Si enim Deus faceret aliud cælum mobile uniuersalius atque mensuram generaliore, aut aliud mobile prius isto cælo quod nunc est primum mobile, iam tempus non esset amplius in hoc cælo quod nunc est primum mobile, sed numerus illius alterius primi motus esset tempus: & cuius antè erat tempus mensura intrinseca, iam fieret mensura extrin-

DE INFINITO, LOCO, VACVO,

seca. Tempus enim uocamus mensuram primā & uniuersalissimam, & accipimus secundum motum primum & uniuersalissimum. Vnumquodq; enim mensuratur primo sui generis. Ex quo ulterius cōsequi uis, si nullū aliud esset mobile nisi rota figuli, tam mensuram motus illius fore tempus, ita uerē sicut nunc tempus dicitur esse primi cœli moti. Effer enim (illa facta hypothesi) primi motus numerus, quo oporteret omnia mensurari. Item quod ante motum cœli fuit tempus, in mutatione angelicarum cogitationum & uolitionum, prout secundum prius & posterius sumuntur: non secundum eas quæ simul erant, in diuersis, uel in eodem. Concluditur præterea, q̄ quemlibet motum consequitur aliqua mensura temporis, & quantitas successiua eiusdem generis, cuius est tempus nunc primi cœli moti. Quæ tamen omnia non dicuntur tempora. Neq; enim nisi unum dicimus tempus: propterea q̄ tempus significat mensuram talem, quæ sit uniuersalis & generalis omnium motuum. Similiter quoque de æuiternis dicendum erit.

CAPVT XXII.

De triplici mensura, tempore, æuiternitate, & æternitate, & de earum differentia.

Æternitas.

TRiplicem uerò inuenimus (partim naturali eruditione, partim diuina illuminatione) durationis mensurā. Illud enim esse quod transmutationi non subiacet, neque etiam transmutationem patitur secum (cuiusmodi est solū esse Dei) est æternum, imò ipsa æternitas. Illud uerò esse quod est intransmutabile secundum se, compatiens tamen transmutationem aliquam, siue in locum, ut cœlestia corpora, siue secundum affectiones, ut angelicæ substantiæ, est æuiternum, id est, mensuratur æuo: quod est mensura deficiens ab æternitate, quia non est mensurati penitus immutabilis, sicut æternitas: excedens uerò & superans nobilitate temporis mensuram, quoniam mensurat rem secundum id in quo est intransmutabilis: tempus uerò mensurat rem secundum id in quo est mutabilis. Vnde cœli & spiri-

tus & in suum esse sunt æterni, & esse eorum mensuratur ætæ, temporaliter tamen cœli mouentur, & angeli temporaliter tēporalia intelligunt. Et quia tam uicinum est ætæ æternitati, ideo æterna dicuntur quodammodo (hoc est participatione) æterna, quantum ad ea secundum quæ sunt intransmutabilia. Vnde dicuntur cœli stare in æternum, & angeli secundum cognitionem diuini uerbi, in qua sunt confirmati, dicuntur uiuere æternaliter, & spirituum damnatio atque ignis dicuntur æterna. Solus tamen Deus, per se ac propriè dici debet æternus. Cætera autem, participatione solum æterna sunt, proprièquæ æterna nuncupanda. Insuper attendenda est in tribus his mensuris etiam ista distinctio, & quidem ut præcipua: quoniam tēpus nō totū simul est: sed est in cōtinua partiu succēssione. Aeuernitas uerò & æternitas, totę simul sunt, nescientes succēssionem. In hoc tñ æuernitatē superat æternitas, quæ nec succēssionem aliquam compatitur secum, cū æuernitas pariter succēssionem permittat. Atque hæc sanè est mensurarum distinctio atq; separatio. Mensurata uerò sic ab inuicem distinguuntur, quoniam temporalia principiu habēt & finem in tēpore. Aeternum autem, nec principiu nec finem sui potest habere. Aeuernum autem, alterum habere potest, ut cœli & angeli, principium habent, finem autem non habebunt. Quare si poneretur motus fuisse ab æterno, totus quidem motus non esset temporalis, sed quælibet circulatio assignata esset temporalis. Porro de æternitate constat non nisi unicam esse, & ab ipso Deo non distinguui mensuram: sicut nec ipsum esse diuinum quod æternitas mensurat, à Deo distinguitur. Aeuum tamen distinguitur ab æuerno, quoniam esse creaturæ omnis, ab ipso ente distinguitur: quod de tempore in ordine ad rem temporalem etiam aperius est atque manifestius, Quemadmodum autem diximu, tempus esse numerum primi motus, & mobilis primi mensurā intrinsecā: ita uerisimiliter dici potest, unicum esse æuū quod primum æuernū mēsurat intrinsece, scilicet primum angeluū: cætera uerò extrinsece, quæcunque præter ipsum æuerna sunt.

DE INFINITO, LOCO, VACVO,

CAPVT XXIII.

Successionem impedire durationem, quomodo occupatio impedit repletionem.

Occupatio, impedit repletionem.

EX dictis liquet, successionem quæ in tempore est, & non in aliis mensuris, sic impedire durationem rei, sicut occupatio quætitatis declarata est impedire repletionem. Nam corpus, locum aliquem occupando impedit quo minus ab alio simul repleatur, sicq; impedit repletionem, corporæ quantitati annexa occupatio. Vnde & illa quæ longius recedunt ab occupatione, magis & perfectius replentur iis quæ magis sunt occupationi subdita. Lumen enim maximè replet, quoniam replendo non impedit id quod replet, quo minus ab alio pariter repleatur. Faciamus enim (declarationis gratia) duos esse soles ex aduerso sibi oppositos, alterum in oriente, alterum in occidente, & alterum quidem (ut sit distinctio) luminis aurei, alterum luminis argentei æquè splendidi: nihil dubium, quin utriusq; Solis lumen totum sit repleturus aerem. Vnde illa quæ longius recedunt ab occupatione, ut spirituales substantiæ, quæ nec extensionem quidem admittunt, adhuc melius replentur. Vnde possunt angeli totos illos orbes cœlestes quos mouent, replere, iuxta uirtutem à Domino eis datā. Et Deus qui longissimè recedit ab occupatione, maximè ac felicissimè replet, iuxta illud propheticum: Cœlum & terram ego impleo, dicit Dominus. Ad eundem sanè modum illa in quibus plus est successionis, minorem habent durationem: quæ uerò amplius recedunt à successione, ut omnia æterna, magis durant tēporalibus. Id uerò quod in infinitū omnem successionem effugit atque excludit, in infinitū super omnia durabile est, totum suum esse simul habens, & totā durationem suam in æternitate præsentem tenens ac possidēs, eodem modo sicut temporalia suum instans præsens habent. Vnde fit, ut Deo nihil nisi esse conueniat. Fuisse autem & fore, non in illo sunt, quanquam balbuties nostra (quæ æternitatem nequit attingere) sic de Deo ut de temporalibus subinde loqui solet, quod & alibi contingit, ubique

Successio impedit durationem.

cunque de illo magnum quippiam loqui uolumus. Quia. n. de Deo prout uolumus, propter infirmitatem loqui non possumus, eiusmodi sermonibus non est necesse de Deo loquētes uti, quos ex nostris rebus inuenire possumus. Nil enim condignum illius magnificentiae ualemus exprimere: qui est super omnia, & ante omnia inuisibilis, ineffabilis, in sua æternitate intransmutabili semper benedictus. Amen.

CAPVT XXIIII.

De temporis proprietatibus.

Quemadmodum loco ptius sunt quædam proprietates attributæ, ita temporis quinque subiiciuntur eius naturæ declaratiuæ: quarum prima est hæc.

Tempus quodammodo datur minimum, & quodammodo non datur.

Id est, tempora ut subiacent numero, & numerantur, dantur minima, sicut numerus minimus, ut duo tempora: non. n. est numerus binario minor. secundum partes successiuas non datur minimum tempus, quantumuis. n. paruo tempore dato, secundum partes proportionales (de quo prius dictum est) in infinitum est diuisibile, quemadmodum & linea quæuis.

Secunda proprietas est.

Tempus dicitur multum ac paucum, longum & breue: uelox autem aut tardum non dicitur.

Tempus enim ut numeratur, est paucum aut multum, ut unum tempus, duo tria, quatuor, quinque tempora, & ita deinceps: ut uerò quantitas continua est, longum est aut breue, idque Æm successus partes, sicut quantitas continua permanens (qualia sunt, linea, superficies, corpus) Æm extēsas partes. Quod uerò nec uelox, nec tardum sit, probat Aristot. quia nec numerus ullus, nec ulla quantitas continua talis dicitur. Sequitur tertia proprietas, hæc scilicet.

Est etiam idem tempus simul ubique.

Id est, idem tempus uniuersale, numero mensurat omnia, quæ tempore mensurabilia sunt ubicunque locorum fuerint, ita ut non sit singulis suum tempus attribuendum.

DE INFINITO, LOCO, VACVO,
Quid sit tempus uniuersale, & quomodo sit mensura, prius
dictum est.

Sequitur quarta.

*Vt motus idem ac unus iterum atque iterum esse potest, sic & tempus
idem unumq; esse potest.*

Hoc est, sicut semper redit motus idem nomine cū præ-
terito ipsius cœli, ita redit tempus idem nomine cum præ-
terito exempli gratia, sicut cœlum nunc mouetur rex orien-
te in occidentem, eodem modo ut heri, ita & nunc dies est
ut heri, quia nunc mouetur Sol à primo puncto Cancrī, ut
anno præcedente, nunc quoq; uer est ut anno præterito. Si-
militer dicendū est de æstare, autumno, hyeme anno &c.

Sequitur quinta proprietas hæc,

Non solum tempore motum, sed etiam tempus motu metimur.

Hoc est, uti duratio motus mensuratur tempore, ita &
tempus motus duratione mensuratur atque cognoscitur,
exempli causa, colligimus motum cœli tam diu durasse
aut tantam cœli partem circumuolutam esse, quia una ho-
ra transit, aut dies unus, aut mensis, aut annus. Et ediuerso
cognoscimus nos, una duabus, aut tribus horis studuisse,
quia cœlum huc uel illuc usque uolutum seu motū est, aut
ipse Sol. Sic de mense, hebdomada, anno, & quouis tēpo-
re dicendum est. Atq; ita huic libro finem imponimus, no-
stro more Psalmo in ipsum creatorem tendentes.

FINIT LIBER QUARTVS.

PSALMVS INFINITO INCIRCVN-
scripto, æterno, & intransmutabili Domino.

DEus quis similis assignabitur tibi, aut quis stabit contra te, *no*
conferatur tibi?

Veniat, ut stet contra tuam gloriosam magnitudinem, ueniat, è cæ-
lo, ut desuper cælum, de terra ascendat, aut de profundis maris.

Tu solus infinitus, incircumscriptus, inde finitus crederis: & con-
fessionis labiis affirmaris.

Omne quod creasti Deus, finisti pariter: stringēs proprias quibusq;
rebus essentias, atque operationum uirtutes.

Multa quidein & magna fecisti potentissime Deus mirabilia tua,
sed nihil infinitum essentia, aut uirtute simile tibi.

Et quanquam benignissimus es creator omnium, attamen creatura-
rum tuarum nullam tibi parem constituisti.

Neque uerò est hoc de tua impotentia, insipientia aut malitia Do-
mine Deus qui es sapientissimus, optimus, & suauissimus.

Omnia quæcunque uoluit Deus noster, fecit in cælo & in terra &
in maris nouissimis.

Gloriam tuam sibi seruauit, nec alteri totam eandem trade-
re aut uolet aliquando, aut poterit.

O quàm es dilectus Domine, & quàm amabilis plenitudo uniuersæ
bonitatis.

Si sic pulchra sunt nobis atque suauia, quæ finita sunt, si sic nos
parua miramur.

Tu qui es super omnia infinita pulchritudo, infinita gloria at-
que suauitas, o quàm es super omnia mirabilis & super cuncta de-
siderabilis.

Spatiosi sunt cælorum orbis, & ampli in omni dimensione sua: &
quasi infinita nobis stellarum multitudo æstimatur.

Tu uerò mensuras altitudinem cæli: stellarum multitudinem tu
numeras.

Singulis tu nomina uocas: singulis singulas dispensasti uirtutes ab
initio.

Stant hæc omnia & quæ sub ipsis sunt, legem quam tu descripsisti
eis conseruantia in sollicitudine sempiterna.

Tu autem nullo conclusus loco, nec orientis initium, nec occiden-

8
is terminum admittens in infinitum pertransis immensior.

Omniem implet locum, omnibus intus, omnibus presentissimus, omnibus penitissimus.

Sic neque a tempore initium ut esses sumpsisti: nec finem tibi imponet temporis finis.

Super omne tempus aeternitas tua, aeternae Deus: omne tempus includens, sicut includitur punctulum in caeli magnitudine.

Tibi praeteritum omne & futurum, praesens coram est absque ullo fluxu: sicuti nobis adsunt sola praesentia.

Nihil tibi praeteritum in oblivionem ueniet, fluxu durationis tuae: neque futurum aliquid est ante te absconditum.

Quae praeterita sunt atque futura, simul omnia nuda sunt & aperta oculis tuis, qui conueris abyssos, & intima terrae viscera illuminas.

Ergo domine Deus, quis alius sic aptus atque conueniens, qui accipiat iudicium super filios hominum, aut spirituales nequitias?

Latentur gentes, exultent pauperes, in Deo saluatore suo adueniente in iudicium, pro mansuetis terrae.

Non iuxta erroneam uisionem oculorum arguet: neque iuxta aurium fallacem auditum iudicabit iudicia.

Testis est ipse omnium quae facta sunt ab initio, quoniam in cunctis praesens omnia nouit, omnia conspicit, omnia memoria firmissima tenet.

Time te gentes Deum excelsam: & in magna humilitate semper seruite illi.

Gloria patri, & filio, & spiritui sancto.

Sicut eras in principio, & nunc, & semper, & in secula seculorum, Amen.

FINIT PSALMVS.

IN LIBRVM QVINTVM CONSIDERATIONIS PHYSICAE DE GENERATIONE
ET CORRVPT. RERV NATVRALIVM,

PRAEFATIO.



OMINVS Deus omnipotens, pater, filius, & spiritus sanctus, ut multitudinem, & plenitudinem suæ maiestatis filijs hominum demonstraret, horum visibilium quædam fecit nulli obnoxia corruptioni, itemque generationis nescientia propagationem. Huiusmodi sunt cœlestia corpora & astra: quæ perpe-

tuò stabilia per sese, generatione non multiplicantur, neque posteritatem relinquunt. Alia uerò corruptioni subiecit, quæ proinde si perpetuari debeant, opus habent generatione: ut quæ in se perdurare non possunt sempiterna, multiplicatione atque propagatione speciem suam ut minimum conseruent. Et est sanè opus hoc Dei attentè considerantibus admirabile, cum continua sit indiuiduorum corruptio, & fuerit ab initio, non defecisse tamen usque modo ex his speciebus aliquam, quæ ad totius uniuersi sunt complementum ab optimo conditore destinata: neque in posterum aliquando defecturam, usque dum ipse iubeat, cuius uerbo primum instituta sunt omnia. Rursus, inter hæc quædam simplicia elementa creauit, quædam uerò, imò plurima, ex his commiscuit. Quæ omnia si sobriè fuerint cognita, quo ordine, quibusue fiant rationibus, credo non parum diuinæ magnificentiae gloriam ex eis manifestandam. Volumus ergo sequentis libri processu, de harum rerum generationibus, & corruptionibus latius aliquantulum ad omnipotentis gloriam pertractare.

DE GENER. ET CORRVP.T.

CAPVT I.

*Quomodo generatio & corruptio ab alijs motus speciebus diffin-
guantur.*

*Differen-
tia genera-
tionis ab al-
teratione
ex Aris-
t. lib. 1. de
generatio-
ne.*

Primum quidem indubitatum est, generationē & cor-
ruptionem motus esse species. Vnde ad earum plenius
cognoscendam naturā, expediens fuerit ante omnia, duas
has species ab alijs quæ ex æquo sub motu locantur, distin-
guere: augmentatione dico, diminutione, alteratione, ac
loci mutatione. Itaque (omissis uarijs ueterum sententijs)
sic breuiter species motus ueniunt separandæ. Quoniam
generatio est, quæ nullo subiecto sensibili (hoc est, nulla cō-
pleta substantia) eodem permanente antè & post, rem secū-
dum formam substantialem nouam constituit. Vt cum ex
aqua fit aer, & ex ligno, ignis, nulla completa res eadem ma-
net antè & post, sed per generationem noua res & noua ac-
quiritur substantia, scilicet aer & ignis. Dicitur autē sub-
stantiam completam nullam permanere eandem, ob mate-
riam, quæ eadem penitus manet antè & post: uerū ipsa
non est completa substantia, sed substantia tantū poten-
tia est, & incompleta, substantiæque pars altera, magis q̃
ipsa substantia. Alteratio autem propriè dicta, subiecto sen-
sibili (quod est substantia completa) eodem permanēte an-
tè & post, rem tantū secundum qualitates uariat & alte-
rat. Nam ante & post calefactionem, idem homo per-
manet secundum substantiam, sed de frigore transit in ca-
lorem. Augmentatio uerò & diminutio differunt à præ-
dictis: primum quidem ex termino ad quem sunt: quo-
niam hæ ad quantitatem, illæ uerò ad substantiam tendūt,
aut qualitatem. Secundo etiam differunt ex modo transmu-
tationis. In generatione .n. & corruptione non manet ea-
dem substantia antè & post. In augmentatione uerò & di-
minutione, salua eadē substantia, sola uariatur quātitas. In
alteratione res eadē substantialiter manēs, locū nō necessa-
rio mutat. In augmentatione autē & diminutione, substantia
eadē manēs, nunc minorē, nūc maiorē necessariò occupat
locū. De quibus oībus sic generaliter prælibatis, per ordi-
nem erig-

nē erit dicendum latius, singula particularius tractādo. Col-
ligitur ex uerbis Aristot. hęc generationis definitio.

*Generatio est cū totum mutatur, nec sensibile quidquam ut subie-
ctum idem permanet.*

Vel hęc.

*Generatio est mutatio huius totius, in hoc totum nullo sensibili subie-
cto permanente eodem.*

Hoc est, generatio substantialis est motus, quo median-
te ex una substantia generatur alia, ita ut nulla substantia q̄
prius erat, in ipso generato maneat, ut patuit in hoc eodē
capite. Alteratio secundum Aristot. sic definitur.

*Alteratio est, quando sensibile subiectum permanens, in suis mu-
tatis affectibus, qui aut contrarii: aut inter contrarios mediū sunt.*

Hoc est, alteratio propriē dicta, est motus, quo median-
te substantia acquirit aut perdit qualitates tertię speciei,
ipsa substantia integra permanente. Dicit autem Arist. in
7. Physicorum, alterationem solum esse inter qualitates
sensibiles.

CAPVT II.

De augmentatione & diminutione propriē dictis.

Augmentatio larga significatione solet accipi, ut si-
gnificet etiam eam quę fit per appositionem solam al-
terius corporis, uel per subingressum intra partes alterius,
etiam si id quod aduenit, non conuertatur in substantiam
eius cui additur. Sic dicitur aqua augeri per terrę commix-
tionem, & lana per aeris intra partes ingressum. Aliquādo
autem magis propriē dicitur augmentatio, quādo id quod
apponitur est eiusdem speciei, uel sit eiusdem speciei cum
eo cui apponitur. Ut multum uini, per modicę aquę ap-
positionem, augetur: & ignis, adiectione lignorum: hęc
tamen non sunt propriē augmentationes, de quibus hic lo-
qui intendimus.

Nam secundum physicam considerationem nostro pro-
posito conuenientem, propriē augmentatio & diminutio
in solis uiuentibus inuenitur, quę alimento utuntur: & qđ
sic augetur, secundū omnes partes suas similiter auge-
tur:

*Tracton-
tur ista &
quia sequit
tur apud
Arist. 1.
libro de ge-
nerat.*

DE GENER. ET CORRVP.T.

tur:& quod minuitur, secundum omnes partes suas similiter minuitur, Quare homo præciso pede, non dicitur diminutus aut decreuisse hoc modo, sed potius mutilatus.

CAPVT III.

Quæ sit augmentationis causa & eius in nutritione differentia.

ESt autem anima uegetatiua in uegetantibus huius augmentationis uel diminutionis principium, utens pro instrumento calore naturali: qui in principio tantæ est uirtutis, ut possit non solum alimentum in substantiam uertere eius quod nutritur uel alitur: & intertenere in priori quantitate, sed etiam potens est, ut singulas partes uniformiter augmentet, maiorem quantitatem inducendo. Qui tandè calor debilitatus, & quasi longo labore fatigatus atque confRACTUS, satagit intertenere priorem quantitatem ne decidat. Postremò & ipse deerescens, nequit ultra substantiæ suam quantitatem intertenere: & tunc substantia decrescit eius defectu: Nutrire tamen non desinit, & alimentum uertere in substantiam, donec (ob nimiam impuritatem & nimis & diutinam commistionem cum materia adueniente) caloris huius uirtus opprimitur, & naturæ uirtus deficit, quando necesse est ipsam substantiam deficere, Omne siquidem uiuens, quoad uiuit, nutriri oportet augeri non itè neq; minui. Et iuxta huius caloris atque uirtutis nutritiæ qualitatem, res uel multum, uel diu uel parum augetur, uel minuitur. Patet ergo ex prædictis, alimento adueniente fieri augmentationem, sicut & nutritionem. Differentia tamen est inter augmentationem & nutritionem, quoniam nutritio est quædam partialis generatio, nempe conuersio nutriti in substantiam nutriti, atque mutatio, secundum formam substantialem. Augmentatio autem est, sola maioris quantitatis acquisitio. Atq; hoc ipsum uoluit Aristoteles, cum diceret, ex eodem fieri generationem, nutritionem, & augmentationem. Caro enim ut est caro, nutrit: quatenus uerò est quanta, auget. Substantia enim carnis, est nutritionis materia: sed quantitas, augmentationis. Quatenus uero

*Dictum
Aristot.*

uero materia, nutrimenti aduenientis formam priorē perdit, & formam substantialem secundum speciem nutriti nouam acquirit, partialis quædam est generatio.

CAPVT IIII.

Quemadmodum fiat augmentatio atque domino.

VAna igitur patent eorum somnia, qui ex aliquo separatim putant fieri augmentationem, aut ex incorporeo. Nam illud si indiuisibile fuerit & non quantum, non facit aliquid maius suo aduentu. Cum indiuisibile additum indiuisibili, siue etiam diuisibili, non faciat maius illud cui accedit. Neq; etiam per solam extensionem aut rarefactionē fieri dicenda est. Alioqui nullos uidetur usus, aut ut minimum nulla necessitas, adhibendi alimenti: quod tamē in hoc indubiē sumitur, ut quod caloris actione deperditur, nutrimenti adhibitione restauretur, Fit igitur augmentatio (ut antè dictum est) ex alimento quanto adueniente: quod est quidem ante nutritionem, illi quod ex ipso nutritur, & augetur dissimile: sed uegetās anima caloris ministerio assimilat illud sibi, ut fiat ex eo nutritio, & augmentatio. Sic enim fit nutritio & augmentatio ex cibo, actu quidem contrario, ut fiat actio: & potentia simili, ut fiat conuersio in nutriti substantiam. Contrariorum enim proprium est, ad inuicem agere & pati. Nec agit simile in sibi simile. Vnde fit, ut quod augetur, ex primum dissimili, & post modum assimilatio, augeatur & nutriatur.

CAPVT V.

Soluitur dubitatio, de modo augmentationis, atque diminutionis.

Verū de ipso hoc augmentationis, ac diminutionis modo, dubitet forsā aliquis, quonam pacto fieri possit hæc augmentatio atque diminutio, ut non admittatur neque uacui positio neque dimensionum penetratio: quorum utrunque est naturæ prorsus repugnans, & omnino impossibile. Nam si augmentatio (ut modo diximus) fiat per aduentum

Quæstio.

tum alicuius quanti, quod intra partes eius quod augetur suscipitur, in pleno recipiatur, an in uacuo? Et si quidem in pleno dicatur recipi, quomodo non est ibi dimensionū penetratio? Si uerò in uacuo dicas, admitti uidetur positio uacui. Similiter & de diminutione quæstio formari potest dum auferitur quantum de partibus eius quod minuitur: partes illæ decedentes, an plenum relinquant, an uacuum?

Solutio.

Si plenum, quomodo non ergo priusquam abscederent, erāt dimensionum penetratio? si uerò uacuum relinquant, quomodo non admittitur uacui positio? Huic uerò dubitationi facile satis respondebimus, dicentes, alimentum adueniens in pleno suscipi. pleno utique, non per aliud cū quo simul penetratiue susciperetur, sed pleno ipso alimento quod suscipitur. In diminutione autem partes quæ resoluuntur, è pleno decedunt: ex pleno utique, non alio corpore, ut sic dimensionum prius fuisse dicamus penetrationem, sed ipso quod subtrahitur. Atque hoc pacto, neque uacui positionem neque dimensionum penetrationem requirit prædicto modo posita augmentatio uel diminutio. Est autem similis hæc quæstio qualis fieri solet de motu locali: quo dū corpus de loco in locum fertur, quæri similiter potest, dū locum deserit, an plenum relinquant, an uacuum: & dum in locum intrat, an in plenum, an in uacuum suscipiatur. Sed ex dictis facilis est solutio etiam huius quæstionis.

Et quemadmodum cū in locum corpus ingreditur partes aeris suscipientis, ad ingressum corporis ab inuicem elongantur, & ueluti scinduntur, rursusque egrediente corpore simul concluduntur, ne remaneat uacuum: ita in proposito, dum partes alimenti adueniunt, dicendum uidetur, quod partes corporis, cui aduenit alimentum, ab inuicem (licet imperceptibili modo) distenduntur, ut id quod aduenit intra se suscipiant. In diminutione autem dum resoluuntur partes aliquæ, ex quæ circumstant, mox se concludunt, & uelut conuiscantur. Cuius rei ueritatem probant, infantum iuuenumque magis inflata, senum uerò & de crepitorum contracta, & uelut conuiscata corpora.

CAPVT

VI.

Quid sit dicendum augeri.

Illud autem dicitur augeri, quod idē manet ante & post augmentationem: non id quod post augmentationē habetur. Cibus enim adueniens, ut quantus auget, illud uerō quod ante erat, & post manet, per adiectionem partium aduenientiū augetur, non hoc totum quod post augmentationem factam habebitur, cum huic toti nulla facta sit quātitatis additio. Augetur enim, cui adiicitur maior quātitas. Cibus uerō quantus, & partes cūbi aduenientes corpori quod augetur, dicuntur augere: sicut in alteratione subiectum cui aduenit qualitas, dicitur alterari, & qualitas ipsa subiecto adueniens alterare: ipsum uerō aggregatū ex subiecto & qualitate, neq; alterare dicitur, neque alterari.

Aristos.

CAPVT VII.

Ponuntur proprietates augmentationis, & diminutionis.

Ex prædictis uerō colliguntur sequentes hæ proprietates, seu conditiones augmentationis.

Prima est, Quod augetur, augetur adueniente aliquo corporeo & quod minuitur, minuitur aliquo subtracto corporeo. Secunda, Quod augetur, manet idem ante & post augmentationem. Tertia, Eius quod augetur uel minuitur, quælibet pars augetur uel minuitur. Quarta, Augmentatio, & diminutio fiunt absque positione uacui. Quinta, Augmentatio, & diminutio fiunt absque penetratione dimensionum. Sexta est, Augmentatio partium fit per additionem dissimilis, & per additionem similis.

*Conditio-
nes aug-
mentatio-
nis ex
Aristos.*

In quarum proprietatum recta intelligentia, tota uis est augmentationis, & diminutionis collocata. Illud tñ aduertendū est, quod in tertia proprietate dicitur, id quod augetur secundum omnes suas partes augeri, intelligi debere non de omnibus partibus, etiam minimis, & imperceptibilibus, sed de partibus notabilis alicuius quātitatis. Quemadmodum dum infans totus augmentū sumit, uidemus oīa membra perceptibilia, à capite ad ungues usque proportio nabiliter augeri, nisi fortē in aliqua ulpiā parte praua sit di-

DE GENER. ET CORRVP.

Spolio, particularem membri illius augmentationem impediens. Hac enim ratione fieri poterit, ut non æqualis fiat partium augmentatio. Vnde fieri nonnunquam uidemus, ut manus habeant aliqui non æqualis longitudinis, aut pedibus inæqualibus claudicent (etiam qui a natiuitate æqualia cura acceperant) eo quòd in corporis augmentatione pars altera prauè disposita non potuerit cum membris cæteris iustam accipere augmentationem.

CAPVT VIII.

De quatuor modis se tangenium.

*Ex Aris.
plures mo-
di tangen-
di.*

Quoniam autem generatio & corruptio nō sunt sine actione, & passione: agens uerò & patiens ut agant & patiantur se debent tangere, idcirco de his quoque nobis erit dicendum. Tangentium autem plures sunt modi. Vnus, eorum qui habent diuersas magnitudines, & diuersis locis sitas, quarū ultima simul sunt, sed nō agunt, neque patiuntur, neutrum ab alio. Et secundū hunc modum tangunt se cœlestia corpora, nec in se inuicem agentia, nec ab inuicem patientia. Verū proposito modus iste non cōuenit: cū generationi atq; corruptioni nihil cōducatur. Alius modus est, eorū quæ habent diuersas magnitudines contigua, & agit quidem alterum in alterum, sed non est actio mutua passi in agens. Atque hoc modo se tangunt, cœlum Lunæ, & orbis ignis. Agit enim & influit cœlū Lunæ i sphæra ignis: sed non econtrariò, cū non sint cœlestia corpora ullius impressionis ab his inferioribus susceptiua. Tertius modus est, eorum quæ habent diuersas magnitudines contiguas, inter quæ est mutua est actio: ut ignis, & aer. Est quæ hic modus omniū propriissimus, & maxime physicus, generationi quoq; corruptioni, & alterationi accommodatissimus. Quartus modus est, quādo agens & passum uel nō habent magnitudines, uel nō coniunctas seu contiguas, uirtus tamē agentis in passum transit. Sic Sol agit & tãgit uirtuali contactu hæc infima in quæ agit: & corpus tãgit animā; & molestia seu tristitia dī tangere hominem. Et hic modus

dis sufficit ad actionē, tamen si rariū sit in huiusmodi mutua actio. Quod igitur dici solet, Omne agens in agēdo recipitur: non habet ueritatem, nisi in his quæ tertio modo (contactu scilicet physico) mutua actionē, & contrarietate agunt & patiuntur adinuicem. Et est aduertendum quod illa quæ in materia communicant, adinuicem agunt & patiuntur, i. quæ in materiam habēt similiter susceptiuam actionis, uel impressionis ab agente, hæc nata sunt abinuicem pati. Quippe materia est passionis principium sicut forma actio- nis. Illa uerò quæ materiam uel omnino non habent, ut spiri- tuales substantiæ, uel non habent susceptiuam impressio- num extrinsecarum, ut sunt cœlestia corpora respectu infe- riorum, in his non inuenitur mutua actio & passio. Formæ enim cœlestium corporum, utpote perfectissimæ in agen- do suam materiam in qua insunt sic perficiunt, solidissimis quæ qualitatibus stabiliunt, ut alienarum impressionū non sit ullo pacto susceptiua, Alienarum dicimus, hoc est, infe- riorum. Nam uerissimile est, cœlum supremum & immobili influere in omnes inferiores cœlorum orbes.

CAPVT. IX.

Quomodo agens aliquo modo simile debet esse passio, & aliquo modo dissimile.

Illud autem quod ad actionem est aduertendum, omni- no simile non posse agere in sibi omnino simile. Aqua enim calida, non potest agere aliquid in lapidem penitus eiusdem caloris: sed sit minus calidus quàm aqua, calefiet adhuc ab ea: sin magis, tepefiet ab ea donec assimiletur caliditati eius. Rursum omnino dissimile non potest agere in omnino sibi dissimile, quemadmodum in cœlestia hæc infe- riora propter omnimodā dissimilitudinē agere nequeunt. Idcirco homo in brutum, docendo non potest agere, quia brutum non est, nec in potentia simile homini, secundum disciplinam, atque scientiam. Ad agendum enim & patien- dum hanc oportet inter agens & patiens esse similitudinē ut tale sit potens in potētia, quale est agens in actu. Omne

*Pulcre
hæc om-
nia Aris.*

enim agens in agendo assimilatur sibi passum, ut tale fiat ipsum patiens, quale actu est ipsum quod agit. Idq; uel formaliter, uel s^{ecundum} uirtutem. Sol enim calefaciendo non sibi calefactum in caloris forma assimilatur, quam non habet: sed assimilatur sibi calefactum, ipsi imprimendo id cuius uirtutem effectiuam in se habet. Quanquam enim Sol in se formaliter calorem non habeat, id est, accidentariam illam qualitatem quæ dicitur calor (cum sit una primarum qualitatum, quarum celestia nullo pacto sunt susceptibilia) est tamen calidus secundum uirtutem, quatenus in se uirtutem habet & efficaciam producendi in inferioribus calorem quo modo etiam aromaticæ species multæ secundum uirtutem tantum calidæ nominantur.

CAPVT X.

De quatuor elementis, & actione eorum adinuicem.

Restat nunc, ut de mutua actione elementorum specialius differamus. Pro cuius intelligentia primum est auertendum, quædam esse corporalia simplicia, quædam uero ex simplicibus commixta, de quibus dicetur postea. Nunc autem de simplicibus primum dicendum.

Corpus simplex. *Sunt autem corpora simplicia, quæ non componuntur ex aliis prioribus, aut simplicioribus corporibus quanquam habent materiam, & formam a parte ipsa constituentes.*

Horum sunt quædam ingenerabilia & corruptibilia, eò quod qualitatum actiuarum non sint susceptiua, ut celestia corpora. Alia sunt generatione, & corruptione, & alteratione transmutabilia. Hæc sunt nimirum quatuor elementa, quæ cum ex nullis simplicioribus componantur, ex ipsis tamen componuntur omnia cætera, quæ in his inferioribus mundi partibus gignuntur, idq; per mutuam actionem & passionem eorum adinuicem. Principium autem huius actionis & passionis est à quatuor qualitatibus tangibilibus, à quibus est omnis actio corporalis: quæ proinde qualitates primæ solent nominari.

Quæ sunt calor, frigus, humiditas, & siccitas.

Sunt autem aliæ tangibiles qualitates; quæ actiue non sunt: grossum subtile; durum molle, lubricum aridum: hæ enim sunt secundæ qualitates, tangibiles quidem, sed per se non actiue: quanquam ad actionem aut passionem possint esse bonæ dispositiones. Secundæ autem qualitates rectè hæ dicuntur: quia ad primas illas quatuor possunt reduci: ut subtile ad humidum, & grossum ad siccum. Idq; propterea quod sicut humidum est bene repletium, ita etiam subtile: & sicut siccum minus, ita & grossum. Similiter de lubrico & arido dici potest.

.IIX

CAPVT VI.

De quatuor combinationibus primarum qualitarum; & distinctione elementorum.

EX his igitur qualitatibus, omnis procedit actionis, omnisque generationis & corruptionis initium. Sunt enim adinuicem contrariæ hæ qualitates, & continua pugna res in interitum cogunt atque deducunt, nouæque generari faciunt. Et iuxta combinationes, quatuor innuntur elementa. Caliditas siquidem & siccitas, igni: humiditas & calor, aeri: aquæ, frigidum & humidum: terræ deniq; siccum & frigidum conueniunt. Reliquas uerò duas combinationes, (scilicet calidum & frigidum, humidum & siccum) quoniam impossibile sunt ob contrarietatem, constat non constituerè aliud à prædictis elementum. Ex una autem sola qualitate, non sumitur aliquod elementum. Vnumquodq; enim elementum, duas habet qualitates harum primarum & actiuarum, atque earundem alteram in excellentia, alteram in mediocritate temperatam. Quippe ignis, summe calidus est & temperate siccus: terra summe sicca & temperate frigida: aqua summe frigida & temperate humida: aer summe humidus & temperate calidus: quanquam id sensus non ita indicat, neq; experitur. Propter enim influxus certos cælestium corporum, & propter aptam habitationem animalium, sicut est aqua non suo naturali loco relictæ in quo erat ab initio

Respondent ista lib. 2. Arist. de generatione

DE GENER. ET CORRVP.

econdita, ita & aer, non est in sua naturali dispositione reli-
 ctus. Non enim cōueniret in tanta humiditate hominis re-
 spirationi, propter quem claret facta esse & elemēta, & mī-
 sta omnia. Attamen prāter rationem, etiā experientia flu-
 xus aeris satis testator, quōd diximus, de humiditatis in
 aere prācellentia (quantum ad naturam eius attinet) uerū
 esse & indubitatum: quoniam multo se facilius aer diffun-
 dit & spargit, quā aqua, & magis replet: quā duo humi-
 ditati posterius appropriari dicemus. Relinquitur ergo, nō
 nisi quatuor esse elementa.

CAPVT XII.

De elementis symbolizantibus, & non symbolizantibus.

INter hæc elementa, quædam adinuicem communicant
 in altera qualitatibus: ut ignis, & aer in calore quē ha-
 bet ignis summe, & aer moderate ignis & terra, in sicco:
 aer & aqua, in humido aqua & terra, in frigido. Et hæc ele-
 menta uocantur Græca appellatione symbolizantia, id est,
 communicantia, seu ad inuicem conuenientia. Quædā fm
 utranque qualitatibus contrariantur: ut ignis & aqua, aer &
 terra. Igni enim calor, & siccitas: aquæ frigidum, & humi-
 dum cōueniunt. Iterum aeri, calidum & humidum: terræ,
 frigidum & siccum appropriata sunt: hæc sunt quæ non sym-
 bolizant, id est, in nulla qualitate communicant siue con-
 ueniunt. De his autem quæ symbolizant, dicit Aristote-
 les, facilitorem esse transitum ab uno in alterum, quā in
 non symbolizantibus. Vt facilius est ex igne aerem fieri,
 quā aquam. Solo enim humido superante fit aer. Cita-
 etiam & facilis est generatio aquæ ex aere, cum solo frigi-
 do superante calidum gignatur aqua. In alterā enim qualita-
 te erat conuenientia, At uerō ut ex igne fiat aqua, oportet
 & calidum uinci à frigido, & siccum ab humido. In utraq;
 enim qualitate est contrarietas.

EX his quatuor qualitatibus sunt duæ maximè actiue caliditas, atque frigiditas propter quod ignis & aqua (in quibus hæ qualitates dominantur) elementa sunt præ cæteris magis actiua. In uirtute autem resistendi, minus etiam cæteris (siccitate dico & humiditate) ualent. Vnde aer & terra, maiorem habent resistendi uirtutem, quàm ignis & aqua. Quomodo enim hæc in agendo atque pugnando præcellunt, sic illa in resistendo. Et est profectò admirabilis hæc harmonia, à naturæ conditore Deo ordinatissimæ disposita, ut quæ magis sunt actiua, minus resistent, citiusque patiantur quæ uero minus agunt, magis resistent, neque ita facile patiantur. Alioqui subito oporteret totum uniuersum ab ignis sphaera absorberi, si sic inferiora haberet cætera elementa in resistendo, quemadmodum in agendo ea superat & excellit. Sed & illud opere precium fuerit in hæc elementorum differentia considerare, quod superius excedit quantitate, proximum sibi inferius elementum proportionem decupla: ita ut infimi elementi à supremo secundum magnitudinem distantia sit, secundum proportionem millicuplam. Ignis enim sphaera, quæ sub Lunæ cōcauo à Philosophis ponitur immediata, millies maior est globo terræ. Nam ex uno pugillo terræ, decem sunt pugilli aquæ, ex uno uero pugillo aquæ, decem aeris: ex uno autem pugillo aeris, decem ignis. Ex uno ergo terræ pugillo, constat per multiplicationem Arithmeticam, fieri mille pugillos ignis, centum aeris, decem aquæ tametsi nō plus materie habeat tantus ignis sub millicupla quantitate, quā tantilla terra sub simpla quantitate. Horum simplicium corporum seu elementorum condiciones ponit sex Aristot.

Prima est,

Vnumquodque elementum inuenitur non simplex sed mistum, & licet sit quale simplex, non tamen est illi idem.

Cuius causa ex prius dictis patet, non enim hominis

DE GENER. ET CORRVPT.

naturæ elementum omnino simplex conuenit, cui omnia
tamen sunt creata.

Secunda est,

*Ignis est summe calidus, ut glaciēs summe frigida, aque ob id
ex hisce sic sumptus nil generari potest.*

Ratio est, quia generatio multū nō fit, nisi contrariis qua-
litatibus primis ad concordiam quandam & contempera-
mentum redactis.

Tertia est.

Duorum elementorum locus est sursum, & duorum deorsum.
Aer enim & ignis sursum sunt, aqua uerò & terra deor-
sum.

Quarta.

Duo elementa extrema sunt simpliciora mediis elementis.

Quinta est.

Ut ignis iuxta utranque qualitatem aquæ aduersatur, ita & aer terra.
Istud quāllitatum primarum combinatione patet.

Sequitur sexta.

*Elementorum unumquodque habet tantum unam primam qualitatem
in summo, & alteram citra summam.*

Ignis in summo habet calorem, & citra summum siccita-
tem: aer humiditatem in summo, & citra caliditatem: aqua
frigiditatem in summo, & humiditatem minus: terra sicci-
tatem excellenter, frigus uerò minimè excellenter.

CAP. XIII.

De mistis corporibus & mitione.

EX his quatuor simplicibus elementis, diuersæ confur-
gunt rerum species, iuxta uarias horum simplicium ele-
mentorum ad inuicem commistiones. Quidquid enim in-
ter corpora, non est uel cælum, uel elementum, est ex ele-
mentis mistum. De mitione igitur & his quæ miscentur,
id est, mistilibus, & quæ per mitionem generantur (quæ
mista uocari solent) erit dicendum, si plena debeat haberi
generationum cognitio.

Mitionaque est, mistibilium alteratorum & contemperatio iuu.

Quando enim elementa quæ mistibilia dicimus, altera-
ta & contemperata, ad mediocritatem & certam proportio-
nem

nem mutua actione & passione redacta concurrunt simul ad unius alicuius corporis compositionem, mistio fieri dicitur, proprie accepto uocabulo. Non ignoramus tamen aliquando uocabulum mistionis improprie accipi, ut dicantur commisceri aliqua, quorum tamen utrunque suam speciem seruat, ut aer commiscetur terræ, uel lanæ, uel aqua pani, quādo intra partes eius subintrat per poros. Aliquando etiam magis proprie dicitur aqua uino misceri, quando aqua infunditur uino, & uertitur uinum in aquæ speciem. Neque tamen hæc proprie mistio est dicenda. Siquidem in mistione, necesse est mistibilia esse æqualis uirtutis, ut redigantur ad cōtemperamentum medium, nec debet unius mistibilium penitus dominari. Si enim in hominis mistione totaliter ignis dominaretur, iam oporteret alia elementa in ignē uerti. Agens enim habens dominum supra passum, sibi ipsum assimilatur: sicq; nihil aliud quā esset totus homo. Ad hæc oportet in mistione, quamlibet partem ipsius misti esse mistam: quemadmodum in augmentatione diximus, quamlibet partem eius quod augetur debere augeri. Ex quibus satis est manifestum, nō esse proprie dictā mistionem, cum aqua uino sic miscetur, ut in eius specie, atque naturam transeat: cum hic mistibilia neque simplicitia sint, neq; uirtutis æqualis, neque oporteat partē quamlibet uini commisti cum aqua mistam esse, sed partes tantum uicinas, quibus infunditur.

*Hæc de
misione
tradit Ari
stot. 2. li.
de gener.*

CAPVLT XV.

Quomodo in corporibus misti remaneant uel nō remaneant simplicia & qualitates eorum.

Grandis uerō est inter Philosophos atque Medicos super hac re altercatio, num in mistis corporibus elementa secundum suas formas permaneant, an alio aliquo modo: quibusdam dicentibus, ea formaliter manere, sed tantū per formam totius cohiberi, ne separetur unumquodque in suum locum. Qui sibi experientiam assumunt, ex eo quod admoto igne ad ligna, quædam ligni pars redditur igni, &

8. q. 2

quædam aeri: egreditur etiam humor quidā atque aqueus, uapor, licet ob ignis uoracitatem id non semper percipiantur: terræ quoque cineres relinquuntur. Vnde & in faciem apparet, coniuncta ibi & colligata fuisse (non secundum uirtutem solā, sed etiam secundum formā) elementa. Actio nem uerò mutuam dicunt impediri, à forma totius compositi, & quoniam ad mediocritatem sunt redacta. Atque ex hac radice posuerunt Empedocles & Anaxagoras, omnia esse in omnibus, & per congregationem & segregationem omnia generari atque corrumpi. Hinc quoque illorum manauerunt sententiæ, qui principia rerum litem & amicitiam assignarunt: de quibus non est nunc dicendum per singula. Illi enim abierunt uiam uniuersæ carnis, & nos euestigio eos subsequimur. Si eos quiete Deus optimus dignatus est sempiterna (Quis enim nouit consilia eius, aut quis conspexit in libro signato iudicia eorum præter agnū qui occisus est?) Si, inquam, pijsimus Deus, eorum iussit uel corpora, uel mentes quiescere, nos illos non impugnemus, nec sit nobis gloria cum eorum umbris digladiari. Quod enim ad sententias antiquorum istorum attinet, uerisimile est, obscurioribus uerbis eos, non nulla indicare subinde uoluisse, quæ si à nobis rectè intelligerentur forsitan non penitus nobis uiderentur improbanda, quæ tamen nunc primā facie, dum non intelliguntur, uelut absurda uidentur, ac uelut Philosophis indigna abiiciuntur. Nos uerò quæ ueritati consentanea nouimus, & sacratissimæ nostræ fidei non dissona, absque illorum, uel inuidia uel iniuria, diligenter commemoremus. Ergo (ut illuc reuertamur unde digressi sumus) qui sic ponunt elementa in mistis remanere, etiam in suis formis, omnia uiolenta faciunt: ignis enim uolenter in loco humanorum corporū detinetur: At uerò Deus naturæ dulcis opifex est: & sicut attingens à fine usque ad finem fortiter, ita cuncta disponens suauiter. Alii proinde melius posuerunt: non quidem formas elementorum, sed tantum eorum qualitates in mistis remanere, ad iouicem temperatas: dicentes, ob contemperationem qualitatum mutua actione & passione factam non extingui subito

Pien iudicium de ueterum Philosophorū sententiis.

Sap. 8

bito corpora. Vbi tamen aliquam eorū contigerit deficere, uel excedere extra debitam proportionem, necessariō iam rem corrumpi. Id quod experientia testatur superex-
 crescente in homine siue calore, ut in pestiferis & febricitantibus: frigido, ut in senibus: humido, ut in hydropicis: sicco, ut in phtisicis. In quibus oībus fieri oportebit morbos uarios atq; etiam corruptionem nisi statim per formā substantialem prospiciatur, ut restituantur in suam proportionem naturalem qualitates illæ actiue. Ponit autem hæc sentētia, etiam contrarias qualitates in eodem subiecto, & fm eandem partem subiecti, sed contemperatas, ad inuicem. Quæ sanè opinio non est penitus improbanda, imò doctorum Orthodoxorum sententiis satis uidetur cōsentanea. Dicit enim beatus Gregorins, quatuor elementis, tanquam quatuor baiulus, hominem deportari ad sepulchrum. Alii ponunt, neque formas, neq; qualitates elementorum in mistis remanere, sed tantum unam qualitatem, quæ ex illarum proportionem, & ad inuicem contemperatio ne efficitur, per uirtutem seminis, uel alterius quomodolibet agentis & generantis, cum concursu causarum superiorum. Quemadmodum uerō quī prioris sententiæ sunt, ceptam illam qualitatum primarum proportionem, uocant cōplexionem, uel compositionem: ita posterior hæc sentētia, qualitatem istam unicam ex contemperatioe qualitatum effectam, complexionem uocat. Et quidem inter duas has opiniones atque sententias non tanta est distantia, quanta prima facie uidetur. Hanc enim unam qualitatem (utcumque se res habeat) cōstat, uirtute illam qualitatum complexionem & proportionem, uel temperatam compositionē in se continere. Quapropter superfluum fuerit, hæc de re sollicitius aut pertinacius digladiari. Similis ferē quæstio est qualis de qua tepida feruide solet moueri, & ardentē disputari, cum sit alioqui frigidior quā ut pro ea feruentius debeat contendī. His ergo supersedentes, ad alia transeamus:

DE GENER. ET CORRVP.T.

CAPVT.

XVI.

An ad cuiuslibet misti generationem, quatuor debeant elementa conuenire.

Ad quodlibet mistum 4. cōcurrentia elementa.

Verisimile est, ad cuiuslibet misti cōpositionē quodlibet elementum concurrere, & quālibet dictarū quatuor qualitatum aliquo modo in quolibet eorum inueniri. Neq; hoc solum: s̄m diuersas mistorum partes est accipiendum, sed etiam secundū singulas partes. Nam mistum secundum omnes sui partes tale oportet esse. Quanquam enim in diuersis partibus diuersa percipiuntur dominari elementa: ut in cholera ignis dominatur, in phlegmate aqua, in sanguine aer, in melancholia terra: non est tamen arbitrandum, solū illud elementū in unoquoq; membro reperiri, quod in eo dominat̄. Inuenitur enim in cholera aliquid aeris, aquæ, & terræ: in melancholia, aliquid ignis, aeris & aquæ: ita in cæteris proportionabiliter dicendū. Et uniuersaliter, quāuis in quolibet misto corpore sint omnia elementa & oēs dicta ratione qualitates actiue, semper tñ eorū ali quod excellentius dñatur. In quibusdā quidē ignis, ut in superioribus exhalationibus, & in flāma, & in hoībus cholericiis: quorū idcirco capilli sursum tendūt. In quibusdā aer, ut in sanguineis, & uolatilibus, q̄ proinde aere sibi uendicāt. In piscibus aut̄ & phlegmaticis, aqua: quare & aq̄s h̄mōi delectātur, & crines habēt plerunq; leniter demissos. In alijs terra, ut melācholicis, & leporibus, ceterisque terrestribus animalibus, quæ proinde terram natura quærun, & qui sic sunt homines, terram plerunque despiciunt; ponderosos crines ad terram deiectos habētes. Plerunque etiam plura elementa in eodem sic uidentur dominari, ut uix discerni possit utrum utri præualeat. Difficile enim fuerit uniuersaliter iudicare, quod eorum in quolibet dominetur.

CAPVT.

XVII.

Monstratur exemplo, in mistis quodammodo esse quatuor elementa.

Quod si cui uideatur non uerum esse quod suprà diximus,

ximus, in misto simul quatuor elementa concurrere, videat ille lignum in aquas iniectum: quod experientia docet, ac monstrat, non statim subsidere, etiam si magni sit ponderis, sed supernatare: quod indubie ab ignis atq; aeris est leuitate, quæ uirtualiter in ligno includitur donec tandem contingat consumi aut deuinci temporis lapsu uim aeris atque ignis, per aquæ fortem actionem, quo facto subsidere poterit lignum. Eadem quoque ratione ligna putrida, quæ igni & sunt & fiunt uiciniora, & aeri propinquiora (quemadmodum ipsa frequentia & magnitudo pororum indicat) difficilius intra aquam seruatur aut immerguntur. Has autem porositates indicare ignis dominium & inualeſcentiã, probat Aethna mons igneus, qui locus pumices transmittit multa porositate plenos. Hac eadem de causa naturalem sibi locum oleum supra aquam accipit: quoniam oleum aerẽ magis dominantem habet. A qua autem nostra, qua utimur multum etiam terræ habet admistum.

CAPVT XVIII.

Quod elementa, quibus utimur, plura elementa non sunt.

Non est autem existimandum hanc terram quam inhabitamus, quæque herbas & fructus generat ac nutrit, purum terræ elementum esse: sed neque hic aer in quo uiuimus & respiramus, purum est elemētum, sed potius uetus est quidam, & commistus atque impurus aer: neque aquam omnino elementarem, aut ignem habemus, terreum tamen aliquid, aqueum, aereum, igneum habemus. Ferrā, aquam, aerem, ignem uerò non habemus. Siquidem ignis aer, aqua & terra, quæ nobis in usu sunt, uerius elemētaria corpora, quàm elementa dixerimus. Monſtrat hoc ratio, tamenſi abhorreat ſenſus. Elementa enim in ſua diſpoſitione naturali, nullam harum paſſionum in ſenſu efficerent, quas hæc elementaria efficiunt. Aqua enim in ſua eſſet puritate, ſapida non eſſet. Neque aer ille ut ſuprà oſtēdimus, eſſet reſpirationi aptus. Neque terra, nutrire quippiam, aut aqua potare poſſet. Nos enim miſta corpora ſimplicibus

*Ariſt ſenſentialib.
2. de gener.*

cibus nutrire non possumus. Cuius etiā signum dāt agricola, qui irrigantes hortos, terram aquæ miscet, & solum rem utique (ut sic loquar) mystissimum, terræ iniiciunt, ut plantæ nutriantur, & multo melius inebriat & fecundat terram aqua fluuiialis, utpote magis impura, quā fontalis, quā aliquanto est purior. Ipsi quoque coqui & qui lautitias parant cupediarii, sint nobis testimonio, qui ex diuersissimis commistionibus, & maximè à natura abhorrentibus, sapidissimas conficiunt lautitias. Præterea terra purum elementum, est grauissimum omnium etiam mistorum. Hæc autem terra nostra quam inhabitamus, multo est plumbo aut uino argento leuior, & ignea ista flamma quæ pinguedine olei, aut ceræ, aut picis sustentari habet, aut lignorum, atque similibus subministratione, multo aere circumstante est crassior atque densior, uiscofo aut crasso fumo commista. Elementaribus ergo corporibus non elementis utimur. Idque consultissime sic disposuit prouidissimus humanarum rerū gubernator. Nihil enim profuisset creaturas ualde bonas creare (plantas, animālia, ceteraque corpora mista loquor) si non simul & ubi, & quomodo, & à quibus conseruari possent, eadem prouidentia disposuisset. Mira ergo dispositione, in elongationibus elementorum partibus pura reliquit elementa, ubi nullus est mistorum locus, utpote circa centrum terræ, & in supremo sphaeræ ignis, sicuti attestatur Arist. naturæ philosophus. At uerò superficies & exteriores elementarum globorum partes, sic uoluit esse commistas, ut mistis locum præberent commodum, pro sua cuique natura, & uegetantibus ubi pascerentur sua fecunditate non deesset. A quo enim condita sunt omnia bona, & bona ualde, ab eodem expectant ut escam sumant oportuno tempore. Quare & post completum cælorum cursum, ubi cessauerint in mundo uiuere & pasci, tam homines, quā cetera uinentia, nouissimo terminato examine, igne cunctis consummatis mistionibus, omnia suo loco & statu elementa reductus creditur omnipotens & optimus Deus, ita demum cum suis beatissimis exercitibus regnaturus in æternum & ultra. Inter quos speramus & nos modo pauperes

Gene. I.

Pf. 103.

res aliquando computari; quando plenæ erunt laudibus
 fauces nostræ, quæ nunc undiquaque mendicatis canticis
 misere torpent, etiam dum maxime, ut videntur, laudant.

CAPVT XIX.

*Mouentur circa prædicta aliquot quæstiones, & primum, an possibi-
 le sit aliquid simpliciter generari aut corrumpi.*

AD eorum autem, quæ hætenus à nobis dicta sunt,
 maiorem declarationem, quæstiones aliquot circa præ-
 dicta proponuntur, ex quarum solutionibus, plenior haberi
 poterit quorundam antedictorum cognitio, & intelligē-
 tia facilior. Sit ergo hæc prima quæstio, An fieri potest *Quæstio*
 ut aliquid simpliciter generetur, aut simpliciter corrumpatur. *prima.*
 Nam si aliquid simpliciter generaretur, deberet ex
 non ente simpliciter generari, cum generatio sit à non esse
 ad esse progressio. Ex non ente uero simpliciter, siue ex ni- *Solutio ad*
 hilo nihil potest fieri aut generari, quemadmodum habet *quæstio-*
 principium physicū. Similiter quoque de corruptione po- *nē ex sent.*
 test ratio fieri, quoniam si corrumperetur aliquid simplici- *Arist. 1.*
 ter deberet in non ens simpliciter corrumpi siue in nihi- *de gene.*
 lum, cum corruptio sit processio ab esse ad non esse. Hoc
 autem, nempe in nihilum corrumpi æquè uidetur Physi-
 cis absurdum, atque ex nihilo aliquid generari, eò quòd
 æquè sit creaturæ uirtus impotens, ad creandū, atque ad
 annihilandum. Videtur ergo iuxta hanc ratiocinationem,
 nihil simpliciter generari aut corrumpi posse, secundum
 naturam. Pro huius autem quæstionis expeditione sciendum
 est, quibusdam antiquorum philosophorum tam ualida
 & efficacem uisam fuisse suprapositam ratiocinationem,
 ut ea permoti asseruerint nihil simpliciter generari
 aut corrumpi, sed omnia alterationibus solis posuerunt ua-
 riarum quas alterationes uocabant generationes secundum
 quid, propterea quod accidentia & qualitates secundū quæ
 sunt hæ alterationes, non simpliciter formæ, sed formæ se-
 cundum quid (id est, formæ accidentariæ) nominentur, &
 potius entia secundum quid quam entia simpliciter: co-
 ipsa

ipsa non per se substantiam habeant, sed per ipsa, tantum ea quæ subsistunt talia, aut talia denominantur. Admittant ergo multa passim generari & corrumpi secundum quid: uerum simpliciter aliquid generari aut corrumpi negabant, Hæc autem antiquorum sententia certam habet falsitatem, & omnino fateri oportet multa quotidie simpliciter generari, atque simpliciter corrumpi. Est enim generatio simpliciter dicta, formæ substantialis in materia acquisitio, quemadmodum corruptio formæ alicuius substantialis ex materia est deperditio: generatio uerò secundum quid, & corruptio secundum quid, formæ accidentalis in subiecto sunt acquisitio & deperditio. Vnde cum res naturales non solum secundum acquisitionem, & deperditionem mutantur formarum accidentalium, uerum etiam substantialium manifestum est non solum generationem & corruptionem secundum quid, uerum etiam simpliciter, esse secundum naturam, possibilem. Imò uniuersaliter, quodcumque forma aliqua substantialis in materia qualibet, de nouo acquiritur, compositum illud ex materia informata & forma informante simpliciter dicitur generari: & e contrario, quotiescunque forma substantialis ex materia aliqua deperditur siue expellitur, compositum ipsum simpliciter dicitur corrumpi. Quemadmodum (exempli gratia) simpliciter generatur ignis, & corrumpitur lignum, cum forma substantialis ligni per uirtutem applicati ignis ex materia expellitur atque deperditur, & forma substantialis ignis in eandem introducit. Qua in re differentia tamen notanda est inter generationem simpliciter & alterationem, quæ etiam genera secundum quid numerari potest. In alteratione siquidem alterari dicitur ipsum subiectum, quod de qualitate transit in qualitatem; non ipsum totum ex subiecto & forma aggregatum: in generatione autem & corruptione, non ita generari aut corrumpi dicitur subiectum generationis, aut corruptionis, quod est ipsa materia per formam informata, sed totum ipsum compositum, quod ex forma & materia informata constituitur. Quemadmodum non ipsa hominis materia, quæ ante
& post

& post manet eadem, generari dicitur aut corrumpi, sed totus ipse homo ex anima constans, & corpore generari simpliciter, aut corrumpi simpliciter dicitur, cum sua forma in materia acquiritur; aut ex ea pellitur. Ad objectionem uero suprapositam facile satis adhibetur responsio, si illud prius replicauerimus, q̄ i tractatu primo tetigimus, de conditione atq; natura materiæ, quæadmodū ipsa non ens simpliciter dici debeat ac nuncupari. Quia n. materia p se ad om̄e formam indifferēs, omnino simplex, nullam habet in se formam ex qua componat, quæve ipsam faciat esse in actu, sitq; ex se nihil nisi mera potentia hinc fit, ut ex se non nisi ens in potentia possit nuncupari, non autem ens in actu, quod solum est ens simpliciter. Ens enim in potentia non est nisi ens secundum quid. Quod autē in actu est per formam aliquam substantialem, quæ pars est sui, ad simpliciter ens dici meretur ac debet. Cum ergo ita p̄pōnit obiectio, Si generaretur aliquid simpliciter, generaretur ex non ente simpliciter admittenda est illa hæc conclusio. Non enim est inconueniens, ex nō ente simpliciter aliquid fieri seu generari. Ex materia siquidem sunt ac generantur res naturales omnes, quæ non est ens simpliciter, sed tantum potentia. Quod autē philosophicum dicit principium, ex non ente nihil fieri aut generari: intelligendum est non de simpliciter non ente, sed de omnino non ente, id est, quod neque actu est, neque potentia: quemadmodū in primo libro tradidimus manifestius.

*Solutio ob
iectionis.*

CAPVT XX.

Quæstio secunda.

CVM calidi & frigidi, humidi & sicci sint officia contraria: quam ratione dicta sunt hæc pariter in imitatione debere concurrere? Ut clarius dissoluatur quæstio; præmoneri oportet quæ sint harum qualitatum propriæ differentiæ, quæve propria sint diuersa earū officia. Ad calidū enim spectat, separare partes heterogenias, id est, dissimiles & diuersorum generum abinuicē. Ex uirtute enim

*Sunt hæc
apud Ari
stot lib. 2
de gen. &
4. li. Me
teororum.*

DE GENER. ET CORRVP.

ignis est, quòd in homine ossa à carne, caro à neruis, cor ab
 hepate, & ceteræ partes diuersarum rationum abinuicem
 separantur id quod & in ligni adustione euadit manifestû,
 ubi cinis, uapor, fumus, & flamma, abinuicem caloris uirtu
 te separantur. Idem patet quando igne purgantur metalla
 & separantur partes diuersorum metallorum quæ erât cõ
 mixtæ. Sunt enim rerum duplices partes quædam sunt eiuf
 dem rationis, uel speciei, uel dispositionis: quemadmo
 dum (exempli gratia) partes diuersæ carnis, partes ossis,
 partes neruorum, partes aquæ, omnes sunt eiufdem rati
 onis. Hæ partes homogeniæ (id est, eiufdem rationis,
 speciei, uel generis). Græco uocabulo solent nuncupari.
 Aliæ sunt quæ sunt diuersarum rationum uel dispositionû,
 ut caro & os. Item cortex & medulla in plantis, folia & ra
 dices. Et hæ partes heterogeniæ, id est, diuersarum ratio
 num, specierum, aut diuersorum generum nominantur. Ni
 hil tamen nunc specialius perquiremus, an in carne sit ali
 qua forma substantialis alia à forma ossis, præter rationalē
 animam an fortè sola differant diuersa dispositione, secun
 dum accidentarias qualitates. Est ergo (uti iam ostēdimus)
 calidi officium, heterogenia in misto abinuicem separare,
 homogenias autem partes simul coniungere. Vtrunque e
 nim facere calidum, probat experiētia in igne metalla pur
 gante. Frigidi autem est etiam partes heterogenias adinuī
 cem conglutinare: & conseruare: ut ossa cum neruis & car
 ne, & eandem uicissim cum ossibus & neruis inuicem com
 paginare: quemadmodum ad oculum uidemus in frigore,
 multa pariter in glaciē cōglutinari. Humidū uerò benè est
 terminabile uel formabile, s̄m oēm formam quā conuenit
 rei habere, & agēs uult imprimere, facileq; suscipit impre
 sionē ab agente, & est bene terminabile termino alieno.
 Nā pp fluxū (cuius causa est humidum) contentū facilè se
 accommodat lateribus continētis: sed malè terminatur termi
 no proprio, propter fluxum consequentē. Ceterum, fluidita
 ti huic medetur siccū quod termino alieno ægrè se accom
 modat nec nisi uiolenter compactum lateribus continentis
 se patitur aptari propterea quòd fluxum ignoret. Suo tamen

men proprio termino siccum est bene terminabile, tenens atque custodiens figuram & superficiem suam. Harum autem rerum experientiam docent nos figuli, qui uolentes materiam luti pro suo libito tractare, & figuras quaslibet inducere, udum ac molle faciunt lutum, & humidum asciscunt. Volentes uerò iam inductum terminum & figuram seruare pulso humido, igne exiccant uel soli exponunt: ut quod humidi beneficio facile est impressum, sicci beneficio stabiliter seruetur. Quibus præmonitis, dicimus ad quæstionem, agens uel generans, egere calido, ad destruendum singulis partibus sibi conuenientia, id est, ad segregandum heterogenia, ne commisceantur in homine os & caro, caro & nerui: in arbore cortex & medulla folium & fructus, atque ita in cæteris: frigido, ut hõ genia cõtinuètur, & heterogenia conglutinentur: Humido, ut figura & quantitas, & superficies conuenientes inducatur, secundum exigentiam, milti quod generatur: Sicco, bene seruetur res in sua figura & termino. Ex harum autem commistione qualitatum, quas primas uocant Physici, secundum certam proportionem, & iuxta diuersarum qualitatum diuersam dominationem procedunt qualitates aliæ prius enumeratæ, etiam tangibiles, & omnes aliæ sensibiles: ut sunt, color, & lux horum inferiorum (lux enim cœlorum, non est ex primis qualitatibus) sapore omnes, odores, atque soni. Non enim daret sonum percussus aer purus.

*Solutio
quæst.*

CAPVT XXI.

Quæstio tertia.

SI oportet semper uno corrupto aliud generari, & uno genito aliud corrumpi. Solutio. Materia nequit esse nuda omni forma, quemadmodum primo libro ostendimus. Atque hac de causa, non potest agens ullum hoc efficere, ut forma una de materia auferatur atque pellatur, nisi adducat aliam quã in materiam imprimat: neque aliter materiæ natura fieri patitur. Rursum, quia plures formæ ultimæ non possunt simul inesse eidem materiæ, oportet et ut agēs nouam formam substantialem adducens aliam pellat prio-

*Generatio
unius alte
rius est cor
ruptio A-
rist. 1. de
generat.*

rem, sicque ex consequenti compositum prius & substantiam priorem corrumpat. Atque hinc fit, ut semper ad unius generationem comitetur alterius corruptio. & e contrario, corruptionem unius, alterius generatio. Constat tamen non esse ob hoc necessarium, ut quoties homo quispiam nascitur, alius intreat eiusdem speciei, i. alius homo. Satis est, aliam aliquam substantiam perijisse, cuius scilicet materiam nunc habet genitus homo: sicut genito igne, oportet non alium ignem corrumpi, sed aliam tantum substantiam ex qua generatur. Cum enim materię sit finita, & non possit quidquam materię creari uirtute naturę: non est exilimandum, crescentibus arboribus, & in altum expansis brachijs, hanc omnem materiam similiter gigni uel creari, sed oportet eandem materiam aliunde sumi. Nisi enim eadem materia sic per varias transiret formas, oporteret esse infinitam materiam: cum in infinitum pergant generationes.

CAPVT

XXII.

Quaestio quarta.

*Arist. 2.
lib. de ge
nera.*

Vnde procedat generationum & corruptionum diuersitas, ut hæc magis hoc tempore aut producantur aut intendant. Solutio. Si cœli omnes immobiles fiarent, ut post iudicium futurum credimus, nulla haberetur generatio, nulla corruptio, seruariantur tantum res in suo esse, & instabilitate sua permanerent quod sunt. Motus igitur cœlorum sunt causa generationis, & corruptionis, in his inferioribus. Et quidem motus primi cœli mobilis, qui semper in uiginti quatuor horis absoluitur, causa uidetur sufficiens eius transmutationis, quæ fit secundum diem & noctem. Ceterum eius transmutationis quæ fit secundum diuersas anni partes, iam producendo, iam corrumendo, causa est motus proprius Solis ab Occidente in Orientem, per circulum sodiacum, quem motum complet unius anni spatium. Eius enim aduentu omnia germinant, & tenes iuuenescunt, eius autem discussu labuntur, & occidunt & ueterascunt omnia. Vnde cum tempus aduentus & tempus discessus sit æquale, utrumque secundum sex signa: sequitur, etiam tempora

pora generationis, & corruptionis æqualia esse.

CAPVT XXIII. *Quæstio quinta.*

Vnde est, quòd quædam sic faciliè generantur, & quòd est inter quædam tam facilis transitus, aut tam facilis transmutatio: ut nubes in pluuiam, & pluuiæ iterum in nubem, In alijs uerò est difficilis nimis, & longa generatio, & corruptio, & inter alia difficillima transmutatio. Solutio. Quædã sunt corpora imperfectiora, modicam dispositionem, uel proportionem qualitatum sufficientem sibi reputantia, quæ faciliè generantur, ut uapor ex aqua faciliè generatur, quoniam nihil requirit sibi præter modicam impressam leuitatè. In alijs uerò, ut perfectioribus, oportet multo tempore perficias quas rerum subsistentia requirit perfectiuas qualitates, & naturales uires, dispositionesque necessarias, ac natiuas complexionis: quæ cum frequenter mutæ sint ac uariæ, neque ita faciliè aut ita mox effectibiles, consequitur, longiorem temporis tractum ad talem generationem requiri. Id quod Baptista Mantuanus inter poetas Christianos faciliè princeps, pulchre admodum testatus est his uersibus, Omne quod excellens opus, & sublimè futurum est, Difficiles ortus habet, incrementaq; tarda. Inter quæ autem non multa est distantia, & quorum disputationes necessariæ non multum differunt alterius ab altero, ut inter pluuiam & imbrem, aquam atque uaporem, in his faciliorem quoque oportet esse transitum.

CAPVT XXIIII. *Quæstio sexta.*

Si idem possit semel corruptum reuerti. Solutio. Eadè secundum speciem (etiã si totaliter species deleatur, ut esse in uermibus putredine natis uidetur) quotidie redire conspiciamus: sed numero idem, natura potens nõ est reducere, sed tantum secundum speciem, ut testatur & Aristoteles. Forma, n. semel expulsa, si corruptibilis sit, penitus corrumpitur, & iam quasi annihilata reuocari non pòt. Si uerò sit incorruptibilis, cuiusmodi est sola aia rationalis,

*Baptista
Mantuanus de be
ata uirgi
nem lib.
Partib.*

hanc certè natura ut creare non potuit, neque dare, neque de potentia materiæ educere: ita nec poterit post expulsi-
nem siue emigrationem reducere. Quis enim reducat aut reuocet spiritus corporeis defunctos officiis, qui iam olim emigrantes è suis tabernaculis uias abierunt occultas, loca-
q; incolunt nobis prorsus incognita, ubicunque domino uisum id fuerit? Quis Rex sic potens, quis ita sapiens philo-
sophus, quis ita fuit eximius naturæ perspectoꝝ aut de-
scriptoꝝ, qui potuerit uel charorum suorum, uel suam etiã ipsius animam reuocare, semel Dei nutu de suo tabernacu-
lo eductam? Cuius, quæso, uel peritissimi medici ad hoc deuenire potuit experientia? Non est qui hoc faciat, non est qui ualeat, non est (inquam) usque ad unum. Imò uerò unum nouimus, Christum Iesum, Dei patris unigenitum fi-
lium, qui uia uitæ, & redditum ex mortuis primus ipse in-
uenit, eamq; (ut in Psalmo scribitur) nobis manifestauit in se credentibus: ut quemadmodum ipse posita anima, cum placuisset reassumpsit eandem, inq; corpus reduxit: sic & nostræ aliquando animæ post longā emigrationem in sua sedeant corpora, cum eo pariter in æternitate plenitudine cœlestis gaudii fruituræ. Verum non secundum naturā est hæc uirtus, neque sub eius limitibus hæc potestas stringitur: sed naturam omnem excedit & superat secundum uir-
tutem diuinitatis inhabitantis in eo, quæ illi cum Patre & Spiritu sancto est communis, in perpetuis æternitatibus. Cui soli sit psalmus perpetuus, laus, & iubilatio sempiterna ab omni creatura angelica, & humana, nunc, in æternum, & ultra. Amen.

Psal. 115

PSALMVS CONFSSIONIS IESV

Principi pacis pro assumptis in carne miserijs
ad dignam gratiarum actionem .

Dic impassibile cœlium, tu quid es? narrate elementa quid sitis,
aut quæ uestra substantia.

Vos uerò homines commista atque mendaciam congregata corpora generationem uestram explicare nobis .

Quid sitis, unde decisi, ex quibus compacti: in quæ tandem putatis reuertimini?

Memenso domine Deus, quod de lima terræ fecisti nos, & conpegisti in nobis quaternas inimicitias irreconciliabiles .

Has tu princeps pacis, miro connectis fœdere: donec terminatis in ducis prorumpant in exitum donec dissoluantur quæ tu continebas.

Hæc omnium nostrum æqua fors: hæc nostra miseranda conditio, omnes nos quasi aquâ dilabi, & in terrâ uolentes nolentes de fluere .

Ab elementaribus pendere nos corporibus: quos tu angelicis penecœquasti spiritibus .

Quid uerò nos ipsos flemus eiulantes? nomne tuam magis sortem, Iesu bone, commiserari ac deplorare nos oportuit?

Verbum patris patri coeternum de terra non eras, neque de terra sumebas tibi cibum, ut uiueres .

Neque fontium aquis potabaris, in aere non respirabas, ignis usque nesciebas, nec tu, neque pater æternus .

Propter me uerò accessisti ad me: quod ego sum, tu factus es uerbum caro .

Verbum dico coangustatum, & abbreviatum nimis, similem in te elementarem litem suscipiens mecum.

Et mortis legem uoluntariè in te ipsum suscepisti, ex ea in nihilum uti computresceres, si non à dextris tibi astitisses saluator, omnipotens genitor tuus.

Iudæorum fera crudelitas accessit ad miseriam pauperis: non sinit passuam periodum decurrere atque peragere uitam corporis tui .

In medio robore ac flore corporis tui, Iesu piissime, iniqui inuaserrunt animam tuam, tollere eam tibi .

In lignum subuectam, uiribus defectum, animam expirare fecerunt te, o uita beatissima .

Et de ligno depositum, communi tradiderunt omnium matri: tam
quam mortuum à corde, uisceribus terræ.

Tu uero unicus inter mortuos liberi non potuisti quia uoluisti ui-
dere corruptionem.

Nec putrefactum est tabernaculum animæ tuæ, à fortitudine diui-
nitatis tuæ, quæ inhabitare non desinebat in eo.

Euge & letare quicumque diligis dominum: quoniam mortuus à
morte surrexit.

Occisus est agnus, & reuixit proiectus in terram, & surrexit.

Pro corruptibili seminato in terra corporis grano, immortale recu-
perauit atque glorificatum.

O felix commutatio dexteræ excelsi: pro mortali deposito glorifica-
tum recipit agnus Dei.

Quare tacemus, ò homines quæ ad nos hinc portio deducta est im-
mortalitatis: nostræ uitæ æternam quam reparauit & repromisit
nobis.

Ibitis, ibitis corpora ibitis dicimus in mortem: & computrescietis ab
elementari inimicitia, quæ compacta est, & habitat in uobis.

Sed nunquid obliuiscetur misereri Deum? aut relinquetur in ster-
core uita nostra?

Suscitans suscitabis nos domine, in momento, in ictu oculi, in notis-
sima tuba.

Et surgemus incorrupti, & nos immutabimur: quoscunque hoc mi-
nere donaueris.

Et fiet nobis à te, ò largissime princeps, beata retributio, felix com-
mutatio, cùm sederis in solio gloriæ tuæ, qua est sempiterna.

Benedictio, claritas, & sapientia, & gratiarum actio, honor, uir-
tus, & fortitudo Deo nostro in secula.

Et qui occisus est agnus, dignus est his omnibus: quoniam resur-
gens à morte uitam inuenit, à progenie in progeniem omnibus quæren-
tibus eam in humilitate.

Gloria patri, & filio, & spiritui sancto.

IN LIBRVM SEXTVM DE MISTO-
RVM IMPERECTORVM GENE-
RATIONIBVS.

PRAEFATIO.



VIDI *Psal. 48* Psalmista, cum inspiri-
tus falleret Deo ex omni crea-
tura, mirum in rebus ordinem:
quod essent quædam ingenera-
bilia prorsus & incorruptibilia
certas leges sibi descriptas in-
uiolabiliter obseruantia, quas
non prætergrediantur in secula
seculorum: ex quibus sunt nimi-
rum cœlestes spiritus, atque uir-

tutes, sol, luna, stellæ, atque cœlorum orbes. Sub quibus p
spexit quædam nullam habentia determinatam legem suæ
generationis, sed uerbo Dei stare tantum: ut dum ille iusse-
rit, & quando iusserit gignantur & corrumpantur. Si enim
dixerit altissimus, statim ignis de cœlo, aut pluvia, aut gran-
do, aut ros, aut pruina, aut fulgur, aut tonitru descendet: &
cùm placuerit illi, statim cessabunt. Nullam enim habent le-
gem determinatam, ut perpetuò existere debeant. Sunt
sub his uiuentia omnia, quæ licet secundum indiuidua non
habeant determinatam subsistentiam: constat tamen ea se-
cundum speciei generationem perpetuam habere stabilita-
tem. Quæ ob hoc mista perfectiora dicuntur, eò quòd ha-
bent generationem & subsistentiam magis determinatam
prioribus, quæ faciliè subito aut gignuntur, aut totaliter pe-
reunt, atque ob hoc mista imperfectiora nuncupantur, de
quibus modo præsentem instituiamus tractatum.

DE MIST. ET IMPERFECT.

CAPVT I.

De tribus aeris regionibus, earumq; dispositionibus diuersis.

*Istas tres
aeris regio-
nes distin-
git Ari-
stot. 1. li.
Meteor.*

Quoniam autem imperfectiora illa mista corpora in aeris regione penè omnia uidentur generari, idcirco de ipsius aeris dispositione atque diuisione primum dicendum, Aer itaq; uniuersus, in tres regiones, seu partes diuersimodè qualificatas distinguitur: nempe supremam, infimam, & mediam regionē. Prima & suprema quā igni est proxima & contigua, circulariter cum ipso igne, ad motum primi mobilis, & aliorum cœlorum rapitur. Estq; perpetuo calida, tum propter uicinitatem cum igne, tum propter hunc uiolentum raptum & motum, qui per se ad calorem faciendum, est sufficiens. In hac autem parte nubes haudquaquam generari possunt, neque reperiri, neque cōseruari, tum ob nimiam ipsius à terra & mari (unde nubium eleuari debet materia) distantiam, & nimiam altitudinē, ad quam nubes nequeunt pertingere, detentæ & remoratae in media regione aeris: tum propter calorem & motum circularem, qui impedit nubium congregationem. Leuantur tamen ad eam exhalationes calidae & siccae, quæ ob caloris & leuitatis copiam, facilius quam nubes densiores, aut uapores earum materia possunt ascendere, & minus detineri: quæ exhalationes, in aeris hac summa regione uarias faciunt apparentias, ut statim dicetur distinctius. Infima autē regio terræ uicina, ob reflexionem radiorum Solis à terra reuerberatorum, uehementius incalescit. tum etiā propter uapores & exhalationes (quæ calidae sunt naturæ) à terra & aqua eleuata. Tertia aeris regio, ea est portio. quæ inter summam & infimā interiacet media. Hanc uehementer constat frigidam esse, ex iis effectibus quos in ea percipimus generari. Ad eam enim non pertingit illa dicta radiorum solarium reflexio. Neque eius ad ignem tanta est uicinitas, neque circulari ipsa rapitur motu. Quæ in semetipsa existens frigida, quia & à sphaera ignis distat, ut ab ipso calor ei non ueniat, & reflexi à terra Solis radii ad ipsam usque non pertingunt, sicq; inter duo calida ue-

lut

Int media constituta, inter supremam dico & infimam regionem; suum hac ratione frigus uehementius intendens, ualde infrigidatur, condensatur, inspissatur, ea actione quâ naturales per antiperistasis uocant, id est, per contrarii circumpositionem.

CAPVT II.

Quid actio per antiperistasis, & quomodo per talem actionem media aeris regio sit multum frigida.

QUæ res ut cū sequentibus impressionibus clarius cōspiciatur, præmissum atque præcognitum oportuit, quæ sit huius actionis quâ diximus, uirtus atque natura.

Cum igitur contingit contrarium à suo contrario ita circundari atque concludi, ut uirtus actionis eius nō possit foras exire, ob fortem cōtrarietatem undequaque impediētem, tunc necesse est reflexam hanc uirtutem in eo à quo emittitur receptam duplicari atque fortificari. Huius est experientia, quoniam hyeme hominum interiora multò calent amplius, coquuntur facilius, & consumuntur ardentius, quâ æstate media, quando ab interioribus egressus calor non reuerberatur à circumstante aere. At hyeme, à uehementer frigido aere circumstante reuerberatus duplicatur in intimis. Id ipsum patet in lignis, & facibus, & candelis, Multò enim est horum flamma uiuacior hyeme, quàm æstate. Eadem hæc ratio est, quare qui frigidiora loca habitant, ampliori cibo sint, & maiori egeant nutrimento, ut qui in calidioribus, cum tñ calidiores ex cutis nigredine Arist. 2. exsternari possent. Sic (ut ad propositam rem reuertamur) Mete. de cum media regio aeris frigida, includatur inter summā & grandine. infimam calidas regiones, ipsa se fortificat: & tunc magis, quando contraria sunt fortiora. Nam in æstatis medio, cum ista inferior pars aeris sit propter directam radiorum solarium reflexionem calidissima, media portio aeris e contrario efficitur frigidissima. Hieme uerò, quando nō est multā cōtrarietas, minus est frigida. Hæ autē portiones aeris, non habent terminos omnino determinatos, sicut nec elementa.

menta. Nam per motum cœlestium corporum adductis cōiunctionibus frigidis uel aqueis, elementum aquæ crescit, & aer minuitur. Adductis uerò coniunctionibus quæ pro aeris faciunt generatione, ut calidis & humidis minuitur aquæ sphaera, & crescit aeris portio. Hyeme enim, aquæ plus quam æstate abundant, & æstate quam hyeme crescit aeris terminus. Ita contingit, regionem mediam uno tempore esse maiorem, ut in hyeme, uere & autumnino; quam æstate, quando directæ & fortissima solarium radiorum reflexio etiam illud ad infimam partem trahit quod aliis anni partibus, cum non ita calor præualet, ad mediâ ptinet. Hęc antiperistasis duobus potest modis fieri, quippe per partium contractionem & maiorem compactionem. Et per qualitatis actiue à fortiori circumseptæ incrementum, reflexis speciebus.

CAPVT

III.

De iis quæ in suprema aeris regione generantur.

Quid uapor & exhalatio.

PER influxus uerò astrorum & per calorem Solis eleuatur à terra, & ab aquæis locis (ut ex mari, fluminibus, paludibus) subtiles & tenuës quidam fumi, qui si multum subtiles fuerint, uehementer calidi & sicci dicuntur exhalationes. Si uerò densiores, calidi temperate & humidî, uapores dicuntur. Exhalationes autem hæ cum sint leuiiores, facile infimam & mediam regionem penetrantes, ad supremam perueniunt: ubi cum aere circumactæ in quo sunt, & hoc motu uehementer calefactæ ac propter ignis uiciniam inflammatae iuxta materiæ diuersas dispositiones uel uniformiter uel difformiter succensæ, miras exhibent species, nunc draconum, nunc caprarum, nunc lancearum, nunc candelarum, uel facum ardentium. Sunt. n. plerunque exhalationes uiscosæ, & facile propter siccitatē inflammabiles, quarum partes sæpe contingit & in opacitatem uel densitatem difformem non simul succendi, aut simul etiam succensas non similiter ardere atque lucere, ut cum pars antecior, crassior & densior non ita uelociter succenditur, aut non ita plenè quàm posterior quæ est rarior.

Atque

Atque iuxta hanc dissimilitudinem, diuersas contingit rerum apparentias uideri, quorum complures Aristoteles primo Meteororum libro enumerat. Sæpè autem conspiciuntur tanquam uolitantia sydera, quæ non sunt æstimanda è firmamento proiecta ad nos cadere sed sunt hæc dum exhalatio inflammata sursum quærens moueri, à nube deorsum pellitur, sicut cū pila reuerberatur, à corpore cui obijcitur. In summa etiam regione contingit uideri hiatus absque inflammatione, quando non incenditur exhalatio, propter defectum uiscositate, & illuminata in partibus extrinsecis propter earum raritatem, medio autem ob suæ opacitatem non illuminato, uelut profunditatem intermediam uidere nos existimamus: quæ si magna fuerit, uorago si non ita magna, hiatus nominatur, Sic autem uorago nobis aut hiatus apparet, quomodo pictorum ars eadem uolens effingere, circumiecto lucido colore atque aereo per circuitum, in medio colorem crassum atque obscurum intermiscet, ut sic uel puteus uel hiatus aliquis appareat dum, in medio claritatis sese monstrat obscuritas: atque huiusmodi impressiones phantasmata dicuntur: apparent enim quod non sunt. Ex dictis igitur facile est harum descriptiones colligere, quippe ut stipulæ ardentes sint exhalatio (quam calidam & siccam diximus) mota ad supremam aeris regionem, & ibidem ignis uicinitate incensa, habens figuram stipularum ardentium. Torris, est exhalatio ad aeris supremam regionem euecta, atque in sola longitudine, siue latitudine ardens. Capra saltans est exhalatio in suprema aeris regione incensa, paulatim & carptim ab una parte ad alteram flamma discurrente, quod si exhalatio talis ueluti scintillas quasdam spuat, scintillæ dicuntur. Stella errans est exhalatio in suprema aeris regione, secundum longitudinem & latitudinem multas habens partes exiguas, diffusas & incensas, etiam quo ad crassitiem. Sic lancea uolans, eiusmodi est exhalatio lanceæ imaginem referens. Ignis perpendicularis exhalatio est perpendicularem figuram exhibens. Ignis fatuus seu candela ardens, est exhalatio ad infimam aeris regione eleuata, & ibi per antiperistatim

Quid uorago.
Quid hiatus.

DE MIST. ET IMPERFECT.

statim incensa, quæ dum quærit ascendere sursum, à frigore mediæ regionis depellitur, & apparet quasi saltâs, loca decliuiora quærês, unde & ad aquas ducit sequentem.

CAPVT IIII.

De generatione Cometæ:

*Arist. 1
lib. Met.*

Apparent autem interdum in stellarum modum cometæ. Est autem cometa non congregatio multarum stellarum, neque de natura cœlesti, neque quo ad corpus, neque quo ad caudam, sed tota est de natura elementari. Generatur autem hoc modo, cum enim uirtute solis & aliorum astrorum eleuatur multa nimis materia, calida & sicca, grossa & pinguis, beneque inflammabilis, ab his terrestribus usque ad summam aeris regionem, ubi circumgyrata ad motum aeris inflammatur æqualiter, & adueniētibz continuò exhalationibus multum diuque nutritur, generatur cometa. Cuius materia si sit in medio grossior, & in circumstantibus partibus rarior, uidetur tanquam crinitus, & uocatur stella comata. Si partes hæ longius deorsum protendantur, dicitur caudata. Si uerò partes subtiliores fuerint inferius demissæ, dicitur stella barbata. Fit autem cometa potissimum autumnali tempore, quoniam tunc & calor est materiam sufficiens eleuare, & caloris temperies facillè permittit absque dispositione materiâ bene cōglobari & conuiscari: quod in æstate non sic permittitur, quando etiam non sic facillè grossa exhalatio (propter solis ardorem dissipantem, & mediæ regionis summam frigiditatem) ualeat ad summam regionem transcendere. Verno autem tempore, non est plerunque calor tantâ materiam sufficiens eleuare. Hyeme uerò & frigus & humidum repugnant. Est autem cometa signum commotionû, bellorum, litium, traditionum, hac potissimum de causa, quia tempore generationis cometæ dominatur calor, qui corpora animosque hominum ad huiusmodi accendit. Peculiariter uerò principibus dicitur portendere mortē: quoniam aer qui tunc crassior est & uiscosior ex materia cometæ, principibus delicatis & tenerioribus solet facilius nocere,

nocere, quam rudibus agricolis. Spirant præterea magni uenti, ob ariditatem nimiam: exhalationes siquidem minus uiscosas, atque ideo non inflammabiles, in uentos abi re docet Aristoteles. Vnde & narrat nocte apparente cometa, interdiu ingenti quantitate lapidem uento sublatum, cecidisse. Nicomacho quoque Athenis imperante, cometa apparente, magna uentorum uis circa Corinthum debacchata est. Generatur autem aliquando in septentrione, aliquando in austro, nonnunquam ab occasu æquinoctiali: mouetur autem ad motum Aquilonis exhalationem attrahentis, aut iuxta motum supremæ regionis, ab oriente uidelicet in occidentem. Seneca tamen asserit nonnunquam ferri ex septentrione in occidentem per meridiem, & ex septentrione in orientem. Quod & se uidisse asserat, cuius causam materiam assignat, ipsam qua nutritur, ipsam siquidem flamma incendendo sequitur, ut est in struppa uidere.

CAPUT V. De galaxia, siue uia lactea.

Poetæ mentiuntur, currum Solis à Phaethonte nouitio ductore malè deductum, combussisse aliquam partem cœli, quam hac de re albam asseriebant. Sed ut cætera ferè Poetarum omnia, etiam hoc commentum est, & fabula uana. Iuxta ueritatem autem sentiendum est, aliquam esse partem cœli, in qua multorum astrorum lumen receptum, per refractionem facit albi coloris apparentiam, & hæc est galaxia, siue uia lactea: quæ tamen non semper apparet propter nubili aeris interstitium. Aristoteli tamen uisum est, galaxiam uideri propter receptionem luminis, in exhalatione calida & sicca & rara. Verum nihil prohibet sic uiam lacteam à nobis demonstrari. Cæterum galaxia, Græca uox est, a nomine gala, quod lac significat, unde galaxia dicitur, quasi lactea uia, id est, alba, cuius coloris est lac.

Quid circulus lacteus.

Galaxia elementaris.

DE MIST. ET IMPERFECT.

CAPVT VI.

De iis que in media & infima aeris partibus generantur, pluuia, grandine, niue, pruina & nebula.

Que se-
quantur
tracta.
Aristo. 2
lib. Met.

Pluuia.

Cum uero eleuatur à corporibus aqueis, per uirtutem caloris solis & aliorum astrorum, uapor qui est calidus & humidus, tanti caloris, ut sufficiat moueri usque ad mediam regionem aeris, ubi in nubem condensetur, ratione frigoris, quod ex sua natura condensat, hoc pacto uaria fit imperfectorum mistorum generatio. Si enim nubes illa in aquam resoluatur, incipiatq; guttatim decidere, generatur pluuia: cuius guttæ si paræ fuerint quantitatis, imber dicitur si magnæ & rariores, labrocera. Si uero etiam mediocres pluuia simpliciter uocabitur: tametsi hoc ipsum nomen secundum generalem acceptionem etiam imbri & labrocera nonnunquam accommodetur. Quod autem dictum est pluuiam in media aeris regione ex nube generari, accipiendum est ut in plurimum, nonnunquam enim & infima fit. (licet in supremâ nunquam ob nimium estum uaporem congelari prohibentem) docet enim experientia pluuiam maximis guttis decidentem, non nisi ex infima regione descendere: nam quo ex altiori loco per aerem descendit, eò partes minores fiunt, ut in aqua, ex eleuato aliquo loco effusa uidere non fuerit admodum difficile. Pluuia rotunda est, quod ea figura ad resistendum apta est, aeri, per quem transit, Pluuia quoque salta est nonnunquam, eoq; uapores nonnunquam nimium terrestres leuantur, qui non concocti aquam salfam generant, aut ueluti exustam, ut de salsedine maris dicitur.

Descendunt quoque ranæ cum pluuia, imò (iuxta Albertum) pituli: nec mirum usque adeò hoc uideri debet: cum huiusmodi terrestribus uaporibus sursum leuatis uirtute adsint quatuor elementa, ad cuiuslibet misti generationem requisita, & corpora cœlestia agentia, cum primæ causæ concursu ad hæc sufficientia. Primum pluuiæ signum, sy-
dus uolans. Secundum, rubedo matutina. Tertium, querela ranarum. Quartum, acrior morsus publicum. Quintum, quando

quādo Sol solito citius manè apparet. Si uerò nubes in media regione postquam fuerit uersa in aquam congeletur à superueniente immodico frigore, & sic descendat, grandinem habemus: quæ tantæ nonnunquam quantitatis reperitur, ut lapides magni ponderis in ea inueniantur conclusi. Quos non est existimandum generari in media aeris regione, sed nimio calore cum uapore simul sursum tractos fuisse. Cuius rei argumentum uideri potest, quòd lapides eiusmodi in grandineis globis repositos, compertum sit plerunque igneæ naturæ esse, & uelut uirtute ignem continentes: unde fit, ut propter inhabitantem igneam naturam, facilius sequantur solis per calorem trahentis impressionem. Grando rotunda est ferè figura, quia est pluuia congelata, & aliquādo ingentis magnitudinis: quod fit, quia ilico pluuia congelatur, antequā in minutas guttas dispergat. Ratio de pluuia dicta est: quòd nonnunquam animalis speciem referat: causa assignatur, dominum alicuius astri, tale animal producere nati: in uere & autumno potissimum cadit. Non solet aut grando fieri hyemis tēpore, quia tunc media aeris regio non est multum frigida: neque rursus ita frequēter media æstate, propter calorem nimium, qui tam crassum uaporem non faciliè permittit sursum scandere. Videtur enim grando plus materiæ exigere, quā pluuia, & frigus multo magis. In uere autē & in autumno solet frequētius accidere. Tunc, n. & calor est sufficiens eleuandæ materiæ, & non immodicus, ut dissipet eam: est et humiditas copiosior maxime in autumno, quo uapores generentur facilius & copiosius. Nihilominus tamen etiam æstate media contingit generari impetuofam grandinem, cum contigerit materiā sufficientem sursum eleuatam esse. Nix uerò fit, quando nubes ante congelatur q̃ in aquā sit uersa: quare & nix compacta, difficilius dissoluitur à sole, quā glacies. At si eleuat uapor modicus & subtilis, non habens sufficientem calorem, ut possit ad mediam regionem tendere, tunc in infima regione per frigus nocturnum ros generatur, quando nubes uertitur in aquam: qui fit maxime uerno tempore, quando minor est calor, & frigus nocturnum sufficiens ad con-

Nix.

Ros.

uertendum modicum & subtilem uaporem in aquā. Si uerò uapor subtilis prius congeletur, q̄ in aquam uertitur, habemus pruina. Fit autem pruina tempore duriori, flante Borea potissimum: Ros contra, flante Austro. Quod si iuxta terram pendeat sterilis uapor, id est, non satis humidus ut ex eo possit aqua generari, neque satis calidus ut possit sursum eleuari, dicitur nebula uel caligo: quæ solis uirtute dissipata præsignat serenitatē diei. Testimonium enim dat, q̄ non sufficiat pro reliquis impressionibus uapor eleuatus. Ros autem ut natura calorificus, torilentes segetes collectas putrefacit, calor enim omnis externus putrefactiuus est. Ouibus quoque letalem uentris fluxum generat, ob humorem multum uiscosum, nec satis excoctum: unde pastores non prius oues educunt, q̄ sol suis radiis rorem summis graminibus herbisq; hærentem, deuorauerit. Pruina plerumq; foetet, ob terrestre admistum, & frigore impediēte, non consumptum: quare & aqua, ex pruina dissoluta, insaluberrima est, & maxime noxia. Pruina descendens serenitatis diei indicium est: sursum uerò uecta, oppositi prænuncia est.

CAPVT VII.

De fontium & fluminiū generatione.

DE fontibus autem & fluuiis non est credendum generari ipsos ex concauitantibus, in quibus aquæ collectæ per pluuiam hyemis tempore referuarentur, uel fluentes fluuios facerent uel fontes. Sic enim non esset contans neque stabilis cursus fontium & fluuiorum, sed aliquādo possent deficere euacuato illo receptaculo. Igitur hoc pacto intelligenda est eorum uera generatio. Aer enim qui in poris terræ includitur, seq; ipsum (cū maxime sit natura fluidus ac subtilis) terræ per poros immiscet, per nimium frigus (quod in terra abundat) condensatur facillimè in aquæ guttulas, quæ paulatim in unum locum descendentes, fontis principiu p̄bent aut flumini. Huius signum est, quia iuxta montes & ex montibus conspiciuntur egredi fontes & flumina: & sicut ex magnis montibus magna flumina, & quasi

Generatio
fontium &
fluuiorum
ex Arist.
sententia.

quasi maria quædam, ita ex paruis montibus modici fontes egrediuntur, & modici uelut riuuli. Non autem in locis planis uidentur generari. Cuius est causa, quoniam cum sit mons à terra eleuatus, potest ex omni parte aer facillimè ingredi: & insuper dubium non est montes habere poros & concauitates maiores, quanto sunt soli uiciniores & magis expositi, quam terra in locis planis, intra quam non sic potest aer sese immittere neque immiscere. Quòd si quis incredulus neget tantum aquæ posse cōgregari, ut tanti fluuij inde generentur, uideat quemadmodum humiditatis tempore circiter domorum uitra, aer in aquæ guttulas uersus in unum confluens, sæpè magnam aquam circum uitra fundat, ita ut etiam in terram defluat copiosius. Attendat rursum, quomodo hyemis tempore, ex uapore adhærente unguibus, ratione frigoris, generatur statim aqua. Attēdat nimiam fluxibilitatem aeris, & terræ frigus ualde condensatum: & his omnibus cōsideratis, desinat esse incredulus, factus fidelis. Si quis obijciat, prius dictū est aerē decuplo aquā excedere, & ob id cauernas terræ & montium tantæ quantitatis aeris capaces non esse, illi respondetur, tantum aerem non contineri simul, sed uno corrupto, alterū mox succedere necessario, ne uacui illi recessus maneant, quod natura maxime abhorret. Ad hæc in montibus multos cauos recessus esse magnificet igitur hac in re diuinam magnificentiam, quæ sicut pro terræ fecunditate, pluuias, imbres, grandines, niues, rorem donat atque pruinam: ita de subtus facit scaturire aquas nostris usibus familiaribus aptas, ut his indeficienter recreati, non deficiamus coram eo (qui nos sic abūde semper cōsolat) in ulla gratiarū actione.

CAPVT VIII.

De Maris falsedine, eiusque fluxu & refluxu.

Maris falsedo generatur, ex permissione exhalationū adustarum: quæ permistæ cum uaporibus, copiose in mare patentissimum incidentes ipsum faciunt amarū & salsum. Calidum. n. adustum, humido permistum, facit saporē amarum: quod patet in lixiuiō & urina. Aquæ tamen pluuiiales,

Arist. in

fine 2. li.

Meteor.

DE MIST. ET IMPERFECT.

pluuiiales, quæ ex mari euaporantur, non sunt amaræ: quoniam eleuantur uapores puriores, & alterantur per uirtutem cœlestium.

Item flumina, si quæ fluunt ex mari immediatè, p meatus terræ transeuntia, colantur ut perdant suam amaritudinem, & accipiunt dulcedinem depuratam. Huius èt signû est, quod aquæ maris quæ in ceresû uas undequaq; conclusum p poros ingrediuntur, dulces fiunt: qm̃ illa terrestreitæ crassior foris manet. Dicunt tamen quidam, mare ab initio amarum fuisse creatû: quæ sententia priori penitus non repugnat: sed constat pariter, ut & secundum naturalem conditionem amaritudinem habeat suæ saltèdinis, & nihilominus idem efficiat amplius causa quam diximus. De fluxu autem, & reflexu maris si causa requiratur, ex Luna eam oportet assignari, quæ dominatur humidis. Luna .n. ascendente supra horizõtem in quo est mare, ab Oriëtis puncto, usque ad punctum meridiæ, fluit mare. A puncto autem meridiæ ad occalum declinante, refluit. Iterum ea ab Occidente ad angulum noctis pergente, fluit: ab angulo noctis, ad Orientem refluit. Quod autem fluxus nunquam eadem hora incipiat, sed quotidie paulo minus una hora serius, Lunæ motui quo ab Occidente uersus Orientem tendit, est adscribendum: inde enim est, quod serius quotidie exoriatur: conficit siquidem proprio motu quotidie tredecim gradus cû undecim minutis: & gradus quindecim, horam efficiunt. Quod autem maria aliquando fortius fluant & refluant, quàm alio tempore, est ex uicinitate Lunæ ad maria. Quando .n. Luna directè respicit mare, existens supra horizõta, multò fortius mouet, quam quãdo existens sub horizonte, per reflexionem uirtutis tm̃ operatur eundè effectum. Virtus siquidem tantum reflexa, est minor, & directæ debilior. Eodè èt modo, aliquñ mare crescit, aliquñ decrescit: nunc cõdensatur, nunc rarefit. In nouilunio siquidè, utriusq; & Solis, & Lunæ lumen impeditur, ne ualeat aerem subtilè seruare: quare ingrossatus, in aquã magis tum uertitur, propter quod mare in nouiluuiio substantialiter crescit. In plenilunio etiam utriusq; lumen nõ prohibi-

prohibitum rarefacit aquas maris, & crescunt per rarefactionem, non per substantiam: quæ & homines in se facillè, si aduertant, experiri poterunt.

CAPVT IX.

De uentis & eorum generationibus, atque diuersitatibus.

Venti generantur per Solis uirtutem, uaporata à terra exhalatione calida & sicca, quæ quærens sursum ascendere, & à frigido obuiante repulsa, sem diuersos occursum, & repulsus, diuersimodè circa terram agitur, & mouetur lateraliter. Qui etiam à regionibus ex quibus flatu cõspiciuntur habere nomina accipiunt, & naturam suarum conditione diuersam. Ex regione nanque Orientis, flat uentus Orientalis: qui est iuxta conditionem suæ regionis calidus & siccus, conueniens cum cholera, æstate, iuuentute, & igne, in qualitatibus naturalibus. Regio Occidentalis cû suis uentis est humida, & frigida, conueniens cum phlegmate, hyeme, senectute, & aqua. Regio Septentrionalis, quæ à septè stellis, quæ triones nominatæ sunt à Poetis, hoc sumpsit uocabulum, habet uentos frigidos & siccos. Quæ in re conuenit cum melancholia, autumnò, ætate decrepita & ultima senectute, atq; cû terra. Ex parte meridionali, australes flant uenti, calidi & humidi, similes sanguini, ueri, aeri, adolescentiæ. Vocantur aut hi quatuor uenti principales Subsolanus, Zephyrus, Boreas, & Austro, qui & alios habet sibi collaterales hinc & inde: quos non laboramus nunc curiosius distinguere, ut & nautis sua relinquamus, quibus nos antecellant. Hos roget, quisquis ea uolet cognoscere exactius, atq; distinctius dignoscere. Generantur aut uenti ex sicca exhalatione, sicut pluuia ex humida euaporatione: & à Sòle generantur, qui etiã nos dissipat maior exortus ardore, resoluens in aerè atq; difficiens. Nõ nunquam autem cum uaporibus humidis cõmisti simul, & eis cõiuncti, pluiiã faciunt. In terrã quoq; possunt resolui, sicut uapor in aquã: uerũ id & difficilius est, & rarius, Seneca quoq; dicit uentum esse aerè motum: asserit & aeri quã

Aristot. quæ sequuntur tractat. 4. lib. Meteor.

DE MIST. ET IMPERFECT.

dam spirandi atque seipsum mouendi uim esse innatā, nimirum cum putandum non sit aerem præ cæteris elementis inertem ab ipso omnium conditore esse relictum.

CAPVT

X.

De terræ motu.

QVando autem cōtingit intra uiscera terræ plurimas generari exhalationes in concauitatibus ipsius per uirtutem Solis atque astrorum ex materia ipsius terræ & humiditatis terræ immensæ, si egredi nequeant ob nimis compactam terram, & nimiam uentorum grossitiē, necesse est terræ fieri motum in aliqua parte. Quod si in latum fiat, tremor dī: ubi uerò eleuatio fit collis in altum, dīcitur pullio. Et hoc terræ motu contigit ciuitates opprimi & montes generari, & etiam subrui. Neque est mirandum, tantum habere uim exhalationem inclusam intra terram, quoniam uidemus ex modicis spiritibus in hominibus exitum quærentibus, magnos subinde tremores fieri. Audietur autem aliquando sonus multo ante terræ motum, ex cōcussione exhalationis ad latera terræ genitus. Cæterum durationem habet iuxta exhalationis magnitudinem, & firmam solidamque terræ compactionem. Signa aliquot futuri terræ motus sunt. Primum, si mare nullo uento spirante subito intumescat. Secundum, si aues solo pauidæ infideāt. Tertium, si aquæ in imo puteo turbulentæ sunt.

CAPVT

XI.

De tonitruo & fulmine.

Quid fulmen & tonitruum.

Nota de fulmine.

FIt quandoque, ut pariter eleuetur uapor calidus, & humidus, atque exhalatio calida & sicca, pariterq; ascendant in mediam aeris regionem: ubi quando contigit calidam & siccam exhalationem nube ex dicto uapore genita uelut pelle circundari, propter antiperistasis contrariorū, uehementius exhalatio ipsa incalescit, & exitum hinc inde petens, nubem concutit: quā cum à parte inferiori, q̄ debilior est, frangit, egreditur fulmen, hoc est, exhalatio inflammata, uel ante egressum per nimiam caloris uim, uel in ipsa

in ipsa concussione (sicut ex cōcussione lapidū naturę ignē exoriuntur scintillę) quę ad terras propulsa, propter suam subtilitatem, corpora rara & peruia absque nocumento citius pertransiens, in interiora solet magis densa, magisq; resistentia plerunque desēuire, ipsa confringendo uel adu-
 rendo. Nam intacta ueste, hominem consumit, & carnibus illęsis sæpē ossa adurit, gladium quoq; frangit, uaginā nil lædens. Et licet secundum tempus prius se nobis corruscatio per lumen manifestet, constat tamen prius tonitruum esse, & fulminis coruscationem ex nubium cōcussione (quę tonitruum dicitur) generari. Id quę hac de causa, quoniam sicut intellectus omnem sensum præuolat, ita uisus cæteris sensibus spiritalior anteuertit auditum. Cui rei argumentum sunt, qui ligna cædunt in sylus, quos uidemus securim iā in altum eleuasse ad denuō ferendum, priusquam ad aures nostras primi ictus sonus deuenierit. Quemadmodum uerō in terra, ex coniunctione uaporis cum exhalatione generantur lapides, ceteraque mineralia, ita contingit in superioribus quoque, lapidem generari ex inclusione diutina exhalationis, & eius coniunctione cum nube, quę est frigida & aquosa: qui cum fulmine deiectus, cūcūc fulminis uocatur. Patet ergo quemadmodum & uentorum & terrę motus, & tonitruī atque fulgurationis eadem penē sit materia, ipsa uidelicet exhalatio. Super terrā enim agitata, facit uentum: in terra, terrę motum: in nube autem tonitruū. Aduersus fulmen remedia sunt, loca subterranea: non enim profundius quinque pedibus terram intrat. Secundum est, pellis uituli marini, ex quibus ob id Imperatorum tentoria fieri solent. Tertium est, laurca corona, nam laurus fulmine non læditur.

*Boetius
ad Arist.
Videtur
incipit
dicitur.*

*Arist. 4.
lib. Met.*

*in ista
dicitur*

CAPYT XII.

De halone, siue corona.

PER refractionem autem luminis in nubib. aquosis, contingit diuersas fieri apparētias. Cū. n. nubes uniformis & in omnibus partibus æquam raritatem, aut densitatem habens directē sub Sole, Luna, aut aultro inuenta fuerit in-

greditur in eam ab obiecto lucido astro luminosus radius, & nubis occurſu refringitur. Prohibetur enim directe ulterius procedere, propter nubis uniformem denſitatem: atque ita per extremitates nubis ubique diffunditur. Et per hanc refractionem apparet ſub aſtro magnus circulus, lumine collustratus, in modum lucidæ coronæ, qui halon dicitur. Fit autem & ſub Sole, & ſub Luna, & ſub Planetis alijs. Szpius tamen circa Lunam, quàm circa Solem. Nam Sol feruido ſuo calore, materiam nubis diſgregat, neque diu eam ſub ſe conſiſtere permittit. Luna autem non tantam habet vim diſpergendi materiam, quantam Sol, & ideo facilius poteſt apparere ſub ea halon. Eadem ratione & circa aſtra ſæpius apparet, quàm circa ſolem. Verum id fit, cum nubes debilis eſt, & ſterilis, ut nec uentum ualeat nec pluuiam parere. In nubibus enim aquoſis & ſpiſſioribus, non uideretur aſtrum ita ſuum lumen poſſe ſpargere, propter uirtutis debilitatem.

CAPVT XIII.

De generatione Iridis.

IRIS autem ſic generatur, in nube aquoſa, & ut in imbrẽ ſoluat̃ parata, e regione oppoſita Soli aut Lunæ refringuntur radij luminoli Solis aut Lunæ, eiꝰſque imaginẽ obſcure, & imperfectẽ exprimunt, propter nimiam diſtantiã & interiectionem uaporum inter Solem & nubem. Et inde apparet in ea nube arcualis figuræ iris, tribus diſtincta & adornata coloribus, uidelicet puniceo, uiridi & purpureo. Quæ colorum diſtinctio inde ſumitur, quia radius luminosus, quanto longius protenditur, tanto debilior fit, & minus habet luminolæ claritatis, & magis ad obſcuritatem atque nigredinem tendit: propter quod, radius fortior ille qui prius puniceum habebat colorem, debilior factus conuertitur in uiridem. Color enim uiridis magis ad nigredinem tendit & obſcuritatem, quàm puniceus. Ac rurſum, idem radius factus debilior tandem conuertitur in purpureum, qui amplius quàm uiridis ad obſcuritatem accedit. Differunt autem Iris & halon: quia Iris

fit ex

Halõ ſub
Sole, Lu
na & a
ſtris.

Iris tri-
col.

fit ex opposito Solis aut sui aſtri : halon autem directè ſem-
per ſub aſtro . Iris etiam propter nimiam diſtantiã à So-
le apparet nigrior : halon autem , albior & fulgidior , pro-
pter breuiorem & fortiorem radij refractionem ratione
uicinitatis ipſius ad aſtrum . Rurſum non tantæ duratio-
nis eſt halon ſub Sole , quantæ Iris ex opposito Solis .
Quia enim ille Soli eſt propinquior , idcirco citius diſſi-
patur & diſgregatur ab eo . Hæc autem longius diſtat . Vn-
de non ita citò diſpergitur , diutiusque ualeat conſiſtere .
Præterea halon ſemper integer circulus apparet , & uerè
eſt . Iris autem nunquam nobis apparet integer circulus
aut portio maior ſemicirculo : ſed uel ſemicirculus , una
extremitate unam noſtri horizonſis partem tangens , &
altera oppoſitam : aut eſt portio minor ſemicirculo . No-
tandum autem quòd nonnunquam uidere contingit ſimul
duas Irides , aut interdum (licet rarius) etiam plures . Duæ
autem Irides cùm ſimul apparent , eoſdem quidem colores
habent , ſed ſitu diuerſo , ita ut altera habeat puniceum , ui-
ridem & purpureum , altera autem contrario ordine , pur-
pureum , uiridem , & puniceū . Et illa quæ apparet debilior
imago eſt alterius fortioris . Quando autem tres apparere
cōtingit , tertia uſque adeo debilis eſt , ut uix uideri queat .
Nam tertia cùm apparèt , debet illa fieri ex refractione ra-
diorum ſecundæ , qui ualde ſunt debilis uirtutis . Et ha-
bet tertia debiliſſima ſemper colores ſimiles primæ , & for-
tiſſimæ , puniceum ſcilicet , uiridem & purpureum . Ne-
que enim contingit plures duabus ſimul apparere aut fie-
ri in colorum poſitione differentes , ſed tertia ſemper pri-
mæ eſt ſimilis .

*Quomodo
ſimul plu-
res Irides
uideri con-
tingis.*

Sed & hoc notandum eſt , quòd quantò Sol ſupra noſtrū
horizontem magis eleuatur , tantò minor apparet iris . At-
que ob hoc in meridie , Iris fit quàm minima . In ortu uerò
uel occaſu , maxima quæ fieri poteſt , conſpicit̃ . Eadē quoq;
ratione , in medio æſtatis circa ſoliſtitium æſtiale , qñ pro-
lixiores ſunt dies , in meridie non poteſt omnino appare-
re . Poſt uerò æquinōctium autumnale , quando ſunt dies
breuiiores , poteſt per omnes horas diei ſeſe manifeſtare .

DE MIST. ET IMPERFECT.

CAP. XIII. De Paraheliis.

Paraheliis quid

CAeterum Parahelii generantur ad hunc modum. Cū enim nubes bene densa & continua, regularis & uniformis, sita fuerit non sub Sole, neq; ex opposito, sed ad latus eius propinqua, ut uertatur in pluuiam, nondum tamen uersa, in illa Sol per suorum radiorum refractionem suam exprimit, formatq; imaginem, sicut suam imaginem effingit Soli in ære polito & benè terfo. Hæc autē imago Solis ad eius latus consistens, dicitur parahelium, à para, quod Græcis iuxta significat, & helios, quod Solē: ut dicatur parahelium quasi iuxta Solem. Dictum est autem nubem illā debere esse densam, ut melius refractionem faciat continuam, ut integriorem solis suscipiat imaginem: regularem quoque & omnino ut magis uniformem, ueriores & perfectiores exprimat imaginem propinquā etiā uerti in pluuiam, ut commodius in ea repræsentetur solis imago, sicut in aqua pellucida, attamen nondum conuersam: quia si conuersa iam esset, partibus discontinuatis non esset apta solis imaginem suscipere neque exprimere.

CAPVT XV.

Differencia parahelii ab halone & Iride.

Differt autem parahelium ab halone, & Iride, primū quidem ex situ loci: quia neque sub Sole sit, ut halon: neque ex opposito, ut Iris. Nam illic quidem Sol materiā suā uirtute dispergeret, hic uerò propter nimiam distantiam refractione esset nimium debilis, quæ non sufficeret ad imaginem Solis effingendā. Sed medio modo ad latus constituitur parahelium, ut Sol nubis materiā nimia propinquitate dissoluere nequeant, & copiosius ad nubē radii peruenire possint, quæ sufficientem faciant refractionē, ad solis imaginem efformandam. Quemadmodum autem ad latus Solis in nube eiusmodi, qualis supra descripta est, exprimit Sol suam imaginem, ita potest facere & Luna (quanquā cætera astra, ad perfectam talem imaginem & similitudinem omni-

omnimodam efformandam nō uideantur sufficientia) propter quod sub parahelio etiam imago lunæ comprehendi debet. Contingit autem non solum unum parahelium, uerum etiam plures simul apparere. Testatur enim Plinius; tres simul lunas Cn. Domitio & L. Annio consulibus, apparuisse. Non quod sē ueritatem tres lunæ fuerint, sed quia una uera & duæ imagines. Propter similitudinem enim cōmune habent nomē, quemadmodum homines imaginem ipsius, cuius imago est, nomine solemus designare. Et in tempore nouitatis saluatoris nostri Dei, feruntur tres simul apparuisse soles, id est, sol unus uerus cum duobus paraheliis; qui tandem in unum coeuntes & conuenientes significabant (ut rectē credimus) sanctissimæ Trinitatis in unitate mysterium, quod iam per Christi ortum erat palā in toto orbe faciendum, quodq; is qui mundo tum nascēbatur sol iustitiæ, inhabitantem in se haberet plenitudinē totius diuinitatis. Et quod cum Christo homine & pater & spiritus sanctus una essent substantia, & unus Deus, una lux, unum lumen increatum & æternum, quod est benedictum in secula. Amen.

Hæc sunt mirabilia magna admiranda atque stupenda, quæ solis & astrorum uirtute atque efficientia siue in cælo sursum siue in terra introrsum, siue super terram deorsum fieri quotidie conspiciamus; quædam quidem frequentius, alia rarius, iuxta quod naturæ cursus expostulat & iuxta quæ auctor naturæ Deus uoluerit atque mandauerit. Omnia enim hæc nempe ignis, grando, uix glacies, spiritus turbini ac tēpestatis, cæteraq; quæ supra tractata fuere, faciunt uerbum eius, eiusque iussa obedienter perficiunt ad laudem gloriæ eius, qui in sublimibus inhabitans, etiam infima possidet, regit ac moderatur, sē beneplacitum uoluntatis suæ, qui in Trinitate perfectē unus, & in unitate perfectē trinus uiuit & regnat in sæcula sæculorum. Amen.

PSALMVS ADMIRATIONIS MIRABILI DOMINO.

Multa iam diximus, & explicasse uidemur nobis plurima: quæ erant occulta natura opera: forsitan nonnulla patefecimus.

Terrores igniū quin supernis apparent explanauimus: hiatus quoque, foveas, & puteorum uoragines.

Pluuias, grandinem, niuem, rorem, pruina, caliginem, hæc omnia descripsimus.

Fontium uenas & fluminum origines scrutati sumus, maris salsinem fluxum atque refluxum considerauimus.

Ventorum qui terram perflant ortum distinximus: motus quoque & tremores in uisceribus terræ.

Tonitruum & fulgurū quibus terrentur homines, exposuimus ortum: halonē & parabelium & irides signauimus in nubibus desuper.

Hæc omnia tractauimus, & explicasse nonnulla uidebimur: tu enim Deus reuelasti nobis opera tua.

Veruntamen quæ adhuc occulta sunt nobis, plurima sunt: & parua nimis est portio eorum quæ nouimus, si conferatur ad ea quæ seruantur occultata à nobis.

Quæ cognoscimus sunt pauca nimium, & ea ipsa quæ fortè cognouimus, sunt heu nimium tenuiter à nobis cognita.

Nimium tenuis est & obscura scientia nostra, neque est uel unum ex cunctis operibus altissimi, quod sit pro dignitate sua nobis cognitum.

Mitto cætera, fontem considero, qui scaturit de uisceribus terræ, quem per umbilicum suum resudando ebullit ipsa, iactu perpetuo.

Quis pro dignitate spectaculum istud uel modicum contempleri poterit? quis expendere sufficiet orum aquarum tantarum, & fluxum perpetuum?

Surge diluculo, accede ad fontem, qui est in planitie ista, persta iuxta illum, neque abscedat usque ad meridiem.

Et cum aduenerit meridies, non te auocet uentris cupiditas à consideratione tua: persenera astans tuo spectaculo, usque in uesperam & noctem profundam.

Habe intentos semper oculos ad aquam, quæ ebullit de ore ipsius, attende ad dulcem sonitum, quem aquarum supra petras casus conti-

inanes in aures tuas.

Dic mihi ubi sic perstiteris, si ulla unquam hora defuit tibi spectaculum tuum: nun uel breuissima morula defectum passus sis aquæ ebullientis?

Aquam quæ deprompta erat, non uidebas redire iterum in uentrē fontis, unde egressus fuerat, in riuulos atque fluuiolos deriuari conspiciebas per alueolos super faciem terræ.

Vniuersam aquam istam si tibi placuisset colligere, accepisses certè uasorum plurimum plenam amplitudinem, in non multo tempore.

Est quidē parum ut forsitan si diei tantum unius spatio perduraret fluxus eiusmodi nunc uerò cursus est & impetus effluxionis perpetuus, & indeficiens in plurima secula.

Si collectæ staret aquæ quæ effluerunt è fonticulo isto minimo, ab initio ortus eius, conspiceretur uique uelut flumen magnum aquarū copia inundantium.

Fontes enim hi, ecce steterunt in diebus patriam nostrorum ante secula plurima, ante annorum centenarios plurimos, ut scauriebant, ita ebulliunt & hodie.

Vnde uerò tantam tu dicis ò spectator aquarum copia & ubi continebantur, priusquam exirent per os fonticuli?

Quod est penus in quo seruatur tanta multiitudo aquarum, ut non deficiat fluxus ex eo in tanta tempora?

In montibus affirmabis principium earum: aerem assignabis mihi in materiam?

Vnde uerò uirtus earum tanta in uisceribus terræ, ut ista sic perpetua fiat & indeficiens aquarum generatio?

Dic mihi qui habes intelligentiam & scientiam, si alium habeat quàm Deum auctorem horum mirabilium?

Magne, magne Deus contemplor, & contemplari non sufficio: in consideratione mea hebescit acies cordis mei.

Si uoluero plenam eloqui ueritatem super iis quæ præconsiderata sunt: dicam tibi in confessione laudis, quoniam tu auctor es omnium simul horum mirabilium.

De tua fecunditate scauriunt fontes aquarum, in te sunt uenæ fontium, qui uena es aquarum uiuentium.

Sed & cætera omnia quæcunque miratur homo, & non sufficit, abs te uno procedunt: confiteor hoc tibi ad laudem & gloriam tuam.

Multa

22
Multa diximus, & pauca omnino sunt atque exilia: non enim pro dignitate explicare sufficimus maiestatem operum tuorum quæ sunt mirabilia.

Confitebor tibi Domine, & psallam donec fuero: magnus enim tu es, & nimis nimium laudabilis.

Gloria patri, & filio, & spiritui sancto.

Sicut erat in principio, & nunc & semper, & in secula seculorum. Amen.

FINIT PSALMVS.

IN LIBRVM SEPTIMVM CONSIDERATIONIS PHYSICAE, DE COELO
ET MVNDO.

PRAEFATIO.



OSTEAQVAM in libris superioribus de Rerum Naturalium principiis & causis, deq; motu & alijs quibusdam reru naturalium accidentibus, nempe infinito ac finito, loco, uacuo, & tempore, de rerum quoque naturalium generationibus & corruptionibus, deque meteorologicis impressionibus determinauimus, restat ut de totius uniuersi dispositione & partium situ, deque coelestibus illis orbibus (quæ sunt omnium corporum fm corporis rationem nobilissima) specialius aliqua dicamus: de numero uidelicet, ordine dispositione, uirtute, deque motibus eorundem, & in hæc inferiora influxibus. Peculiariter uerò de duobus illis luminaribus quæ Deus præ ceteris insigniter in temporum distinctionem & rerum uicissitudinem in coelis constituit

stituit, ad hominum utilitatem (Solem dico & Lunam) deq; horum peculiaribus motibus, quomodo dies, annos atq; menses nobis distinguat, generationes adducant atq; corruptiones, quo nobis plenilunia, & nouilunia ab eis cōtingant. Vnde eclypsis siue solares siue lunares, unde solstitia atque æquinoctia, & inuiolabilis iste procedat temporum ordo. Vehemēter. n. istā sobriè cognita ad Dei gloriā profuerint contēplantibus, & ad ea q̄ de generationib. & corruptionibus dicta sunt, non parū p̄stabunt adiuuenti. Primum itaque totius mundialis machinæ dispositionem & situm figuraliter describemus, ac deinde ad cœlestium considerationem transibimus: præmissis interim aliquot diuisionibus, & definitionibus, hisce atque horum cognitione nonnihil lucis adferentibus.

CAPVT I.

Quædam diuisiones & definitiones sequentibus necessaria.

Eorum quæ natura sunt, alia sunt corpora magnitudine siue, alia corpora ac magnitudinem habet, alia principia habentia sunt.

Quæ uerba hunc habent sensum, eorum quæ in rerum natura existunt, quædam sunt quantitates corporeæ, aut linæ, aut superficies: alia sunt corpora prædicamenti substantiæ, quæ in se uti accidentia habent huiusmodi quantitates: alia sunt principia substantiæ corporeæ, quippe materia & forma. Ad huius diuisionis notitiam subduntur definitiones continui, & specierum ipsius, quarum est hæc continui.

Continuum est, quod indiuisibilia semper diuisibile est.

Id est, quantitas continua permānēs est quantitas, quæ potest secari in partes proportionales, ita ut nunquam sit peruenire ad partem in alias non diuisibilem, nec inconueniēs est sic processum esse in infinitum, cum hoc solum potentia & non actu sit. De parte proportionali quid sit, prius est dictum. Dictum quoque est prius quantitatem cōtinuam ex indiuisibilibus non componi, cuius oppositum sequeretur, si ad partem indiuisibilem deueniretur. Pa-

DE COELO ET MVNDO

et hinc excludi tempus & numerum, continuum autem cum in tres diuidatur species recte singularum definitiones subduntur, quarum est corporis hæc.

Corpus est, quod est diuisibile omni ex parte.

Id est, corporea quætitas, est quantitas longa, lata, & profunda, seu quæ mensuratur longitudine, latitudine, & profunditate seu crassitie, quæ tres dimensiones sunt.

Linea est magnitudo quæ ad unam diuisibilis.

Id est, linea est quantitas continua permanens, unica dimensione, scilicet longitudine, potens secari.

Superficies est ea quæ ad duo est diuisibilis.

Hoc est, superficies est, quantitas continua; permanens, quæ duabus dimensionibus tantum (scilicet longitudine & latitudine) est diuisibilis. Hisce itaq; definitis, commodum de motu locali corpori quanto attributo, non nihil dicendum uideretur, qui diuiditur sic.

Motuum localem seu (ut dicit Arist.) localem, alius est rectus, alius curuus, alius ex hisce mixtus.

Cuius membra, ex subiectis eorundem descriptionibus euadent manifesta.

Motus rectus est, quo sursum iur atque deorsum.

Id est, motus elementorum naturalis, ad locum uidelicet naturalem, rectus est, qui per lineam quæ diameter mundi est, fit, siue sursum, siue deorsum fit.

Motus sursum dicitur, quo è medio pergitur.

Id est motus rectus sursum dicitur, quo e centro terræ tenditur per rectam lineam.

Motus deorsum dicitur, quo ad medium proficiscitur.

Id est, quo ad centrum terræ per rectam tenditur lineam.

Motus circularis est, quæ circa medium fit.

Hoc est, motus circularis est, qui fit circa centrum terræ secundum partes æqualiter distantes à centro. Atque horum motuum, soli rectus & circulares simplices dicuntur, eo quod per lineam simplicem fiunt uidelicet rectam & circularem. Describitur autem linea simplex sic.

Linea simplex est, quæ in omnibus sui partibus uniformis est, secundum rectitudinem aut curuitatem.

Quales

Quales sunt linea recta, & circularis. Atqui hæc quæ de motu dicta sunt, ipsis simplicibus corporibus esse tantum applicanda (iuxta Aristotelis sententiã) non usquequaq; fuerit difficile aduertere, quibus præcipue huiusmodi motus competunt. Colligitur tamen ex dictis admodum facile, quis motus rectus, quis curuus, quis sursum, quisve deorsum atque ita deinceps iuxta vulgi accipiendi modum.

Motus mixtus est, qui fit secundum magnitudinem, partim rectum, partim curuam.

Ut motus, per arcum & neruum, sic motus uenti obliquus, imò propemodum cuiuslibet mixti motus. Quorundam corporum quædam graua, quædam leuia, quædam neutra sunt, pretium operæ uidetur, horum definitiones subiicere.

Est igitur leue id quod aptum est è medio ferri.

Id est, quod è centro terræ, aptum est sursum moueri, ut aer ignis.

Græue est id quod aptum est ad medium ferri.

Hoc est, quod ad centrum terræ tendit ex naturali motu & proprio ut aqua & terra. Porro hic animaduertendum est, quædam simpliciter leuia esse, ut ignis: simpliciter leuia aut graua, ut terra: alia tantum respectu alterius, ut aqua si conferatur terræ, leuis est, & non simpliciter: & aer collatus igni, grauis, non tamen simpliciter. Vnde &c.

Leuissimum dicitur, id quod super omnia collocatur, quæ sursum pergunt.

Qualis est Solis ignis.

Gravissimum est id quod sub his omnibus collocatur, quæ deorsum feruntur.

Ut sola terra hinc infertur, cælestes orbes neq; graues, neque leues esse, non enim aut sursum aut deorsum ferri, apti sunt, sed solum circulariter, qui motus perfectissimus est, ut & ipsa circularis figura. Quod autem dicitur leuissimum poni super omnia, &c. Intelligendum est inter elementa, ne cælo ipsi competere putetur.

DE COELO ET MVNDO.

CAPVT II.

De totius vniuersi dispositione, & ordine omnium quæ sunt in eo.

Vniuersitas mundi, atque mundus vniuersus, simplicibus constat atque multis corporibus.

Simplicia corpora sunt, quæ motus secundum naturam principium habent.

Id est, quibus motus simplex secundum naturam propriam non ab alijs participatam competit. Huiusmodi sunt quatuor elementa.

Composita sunt, quæ mouentur ad nutum simplicis dominantis.

Qualia sunt omnia mista corpora. Simplicium sunt quædam quæ nullam suscipiunt primarum qualitatum, nec proinde secundarum, quæ ex primarum certa proportionem con-
 surgunt. Hæc sunt cœlestia corpora, quæ nec graua, nec le-
 uia sunt (alioqui enim sursum mouerentur aut deorsum)
 sed naturaliter mouentur motu circulari, qui motus cum
 sit perfectissimus omnium, sicut & circulus est figura perfe-
 ctissima, & maximè uniformis, conuenit corpori perfectis-
 simo sphæricam figuram habenti. Alia sunt simplicia cor-
 pora, quæ qualitates primas sibi habent determinatas. Ip-
 sa sunt elementa quatuor, ignis, aer, aqua, terra. Inter quæ
 propter repugnantiam qualitatum actiuarum, cum sit pugna
 atque inimicitia perpetua, ob proportionem tamen actiue
 uirtutis in superiori, & resistentiæ in inferioribus, haud du-
 biè ordinatissimam, nullum horum contigit ab initio de-
 ficere. Horum ignis ut summè leuis, rarissimus atque puris-
 simus, sursum habitat, suam conuexam superficiem habens
 simul cum concava superficie orbis lunæ. Post ignem se-
 quitur aer, tribus partibus siue regionibus (ut in præcedē-
 te libro fuit declaratum) distinctus. Aeri proxima est aqua,
 quæ in principio quidem creationis rerum sic terram am-
 biebat per circuitum, & respondebat iuxta suam superficiē
 conuexam superficiē concavæ aeris, quomodo nunc ignis
 ambit aerem, & superficiē concavæ cœli lunaris secundum
 suam conuexam superficiem adæquatè respondet: Verum

Gene. 1. propter habitationem hominum, ex Genesi patet omnipo-
 tentis

tentis iussu aquam congregatam esse in locum unum, ut appareret arida, hoc est, terra fieretque apta habitationi hominum, & fructificatione gignendorum ex ea. Mistam uero corpora, in locis elementorum suam habent mansionem. Vnumquodque iuxta suæ naturæ constitutionem, quædam quidem in aere, quædam in aqua, alia in terris: Possumus autem mista corpora uniuersa quinque gradibus summam complecti. In primo gradu & infimo sunt mista imperfecta, id est, impressiones meteorologicæ, de quibus iam in præcedenti libro determinauimus. In secundo gradu sunt lapides & mineralia quæ in terris gignuntur, & ob longiorem durationem merentur altiori gradu à prædictis reponi. Atque hæc omnia sunt inanimata. Tertius gradus habet omnes plantas arbores, & herbas, & quæcunque uitam habet uergetatiuam, id est, quæ nutriuntur, augentur, & generant sibi simile: Quartus, continet omnia animalia bruta. In quinto autem & perfectissimo gradu est species humana, ad quam ut finem ordinantur ceteri omnes gradus inferiores. In cuius iudicium sexto demum die, omnibus dispositis & perfectis, nouissimè Deus creauit hominem.

Quinque
gradus mi-
storum cor-
porum.

Gen. 1.

CAPVT

III.

De elemento ignis specialis determinatio.

Quæquam autem de elementis in libro quinto tractatum est, quantum ad rationem elementi & qualitates elementares pertinet, hoc tamen loco aliqua sunt specialiter dicenda, quæ alias ipsorum conditiones respiciunt: ut puta de modo existenti: de perfectione, de situ locali, & huiusmodi, quæ huic loco magis cōpetunt. Et primum quidē de ignis elemento, quō & ubi existat, & quam ob causam non uideatur, est dicendum. De hoc elemento quidam addubitant, nonnulli planè negant, sensui magis quàm rationi credentes, ob hoc scilicet quòd oculis ipsum non uideant, credere rationi recusantes. Putant. n. elementum tm̄ (nimirum decupla proportionem aeris sphaeram excedens) non posse penitus latere oculorum corporalium aspectum, ita ut nec serenissimis noctibus uideri possit, quā

N 2 neque

DE COELO ET MVNDO.

superior
in
totum
non

neque à nubium obiectarum densitate, neque à solis lumine, ullum uidetur impedimentum. Verùm isti ex luce can-
 delarum, carbonum & facum, quæ apud nos sunt, seipfos pa-
 ralogizant atque decipiunt, somniantes uel carbonarium,
 uel lignarium aliquem ignem esse debere eum quem ele-
 mentarem dicimus. Qua in re manifestatio crassissime il-
 los iudicare, non attendentes maximam dissimilitudinem
 quæ inter ignem materialē (qui nobis in usu est, ad illumi-
 nandas tenebras, aliaq; necessaria peragenda) & illū elemē-
 tarem, qui ad totius uniuersū, decorem, cœlo proximus, lo-
 cum quartum possidet. Ignis enim quo utimur, non ignis
 est (ut in libro de generatione & corruptione diximus) sed
 igneum aliquid. Non enim corpus simplex est, sed mistū:
 longissimeq; abest ab illa raritate quæ igni cōpetit elemē-
 tari. Est enim ignis iste nostri usus amodum cōpactus, spis-
 sus, & planè opacus in seipso, minimeq; transparent. Quod
 uel ex hoc facile patere potest, quoniam candela candelæ
 apposita umbram facit, quod certe non faceret, si ignis can-
 delæ corpus perspicuum esset siue transparent. Docet item
 experientia, quod directe trans ipsū ignem nostri usus,
 nihil uidere possumus, quodq; uisum impediat, ne suum
 percipiat obiectū. At uerò ignis elementaris, in sua natura
 & in sua sphæra decuplo rarior est, quàm sit aer etiam pu-
 rus & nullo uento committus. Et si ullum elementum purū
 est (Aristotele teste) creditur esse ignis: utpote cœlo proxi-
 mum, ubi difficilius est fieri ullam commistionem. Vnde
 si aer decuplo densior, non potest terminare uisum nostrū,
 sed est transparent & perspicuus, quanto magis non pote-
 rit terminare uisum ignis decuplo rarior, sed erit transpa-
 rentior & magis perspicuus aere in proportionē decupla?
 Quod aut uisum nostrū nō terminet aer manifestum est sē-
 sus experientia. Nam nisi motu & flatu uenti illū experi-
 rentur rudes homines (quibus tamē æque sunt sensus ut
 doctioribus) plane negaturi essent aerem, asserentq; ua-
 cuum esse usque ad cœlos. Sed experientijs solis, ijsq; cer-
 titimis, & manifestissimis, de aeris existentia certifican-
 tur. De igne uerò quoniam nimium est à nobis elonga-
 tus,

Ignis ele-
mentaris
maxima
rarietas.

tus, non possunt sic haberi experientia: propter quod, ad credendum eius existentiam quidam inueniuntur tardiores. Ratione tamen efficaci est demonstrabile, talem qualē iam diximus ignis sphaeram esse regiōi cōlesti cōtiguā. Præterea, nullum corpus diaphanum, id est, perspicuū, uel transparens, per se terminat uisum propter suā transparentiā, sed solum corpus opacum & nō transparens uisum terminat & penetrare non patitur. Quapropter si ignis in sua sphaera talis esset, qualis apud nos, essetque uisibilis, & uisus nostri terminatiuus, ut corpus opacū, necesse foret omnes stellas firmamenti, & planetas, ipsum quoque Solem perpetuo nobis eclipsari, nec possent à nobis unquam uideri. Cum enim per circuitum undique ambiat ignis totā aeris sphaeram, ex omni parte lumen cōleste impediretur à luce ignis. Totum ergo decorem cœli talis ignis nobis absconderet, & penitus auferret. Quapropter uoluit illū Deus disponēs omnia suauiter, in maxima raritate (uti eius naturæ conueniebat) constituere. Quod si quis interroget: ignis ille elementaris tantus, unde habet nutrimentum? Videtur enim totus aer tanto nutriendo igni non sufficere. At tamen debere ignem nutrirī continuo aliquo combustibili, uidetur monstrare experientia. Dicendū est, ignem quidē in aliena materia nō posse subsistere, neque teneri, nisi continuo nutriatur adiecto combustibili. In sua autem sphaera in materia propria, nō eget ullius combustibilis nutritione, ut in naturali loco suo seruetur, nihilō certe magis quam aer, aqua uel terra ullō indigent nutrimento. Hec propter simplicium quorundam sensualem dubitationem de ignis elemento dicta uoluimus, ne ob sensus nostri angustiam diuinæ maiestatis amplitudini aut magnificentiae operum derogemus. Tam amplā enim & ex præcipuis mundialis machinæ partibus unam abnegare creaturam, ac per hoc pulcherrimum illum ordinem & proportionem ordinatissimam quæ in quatuor elementis consideratur, propter sensus crassitiem destruere, quid aliud est, quàm ob nostram angustiam diuinæ potentiae, & sapientiae amplitudinem contringere.

*Obiectio.**Solutio.**Attende.*

DE COELO ET MVNDO

CAPVT IIII.

De situ elementi aquæ, & terræ discooperatione.

DE aquarum etiam situ non inutiliter mouetur difficultas, ex eo quod iam ante primo capitulo dictum est, & ad oculum manifestè cernimus terram non esse ex omni parte aquis circumdatam, sed solum partes aliquas esse discoopertam aquis. Tale autem aliquid in nullo omnino aliarum sphaerarum accidere uidens: Nam aer ex omni parte ambit aquam, & ignis ex omni parte aerem, ac deinde in cœlestibus orbibus quilibet superior, ex omni parte ambit inferiorem. Vnde apparet, hunc aquæ situm quem nunc habet, non esse prorsus illi naturalem, sed iuxta situm naturalem debere ipsum ambire & circumdare ex omni parte sphaeram terræ. Quærimus ergo ad cognitionem operis Dei, an sola diuina uirtute absque cooperatione naturæ ista terræ discoopertio, & aquarum separatio facta sit, an simul ulla naturalis uirtus ad hanc rem concurrerit. Et si sola diuina uirtute id factum dicamus in principio, die tertio distinctionis rerum, an usque nunc eodem modo. Deus miraculose sua sola uirtute eam ita contineat. De hac re quorundam Astronomorum sententia est, terram suam siccitate obsistere humori aquæ, sicque eam uelut fugari atque à se repellere per suam actiuitatem, in aliquot partibus, quantum pro mistorum conseruatione, & specialiter uiuentium atque hominum uita conseruanda est necessarium. Cur autem terra ab una parte plus quam ab alia aquam pellat, causam assignant ex adiutorio cœlestis corporis. Dicunt enim in parte Septentrionali, iuxta polum nostrum esse stellas quasdam de natura Saturni, frigidas, & siccas, quarum assiduus impressionibus atque efficacibus influentijs ipsa terra uehementer adiuta, fortificata, & corroborata in sua siccitate possit sese discoperire, & aquas propulsare. In cuius signum adducunt, quod terra à parte Septentrionali semper manet detecta. Afferunt insuper etiam si per miraculum Deus die tertio non congregasset aquas, quod temporis tamen successu naturaliter

turaliter hoc ipsum effectū fuisset per uirtutes naturales p̄dictas, impossibile tñ fuisset sic citò, & subito id fieri aliter quam uirtute Dei: qm̄ agentia naturalia nihil agunt in instanti sed successiuè, in operationibus naturalibus. Alij dicunt, etiam si non fuisset uirtus prædicta sufficiens causa, ad efficiendū in principio terræ denudationē & discoopertionem sufficere tñ eam posse, ad sic terram in discoopertionē conseruādum. Minoris. n. uirtutis est, quippiā in statu aliquo conseruare, quā primo in eum perducere: quemadmodum medicinæ ars in uita hominem seruat, quæ tamen uitam minimè donare potest non habenti.

Verū, cum prædicta sint omnino incerta (quis enim definire nobis poterit an uirtus aliqua talis sit in terra, uel in cœlestibus constellationibus ad eā rem sufficiens?) præstat ut eo quod certissimū est contenti simus: hoc autē est, quod ex infallibili doctrina sanctæ scripturæ didicimus, nempe diuina uirtute terram esse discoopertam, uerbo & iussione omnipotentis Dei, dicentis (ut primo capite Geneseos scribitur) Congregentur aquæ q̄ sub cœlo sunt in locum unum, & appareat arida. Cuius uerbi sanè potentissimi efficacia, credimus usque nunc permansisse aquam in eo situ & loco quem tunc accepit, & in quo nunc cernitur: ita scilicet ut terrā non quomodo ab initio ex omni parte circūdet, sed ex magna parte nudam uelut circumlambat. Et licet forsitan ueritatem habeat, quædam altra sua uirtute ad hoc cooperari (Deus enim per causas secundas multa conseruat quæ per seipsum fecit ab initio) quia tñ sancta scriptura de hac re loquens non nisi Deo totum tribuit, id circo neque nos adicere quicquam uolumus. Nam præter iam supradictam Genesios auctoritatem, ita in prouerbij clamat Sapientia. Quando circundabāt mari terminū suum, quando legem ponebat aquis ne transirent fines suos, ego aderam cum eo cuncta componens. Et prouerbiorum xxx. capit, uir cum quo loquutus est Deus interrogat, dicens: Quis conclusit aquas quasi in uellimento? Et manifestum est, quod pro responsione subauditur, Dei potentia. Similiter Iob xxxv. de Deo dicitur. Qui

*Certior sē
sentia.*

Gen. 1.

Prou. 8.

Prou. 30

Iob. 28.

fecit uentis pondus, & aquas appendit in mēsurā: Quando ponebat pluuiis legem, & liam procellis sonantibus. Iterum Psalm. x x x i i: Congregatis sicut in utere aquas ma-

Psal. 32

Pf. 103.

ris ponens in thesauris abyssos. Et quomodo de montibus alicubi loquitur Psalmista dicens? Terminum posuisti eis quem non transgredientur, neq; conuertentur operire terram, sic nihil dubium est, quin & de aquis nos loqui oporteat. His ergo modis cum scriptura totum hoc miraculum Deo ascribat, nobis uidetur superuacaneum aliam causam querere. Si autem roges, Num ergo continuò miraculum facit Deus, dum ita terram continet denudatam: Audi, Semel loquutus est Deus uerbum uirtutis, & sermonem potentem protulit in die tertio, nec opus est, ut loquatur iterum. Voluit enim ut effectum haberet sua illa iussio, donec super terram esset mistorum habitatio: quod est usque in cōsummationem seculi. Miraculo quidem hæc terræ denudatio primum facta est: iam sic manet terra absq; nouo miraculo, & se aqua ubi semel posita est continet, absque nouo miraculo. Non enim inobedientes sunt creaturæ naturales ut homo: cui necesse est sæpius eadem uel præcipere, uel prohibere, propter inobedientiæ promptitudinem. Si iterum roges, non uiolenter aqua continetur & cohibetur in unum locum, ut non terram circundet, polteaquam à situ & statu primo naturali priuatur? Audi iterum? Si quidē sola naturæ uirtute per uim terræ, aut operationem. Astro-

*Nota fir-
miorē re-
rum natu-
ralium,
quam ho-
minis obe-
dientiam.*

rum id factum esset, uiolentia utique dicenda foret. At uerò cum uerbo & iussione omnipotentis Dei (qui totius naturæ auctor, rector, & gubernator est) constet omnia hæc peracta, quomodo dicere poterimus, aquam in suo situ ex hoc ullam pati uiolentiam, quamuis iam non ut ab initio terram circuncingat? Quomodo enim uiolentum & ullius creatæ naturæ poterit esse contrarium, quod ex uoluntate est, & iussione Domini naturæ, dulciter gubernantis, & disponentis omnia suauiter? Quomodo in familia bene ordinata & subiecta uiolentum esse poterit aliquid eorū quæ pater familias sua uoluntate disposuit? Non ergo nunc uiolenter cohibetur aqua ne circundet terram, sed suauiter & dulci-

Sap. 8

dulciter sese continet Dei imperio obsequens, usque dum in consummatione seculi (missis omnibus consummatis) eiusdem uerbi iussione suum locum recipiat.

CAPVT V.

De terra immobilitate & minima quantitate.

OMnium autem infima est terra, quæ medium mundi obtinens, quasi totius mundalis sphaeræ centrum, penitus immobilis perpetua firmitate consistit: circa quam ut centrum immobile uoluuntur amplissimi illi cælorum orbis, simul & alia elementa superiora cōtinuo motu mouentur, ignis scilicet, aer & aqua. Soli enim terræ cōuenit prorsus secundum locum immobilem consistere, ut secundum se totam nunquam moueri possit, neque motu circulari, neque motu recto. Est enim quasi mundi centrum, ab altissimo Deo posita in medio totius mundialis machinæ. Unde sicut in corpore sphaerico, quod circulariter mouetur, cunctæ ipsius partes mouentur, circulariter solo ipso centro (circa quod aliæ partes uoluuntur) immoto permanente: ita & de terra intelligendum est, quod sola in medio mundi stat immobilis. Quemadmodum per Sapientem dicitur, Generatio præterit, generatio aduenit, terra autem in æternum stat. Quod si quis obiciat, fieri non posse, ut terra quæ tantæ quantitatis moles nobis uidetur, centrum esse dicatur, cum centrum habeat rationem puncti, sitque indiuisibilis punctis corporis alicuius sphaerici, ipsa autem terræ substantia nequaquam sit indiuisibilis, neque punctualis, sed in plura miliarum milia sit diuisibilis. Huic objectioni respondetur dicendo, quod terra tamen si nobis pusillis, & pusilla semper cōtemplantibus magnæ admodum quantitatis esse uideatur, si tamen eam conferamus ad totius mundialis machinæ, & cælestium orbium magnitudinem, non posse aliter, quam punctum censerī, atque æstimari, non quidem quod realiter punctus sit indiuisibilis, sed quia per comparationē (propter immensum quan-

*Terra cē-
tris mun-
d.*

titatis

ritatis superexcessum) non aliud quàm punctus uidebitur, (adeò quod si totus globus terræ fingatur in firmamēto positus lucere sicut stellæ, qui nunc sunt in firmamento, penitus non posset uideri præ nimia sua paruitate, sicut & multæ aliæ stellæ ob suam paruitatem nunquam apparent. Nā (ut tradunt expertissimi, probatissimiq̃ Astronomi) minimæ stellæ uisu notabiles, quæ in firmamento consistunt, quantitate sunt maiores tota terra decies & octies: quæ tamen minimæ sunt inter eas quas uisu notare possumus, at

Nota magnitudinē stellarum firmamēti. que distinguere. Ad quod plenius mente intelligendum (quandoquidem sensui uidetur irrationabile) aduertendū est, iuxta Ptolemei Alphragani, aliorumq̃ expertissimorum Astronomorum auctoritatem, stellæ firmamenti in sex magnitudinē differentias distinguui: Sunt enim primæ magnitudinis numero x v j. quælibet maior est tota terra centies, & septies. Sunt aliæ secundæ magnitudinis, numero. x l v. quarum quælibet maior est terra nonagies. In tertia magnitudine sunt ducentæ, & octo, maiores terra septuagies & bis. Quartæ magnitudinis stellæ sunt ducentæ sexagintaquatuor, maiores terra quinquagesies quater. In quinta magnitudine sunt ducentæ decem & septem, quarum quælibet maior est terra trigies quinques. Sextæ autem magnitudinis sunt stellæ ducentæ quadraginta nouem, & quælibet earum est maior terra decies, & octies, Et istæ sunt minimè uisibiles, quæ ab Astrologis sunt notatæ: de quibus dicit Alphraganus, quod minima stellarū uisu notabilium, maior est tota terra. Sunt uerò præter has aliæ, non in determinato numero, uisu non distinguibiles,

Psalmo 146. quarum numerum solus Deus cognouit: iuxta quod in Psalmis dicitur, Qui numerat multitudinē stellarum, & omnibus eis nomina uocat. Et ad Abraham uoce domini dicitur, Aspice cœlum, & numera stellas, si potes. Ex quibus manifestissimè patet, quod rectè dictum sit totam terram in comparatione ad firmamentum nihil esse aliud quàm punctum quoddam & centrum.

Quanto magis ergo si ad cœlum illud supremum, quod empyreum nominatur, quantitate & mole (ut ex sequenti bus

bus patebit) longè maius conferatur? Adiuro te lector quisquis es Christiano pectore, etiam atque etiam perpendas ex his quæ dicta sunt, quàm sit miseranda fors eorum hominum, qui propter angustissima huius terræ prædia illâ cœlestem perdunt amplitudinem. Iterum, quàm uanè, & si ne causa sese efferunt, qui in terrenis gloriantur possessionibus. Rursum, quàm miseri sunt, & nimium male sibi consulentes, qui pro terra aut iis quæ in terra sunt possessionibus, adinuicem contendunt, mutuo se fraudant, ac decipiunt, non rarò etiam pejerantes, omni æquitatis ratione postposita: ita scilicet punctalem terræ angustiam immensæ cœlorum amplitudini præ eligentes. Nam etiam si terram totam quis obtineat (id tamen quod nulli adhuc hominum potuit contingere) quid ille aliud quàm punctum rapuit? quid ille aliud quam punctum manibus tenet? in centro dominatur, in atomo tenet imperium. Illi ergo qui per terræ minima port iuncula, ut pote pro agello, pro angusto prædiolo, pro domuncula siue casula contendunt, sunt vè soliti, quid aliud moliantur, quid agunt quid querunt nisi de puncto (si id rectè pòt intelligi) punctum tollere? O uanas hominū curas. O pectora cæca. Disce ò miser, infelix attende pro quâ minima reclusa, quàm maximū perdas thesaurū: & pro angusto formicarū nidulo, quam amplissimū abiicias palatium, terrenā sortem dum cœlesti præeligis.

CAPUT VI.

Vnde terra habeat suam immobilitatem atque firmitatem.

Quod si quis roget, unde hoc habeat terra, ut immobilis in medio iaceat, cum & sphericā habeat figuram quæ admodum in se mobilis est, & fundamentū nullum uideatur habere stabilitatis, cum in aquis cernamus eā uelut natante, quæ nimirum sunt stabiles, sed fluunt perpetuo? Ad hanc rem non aliam possumus assignare causam conuenientiore illa, quàm supra de terræ denudatione diximus, quod scilicet uerbo & iussione Dei suam hanc habeat stabilitatem. Quemadmodū enim aquarum in unū collectio

- nem supra ostendimus in scriptura soli Deo ascribi, sic &
Pf. 103. ista terræ confirmatio in plerisque scripturarum locis inue-
Pf. 101. nitur, Deo soli attributa; unde illuminatissimus ille Psal-
 mographus canit, Qui fundasti terram super stabilitatē suā
Pf. 135. non inclinabitur in sæculum sæculi. Rursum, Initio tu do-
 mine terram fundasti. Et iterum, Qui firmavit terram su-
Psal. 75 per aquas. Et ex persona homini in alio Psalmo, Ego con-
 firmavi columnas terræ hoc est, sicut a stabiliui, & confir-
 mavi in sua firmitate, ac si columnis subiectis fecissem im-
 mobilem. Idem est quod in Prouerbiis dicit Sapientia,
Prou. 8. Quando appendebat fundamenta terræ & cætera. Itē Do-
Prou. 3. minus sapientia fundavit terram. Et in libro Iob, Qui ap-
Iob. 26. pendit terram super nihilum. Ac rursum ex persona domi-
Iob. 38. ni, Quando ponebam fundamenta terre. Nec dubium,
Psal. 33 quin sicut uerbo domini cœli firmati sunt, ita sit & terra
 uerbo domini fundata.

CAPVT VII.

De terræ rotunditate, & montium eleuatione in terra.

Quare
Deus in
terra mon-
tes, &
nallas cõ-
fluit.

ESt autem terra rotunda ac figuræ sphæricæ, quemad-
 modū & Physici & astronomi suis demonstrationibus
 & rationibus probant. Quod tamē si perfectam debeat ha-
 bere ueritatem, intelligendum uidetur secundum suā na-
 turalem conditionem, non secundum eum situm in quo
 nunc est, propter hominum utilitatem. Congruebat namq;
 uiuentium utilitati, & præcipuè hominis (propter quem
 omnia facta sunt) quasdam terræ partes esse sublimiores,
 aliàs uerò depressiores & humiliorēs. Sic enim propter di-
 uersas complexionēs diuersarum partium terræ, diuersita-
 res mineralium, & terræ, nascentium, atque animalium no-
 bis conferuntur. Nam in huiusmodi quidē locis optima
 sunt pascua, in eiusmodi uina optima maturescunt. In aliis
 uerò frumenta pingua, & plena, in aliis fructus optimi
 nascuntur. In aliis autem locis generantur mineralia, alibi
 specierum aromaticarum multa copia, alibi ligna preciosa
 & salutare herbæ, bestiæq; mirabiles gignuntur. In aliis
 locis,

locis, aliæ generantur diuersitates rerum quàm plurimæ.
 Sic igitur in qualibet terræ plaga & m. quod per mōtes, &
 ualles uariò disposita est, uaria uegetatiua atque animalia
 pro gignuntur. Et quædam quidem in uallibus felicius
 nascuntur, quæ non ita feliciter aut. omnino non in monti-
 bus progignerentur, ubi nimius esset calor, ardore con-
 trario, alia in montibus felicissimè gignuntur, quæ mini-
 me in uallibus, propter solis defectum duraliā quamlibet
 causam. Voluit ergo optimus ille, & perfectissimus natu-
 ræ artifex creator & gubernator, temporū atq; regionum
 uicissitudines alternare, ut omni ex parte sufficiens esset ho-
 minū prouiso, abundantissimamq; illi præberet diuerso-
 rum bonorum copiā, eorū quæ humanis uisibus poterāt de-
 seruire, ut illi quem tam magnificè condidit, munificentis-
 simè etiam in cunctis faceret esse prouisum: pariterq; ut ex
 tot rerum optimarum diuersitatibus, ipsius infinitam sapien-
 tiā amplius demiraremur, quam in uniformi opere nō ita
 perfecte neq; ita plene potuissimus conspiceret. Itaq; pro-
 pter istam terræ inæqualitatē, manifestum est, terram & ar-
 cum statum in quo nunc est, non esse quinino rotundā, si
 punctualiter loquamur. Verū tñ si crasso modo loqui uo-
 lumus, clarum est, quod montium ista eleuatio, & uallium
 depressio nihil obstat, quo minus rotundā terra dicatur.
 Nam eleuationes eiusmodi atque depressiones, compara-
 tione facta ad totam terram, quasi nullius sunt æstimatio-
 nis, & insensibiles: Vnde si quis in aere plurimū eleuatus
 esset, uideretq; terram ex alto, penitus rotundā eā iudica-
 ret, nec impediret eius iudicium montium eleuatio, qui in
 comparatione ad totum terræ globum quasi nihil sunt. Nā
 terra secundum totum suum ambitum (auctoritate Ambro-
 sij, Macrobij, Theodosij, & Aristænis, Philosophorum) de *Terræ ma-*
 finitur continere stadia ducenta milia, & quinquaginta mi- *gnitudo.*
 lia, & duo milia, hoc est miliarum Romanorum unū, & tri- *252000*
 ginta milia, & quingenta: quanquā à præcedentibus differu-
 Prolemæus, qui terræ ambitum continere dicit tantum
 centum milia, & octoginta milia stadiorum. Vtraque 180000,
 autem quantitas secundum superficiem sumpta, profect
 Etò

DE COELO ET MVNDO

Et magna est ualde, ut merito mortuum quorumcunque eleuatio quasi pro nihilo ueniat computanda. In consummationem autem seculi, ubi desierit terra ministerium præbere mortalibus, ueri simile est, eam ad perfectam æqualitatem redigendam, quando etiam (ut supra diximus) creditur aquis iterum cooperienda, uti fuerat ab initio.

CAPVT

VIII.

Vnde ordo in elementorum sita.

Nota.

QUare autem ignis hunc locum habeat, ut proximus sit cælo lunari, & quamobrem Æm post hunc locum habeat aer, deinde aqua & cur infima sit terra, non difficulter rationem reddet, qui sapientiam primarii conditoris attenderit. Nihil enim dubium est, quin præcipua sit causa, illius uoluntas, qui ea sic condidit, & in suis qualitatibus Æm maiorem & minorem nobilitatem disposuit. Deus enim infinita sua sapientia & bonitate, qua elementa formauit, suisque perfectionibus & qualitatibus perfecit atque distinxit, cognouit pariter & quis locus unicuique eorum Æm meritum perfectioris naturæ debeatur. Eiusdem siquidem est rebus iuxta perfectionis suæ meritum, & naturæ congruitatem locum dare, cuius est res in essentia constitutuere, & suis perfectionibus absolvere: quemadmodum Imperator qui diuersos status nobilium instituit, simul et locum eisdem iuxta suam dignitatem designat. Possumus tamen ex elementorum qualitatibus intelligere, & cognoscere, quæ conuenienter & sapienter ita sint elementa disposita quomodo disposita creduntur atque uidentur: quoniam de cæns est, ut elementum quod cælesti naturæ propinquius, & secundum naturæ nobilitatem uicinius est, locum quoque propinquiorē accipiat: quemadmodum in aula regia, is qui dignitate regi proximus est, meretur quoque proximiorē illi locum accipere. Vnde cum ignis, raritate, diaphaneitate, siue perspicuitate, subtilitate, celeritate (quæ etiā in cælestibus reperiuntur) cætera omnia excellat: post hunc autem proximus sit aer, deinde aqua meritū quidem obtinebit ille locum primum, iste secundum, hæc tertium. Ter

ra uerò ut penitus opaca, crassa, compacta minimeq; trāsparens, grauiſſima, & immobilis, ac proinde à regione cœleſti q̄ maximè diſtans, meritò longiſſimo interuallo à cœleſti regione dirimitur. Verum hæc de elementis & eorū ſitu dicta ſufficiant. Nunc ad cœleſtem regionem contemplantā elementari perambulata, ālacri animo tranſeamus.

CAPVT. IX.

De differentia naturæ & regionis cœleſtis ab elementari.

Primum quidem ſingulariter deſcribere nos conuenit, quomodo hæc æthærea ſiue cœleſtis regio, à priori diſcrepet, & quam ob rem non in unam poſſint regionē compingi. Omnino enim magna quædam diſtinctio ſit neceſſe eſt, inter hæc duas regiones, ut nō in unum ualeant computari: quādoquidem elementa tametſi ab inuicem admodum diuerſa, imò proſus contraria in unam tamen regionem deputantur. Attendenda eſt ergo cœleſtis naturæ ab elementari multiplex differentia: Nam elementa qualitates habent ad inuicem contrarias, quarum ratione ad inuicem contrariantur, & pugnant ad inuicem, ſuntq; inuicem natæ ſeſe corrumpere, & frequēter corrumpunt in ſuis partibus, ubi alterum alteri præuallere cōtigerit. Vniuerſa quoque miſta corpora ingrediuntur ad compositionem, ac ſuis his qualitatibus ad interitum cuncta quæ ex ipſis cōponuntur perducunt, nec omnino eorū aliquid ſiunt eſſe perpetuum. Natura autem cœleſtis, ab huiusmodi qualitatibus priuſus immunis eſt, nullam habens qualitatem eiſmodi, ſecundum quam ad inuicem cœleſtia poſſint agere, & pati, neque ad inuicem pugnant, neq; ullius augmentationis aut diminutionis ſunt ſuſceptiua, nec generationis, uel corruptionis, neque in ſe, neque in ſuis partibus. Ab omni ſiquidem motu quo aliquid abicitur à re, item & ab omni motu ad formam ſubſtantialem, eſt abſoluta immunis, & libera ſubſtantia cœlorum. Habet autem cœleſtis natura ſenſibilem qualitatem unam longe nobiliſſimam, uidelicet, lucem mediante qua agit in inferiora. Quæ cum nullam ha-

Ariſt. de calo.

Lux nobilis qualitas

beat

beat qualitatem contrariam, nullius rei in ipsa actione, suscipere potest detrimentum. Sed nec ipsa res ullam ad corruptionem deducit, quoniam nulla in rebus habet qualitatem contrariam: quin potius his omnibus inferioribus esse, uitam, uirtutem & durationem instillat, quemadmodum manifesta nos docet experientia, Solis & coelorum, atque aliorum luce cuncta in terris produci, & melius habere, nullam uero ex eius actione fieri corruptionem. Unde patet lucem esse multo meliorem qualitatem, quam sint illae quas habet elementaris natura, nimirum unius non absque alterius uolentia corruptione generatiuae. Neque coelestis natura ullius mixti compositionem ingreditur, ut ex ipsius natura ullum mixtum participet, sed tantum suae uirtutis efficacia absens in multis operatur. Non enim potest coelestis natura formam aliam suscipere: quemadmodum libro primo in tractatu de materia rerum naturalium latius declarauimus. Differunt insuper & in motu. Nam omnia elementa motu recto secundum naturam, nata sunt moueri, ignis uidelicet & aer sursum, terram autem & aqua deorsum, & cito finitorum motus naturalis. Nam mox ubi locum naturalem attingunt quiescant.

Caelum Caelum autem motu recto moueri non potest, neque sursum neque deorsum, neque motu laterali dextrorsum uel *quin ad essentiam distinetur* sinistrorsum, sed tantum motu circulari: quo etiam continuo & indeficienter mouetur, neque unquam a motu cessat, propter continuas rerum generationes & corruptiones saluandas, mouebiturque, donec perstabit huius seculi status is qui nunc est, ad hominis ministerium. Propter hanc autem tantam tamque eidentissimam, & maximam diuersitatem inter naturam elementarem, & coelestem, Philosophi caelum nominant quintam essentiam, hoc ipso significantes, non de natura quatuor elementorum esse caelum, sed substantia ab elementis omnibus differre, tamen antiquorum quidam olim existimauerint caelum esse de natura aeris, astra uero de natura ignis. Quorum errorem, naturales Philosophi, qui illos subsequuti sunt, rationibus certiora edocti manifestissime confutauerunt, ut nemo iam sit qui huiusmodi positioni praebeat assensum.

Vnde habeant cœlestia corpora motum circulare, & an naturaliter moueantur.

DE causa uerò efficiēte motus cœlorum quæstio est, an ab aliquo principio intrinseco moueātur circulariter, quòd sit pars eorum, ut pote à forma sua substantiali, an potius ab extrinseco aliquo mouente, quòd sua uirtute cœlestē corpus contingens, ipsum secundum circulum uoluat. Ad hanc quæstionē uerisimilior responsio est, motū circulare orbium cœlestium effectiuè causari ab intelligentijs, uel mentibus beatis, quas Philosophi dixerunt orbium motores, diuinos, optima uita fruētes, nec tempore senectam aut aliam quamlibet inueterationem suscipientes. Hos autem angelos nos appellamus, quos si (paulo docēte) *Heb. 1.* cognouimus administratorios spiritus esse, inque ministerium mitti filiorum Dei generis humani, nihil profecto mirum uidebitur, si & horum ministerio uolui dicamus cœlestes orbes ad utilitatem filiorum hominum. Quòd si ita credimus habere (ut Aristoteles sensit, nec refutant orthodoxi) profecto multam gratiam & uenerationem beatis illis mentibus debeamus, consequens est, quorum ministerio uitam hanc dicimus, & alimenta capimus, & cuncta quę secundum corpus sunt, abundanter possidemus. Maximè autem primæ illi beatissimæ menti motoribus istis præsidentī, uni primo, ac summo enti, Deo superbenedicto, gratias agamus necesse est: qui tam magnificos ministros nobis nō secundum animam tantum, uerum etiam secundum uilissimam nostrī partem (id est secundū corpus hoc corruptibile) assignauit. Aduertendum insuper est, quòd hi motus licet ab eiusmodi motoribus extrinsecis fiant, non tamē sunt contra naturam cœlorum, neque ob mouens extrinsecum, dici possunt uiolenter moueri. Nulla enim in cœlestibus esse pōt uiolentia, sed suauissimè ibi cuncta geri necesse est, ubi nulla pōt esse corruptio, quoniam nullū uiolentum (ut Aristoteles auctor est) potest esse perpetuum. Neque enim ullo modo forma cœlestis huic motui contrahitur, sed sua

DE COELO ET MVNDO

Den. 4 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100 101 102 103 104 105 106 107 108 109 110 111 112 113 114 115 116 117 118 119 120 121 122 123 124 125 126 127 128 129 130 131 132 133 134 135 136 137 138 139 140 141 142 143 144 145 146 147 148 149 150 151 152 153 154 155 156 157 158 159 160 161 162 163 164 165 166 167 168 169 170 171 172 173 174 175 176 177 178 179 180 181 182 183 184 185 186 187 188 189 190 191 192 193 194 195 196 197 198 199 200 201 202 203 204 205 206 207 208 209 210 211 212 213 214 215 216 217 218 219 220 221 222 223 224 225 226 227 228 229 230 231 232 233 234 235 236 237 238 239 240 241 242 243 244 245 246 247 248 249 250 251 252 253 254 255 256 257 258 259 260 261 262 263 264 265 266 267 268 269 270 271 272 273 274 275 276 277 278 279 280 281 282 283 284 285 286 287 288 289 290 291 292 293 294 295 296 297 298 299 300 301 302 303 304 305 306 307 308 309 310 311 312 313 314 315 316 317 318 319 320 321 322 323 324 325 326 327 328 329 330 331 332 333 334 335 336 337 338 339 340 341 342 343 344 345 346 347 348 349 350 351 352 353 354 355 356 357 358 359 360 361 362 363 364 365 366 367 368 369 370 371 372 373 374 375 376 377 378 379 380 381 382 383 384 385 386 387 388 389 390 391 392 393 394 395 396 397 398 399 400 401 402 403 404 405 406 407 408 409 410 411 412 413 414 415 416 417 418 419 420 421 422 423 424 425 426 427 428 429 430 431 432 433 434 435 436 437 438 439 440 441 442 443 444 445 446 447 448 449 450 451 452 453 454 455 456 457 458 459 460 461 462 463 464 465 466 467 468 469 470 471 472 473 474 475 476 477 478 479 480 481 482 483 484 485 486 487 488 489 490 491 492 493 494 495 496 497 498 499 500 501 502 503 504 505 506 507 508 509 510 511 512 513 514 515 516 517 518 519 520 521 522 523 524 525 526 527 528 529 530 531 532 533 534 535 536 537 538 539 540 541 542 543 544 545 546 547 548 549 550 551 552 553 554 555 556 557 558 559 560 561 562 563 564 565 566 567 568 569 570 571 572 573 574 575 576 577 578 579 580 581 582 583 584 585 586 587 588 589 590 591 592 593 594 595 596 597 598 599 600 601 602 603 604 605 606 607 608 609 610 611 612 613 614 615 616 617 618 619 620 621 622 623 624 625 626 627 628 629 630 631 632 633 634 635 636 637 638 639 640 641 642 643 644 645 646 647 648 649 650 651 652 653 654 655 656 657 658 659 660 661 662 663 664 665 666 667 668 669 670 671 672 673 674 675 676 677 678 679 680 681 682 683 684 685 686 687 688 689 690 691 692 693 694 695 696 697 698 699 700 701 702 703 704 705 706 707 708 709 710 711 712 713 714 715 716 717 718 719 720 721 722 723 724 725 726 727 728 729 730 731 732 733 734 735 736 737 738 739 740 741 742 743 744 745 746 747 748 749 750 751 752 753 754 755 756 757 758 759 760 761 762 763 764 765 766 767 768 769 770 771 772 773 774 775 776 777 778 779 780 781 782 783 784 785 786 787 788 789 790 791 792 793 794 795 796 797 798 799 800 801 802 803 804 805 806 807 808 809 810 811 812 813 814 815 816 817 818 819 820 821 822 823 824 825 826 827 828 829 830 831 832 833 834 835 836 837 838 839 840 841 842 843 844 845 846 847 848 849 850 851 852 853 854 855 856 857 858 859 860 861 862 863 864 865 866 867 868 869 870 871 872 873 874 875 876 877 878 879 880 881 882 883 884 885 886 887 888 889 890 891 892 893 894 895 896 897 898 899 900

De diuisione regionis celestis secundum suos orbes.

SVperest nunc uidere, an quomodo elementaris regio in plures partes diuersas abinuicem lecta est, ita & hæc celestis sit in plura corpora diuidenda, an forte non plura corpora sed unicum debeat corpus censerī. Et primū quidem illud experientia certissima monstrat, satisque quantum ad hanc partem inter Philosophos naturales & diuinos Theologos conuenit, debere fieri decisionem celestis regionis in plures orbes. Verum in numero nō omnes conueniunt. Fuerunt enim naturales Philosophi priores, qui tantum octo sphæras putabant celestem machinam continere, septem uidelicet orbes planetarum & sphæram stellarum fixarum: atque hi sphæram octauam putabant esse primum mobile, id est, primum orbem mobilem. Verū, qui post hos tpe subsequuti sunt, experientia, simul & ratione conuicti, cœlum unum cōpulsi sunt superaddere: eo quod sphæram octauam duobus motibus comperissent, moueri, ex stellarū fixarū quæ sunt in ea. Præter. n. motum ab oriente in occidentem (de quo post dicetur) ex stellis fixis experientia certa edocti, concluderunt ipsum etiam ab occidente ad orientem tendere motu alio. Ex quo firma ratione rectè concluderunt non posse hoc esse mobile primū, quod per se duobus motibus deprehenderetur moueri, sed debere alterum esse prius à quo motum unum per communicationem acciperet, ut esset alter sibi proprius. Itaque hi nonam sphæram adijcentes, in nouem orbes diuiserūt celestem regionē ipsamque sphæram nonā, primum mobile esse dixerunt, octauam uerò, secundum. Huius sententiæ fuerunt astronomi celebres, Ptolemæus, Thebitius & Alphaganus. Post hos uerò perseuerante in fortunatis ingenii studio inquisitionis, & ad priorum experientiam posteriorū accedente industria simul atque diligentia, comperitum est experientia pariter, & ratione ultra nouem sphæram præter prædictas nouem aliam esse ponendam. Cōsiderauerunt. n. in firmamento motū alium (quem trepidationis

Prima opinio. de numero cœlorum.

Secunda opinio.

Nonū cœlum ratione inueniunt.

Tertia, & probabilior opinio.

DE COELO ET MVNDO

*Motus
trepidatio
nis.*

tionis nominant, uel accessus & recessus) præter duos prædictos. Vnde cum nec duos motus diuersos à seipso habere posset, neque simul duos ab alio superiori (alioqui & ille haberet duos sibi proprios, quod primo mobili nequaquam conuenit, cum unico debeat simplicissimo motu moueri, ratiocinatione collegerunt debere supra firmamentū duas esse alias mobiles sphæras, à quibus per participationē uiraptus duos motus acciperet, tertiū uerò haberet sibi proprium. Itaque hi decimam sphæram uocant primum mobile, nonam autem uocant mobile secuudum. Huius sententiæ cōplures fuerunt ex recentioribus & insignibus astronomis, Alphonsus rex Hispaniæ, Ioānes Lignerus, Georgius Purbachius, Ioannes regii montis, & alii plures prædictorum sententiam insequentes & approbantes. Et hætenus quidem quæ ratio dare potuit & hominis ingeniū inquirere, audiuius: Super est uerò, ut quod potissimum est, & fides docuit, non taceamus.

CAPVT XIII.

De cælo empyreo, & de cælo crystallino siue aqueo, ac primo mobili.

*Cælum
empyreū.*

PRæter autem prædictas sphæras motu locali mobiles. Fides catholica, & diuini Theologi docent, aliud superius esse omnis motus localis expers, perpetuò quiescens ab omni motu locali, quod ab initio creatum est plenū inestimabilibus millibus intelligentiarum & spirituum beatorum, qui simul cum illo & in illo creati sunt, tanquam in loco sibi deputato, quēadmodū mista corpora suis quæq; locis in his inferioribus solent generari, ut in aquis pisces, in aere aues, super terram animalia cætera & plantæ, intra terram mineralia, & huiusmodi. Hoc cælum mole immensum, & inestimabili luce ac supra humanam mentem diuina claritate fulgidum (propter quod & empyreum nominatur, id est, igneum, non quidem à proprietate & natura ignis, sed à splendore nimio & gloriosissimo fulgore) sedes est destinata ante constitutionem mundi, & uelut aula regalis,

regalis solii præordinata ab initio, omnibus qui regnātūrī sunt in conspectu Dei & agni. Cuius lucē licet sic clarissimam & limpidissimam, nequeunt corporales nostri oculi conspicerē, quemadmodum non est potens noctua cernere lumen Solis. Neque lumen ullum extra se, beatissima & iucundissima lux ita diffundit. Non. n. sunt alij cœlorum orbes, tam præclarissimæ lucis & diuini fulgoris capaces, multo minus elementa aut cætera corporalia. Attamen de actione huius cœli dubitant nonnulli, quibusdā dicētibus, quod nullam omnino habeat actionem in inferiores sphæras, aut alia subiecta, nec esse propter rerum naturalium dispositionem aut gubernationem conditum, sed tantum in gaudium & præmium beatorum. Indecens hi arbitrantur ut tam gloriosissima Dei mansio creaturis adhuc corruptibilibus deseruiat: nec putat ipsam pertinere ad ordinē mundi corporalis. Alii uerò partem affirmatiuam præeligunt, dicentes ipsum sua solidissima quiete, & quietissima uirtute, stabilitatem, permanentiam & fixationem rebus inferioribus infundere. Res enim inferiores propter aliorum cœlorum citissimos motus (ut ipsi aiunt) continuo defluerēt, nisi huius primi cœli quiete, aliquo modo in suo esse seruariantur stabiles. Nos uero quia certum nihil de hoc habere possumus, eo quod fide certum est contenti de præparato nobis tam amplissimo, tam supremo, tamq; iucundissimo habitaculo inæstimabili gaudio gestientes, totis potius affectibus ad illud suspirare, ad illud tendere studeamus, quàm multis inutilibus disceptationibus aut cogitationibus manibus de eo multa disseramus. Pluris enim esse debet nobis Christianis hominibus huius unius cœli ex fide simplex notitia, quàm cæterorū omniū & cunctorū quę in eis sunt astrorum ac moruum exactissima comprehensio. Ad huius cœli nimis desiderabilem ornatum atque pulchritudinem sæpe nos conuenit, donec peregrinamur in hoc corpore, deuotis affectionibus suspirare, & quasi uolenter nostrę mentis oculos infirmos atque tenebrosos conuertere: in quo beata fruuntur luce angeli concives nostri, pariter & eorum spiritus; qui in Domino hinc.

DE COELO ET MVNDO

discedentes priores illuc sunt ingressi. Nos quoque iuxta manum Dei super nos bonam eodem peruenire post paululum confidemus, ipsius gratia adiuti, qui nobis antequā nati essemus tam gloriosum ab initio præparauit eternæ mansionis habitaculum.

Sunt igitur cæli undecim hoc ordine sit, cælum empyreum, primū mobile, cælum chrySTALLINUM, firmamentum, cælum Saturni, Iouis, Martis, Solis, Veneris, Mercurii, & Lunæ.

Post hoc igitur primum & nobilissimum corpus sequitur decimum cælum, primū mobile: quod motu supra quā cogitari potest uelocissimo, lege perpetua quotidie ab oriente in occidentem per meridiem, uiginti quatuor horarum tempore decurrens, uelocissimo hoc raptu suo omnes inferiores cælos secum rapit, eodemque temporis spatio perfectam circulationem complere facit. Nec præter hunc motum alium aliquem habet. Sub hoc cælo est nonum, quod nunc aqueum, nunc crySTALLINUM à sanctis & diuinis Theologis nominatur, non quidē à proprietate uel natura aquæ quasi illic ueræ aquæ sint elementares, sed ab omni-
Cælum nonum. moda diaphaneitate siue perspicuitate, eo quod nullā omnino habeat stellam. Forsitan & ob hoc quod sit in modum aquæ, siue crySTALLI effectū frigidissimum & frigiditatis maximæ effectiuum, quæ est aquæ qualitas prædominans. In cuius confirmationem facit, quod quidam supra firmamentum ueras aquas ponendas senserunt, ad motus & caloris illius temperamentum atque refrigerationē: ne uidelicet ex nimia talis motus uelocitate, ignis generaretur, qui omnia hæc inferiora cōsumeret. Quæ sententiā licet non admodū probabilis uideatur. In hoc nomen nobiscum facit, quod aquas istas (qualescūque tandem sint) ad contemperatiōē nimij caloris supra firmamentum positas dicit. Quod & nos secundum ueri similitudinem efferimus: non sic quidē ut à cælis prohibeatur calor, quasi cœlestibus corporibus sit exustionis periculum (quæ incorruptibilia sunt, & caliditatis nō susceptiua, etiam si mille admouerentur ignes) sed propter nimium calorem cæterorum astrorū atque etiā eius qui ex nimia uelocitate motus oriri posset in regione elementari,

elementari, in his inferioribus temperandum. Aiunt enim quidā huius cœli tantā esse frigiditatem, ut his inferioribus prorsus esset intolerabilis, si non Solis & aliorum astrorū calorem tēperarentur. Hæ sunt aquæ, de quibus in scriptura sacra frequens est mentio, nominatim in principio Geneseos, dicente Dño, Fiat firmamentum in medio aquarum, & diuidat aquas ab aquis, & subditur, Factum est firmamentum in medio aquarū, & diuisit aquas, quæ erāt supra firmamētū ab aquis quæ erant sub firmamēto. Itē in libro Psalmorū, Laudate eū cœli cœlorū, & aquæ q̄ sup cœlos sunt, laudent nomē Dñi. Et in libro Danielis, ad laudē Dei omnem creaturā exhortantes pueri Hebręi canūt, dicentes: Benedicite aquæ oēs quæ sup cœlos sunt Dño. Hæc autem sphaera cœli crySTALLINI, siue aquei, secundum opinionem Ptolemæi, atque Alphragani, ponentium unā tantum sphæram naturalem supra firmamentum, primum mobile diceretur. Veritas tamen magis credibile facit eā esse secundum mobile.

Gen. 1.

Ps. 148.

Dani. 3.

CAPVT. XIII.

De firmamento & orbibus Planetarum.

Hic autem cœlo aqueo, contiguum est cœlum ordine octauū: q̄ a stellis miræ magnitudinis & multitudinis stellarum appropriato nomine dicitur: in scriptura autē firmamentum uocatur, uel propterea quod uerbo Domini in diuisionem posuit aquarum superiorum ab aquis inferioribus. Vel quia in eo innumerabilis est stellarū multitudo firmata. Sunt enim in hac sphæra omnes stellæ fixæ: de quibus dicemus posterius. Hanc uerò sphæram octauam sequuntur.

Septem sphære, septem planetarum, hoc ordine: Sphæra Saturni, Orbes septem Planetarum.
Sphæra Iouis, Sphæra Martis, Sphæra Solis, Sphæra Veneris,
Sphæra Mercurii, ultima Luna.

Istarum autem sphærarū, superior quælibet ambit & orbiculariter circumdat inferiorem: suntque aliæ aliis maiores, secundum quod plus uel minus accedunt firmamen-

to, uel ab eo recedunt. Vnde sphæra Lunæ omnium infima, omnibus etiam minor est: contrā, sphæra Saturni omnium est maxima, utpote firmamento proxima & contigua. Quæ in re considerari facile potest inæstimabilis mundialis machinæ magnitudo. Nam quemadmodum diximus in elementari regione superiorem sphæram excedere inferiorē proportionē decupla, ita etiam in hac regione, continuato semper augmento, superior longē quantitate super excedit inferiorem proximam: unde necesse est multo maximam & immensissimam esse molem illam ultimam empyrei cœli, & magnitudine incomprehensibilem. Insuper uelocissimus ille motus decimi cœli, huic empyreo proximi, quo in uiginti quatuor horarum spatio tantum percurrit, imò peruolat, imò plusquam peruolat circulum, meritò debet considerantibus nobis eius magnitudinem stupori esse, & miraculum multo maximum. Sciendum autem est, firmamenti nomine interdum signari totam aggregationem octo sphærarum, septem uidelicet planetarum & stellarum fixarum. Debere tamen poni hanc sphærarum diuisionem: & non posse in unum corpus censerī, manifestissimis experientiis & rationibus certissimis ab Astronomis. Probatur.

CAPVT XV.

De duplici motu orbium cœlestium, qui sunt post primum mobile.

OMnes cœlestes sphæræ quæ primum mobile sequuntur, duplici motu mouentur. Priore quidē alieno, id est, ex raptu primi mobilis, quod (ut suprā diximus) uelocissimo suo motu in uiginti quatuor horarum spatio sese citissime circunuolens, & totum suum cursum complens, omnes orbes intra se cōtentos secum circunuoluit, ut in eodē spatio temporis totum suum cursum infallibili lege perficiant, id quod in Sole manifestissima experientia ad oculū conspiciamus, qui hoc motu, raptus diem nobis à die distinguit. Singulæ enim eius reuolutiones secundum motū istū primi mobilis factæ, singulos nobis dies efficiunt. Et quidem

dem si totum accipiamus tempus reuolutionis, id est, tam illud quod supra nostrū hemisphærium, quam illud quo supra alterum oppositum uoluitur, dies naturalis dicitur, constatque uiginti quatuor horis. Verū si accipiamus tēpus tantum illud quo supra nostrum hemisphærium apparet & mouetur, dies dicitur artificialis. Et hi dies, non æqualis sunt longitudinis. Nam hyeme breuiores sunt dies, & æstate lōgiores, iuxta quod supra nostrum hemisphærium sol magis eleuatur. Fit autem motus iste primi mobilis super duobus polis mundi directē sibi in cælo oppositis, quorū alter arcticus nominatur, semper nobis apparens: alter antarcticus, nunquā, sed nostris antipodibus perpetuō est præsens, quibus ecōtrariō noster polus arcticus semper abest. A polo enim arctico, qui in summo cæli ponitur, usque ad polum antarcticum, qui directē ex parte altera est oppositus, linea recta per medium mundi ducta intelligitur, quā axem mundi appellant, eò quòd circa ipsum fiat motus iste primi mobilis, & cum eo omnium sphærarum cœlestium, quemadmodum tota uoluitur circa axē. Fit autem motus iste ab Oriente, per Meridiem, in Occidentem, atq; ita deinde per Septentrionem redit ad Orientem. Præter hunc uerò motum primi mobilis, inferiores sphære omnes sibi propriū habent, quo mouentur contranitendo ab Occidente, per Meridiem, in Orientem, atq; hinc redeunt per Septentrionem in Occidentem. Hic autem motus nō circa eundem axem mundi fit, nec super iisdem polis, sed super duobus polis alijs, distantibus à prædictis per uiginti tres gradus, & triginta tria, aut secundum alios unum & quinquaginta. A quorum polorum uno ad alterum intelligitur transire per medium mundi linea rectissima, quæ dicitur axis huius motus, & nominatur axis zodiaci, quemadmodum prior dicitur axis mundi.

Quid dies naturalis.

Quis artificialis dies.

Duo poli mundi.

Quid axis mundi.

Motus primi mobilis aduersus.

CAPVT XVI.

Quomodo intelligi debent in cælis motus oppositi, & motus reptus.

Posset autem ex iam dictis secum aliquis hæsitare, quoniam

DE COELO ET MVNDO.

quonam pacto possint esse motus oppositi in cœlestibus, cum motus circulari (ut ait Aristoteles) nullus sit motus cōtrarius. Rursum quomodo fieri possit, ut rapiat primum mobile alias sphæras, cū in cœlestibus nulla possit esse uiolentia. Ut enim non est ibi contrarietas, ita nec uiolentia admitti potest: Ad hanc autem obiectionem remouendā, necesse est sanē intelligere, quæ prius dicta sunt. Nō enim motus isti propriè oppositi sunt ad inuicē, quasi contrarii. (Contraria enim in eodem simul esse nō possunt) sed quia diuerso modo fiunt, unus uidelicet ab Oriente in Occidentem, alius ab Occidente in Orientē: quamuis non per eundē circulum, aliquo modo uidetur oppositi. Insuper quod de raptō dicitur, debet absque uiolentia intelligi: quemadmodum cū inferiores sphæras dicimus contraniti, absq; resistantia aut rebellionē accipimus, Nulla enim in cœlestibus est contrarietas, nulla fatigatio, nulla uiolentia, nulla mobilium resistantia. Non enim aliud sibi uult, q̃ dicimus inferiores orbes rapi, quā q̃ simul ad motum primi mobilis per accidens moueantur, quemadmodum nauis mouetur uectus à nauī, & aqua ad motum uasis in quo continetur: ut sic ratione continentis, inferiores simul cum superiore moueantur. Et quod de contranitentia inferiorum dicitur, nihil aliud sibi uult, quam eas diuerso motu proprio moueri, ab alia parte ad partem oppositam.

CAPVT XVII.

Quanto tempore unusquisque cœlestium orbium suum proprium motum compleat, & obiter de anno bissexili.

OMnes igitur sphære cœlestes huic motui primi mobilis (ut iam dictum est) contranitantur, secundū circulum obliquum (qui & zodiacus dicitur) cursu suū peragentes. Verum illud notandum est q̃ quantò propinquiores sunt primo mobili secundum situm, tantò suum motum proprium tardius perficiunt quantò autem distantiores, tantò citius suos cursus absoluunt. Vnde cœlum crystallinum omnium tardissimè moueri necesse est, contrā
uerò

uerò Lunæ orbis circumgyratur omnium uelocissimè. Quod ut fiat euidentius, uolumus, iuxta Astronomorum traditionem, singularum sphaerarum motibus suum tempus subiicere. Dicunt autem nonā sphaeram cursum suum propriū perficere in quadraginta nouē millibus annorū, & in ducentis annis gradum unum zodiaci, cū dimidio percurrere. Atque hanc sphaeram dicunt hoc suo motu rapere secum octauam sphaeram, & omnes orbes planetarum præterquā Lunæ, de quibus tamen nihil nunc particularius dicemus. Octaua autē sphaera proprio suo motu (scilicet trepidationis, uel accessus, & recessus) in septem milibus annorum circulum paruum describit, pertransitque gradū unū zodiaci: quandoq; quidem in centū annis, quandoq; in sexaginta, quandoque uerò in alio interuallo: Saturni sphaera, reuolutionem integram annorum ferè triginta spatio perficit. Iouis in duodecim: Martis ferè in duobus: Sol reuolutionem integram facit in trecentis sexaginta quinque diebus, & ferè sex horis: Venus & Mercurius, fere similiter. Nouissima autem Luna, in uiginti septē diebus & octo horis suum circulum complet. Vbi illud obiter sese offert declarandū, quid sit, quòd quartus quislibet annus uno die abundat, ut uidelicet quartus quisq; annus iuxta nostram computationem habeat dies trecentos, sexaginta sex, qui & bissextilis nuncupatur. Cum enim sex horæ quater sumptæ diem faciant naturalem, hoc est, uiginti quatuor horarum, idcirco quolibet quadriennio ad dies cōsuetos 365. (quibus constat annus communis) adiicitur prædictæ computationi dies unus, ut seruetur temporum ordo, & festiuitatum uniformitas. Quis annus uno die (secundum huiusmodi computationem ex trium præcedentium senariis, & suo residuo sex horarum conflato) abundans bissextilis nuncupatur: eo quod contineat 366. dies ubi bis senarius ponitur, à quo numero senario bis ita replicato, bissextilem cum appellauerunt.

*Cælum er
byssalliniū
49000.*

DE natura autē Astrorum, dubitatum fuit ab antiquis, fueruntq; super hac re diuersæ diuersorum sententiæ. Quidam enim antiquorum dixerunt, ea esse corpora animata, propter alimentum suo motu terrā perambulantia, ut scilicet humidum aqueum ad se uelut in potum, & siccū terrestre in cibum attraherent, quemadmodum uidemus progressiuo motu animalia, quæ apud nos sunt, moueri ad quærendū alimenta, cibum atq; potum. Sed hoc figmentū planè poeticum est, neq; quicquā habet uerisimilitudinis. Alii uerò, de quorum numero fuit Empedocles, alia dixerunt esse de natura ignis, orbis autem cœlorum de natura aquæ. Sed neq; hic ueritatē assequutus est, ut ex præcedentibus manifestè patet. Qui autem ueritatē tenent, asserunt astra esse eiusdem naturæ, & speciei cum suis orbibus, in quibus mouentur, neq; à reliquis partibus suorum orbium essentialiter differre, sed tantum secundum accidentia.

Est enim Astrum (ut ait Arist.) densior pars sui orbis.

*Arist. i
Meteor.*

Sicut enim in ligno contingit aliquam partē esse admodum densam & compactam præ reliquis partibus, quā nōdum uocamus, est tamen eiusdem naturæ cum aliis: sic & in orbibus cœlestibus astra partes sunt densiores, atq; compactiores reliquis, eiusdē autē sunt naturæ & speciei. Sunt enim cœli corpora homogenia, quorum singulæ partes, & cum toto & cum se inuicē eiusdem sunt naturæ, licet secundum accidentia possint differre. Ex hac uerò densitate consequitur & alia differentia accidentalis, qua differunt astra à partibus reliquis suorum orbium. Nam ex hac sua densitate, cōpactione, & ut ita dicam, opacitate habent, ut possint radios solares ad se emissos reflectere, sicq; effusum ad se solare lumē refundere: quod aliæ partes utpote rariore & nimium perspicuæ non possunt, qm̄ ob raritatem penetrantur à lumine, nec est refusio accepti luminis. Idcirco enim ipsi cœli quantum ad omnes partes, in se quidē lumī nō sunt, lumine eorum substantiam penetrante, non sunt

tamen

tamen nisi ratione astrorum lucidi, sicut lumen possint de se se refundere. Alioqui neque nox, neque tenebræ haberent locum, tanto corpore lumen suum perpetuò spargente. Acquæ enim per diem atque per noctem Sol orbis cœlestes illuminat, nequæ potest interpositio terræ (quæ non nisi punctulus est cœlo comparata) eorum illuminationem impedire: Ex quibus patet, quod nomen astri siue stellæ duo includit, nempe partem cœli densiorem, & lucem solarem ab ea repercussam.

CAPVT

XIX.

Differentia inter planetas, & stellas fixas.

INter has autem stellas, quædam dicuntur fixæ, quædam erraticæ, quas Græco uocabulo planetas uocant. Siquidè planè Græcis sonat errorè. Vnde planetes, quod significat uagum siue erroneum. Fixæ dicuntur omnes quæ sunt in octaua sphæra, id est, in firmamento: Idquæ ob hoc, quod semper uideantur adinuicè seruare eundem situm, & æquali distantia abinuicem distare. Et hæc in numero sunt indeterminato, qui soli est Deo creatori cognitus, iuxta illud Psalmistæ. Qui numerat multitudinè stellarũ, & omnibus eis nomina uocat. Planetæ autem erraticæ stellæ tantum septem sunt, quæ ob hoc dicuntur erraticæ, quod non semper eundem ad inuicem cōspiciantur habere situm, nequæ æquali distantia, ab inuicem distare: sed nunc quidem ad inuicè appropinquant, nunc uerò ab inuicè elongantur: nunc hæc illam antecedit, nunc subsequitur, nunc in eleuatione est ad illam, nunc in depressione, secundum quod suorum orbium uaria celeritate uel tarditate uariè feruntur. Dinoscuntur autem stellæ fixæ à planetis ex scintillatione. Omnes enim stellæ fixæ scintillare uidentur, quod alii quidem propter longinquam nimis distantiam, & uisus nostri debilitatem euenire putauerunt, alii propter motum cœli continuo angulos irradiationis uariantè, sed uerior ratio ex perspectiua petenda foret. Soli autem planetæ non scintillant, nisi fortè Saturnus interdum, quem dicunt flante Borea nonni-

Ps. 146.

Soli planetæ non scintillant.

DE COELO ET MVNDO

nonnihil scintillare. Illud autem certum est, scintillationē talem nihil esse in ipso astro scintillante, sed tantum secundum prospectum & apparentiam euenire.

CAPVT XX.

De ordine septem planetarum adinuicem.

Ordo planetarum probatur.

Septem autem planetarum hic est ordo. Luna infima, deinde Mercurius, succedit Venus, proximus Sol, supra hūc Mars, proximus Iupiter, supremus omnium Saturnus. Hunc autem planetarum ordinem sic probant, quoniā astrum illud per cuius interiectionem contingit alterū occultari, necesse est esse inferius eo quod occultatur. Vnde cum per obiectionem siue interpositionem Lunæ experientia nobis apertissime monstret Mercurium abscondi, cum inter nostrum aspectum & astrum ipsum media sese obiecerit, consequitur necessario Lunam esse Mercurio inferiorem. Ita & de omnibus alijs planetis, quantum ad Lunam, demonstrari potest. Nam planetas omnes abscondit & occultat, propter quod omnium infima comprobatur. Sic de Mercurio probat experientia, quod Venere sit inferior: & de Marte, quod subsit Ioui: de Ioue quoque quod superiorem habeat Saturnum: Item quod omnes stellæ fixæ omnibus his planetis sunt superiores, quia à quolibet planetarum possunt abscondi, ipsæ uerò nullum planetarum occultare possunt. De Sole tamen talis experientia nulla est, quod abscondatur, nisi à Luna: propter quam rationē quidam existimauerunt Solem esse proximum Lunæ in secundo orbe cœlesti. Quod tamen rationibus alijs manifeste probatur non habere ueritatem, sed Solem esse in loco quarto.

CAPVT XXI. *De planetarum distinctione.*

Ad cognoscendum autem hos planetas, quidam diuerforum colorum similitudinem illis tribuunt: quanquā iuxta ueritatem colores non habeant, sed tantum iuxta lucis ua-

cis uariæ sese monstrantis similitudinem, uarias colorum apparentias participant: Vnde Saturnum dicunt esse coloris plumbei, Iouem stannei, Martem chalibei, Solē aurei, Venerem electri, Mercurium argenti uiui, Lunam uerò argentei, atque horum singuli productiui dicuntur, quorum colorem referunt. Assignant quoque uarias harum planetarum uirtutes & differentias. Saturnus enim est frigidus & ficcus, planeta masculinus malus siue maleuolus atque nocuus. Quod sicut & in aliis sequentibus, secundum effectū debet intelligi. Ipso dominante, si fœtus nascitur, aut moritur, aut debilitatus miserè uiuit. Propter quod pueros dicunt octauo mense de matris utero prodeunt, uel non superuivere, uel secundum corpus miserum uiuere, cum tamē septimo mense & nono si prodeant, feliciter uiuant. Dicunt enim Saturnum in mense octauo dominari fœtui, qui mortis est auctor, Iouem uerò in mense nono, qui est principium & largitor uitæ. Ob hanc uerò pessimam nocendi & mortificandi conditionem, depingi solet Saturnus falcem manu tenens, quasi uiuentia, quantum in se est, demetens qualitate noxia, id est, mortificans. Iupiter proximus, eius malitiam cohibet, & conditiones malas temperat. Est enim ipse in qualitatibus optimè temperatus, calidus scilicet & humidus, id est caliditatem & humiditatem efficiens. Vnde patet, ipsum complexionis aeræ siue sanguinæ in hominibus esse effectiuum. Est enim sanguis calidus & humidus. Vnde propter suam naturalem bonitatem, principium uitæ meretur uocari. Quā ob causam depingitur sceptrū manu tenens, quasi uitæ Imperator atque largitor. Quanquam aut ex se clarus est, & in modum lactis candidus, attamen cum ascenderit in circulū gelidi illius & sicci Saturni, pallorē quendam contrahit, quo modo nonnunquam etiā insigniter bonus aliquam suæ uirtutis maculam cernitur ex mali hominis commercio contrahere. Ipsum tamen suæ claritatis faciens participem, ex sese omnino pallidum, utcunque facit clarum: ut quemadmodum effectus malitiam sua bonitate temperat, ita & coloris obscuritatem sua claritate lætificet, quomodo etiam pessimos uidemus interdum ex bonorum

*Saturni
qualitas.*

Iupiter.

DE COELO ET MVNDO.

*Martis
qualitas.*

*Attende
mirum in
plan-tis
ordinem.*

bonorum cōsortio, ut minimum speciem aliquam uirtutis induere, ut sic manifesta sit in naturalibus similitudo, cum ijs quæ cernuntur in moralibus. Mars calidus est & siccus, & idcirco noxius: non æque tamē atque Saturnus, qui neutram habet qualitatem, uitæ conducentem, & frigidus existens, & siccus. Hic uerò Mars licet siccitatem habeat uitæ inimicam, habet tamen caliditatem non inutilem, operaturque complexionem cholicam, id est, calidam & siccā, ut Saturnus melancholicam, id est siccā & frigidam. Iupiter uerò inter prædictos duos medius, duas qualitates optinas, caliditatem & humiditatem temperatas, possidet. Attende autem, obsecro te lector, miram Dei in operibus cunctis sapientiam. Vides primum quemadmodum omnium planetarum maximè noxius & inimicus uitæ summus uel primus, longissimè sit à uiuentium regione ablegatus & à terris (ubi uiuentium locus est) elongatissimus. Quomodo enim uiuentia (si terræ proximus esset ille aduersissimus eorum hostis) aduersus tantæ crudelitatis impetū sese tuerentur? quomodo non ante debitam periodum compelleretur acutissima illius falce ante tempus occumbere? Nunc uerò Dei prouidissima sapientia longè proscriptus est, ut non quātum ipsius cupit natura, propter inter medios meliores planetas, gelidus ille falcatus nocere possit. Martem uerò, quanquam noxium, tamen minus noxium, proprius ad terras eadem prouidissima sapientia, & sapientissima prouidentia permisit accedere. In horum autem duorum medio Iouem quomodo sapientissime collocauit? uidelicet totum bonum inter malos duos, ut utriusque sua bonitate uinceret malitiā. Vide quomodo omnia numero, pondere, & mensura Deus sapientissimus prouidissima cōsideratione disposuit. Quod ergo Saturnus primū & summū locum obtinet, nō ex naturæ præstantis bonitate, neque cōditionis dignitate procedit, sed tanquā hostis lōge proscriptus ob malitiam potius arcetur à uiuentibus, estque loco nouissimo cōstitutus. Rursum considera quòd eum qui magis noxius est nempe Saturnum à superiori parte Iupiter habet: eum uerò qui minus ab inferiori. Superioris enim uirtus, ne tran-

scat,

feat, subiecti inferioris obstaculo facilius uel prohiberi, & inferioris possit uirtus desuper emissa uirtute contineri. Nam loco superior planeta, non potest suum influxum in terras mittere, nisi transeat per orbem intermedij.

CAPVT XXII.

De Venere, Mercurio & Luna.

Venus est planeta fœmineus. Martis malitiam & ignitū feruorē sua fœminea qualitate temperans: quomodo uirilis ira, muliebri solet benignitate placari. Semper comitatur Solem: sed cum præcedit, dicitur Lucifer: quando uerò sequitur, Hesperus siue Vesper appellatur. Estq; nuntius Solis uel aduenientis, dū Lucifer est: uel abeuntis dū Hesperus: Vnde illud apud Virgilium, *Ite domū saturæ, uenit Hesperus, ite capellæ.* Habet quasi colorem candentē & refulgentē electo similē, estq; lux eius præ luce omniū astrorum limpidissima atque gratissima, & oculorum aspectui placidissima. Vnde factum est ut primus ille Angelorū (qui cæteris oībus sublimitate & gloria conditionis præminebat) Lucifer uocaretur, eō qd fulgore, atque claritate cæteros spiritus præcelleret, quomodo Lucifer suę lucis refulgētia & limpiditate, cætera antecellit sidera. Vnde apud Esaiam sub figura Regis Babylonis de illo dicitur. *Quomodo cecidisti de cælo Lucifer, qui mane oriebaris?* Et Beatus Petrus Euangelicam doctrinam omnibus aliis doctrinis præ eminentem, appellat Luciferum, dicēs de sermone prophetico. Cui benefacitis attendentes, tanquam lucernæ lucenti in loco caliginoso, donec dies illucescat, & Lucifer oriatur in cordibus uestris. Post Venerem, est Mercurius, per se quidem nec bonus nec malus, sed per suā naturam inclinatur ad planetam cui coniungitur. Non enim aliorum malitiā temperat: sed est cum bonis bonus, & cum malis malus. Ratō à nobis cernitur propter uicinitatem ad Solem. Semper enim cum Sole graditur, nunquam ab eo plus triginta gradibus distant. Hunc Mercurium dicunt eloquentiæ & ingenij, id est, boni sensus effecto-

Vergilius

Esa. 14

2. Pet. 2

Mercurius.

rem: ut quibus hic dominetur, facundi sint sermone & bonis sensibus, ac benè ingeniati. Et quidem, si cum Saturno aut Marte iunctus fuerit, facundiam prauam, & astutiã malam, ad nocendum, ad concitandum rixas, discordias, tumultus, schismata, hæreses dicunt significare. Eiusmodi homines præ omnibus seculis prioribus, nostra hæc ætas plurimos habet, quibus cum summa adsit facundia & sensus clarissima perspicacitas, nihil tamen hisce dotibus aliud agunt quàm ut nihil relinquant integrum, sed uniuersa perturbent erroribusque adimpleant orbem. Si uerò lo ui iungatur, bonam facundiã & ingenium salutare significare dicunt, ad ueritatis defensionem & uirtutis promotionem accommoda. Cuiusmodi ingenia hac nostra tēpestas nimium rara meritò deploramus. Infima omnium Luna, frigida & humida est, operaturque complexionem phlegmaticã, id est, humidam & frigidam. Super aquas & omnia humida dominum habet. Vnde secundum uarium accessum, & recessum causat fluxum & refluxum maris, itemque aquarum augmentationem uel diminutionem, quemadmodum libro priore dictum fuit. Experientia quoque monstrat, in plenilunio crescere medullas, & cerebrum ac huiusmodi humida, quemadmodum in nouilunio ista decrescunt & diminuantur. Illuminatur diuersimodè, & nunc plena, nunc partim obscura, nunc crescens, nunc decrescens apparet nostro aspectui, ac iuxta diuersitates istas diuersimode corpora hominum & inferiora cuncta disponit. Eius lumen terris singulariter deseruit tam in illuminando, quàm in agendo, eo quod terris sit proxima. neque ullius aliorum syderum tam efficax & manifesta est in his inferioribus operatio, id quod in ægrotantibus manifestissimè cernimus. Minimo spatio suã circulatione absoluit: suo motu mensium distinctionem facit. Et cum quantitate sit minor ceteris planetis planetis, tamen ob uiciniam apparet hominibus. In scripturis nõ nunquam bonam habet significationem, ueluti in Canticis Canticorum. Quæ est ista quæ progreditur quasi aurora consurgens, pulchra ut luna, &c. Et in Psalmis, Thronus eius sicut Sol in conspectu meo, & sicut luna perfecta in æternum,

Luna.

Cant. 6
Psal. 88

ternum. In malum uerò, Sapiens ab ea trahit comparationem, cum ait, Stultum ut lunam mutari. Et in Apocalypsi mulier illa gloriosa Sole amicta, lunam uisa est habere sub pedibus. Per quod significari dicunt sacri Theologi, omnem mutabilitatem seculi huius & transeuntium in eo. Secundum lucis enim pleniorē ad terras infusionem, bonā habet comparationem: secundum instabilitatem autem & uariationem, accipit malam.

Ecc. 27.

Apoc. 12

CAPVT

XXIII.

De Solis nimia præcellentia super cæteros planetas.

INter hos uerò sex iam dictos planetas medium locum Solis præcellentia. Sol obtinet, qui solus per sese lucidus cum à nullo lucem accipiat: ipse altris omnibus lumen præbet. Omnes enim stellas erraticas in suis orbibus, & fixas in firmamento, sua luce illuminat, singulisque lumen illud in quo cernunt donat, hoc ipso patenter in se Dei patris luminum gerens similitudinem. Ipse. n. admirandi fulgoris atque efficacissimæ uirtutis de sua natura existens solus de se lucem habes, sui luminis atque ardoris uim, sparsis flagrantibus radiis circumquaque diffundit, cælestia & terrestria cuncta illuminans, atque efficacissimè in eis operans. Omnia siquidē astra (ut auctor est Aristoteles, & ueritas confirmat) à Sole suū lumen accipiunt, & per lumen quod à Sole accipiunt, suos operant effectus. Visum est tamē quibusdā præter hoc Solis lumē, debere ea habere aliquā propriā, quæ causa esset ut lumē à Sole procedens, in hoc quod in illo planeta, aliter operaretur. Nō est tñ id necessarium, ob hoc scilicet, propriā lucem aliquam ponere. Sufficit enim ad hanc diuersitatem operationis, ipsa subiecti uaria dispositio. Vnde lux Solis (iuxta doctrinam Astronomorum) in Saturno infrigidat, in Marte calefacit, & ita in ceteris quemadmodum iuxta diuersam naturā astrorū idem Solis lumen diuersarum apparentias facit, ut suprā declarauimus. Oīno itaque probabilior uis illorū snia, qui unicum ponūt luminis fontē

*Omnia stellarum
lumen à
Sole esse.*

*Quorū dā
opinio.*

à quo lux omnis deriuetur, ipsum uidelicet Solem, qui in
 planetarū, in medio ordinatissimè cōstitit, tanquā Rex in me-
 dio regni sui, in medio gradiens suorū Principū atq; ma-
 gnatum, qui sunt proximi ipsum hincinde circundātes pla-
 netæ, sub se habens Lunā, Mercurium, Venerē: supra se ue-
 rò Martem; Iouem, atq; Saturnū: proximos autem habet
 hinc quidem igneum & bellicosum Martem, ardentibus
 radiis flagrantem: illinc uerò placidā & amœnam Venerē,
 sua limpidissima ac placidissima luce suauiter resplenden-
 tē: illum uelut potentem & animosum armigerum, hanc ut
 suauem coniugem. Quod tamen ne Gentili opinione ex-
 cipiatur, præmonemus, ut ne arbitretur quis iuxta figmen-
 ta poetica, in cœlestibus uera nos ponere coniugia, cōcubi-
 tusq; & generationes proliū. Sunt .n. figmenta ista uanissi-
 ma, neq; ueritatis quicquā possidentia. Secundū tñ simili-
 tudinē quandam, Venerem dicimus Solis esse cōiugē. Est
 .n. coniugis officium, suo uiro indiuidua societate adhære-
 re, neq; ab eo sese plus iusto elongare. Ita Venus semper
 Solem comitatus, siue oriatur, siue occidat, indiuidua so-
 cietate, comitem illi se adiungens, estq; ipsa tota fœmi-
 nea, & placida lucis resplendētia blandissima, fœminearū
 qualitonū effectiua: ut ille totus est masculus, aureo super-
 abundanti fulgore, uirili maiestate resplendens, & uiriliū
 qualitatū maximè effectiuus. Vnde quemadmodum So-
 lis calor magnos & fortes animos facit atq; cōstātes, sic Ve-
 nus moliores, faciles, & pios, ac animus stabiles, cuiusmo-
 di in fœminis plerunq; conspiciunt. Itē ut Sol uitalē calo-
 rem præbet, sic Venus uitalem humorem uidetur suo con-
 cursu adferre: sicq; uitam pariter efficiunt, ut simul uir &
 mulier ad prolis generationem concurrunt. Post hos autē
 planetas (qui Soli uelut propinquiore, sunt Principes) in-
 finita circundantur multitudinē altiorū firmamenti, quibus
 tanquā militū in numerabilium ē longinquo subsequentiū
 exercitibus undequaque circundatus atq; circumscriptus
 incedit, in magnificentissima gloria, singulis propriū suū lu-
 mē ex diuitiis thesauri sui uelut in militiæ stipendium per-
 soluens. Ob quam nimiam excellentiam, ueteres Poe-

*Venus est
 Soli quā-
 si pro con-
 iuga.*

ta Solem dixerunt esse patrem Deorum hominūque.
 Quod ideo dictum uideri potest quoniam in omnium ge-
 neratione ipsius actionem necesse est concurrere, ut causā
 uniuersalem, sine qua effectus nullus possit generari. Iple
 præterea omnibus astris perpetuò lumen communicans, si-
 mul & cum agendi in hæc inferiora uirtutē, hoc modo nō
 immeritò omnia dicitur in astris omnibus operari, dum q̃
 illa agunt, ab isto accipiunt, ut agant. Est autem causa ad-
 modum rationabilis ex parte naturæ, cur licet præcellen-
 tissimus Sol existat, tamen neq; supremo neq; infimo loco
 debuerit collocari. Cum. n. Sol principium sit atque fons
 luminis & caloris uitalis à quo & cætera astra lumen reci-
 piunt, & uiuentia omnia uitam, si esset Sol terræ proximus
 nimio calore eam exueret, nec posset ipsa ferre eius ardo-
 rem, sicq; uiuentium consumeret uitam, forsitan etiam su-
 prema astra non ita commodè posset illuminare. Si uero e
 contrariò, Sol locum haberet supremum illic, ubi agit Sa-
 turnus, terræ calore sufficiente destitueretur, nec possent
 uiuentia commodè in uita conseruari, & astra inferiora nō
 sufficienter potuissent à tam distante Sole illuminari. Pro-
 pter quod sapientissimus naturæ institutor, & conseruator
 Deus, Solē uoluit in medio esse collocatum, in tali gradu,
 ut à superioribus atq; inferioribus mediocriter distaret,
 sicq; terræ neq; nimium uicinus esset, neq; nimium elon-
 gatus. Illud quoque de Solis proprietatibus non est præter-
 mittendū, quod sicut Mars calidus existit, ita similiter & Sol.
 Multa tamen inter eos est differentia, quoniam Solis ca-
 lor temperatus est efficacissimus & uiuificatiuus, omniūq;
 uiuentium perfectiuus, quemadmodum ipsa monstrat ex-
 perientia, eius calore cuncta uiuificari, & perfici, fructusq;
 & omnia ipsius maximo calore maturescere, & ad perfe-
 ctum peruenire. Martis autem calor est consumptiuus.
 Est enim Sol effectiuus caloris, cuiusmodi est calor cordis:
 qui est uitalis, & corpori uitam donans, atque custodiens.
 Mars uerò effectiuus est caloris, cuiusmodi est calor cho-
 lerae: quæ ubi dominari potest, consumit & depascit oīa:
 quemadmodum patet in febricitantibus. Manifesta quoq;

*Arist. 2.
li. Phys.*

*Calor. So-
lis differa
à calore
Martis.*

*Eccl. 2.
Eccl. 2.*

Eccl. 2.

DE COELO ET MVNDO

In effectū harū caliditatum apparet diuersitas, quoniam illi in quibus Sol secundum bonum aspectū dominatur, cordis sunt temperate calidi, & animo uerè magno, uerè fortes, & magnanimi. In quibus autem Mars dominatur, corda habēt intemperatè calida, & animo sunt feroci potius quam uerè magno: dicunturque audaces magis quam magnanimi. Excessus nanque caloris excessum facit audaciæ & temeritatis nimium & immoderatè sanguinem inflammādo. Similis penè differentia inter Venerem & Lunam posset assignari: quoniam Venus humiditatis est effectiua, quale est humidum radicale, quod est uitale & conseruationi animalis æque ut uitalis calor necessarium. Luna uero, magis humidi phlegmatici, quod ubi abundauerit, infirmitates uarias gignit.

CAPVT XXIII.

De Sole in sacris literis quā honorifica fiat mentio.

OB hanc quoque Solis excellentiā, in literis sacris honorificentissimam ubique audimus fieri eius mentionem, ut quoties insigne aliquid, & quasi super omnia excellentissimum afferre uelint, Solis decori conferant. Vnde Matthæus Euangelista, transfigurationis gloriam describens, quum fulgorem uultus Christi gloriosissimū uellet ostendere, non inueniens quicquam in rebus humanis alius, Transfiguratus est, inquit, ante discipulos, & resplenduit facies eius, sicut Sol. Sic & Ioannes in Apocalypsi, uultum filii hominis ait se uidisse quasi Solem lucentem in uirtute sua. Vnde & in Canticis sponsam Ecclesiam cū admiratores dixissent pulchram ut Lunam, augere cupientes laudem, adiecerunt, electā eam esset ut Solem. Rursū uerò oculos Domini ait quidam sapiens multò esse lucidiores supra Solem. Idem quoq; mulieris bonæ speciē in ornamentum domus, cōparat Soli oriētī mūdo in altissimis Dei. Iterūq; hominē sapientē & sensatū, manere ait ut Solem, dū stultus ut Luna mutatur. Ipse quoq; Dñs Iesus saluator hominum, de iustorum gloria loquens, Iusti, inquit,

inquit, fulgebunt sicut Sol in regno patris eorum. Ex quibus *Mat. 13* comparationibus manifestum est. Solis claritate nihil posse in mundo reperiri pulcrius. Hinc per Sapientem dicitur. Quid lucidius Sole? Et iterum, Sol illuminas per omnia respexit, & gratia Domini plenum est opus eius. Sol in *Ecc. 17.* aspectu annuncians, in exitu, uas admirabile, opus excelsum. *Ecc. 42.* meridiano exurit terram, & in conspectu ardoris eius quis *Ecc. 43.* poterit sustinere? fornacem custodiens in operibus ardoris. Tripliciter Sol exurit montes, radios igneos exufflas, & refulgens radijs suis obæcat oculos. Magnus Dominus qui fecit illum, & in sermonibus eius festinauit iter. Diuinus quoque ille Psalmographus, Solis istam magnificentiam & gloriam apertissime cecinit, apertissime quæ, per singulas proprietates pinxit, Psalmo. 18. ubi pro eo quod communis Græcorum atque Latinorum lectio habet, In sole posuit tabernaculum suum: iuxta ueritatem Hebraicam (sacro Hieronymo interprete) sic legimus, Soli posuit tabernaculum in eis (nempe cælis) & ipse tanquam sponsus procedens de thalamo. Exultauit, ut gigas (siue ut fortis) ad currendam uiam, à summo cælo egressio eius, & occurfus eius usque ad summum eius. In quibus uerbis dum (iuxta quod in Hebræo legitur) Soli dicit positum in cælis tabernaculum, significat ipsum in medio planetarum, quasi in medio cæli locum possidere. Eundem uero sponsum appellans, significat decorum & formosam pulchritudinem splendoris eius, in quo exortur mundo, cum maxima gratia & gaudio atque exultatione cunctorum uinentium: quemadmodum omni gloria & deore adornari solet sponsus in die solennitatis suæ. Procedit autem sponsus iste de thalamo, quando ob occasu surgit, & in oriente mundo oriri incipit. Ut gigas fortis exultat ad currendam uiam, quando magna alacritate quasi gigas fortissimus intra 24 horarum spatium totum mundum percurrit per omnia respicientes, omnia quoque illustrans & uiuificans. A summo cælo est egressio eius, quia ab oriente oritur: & occurfus siue reuersio eius usque ad summum cæli est, quando rursus in orientem reuertitur. Vel etiam à meridie, quando in maxima eleuatione est, & quasi

Psal. 18.

21. 12. 11 in summo coelo tendit ad occasum, iterumque suo ordine ad meridiem reuertitur. Nec est qui se abscondat à calore Solis, quoniam circumiens terram, perlustrat omnia, nihilque relinquit quod non lumine contingat, uirtutisque efficacia immuret. Quæ omnia diuinus Psalter, penitissime considerantis conditionibus Solis admodum iucundis similitudinibus expressit. Hinc & doctissimus ille idiora sacer Franciscus, Solem ceterarum creaturarum dñm doctissime nominauit illiteratus, cundemq; præ ceteris oibus patenter in se Dei gestare similitudinem sapientissime cecinit indoctus, in suo cantico quod Deo ex creaturis patria lingua decantauit, atque à Solis præcellentia specialiter canticum Solis nominauit. Ipse, inquit, Sol multo ardore ebulliens siue feruescens, diffundit circunquaque radios miranda splendoris irradiatione, miram tui gerens, o altissime, similitudinem. Qui insuper discipulos docuit, oriente Sole debere oem creaturam magnas agere grās Deo ob tanti iubaris gloriosum splendorem tibi redditum, cuius uirtute cuncta lætificantur atque uiuificantur in terris, cuius accessu lætificantur omnia & quasi iuuenescunt, atque nigorem resumunt, horridæ tenebræ fugiunt, grauis sapor e membris pellitur, ægris dolor leuitur, & uoletudo melior languentibus redditur, noctium tempestates sedantur & cohibentur, dissipanturq; nubes & nebulae ante faciem aduentus eius, illusiones quoq; noctiū, & dæmones amici tenebrarum effugiunt. Quo e contrario Solis abscessu, hæc oia incōmoda reuertuntur, quasi absente eo quē metuerūt. Denique tam in scripturis quam in alijs sanctorum patrum scriptis, & in Ecclesiastico usu, æternam patris sapientiam Iesum Christum dominum nostrum frequentissime Solis comparatum inuenimus. Vnde & illud Psalmi quod prius secundum literam de Sole corporali interpretati sumus, sancti Theologi, piissime & uerissime secundum mysticam intelligentiam ad Christum dominum accommodant, quā intelligentiam in Elucidatione libri Psalmorum circa locum iam adductum plenius (Deo donante) explicabimus.
- Mal. 4. Hinc & per alium Prophetam dicitur, Vobis timentibus
- Sap. 5.

nomen meum orietur Sol iustitiæ, quod est sapientia ue-
ra. Et in libro sapientiæ, Dammati impij quærentur sibi
non luxisse Solem iustitiæ & lumen intelligentiæ. Rursum
alio in loco, ex persona Dei dicitur, Solem nube tegā: qđ
recte sic intelligi pōt: Diuinitatem humanitate uētiā,
& occultābo. Sunt insuper alia in scripturis inspersa pluri-
ma, quæ secundum mysticam intelligentiam accommoda-
tissime Soli æterno possent applicari: nos tamē finem faci-
mus theologandi, ne nimia prolixitate cuiquam efficiamur
onerosi, atque ad naturalia contemplanda reuertimur.

Eze. 23

CAPVT

XXV.

De circulis maioribus, & primū de Aequinoctiali.

AD cognoscendum autem melius in particulari, plane-
tarum motum, præcipue uerò Solis & Lunæ, descri-
bendi sunt iuxta Astronomorum doctrinā circuli aliquot,
secundum quos eorum motus facilius poterit cognosci. Ad
hoc enim circuli isti signantur, & secundum imaginatio-
nem monstrantur in cælo, ut ex eorum designatione, faci-
lius possit motus illorum explicari. Describunt autē dupli-
ces circulos, maiores uidelicet & minores.

tempo
id est
in q
dicitur
id est

Maiores circulos uocant, qui totam spheram in duas partes æqua-
les diuidunt.

Minores autem, qui diuidunt quidam spheram, non tamen in par-
tes æquales, sed una pars diuisionis maior est altera.

Sunt autem circuli maiores, numero sex, nempe æqui-
noctialis, zodiacus, colurus æquinoctiorū, colurus solstitio-
rum, circulus meridianus, & horizon. De quibus nunc per
ordinem est dicendum. Et primum de æquinoctiali.

Est itaque æquinoctialis circulum quidam diuidens totam spheram
in duas partes æquales, æque distans secundum omnes suas partes ab
utroque polo mundi.

Est autem polus Græcum uocabulum, significans uerti-
cem uel summitatem rei. Vnde polos mundi uocamus uer-
tices mundi, duo scilicet puncta extrema & summa in
cælo sibi directe ex opposito respondentia, ita quod si
protrahere-

DE COELO ET MVNDO

protraheretur linea rectissima ab altero ad alterum opposi-
tum, illa directè transiret per centrum & medium punctū
totius mūdi, haberetq; duos istos polos pro terminis suis.
Est itaq; æquinoctialis circulus, qui totam mundi & sphæ-
ræ in sui medio in partes æquales diuidēs, & omnes suas
partes æqualiter distat ab utroq; polo mundi. Quamcun-
que enim in hoc circulo partem assignaueris, inuenire nō
poteris ullam quæ uni polo sit q̃ alteri propinquior, estq;
huius circuli centrum idem cum centro mundi, & pertran-
sit axis mundi centrum æquinoctialis. Appellatur autē cir-
culus iste uariis nominibus: Primum quidē æquinoctialis
dicitur, eo q̃ Sol cum directè sub ipso inuenitur, æquino-
ctium facit. Est autem æquinoctium, quando nox diei est
æqualis, quod nunquam cōtingit, nisi quando Sol sub hoc
circulo directè moueri inuenitur: quod bis cōtingit sin-
gulis annis: semel uidelicet in uere in principio Arietis,
& semel in Autumno, in principio Libræ: ob eandē cau-
sam etiā dicitur Aequator, uidelicet diei & noctis. Dicit̃
quoq; ciugulum primi mobilis: quoniā sicut homo in me-
dio corporis ciugulo se cingit (ita ut si in supremo capitis
intelligatur punctus, inuenietur ciugulum ipsum secundū
omnem sui partem æqualiter secundum modum aliquem
ab eo distare) ita tota sphæra primi mobilis intelligitur ue-
lut ciugulo isto circumdata & circumcincta. Et quemadmo-
dum quando homo cinculo circuncingitur, ipsum mediū
cinguli quodam modo idem cenietur cum medio huma-
ni corporis: ita circulus iste æquinoctialis totius sphære, &
mundi medium habet pro suo centro, & medio. De duo-
bus autem polis, iam supra diximus: q̃ is qui semper no-
bis apparet, arcticus dicitur: is uerò qui nunquam nobis,
sed semper antipodibus se ostendit, nominatur antarcti-
cus, eò quòd arctico opponitur.

*Aequa-
tor. Cin-
gulū pri-
mi mobi-
lis.*

CAP. XXVI. *De circulo zodiaco, & signis eius.*

Post hunc uerò est circulus zodiacus, qui & ipse sphæ-
ram diuidit in duas partes æquales, sed secundum, ob
liquum,

liquum, ita ut prædictum æquinoctialem obliquè pertranseat, sive unam partem declinans ad Septentrionem à polo arctico, secundum alteram uerò ab antarctico ad meridiem, Intersecat autem zodiacus iste æquinoctialē, uicissimq; intersecatur ab eodem in duas partes æquales, ita ut amborum idē sit centrum. Illud tamē est notandum, qd inter omnes circulos, zodiacus iste solus habet latitudinem. Nā ceteros omnes imaginamur sive latitudine, hic autem habet latitudinem. Intelligitur enim directissimè per ipsius medium pertransire linea quædam ipsi sive latitudinem diuidens in duas partes æquales, ex utraq; parte sex gradus relinquens. Siquidem 12. graduum est eius tota latitudo, Atque hæc linea ecliptica nominatur, eò qd eclipsis fiat, cum sub eadem hac linea simul inueniuntur Sol & Luna, quemadmodum posterius dealarabitur. Secundum longitudinem uerò totus zodiacus in duodecim partes æquales diuiditur, quæ uulgò duodecim signa appellantur, nempe,

Aries, Taurus, Gemini, Cancer, Leo, Virgo, Libra, Scorpius, Sagittarius, Capricornus, Aquarius, & Pisces.

Quomodo sex priora dicuntur Septentrionalia, arctica, uel borealea, eo qd ab æquinoctiali tendant ad Septentrionem & tendunt uersus polum arcticum. Sex autem posteriora, dicuntur meridionalia, uel australia, uel antarctica, eo qd tendant uersus meridiem, unde surgit auter, & tendunt uersus polū antarcticum. Appellantur enim signa arctica, quæ polo arctico sunt uiciniora, ut sex priora: signa uerò antarctica, qd polo illi sunt uiciniora, ut sex posteriora. Nullum enim est signū, quod æqualiter distet ab utroque polo mundi. Ex quo patet manifesta differentia duplex, inter zodiacum & æquinoctialē, cum partes æquinoctialis æqualiter ab utroq; polo mundi distent. Habent autem singula horum signorum longitudinem graduum 30. Vnde patet omnia signa zodiaci esse quadrangula, nō quadrata. Oē enim quadratum latera habet æqualia, quadrangulū uerò non itē. Appellatur autē hic circulus, primo quidē & uulgatiori noīe Zodiacus, uocabulo ex Græco idcom-

mate accepto. Nā zoon Græcis significat uiuens, uel animal, Vnde hic circulus, quia signa dicitur ferre animalium diuersorum, Arietis. s. Tauri, & Cancrī, & cæterorum, idcirco uidetur zodiacus appellatus. Simili causa Latina appellatione signifer nuncupatur, qm̄ in 12. signa diuiditur, quæ uarias habent animalium figuras. Nonnulli zodiacū dictum putant à uita, q̄ Sol sub hoc circulo gradiens uitā rebus præbeat, dum per hunc motum in zodiaco, secundū accessum, & recessum, causa est generationis, & corruptionis: Græcè enim zoe uita dicitur. Ab Aristotele uerò in secundo libro de generatione circulus obliquus appellatur, cuius ratio patet ex præcedentibus. Sub hoc autem circulo zodiaco & Sol, & cæteri omnes planetæ suos proprios motus perficiunt; neque unquam extra zodiacum possunt inueniri. Sol uerò non solum sub zodiaco, uerum etiam sub linea ecliptica regia uia semper incedit, non declinans, neque ad dextram neque ad sinistram, nunquam à medio zodiaci uel ad latum unguem deflectens. Quam ob causam, hæc linea ecliptica alio nomine uia Solis appellatur. Cæterorum uerò planetarum nullus sub ecliptica perpetuò currit, sed declinant ab ea, uel hinc, uel inde, sic tamen ut non abeant extra zodiacum.

CAP. XXVII. De coloris solstitorum, & æquinoctiorū.

*Solstitio-
rū distin-
ctio.
Æstiuū
solstitiū.*

AD distinguendum autē solstitia duo, æstiuum & hyemale, alium imaginamur circulum transeuntē per polos mundi, & per principia Cancrī, & Capricorni qui est coloris solstitorum. Quem circulum cum Sol attingit intrans Arietē, fit solstitium æstiuum, qm̄ Sol altius scandere non potest, neq; longius declinare; sed descendere incipit & reuerti uersus medium zodiaci: propter quod stare dicitur. Non enim realiter stare putandus est Sol, qui nunquam quiescit, semper infatigabilis: sed quia non ascendit ultra, neque eleuatur altius, ut ex signis hyemalibus hætenus abscederat, idcirco stare reputatur, & quasi gradū sistere, nō quidē à profectione & cursu, sed ab ascensu & eleuatione.

uatione. Est autem tunc solstitium æstiuum, cum Sol hunc
 circulum tangit in Cancro, quoniam Cancer signum æsti-
 uū est, æstatisq; principium, quod nostris temporibus est die
 13. Iunii. circiter festū Barnabæ Apostoli. Cum uerò hunc
 circulum attingit Sol ex parte altera uersus polum antarcti-
 cum in principio Capricorni, solstitium habetur hyema-
 le. Solstitium quidem, quia desinit tum Sol à nobis rece-
 dere, nec progredi potest longius, & iterum ad nos incipit
 reuerti, ad signa, uidelicet nostro polo, & nobis uiciniora.
 Hyemale autem, quoniam Capricornus hyemale signum
 est, hyemisq; principium, quod nostris temporibus est die
 12. Decembris, circiter festum Lucie. Ponunt quoq; pun-
 ctum solstitij hyemalis, & æstiuales. Vnde punctus solstitij
 æstiuales, est primus punctus Cancrī, ubi circulus iste inter-
 secat zodiacum. Et dicitur punctus solstitij æstiuales, quia
 cum Sol in ipso existit, habetur æstiuū solstitium. Primus
 autem punctus Capricorni, ubi ex parte opposita diuiditur
 zodiacus eodem hoc circulo, uocatur punctus solstitij hye-
 malis. Consequenter ad distinctionem æquinoctiorum a-
 lium imaginatur circulum, similiter transeuntem per po-
 los mundi, sed per principia Arietis, & Libræ. Quem cir-
 culum cum Sol attingit in principio Arietis (quod sit 10.
 Martij, circiter festum beati Gregorij) habemus uernale
 æquinoctium. Aequinoctiū quidem, quoniam dies ac no-
 ctes habentur æquales. Vernum autem, quoniam Aries signū est
 ueris, eiusque principium. Et punctus iste primus Arietis,
 ubi interfecatur zodiacus, hoc circulo transeunte, uocatur
 punctus æquinoctij uernalis. Cum uerò ex opposito Sol at-
 tingit hunc circulum in principio Libræ 14. Septembris,
 in festo exaltationis sanctæ Crucis, habetur æquinoctium
 Autumnale, quoniam Libra autumnale signum est, Autum-
 ni que principium. Et punctus ille ubi interfecatur zodia-
 cus, punctus æquinoctij autumnalis dicitur. Habemus ita-
 que quatuor punctos, secundum quos fit totius spheræ di-
 uisio, temporumq; distinctio. Habemus & circulos duos in
 polis mundi sese ad angulos rectos spherales interfecātes,
 in quos fit æquinoctiorum & solstitiorum secundū qua-

*Hyemale
Solstitiū.*

*Æquino-
ctiorū di-
stinctio.*

*Æquino-
ctiū Ver-
nale.*

*Æquino-
ctiū Au-
tumnale.*

DE COELO ET MVNDO.

tuor partes anni ordinata uarietas : hos autē duos circulos uocant Græca appellatione coluros. Cuius nominis interpretationem uariè assignant.

CAPVT XXVIII.

De Meridiano & Horizonte.

*Meridia-
nus.*

Zenith.

Nadir.

SVnt præter hos duos circuli alii maiores, meridianus, & horizon. Meridianus est circulus quidam qui transit per polos mundi, & per zenith capitis nostri. Est autē Zenith capitis nostri, punctus directè suprapositus capiti nostro. Punctus autem diametraliter illi oppositus Nadir uocatur. Pro cuius intelligentia notandum, quod si protrahatur in imaginationē linea recta ab extrema usque ad extremum cœli, per mediū terræ, simul & per uerticem capitis hominis alicuius, pūctus unus terminatiuus illius lineæ dicitur Zenith, ille scilicet directè capiti suprapositus: alter uerò, qui ex opposito respondet, dicitur Nadir. Circulus ergo ille qui transit ab uno polo mundi per zenith capitis nostri usque ad alium polum ex opposito consistentē, à quo iterum per nadir siue punctum zenith oppositum reuertitur ad primum polum: hic dicitur Meridianus illi per cuius zenith & nadir transit. Ex quo manifestū est, quod illi quorum est idem zenith capitis, eundem habent meridianum: quorū uerò diuersum, diuersos habent meridianos. Dicitur autē circulus iste meridianus, quia ostendit punctum meridiei: & quodocunq; Sol hunc circulum tāgit, merides est illis, quorum hic est meridianus: & quando eundem circulū tangit in hemisphærio inferiori, tunc est media nox illis, quorum est hic meridianus. In quacunque enim regione sit homo, in quolibet diei anni, quādo Sol motu raptus primi mobilis tangit istum circulū in superiori hemisphærio, est punctus meridiei. Quando autē in inferiori hemisphærio, ad eundem circulū peruenit, est punctus mediæ noctis. Per meridianos etiā longitudo cognoscitur locorum, & distantia eorū abinuicem, cuius consideratio ad Geographiam spectat. Horizon uerò est circulus diuidens hemisphærium inferius à superiori. Totam

Horizon.

nam-

namq; sphæram diuidit in duas partes, siue in duo hemisphæria (Hemisphærium enim ferè mediætas dicitur) quorum unum à nobis uidetur, alterum non uidetur. Semper enim à nobis tantū altera pars cœli uidetur. Illud aut quod sub aspectu nro est, hemisphærium superius appellamus, & peculiariter nrum dicimus. Illud uerò quod infra nos, & nro subtractum aspectui, dicimus hemisphæriū inferius, neque nrum illud appellamus, sed nostrorū potius antipodū: Dicitur aut horizon Græca appellatione, quasi finitor. Nā horizon significat finis, siue definitio, aut termino. Vñ Horismos, finitio, siue definitio. Dicitur ergo horizon, id est finitor, uel terminator: quia scilicet terminat & finit partē cœli uisam à non uisa, & illam partē uisus transit ubi uisus noster terminatur, & ubi nobis apparet cœlum terræ coniungi. Nam id nobis illinc contingere uidetur, ubi est uisus nostri terminus. Vocatur etiam circulus hemisphærij, eò quòd hemisphærium unum ab alio diuidat, & unicuiq; suum designet. Huius aut Horizontis poli sunt zenith, & nadit, à quibus secundum omnes suas partes æqualiter distat, & nos semper in horizontis nostri centro sumus. Ponunt quoq; horizontem rectum, & obliquum. Rectum dicunt esse eorum, qui sub æqui noctiali habitant. uel, quorū zenith est in æquinoctiali: Obliquum autem habet omnes, qui ultra uel citra æquinoctialem habitant. Et hæc quidē de circulis maioribus figuraliter sint dicta, quibus omnibus commune ad sphæram totam in duas æquales partes diuidere, id quod ad oculum de singulis sigillatim pōt facillime in sphæra demonstrari.

CAP. V T

XXIX.

De circulis arctico, antarctico, tropico Cancrī, & tropico Capricornī.

Circuli autem minores (qui sphæram diuidunt quidē, sed in partes inæquales sunt) 11 11. arcticus scilicet, antarcticus, & duo tropici, æstiuæ, & hyemalis, siue Cancrī, & Capricornī. Circulus arcticus, est circulus quidā paruus, quem describit polus zodiaci suo motu raptu, circa polum

*Circulus
arcticus,
et antar-
cticus.*

*De duo-
bus tropi-
cis.*

lū arcticum. Circulus uerò antarcticus, quem describit po-
lus alter zodiaci, circa polū antarcticum. Ex præcedētibz
enim manifestum est alios esse polos zodiaci, & in quē Sol
mouetur motu proprio, à polis æquinoctialis, & in quē mo-
uetur primum mobile, item & Sol motus raptus. Cum er-
gò totus zodiacus simul cum Sole per singulos dies necessa-
rio semel per raptum circumuoluit, necesse est ut circa po-
los mundi ipsius zodiaci poli circumferantur: Nam poli mū-
di fixi manent & immobiles, poli autem zodiaci & in pro-
prium solis motum manent immobiles, & in raptum tamen
primi mobilis simul cum zodiaco circumferuntur circum
polos mundi. Illos autem circulo quos sic motu suo circa
polos describunt dicimus arcticum & antarcticum. Arcticum
quidem circulum, à polo arctico circa quem describi-
tur. Antarcticum autem, ab antarctico polo. Tropicus Câ-
cri est circulus quē Sol raptu primi mobilis describit ex-
istens in principio Cancrī, in puncto Solstitij æstiuales: qui
circulus supremus est, quem Sol potest describere uersus
circulum arcticum uel polum arcticum: quoniam tunc in
maxima eleuatione est, ita ut altius ascendere non possit,
nec proinde superiorem aliquem circulum, aut arctico po-
lo propinquiorem describere. Atque hic tropicus etiā æsti-
ualis nominatur, quoniam in signo æstatis inò quod prin-
cipiū est æstatis, describitur. Tropicus aut Capricorni est
circulus quē Sol raptu primi mobilis describit in principio
Capricorni, existens in puncto solstitii hyemalis. Estq; ul-
timus quem Sol potest describere uersus polum aut circu-
lum antarcticum, quoniam altius non potest quàm supra
prædictum punctum solstitii ascendere, neque à nobis lon-
gius recedere, nec proinde ulteriorem circulum describe-
re. Vocatur quoque hic in ratione signi, quod est hyemis
principium, tropicus hyemalis, quoniam illum tūc Sol de-
scribit, cum nobis hyems incipit. Verum huiusmodi appel-
latio, nō nisi quo ad nos debet intelligi. Siquidē nostri an-
tipodes suum tropicum Capricorni, æquē uocāt tropicum
æstiualem ut nos nostrum tropicum Cancrī. Vocantur cir-
culi isti Græca appellatione Tropici, à uersione uel con-
uersione.

*Cur tropi-
ci dicantur.*

uersione. Nam Græcè tropeo significat retrouerto. Inde trope, reuersio uel conuersio uel mutatio, Circulus igitur tropicus dicitur, quod in eo sit solis trope, id est, conuersio siue reuersio. Post hos. n. descriptos circulos, cum ulterius illi non liceat proficisci, ne tamen stare possit, cogitur reuerti, ita ut si à nobis longissime abfuerit, quemadmodum in solstitio hyemali contingit, mox redire ad nos incipiat, uersus nostrum polum ascendendo, quod tamen statim percipi à nobis multum sensibilibiter non potest nisi post aliqua dierum spatia. Si uerò proximus nobis fuerit, & in summa super nos eleuatione (quod est in solstitio æstiuale) cogitur à nobis abscedere uersus alterum polum.

CAPUT XXX.

De quinque zonis siue plagis.

SCUDAM istos autem quatuor circulos minores, arcticum, antarcticum, tropicum Cancræ, & tropicum Capricorni, sit diuisio totus cœli in quinque zonas, plagas, siue regiones distinctas, atque proportionabiliter etiam ipsius terræ secundum eosdem circulos. Vna regio est totum hoc spatium quod est inter duos tropicos. Et hæc uocata est ab antiquis Torrida zona, propter calorem excessiuum, quem ibi esse dixerunt, ob hoc quod sol perpetuò in ista regione inueniatur. Nam (ut supra diximus) extra tropicos non potest ingredi. Quam ob causam dixerunt zonam hanc esse inhabitabilem. Alii tamen omnino id negant, assignantes in hac zona multas habitabiles regiones, ut Ptolomæus & ceteri omnes Geographi. Intelligi tamen potest illud antiquorum dictum, quod non sit admodum conueniens habitatio pro humana natura, maximè iuxta tropicos. Homines enim locorum illorum nigerrimi sunt, & breuis uitæ ac paræ stature, quod procedit ab excessu caloris consumente in eis humidum radicale, ut non possint nec in iustam quantitatis mensuram excrecere, nec in communem hominum durationem uitam protendere. Sub æquinoctiali autem experientia sentire facit esse regiones temperatissimas atque habitationi maximè accomodatas, quod fieri dicunt

Torrida
zona.

Q propter

*Regiones
frigidissi-
ma.*

*Regiones
temperatae.*

propter æqualem præsentiam & absentiam Solis per quā æqualem uicissitudinem fieri uidetur maxima temperies regionum illarum, & optima loci illius dispositio. Illæ uerò duæ regiones, quæ sunt à circulis arctico & antarctico usque ad polos mundi, similiter dictæ sunt inhabitabiles, propter nimium frigus ob nimiam Solis distantiam, tametsi secundum ueritatem non sint prorsus inhabitabiles. Nam intra circulum arcticum tradit Ptolemæus esse multas hominum habitationes, sed nō multum aptas habitationi: id quod nimis pallor hominum illic habitantium, & nimia longitudo supra quam staturæ humanæ cōuenit, satis indicant. Aliæ uerò duæ regiones, quarū altera est inter circulum arcticū & tropicū Cancrī, altera uerò inter circulum antarcticū & tropicū Capricorni, ppter temperiem, sunt optimè habitabiles. Neq; enim Sol nimis eis propinquus est, neque nimium elongatus, & quodam modo mediæ constitutæ inter torridam zonam & regiones illas frigidas supremas, illinc quidem calorem participantes, hinc uerò frigiditatem, ita optimam accipiunt contemplationem. Harū autem zonarum particularior determinatio ad Geographū magis, quàm ad Physicū spectat. Quapropter nobis ista sic generaliter dicta sint satis.

CAPVT

XXXI.

De eclipsi Lunæ, quomodo, & quando fiat.

SVperest, ut de cœlestium luminarium eclipsibus nonnihil dicamus. Erit enim non inutilis huius rei consideratio. Et primum quidem Lunæ eclipsim determinemus. Pro cuius notitia attendendū est, q̄ Luna licet moueatur, semper sub circulo zodiaco, non tñ sub linea illa ecliptica, q̄ supra diximus esse uiam Solis: sed ab ecliptica deuiat, & suo motu lineam propriam describit (quæ linea Lunæ dicitur) inter secantem prædictam eclipticam lineam in duobus punctis diametraliter oppositis, quos duos punctos uocant caput & caudam draconis. Propter quod nunquam cōtingit Solem & Lunam directè & diametraliter ad inuicem

cem opponi, nisi cum alter fuerit in capite draconis, & alter in cauda. Neque item perfecta fieri potest eorum cōiunctio, nisi simul ambo uel in capite, uel in cauda draconis inueniantur. Cum enim Sol perpetuo sub linea ecliptica directe inueniatur, Luna uerò nunquam nisi in duobus his punctis, manifestum est, diametraliter coniunctionem nō posse fieri, nisi ambobus in uno horum punctorum existentibus: neque diametralē oppositionem; nisi in his punctis sibi ex opposito constituentur. Dicimus autem diametralem oppositionem, quando sic opponuntur, quòd eadem diameter intelligatur contingere centrum utriusque; ita ut linea protracta à centro Solis directe terminaretur in centro Lunæ. Similiter & cōiunctionem diametralē dicimus. Deinde & hoc sciendum est ex perspectiua, quòd omne corpus opacum obiectum corpori luminoso, facit umbram. Et quidē si corpus luminosum fuerit maius corpore opaco obiecto, illuminabit plus quàm mediam partē corporis illius contra se positā, reliquā uerò partem relinquit obscurā, & umbrā facit pyramidalē, quæ continuò minor fit, & ad acutiē tendit. Vnde sequitur, quòd terra minor existens Sole, ipsi obiecta, pro medietate sua, aut plus quam pro medietate illuminatur, secundum quam respicit aspectū solis, reliqua uerò pars obscura manet, & umbram facit: quæ umbra semper directe porrigitur uersus nadir siue punctum oppositū ipsius corporis luminosi: atq; ita umbra terræ directe semper protenditur uersus nadir solis. Quibus præmissis dicendum est, quòd cum sol & Luna sibi inuicem diametraliter modo prædicto opponuntur sub linea ecliptica, ita ut ille sit in capite, hæc in cauda draconis, aut econtrario, ille in cauda, hæc in capite, tunc uera habetur eclipsis Lunæ. Est enim directa interpositio terræ (quæ est corpus opacū inter solem & Lunam propter quod terra interposita impedit, ne ad Lunam possit à sole uenire lumen, ac proinde (cum non habeat lumen nisi à sole) necesse est eam lumine deficere, quod est eclipsari, Nam eclipsis non aliud est quàm destitutio siue defectus. Quòd autem tunc sit directa terræ interpositio inter solem & Lunam, manifestè patet,

Caput & cauda draconis opposita.

Quomodo Lunæ sit eclipsis.

DE COELO ET MVNDO.

tetur, quia si protraheretur linea recta à capite draconis usque ad cauda, Sole existente in capite, & Luna in caudâ, linea illa haberet pro terminis duo centra, Solis & Lunæ, & transiret per centrum terræ. Ex quo etiâ cōsequitur, q̃ Sole existente in capite draconis. Nadir ipsius Solis est in cauda draconis. Atq; ita (iuxta prædicta) necesse est ut umbra illa quæ fit à Sole, per interpositionem terræ, directè protendatur uersus corpus lunare: quoniam semper umbra (ut diximus) uersus Nadir corporis luminosi protenditur.

CAPVT XXXII.

Nunquam fieri eclipsim Lunæ, nisi tempore oppositionis.

EX prædictis fit manifestum, q̃ nunquam potest haberi Lunæ eclipsis, nisi tempore oppositionis, siue plenilunii. Nunquam enim alias contingit alterum prædictorum planetarum esse in capite, & alterum in cauda draconis: neque alias unquam contingit simul illos inueniri sub ecliptica linea diametraliter oppositos: quod tamen est necessariū ut fiat Lunæ eclipsis. Nunquam item contingit terram interponi inter Solem & Lunam (cuius interpositio causat Lunæ eclipsim) nisi cum in his punctis sibi inuicem fuerint opposita. Extra hos enim punctos quotiescunque lineam protraxeris, à centro Solis ad centrum Lunæ, nunquam linea illa per centrum terræ inuenietur transire: quod argumentum euidentius est, eam diametraliter nō interponi. Item ex prædictis causa manifesta est, quare nō semper in oppositione Lunæ ad Solē habeatur Lunæ eclipsis. Oppositio enim singulis fit mensibus, rarò autem eclipsis: nimirum quia nō in qualibet oppositione Luna inuenitur sub linea ecliptica, nec in capite, nec in cauda draconis. Nunquam autē eclipsis Lunæ fieri potest (ut diximus) nisi quando Luna simul eum Sole sub ecliptica inuenitur.

CAPVT XXXIII.

Quòd aliquando fieri possit eclipsis Lunæ partialis.

Quamuis autem perfecta & totalis Lunæ eclipsis non possit fieri, nisi cum sub linea ecliptica diametraliter oppo-

*Quare nō
semper fit
in opposi-
tione ecl-
ipsis.*

opponitur Soli, potest tamē fieri eclipsis imperfecta & partialis, cum prope caput aut caudam draconis fuerit ferē diametraliter, quamuis nō omnino diametraliter opposita Soli intra metas siue terminos eclipsis, qui sunt x 11. gradus ante & post caput uel caudam draconis secundum longitudinem. Luna enim existens ita propinqua ad oppositionem diametralem Solis, intra tale spatium, & in partem sui eclipsatur, magis uel minus, iuxta quod uicinior est capiti, uel caudæ draconis, aut ab eis distantior. Non tamen planē totaliter eclipsari potest, nisi cum in capite aut cauda fuerit diametraliter Soli opposita. Est tamen aduertenda differentia inter eclipsim Lunæ totalem, & uniuersalem siue generalem. Totalis enim eius eclipsis dicitur, quando penitus, & totaliter secundum omnes partes priuata est Solis lumine. Generalis autem siue uniuersalis eius eclipsis dicitur, quādo generaliter omnibus apparet luminis defectus. Ex quo consequitur omnem eclipsim Lunæ, siue totalem, siue partialem, esse generalem: Luna enim eclipsim patiens undecunque uideatur, talis apparebit. Corpus enim quod denigratum est, aut maculam habet uel obscuritatem, siue in toto, siue in parte, undecunque aspiciatur, talem denigrationem aut obscuritatem habere cernitur, ita luna umbra terræ perfrisa & obscurata, undecunque uideatur, iudicabitur ut priuata solis lumine, siue secundum totum, siue secundum partem. Non ergo conuertuntur eclipsis Lunæ totalis & generalis, cum etiam partialis probata sit esse generalis. secundum eam enim partem qua aliquibus lumine priuatur, nemini potest apparere aliter quā luce priuata, nec secundum eam partem aliunde uidetur illuminata, cuius contrarium est in eclipsi partiali solis, ut ex sequentibus fiet manifestius.

CAPVT XXXIIII.

De eclipsi Solis quando, & quomodo fiat.

CVM uerò luna est in coniunctione ad solem, si coniunctio fiat diametraliter sub linea ecliptica, ita coniungantur luna soli in capite uel in cauda draconis, per
Quomodo Sol eclipsatur.

DE COELO ET MVNDO

interpositionem Lunæ inter Solem & nostrum aspectum, cōtinget nobis Solē eclipsari. Cū.n. Luna sit corpus opacū, & nō transparens, penitus illuminari à Sole nō potest, sed illuminatur tm̄ à Sole secūdum suam medietatem, uel maiore partē (eò quod Sol maior sit Luna) proliciturque umbra uersus aspectum nostrū & obumbratur nobis claritas Solis, sicq; nobis Sol eclipsatur. Quod non ita intelligendū, quasi Sol uerē possit lumine priuari, cuiuscunq; corporis obiectione. Est.n. hoc planē impossibile, cū Sol à seipso, & nō ab alio suum habeat lumen. Sed quantū ad nostrum iudicium, nostrūq; aspectū dicitur eclipsari, quia scī licet nobis uideatur eius lumen deficere, quod nobis propter interpositionem opaci lunaris corporis non appareat. Quomodo autem superius de Luna diximus, quod perfectē & totaliter non eclipsatur, nisi cum ipsa sub linea eclipctica opponitur Soli in capite, aut cauda draconis: ita de Solis eclipsi dicendum est, quod perfecta fieri non possit, nisi quando est diametralis coniunctio Lunæ & Solis sub eclipctica linea in capite aut cauda draconis, ambobus in capite, aut ambobus in cauda existentibus, & diametraliter sibi inuicem ita oppositis, ut eadem diameter per utriusque centrum transeat. Potest tamen fieri partialis Solis eclipsis, etiam tunc quando Luna est in coniunctione ferē sub linea eclipctica, prope caput aut caudam draconis intra metas, uel terminos eclipsis, de quibus prædictū est. Inter eclipsim autem Solis totalē, & partialē hæc differentia est: quod in totali eclipsi, existente cōiunctione directe in capite uel in cauda draconis totum corpus Solis illis obumbratur, & obtenebratur, quibus est eclipsis, ita ut nihil uideant de globo Solis. In eclipsi autem partiali, quando coniunctio tm̄ est prope alterū dictorum punctōrū non obtenebratur totū corpus Solis, sed solū pars aliqua, ubi contingit interponi lunam nostro aspectui. Et contingit interdum hanc eclipsim ita modicā esse, ut uix percipiatur, nisi macula aliqua sub solari corpore. Ex prædictis patet ratio, quare non semper in coniunctione Solis & Lunæ uideamus Solem eclipsari, quoniam uidelicet non in omni

omni conjunctione. Luna in aliquo prædictorum puncto-
rum inuenitur, aut propè intra metas eclipsis, sed frequen-
tius in alia parte zodiaci Soli coniungitur, extra punctos
prædictos. Manifestum est insuper omnino non posse fieri
Solis eclipsim, nisi tempore conjunctionis & nouilunij,
quemadmodum non potest fieri eclipsis Lunæ, nisi tem-
pore oppositionis, & plenilunij: quoniam uidelicet alias nõ
contingit Lunam obiici inter Solem & nostrum aspectũ.

CAPVT. XXXV.

Multiplex differentia inter eclipsim Solis, & Lunæ.

INter eclipsim autem Solis & Lunæ, non unica differen-
tia est. Primũ enim hoc ex dictis patet, quod eclipsis So-
lis requirit conjunctionẽ in eodem puncto, uel prope idẽ
punctum: Lunæ uerò eclipsis exigit oppositionem in pun-
ctis oppositis, Prior habet fieri tempore nouilunij, poste-
rior in tempore plenilunij. In priori, Luna interponi-
tur inter Solem & terram. In posteriori, terra inter Solem
& Lunam obiicitur media. In priore, umbra Lunæ terrã
obscurat, in secunda umbra terre corpus Lunę obfuscat. In
priori, tantum fit luminis ab aspectu nostro subtractio: in
posteriori, etiam realis luminis priuatio. Sunt præter hæc
duas duæ aliæ notabiles differentię, quarum prior hæc est
quod eclipsis Lunæ (siue totalis sit siue partialis) semper
est generalis in omni terra: eclipsis autem Solis, nunquã
est generalis. Priorem partem supra declarauimus. Poste-
rior uerò ita probatur, quoniam non simul omnibus Sol
eclipsatur, neque omnibus simul apparet lumen deficiens;
sed dum hi Solem eclipsari percipiunt, illi luce solis fruũ-
tur, & dum ad hos eclipsis peruenit priores illi lucis fulgo-
rẽ iã receperunt. Quia. n. sol in eclipsi suum lumen nõ per-
dit, sed tantum eius claritas obumbratur, ex interpositio-
nem Lunæ fieri potest, ut quibusdam obscuretur, quibus-
dam autem non. Cũ enim Luna sit multò minor tota ter-
ra, & Sol multò maior Luna, non potest umbra Lunæ to-
tam terram cooperire: maximè, quia iuxta prædicta) um

*Eclipsis
Solis nõ
quam est
uniuersa.*

bra terræ secundum acutiem pyramidalem continuo minuitur, propter quod etiam si terra esset æqualis tantû lunæ, adhuc non posset penitus ab ea obumbrari. Multò minus ergo nunc, ubi secundum ueritatem multò est maior (contingens uidelicet eam trigefies nonies) poterit ab ea penitus obumbrari. Vnde contingit fieri eclipsim in una regione, non aut in alia, imò contingere potest ut duorum uicinorum satis propinque commorantium uel consitentium, alter habeat eclipsim, alter non, utpote si intra unius aspectum & solem sit interposita Luna, non autem inter alterius aspectum: aut ille sit in umbra Lunæ, hic autem nō utpote si illum tangat pyramidis acuties umbræ lunaris, nō autem hunc aliquantulum distantem ab altero. Nequaquā ergo potest fieri solis eclipsis generalis in uniuersa terra. Tunc enim totam terram posset obumbrare luna, quod est impossibile. Totalis autem eclipsis solis, aliquibus potest fieri. Ad hoc enim non amplius requiritur, quā ut sol in aliqua parte per directam interpositionem lunæ penitus subtrahatur illic in habitantium aspectui. Tunc enim nobis est totalis solis eclipsis, quando nostro aspectui totaliter eius lumē subtrahitur, propter directā interpositionē corporis lunaris inter solē, & nrū aspectū. Verū interim dum nobis ita totaliter eclipsatur in aliis partibus terræ, nec partialiter uidebitur eclipsari, eo q̄ quantum ad illas partes terræ, non sit interpositio lunæ, sicque generalis esse non poterit. Altera differentia est, quod eclipsis solis incipit a parte occidentali corporis ipsius, eo qđ luna per proprium motum uenit ab occidente. Sed eclipsis lunæ uenit primo a parte orientali corporis eius, eo quod ipsa proprio motu ab occidente ueniens intrat umbram terræ, quam primo tangit in parte sui corporis orientali: uentamen prius partem umbræ occidentalem ingreditur.

CAPVT XXXVI. De nouilunio & plenilunio.

OPortunè quoque hoc loco, & de nouilunio, & plenilunio, & uaria lunæ illuminatione dicendum. Aduertendum

tendum proinde est, quòd cum luna ex se lumē nō habeat, sed omne suum lumen recipit à sole, omnis ratio mutuatio-
nis, & uariæ illuminationis per respectus uarios ad solē de-
bet considerari. Est enim luna corpus admodum opacum,
quod non potest à solis lumine (quátumuis fortī & ualido)
totaliter penetrari, sed tantum secundum mediam partē,
uel amplius, ab eo potest illuminari. Illic autē illuminatur,
ubi à sole respicitur. Propter quod non semper in eadē sua
parte lumen habere cernitur, eo quòd non semper secun-
dum eandē partem à sole respicitur, sed nunc desuper, nūc
ab infra, nunc à latere hoc aut illo. Et secundum hanc illu-
minationem diuersam, cōtigit omnis in luna mutatio. Quā-
do enim luna est coniuncta soli, ita ut pariter inueniantur
sub aliqua parte zodiaci, superior eius medietas, q̄ est uer-
sus astra, est illuminata: inferior medietas uersus terrā, ob-
scura est, proijcitq; umbra. Et tunc nouiluniū dicimus. He-
bræi uerò neomeniam appellabant, id est, nouum mensem.
Distinguebant enim menses per lunæ cursum, ita ut sem-
per à nouilunio mensem inchoarent, suasque calendas ip-
sum diem conjunctionis habebant. Deinde uerò, cum luna
suo motu celeriori à sole incipit recedere, incipit simul &
& lux eius à parte superiori ad inferiorē permutari, inci-
pitq; nobis lux aliqua apparere in nostra medietate. Et quā-
to luna à sole amplius declinat, tantò magis à parte supe-
riori lumen recedit, & in parte laterali (propter lateralem
solis aspectum) illuminatur. primum quidem ut cornuta
modice, & appellatur bicornis, deinde pleniori lumine, &
quarta crescens uocatur: quæ cū plena fuerit, quasi semi-
circulus apparet, quando est luna septima. Post hanc ue-
rò quartam primam incrementi lunaris, cōtinuò ad plenitudi-
nē circuli tendit, sē ampliorē à sole declinationē, usque
dum ad similitudinē pleni circuli uenerit (qđ sit luna 14.)
ita ut sol & luna inueniantur in partibus zodiaci oppositis.
Tuncque pars eius inferior uersus nos, totaliter illuminatē
superiori omnino remanente priuata lumine, appellaturq;
pleniluniū, eo quod nobis tunc plene illuminata uideatur,
licet secundum ueritatem æque semper sit illuminata. Atq;
hio

Nouilunium.

DE COELO ET MVNDO.

hic finitur medietas mensis lunaris. Post hoc iterum incipit luna soli appropinquare, & per consequens ab inferiori parte lumine priuari, & uersus superiorem partē lumine crescere, rursusq; ut cornuta à parte altera, & semicirculi in modum apparet, luna xx i. donec tandem iterum habeatur ex cōiunctione nouilunium. Sicque perpetua hac instabilitate luna mouetur uelocissimo suo motu quadruplicem sibi singulis mensibus uarians illuminationem.

CAPVT

XXXVII.

De eclipsi facta tempore passionis Christi.

QUæ autem in capitulis præcedentibus de Solis eclipsi dicta sunt, oportune nimium cōducere uidentur ad considerationem eclipsi solaris, quam in sacris Euangelij factam legimus media die, pendente in crucis patibulo solis, lunæ, altorumq; omnium, imò cœli & terræ conditore Christo Iesu domino & Deo nostro: quæ tam notabilis & supra naturam insolita fuit, ut etiam gentilium historijs, posterorum memoriæ sit prodita: præter quod dī uinus ille Dionysius Areopagita, tum in Aegypto apud Heliopolum Philosophus, in epistola ad Policarpum se pariter cum Apollophe summo Philosopho eandem se conspexisse, & cum admiratione maxima diligenter cōsiderasse testatur. Constat enim ex prædictis, hanc eclipsim nequaquam secundum naturam potuisse fieri, sed supernaturali tantum uirtute. Nam tempus passionis Christi minimè conueniebat tempori solari eclipsi. Hæc. n. (ut ostensum & probatū est) non nisi in coniunctione solis & lunæ fieri potest. Tempore uerò passionis Christi plenilunium erat, & oppositio lunæ ad solem. Quod præter testimoniū Dionysij, qui se asserit cum Apollophe in oppositione eam conspexisse, manifestè ex sanctorum Euangeliorum auctoritate monstratur, quæ describunt Christum tempore Paschalis solennitatis in sancta Parasceue passum & immolatum. Paschalem autem solennitatem (ut ex legis præcepto habebant) Iudæi plena luna celebrare debebant, luna scilicet

*Dionysius
Areopagi
taeclipsim
aduertit
passione
Christi.*

scilicet quintadecima:quemadmodum legimus Exodi 12. cap. Non solum igitur tempus non fuit secundum naturam accomodum Solari eclipsi, uerum etiam maxime incommodum. Nullo enim tempore impossibilius est eam fieri, quam tempore oppositionis. Nunquam enim longius Sol & Luna absunt à coniunctione, quam oppositionis tempore. Exactius autem cuncta quæ in hac eclipsi contigerunt considerantibus, in uno portento quinque simul concurrunt considerata miracula, quæ ad gloriam immolati in cruce agni, particulatim nos minime pigebit explicare. Primum itaque fuit ex parte temporis, quoniam (ut iam diximus) secundum naturam erat ad eclipsim generationem minime conueniens. Secundum erat in cursu Lunæ, quæ naturaliter suo motu proprio ab occidente in orientem progreditur. In hac autem eclipsi, uisa fuit à Dionysio motu uelocissimo reuertens præter naturam ab oriente uersus meridiem usque dum stetit sub Sole, ubi per tres horas quieuit, & Solis lumen mortalibus occultauit. Post uero mortuo domino ad proprium locum uersus orientem, motu celerrimo, ueluti in instanti regressa est. Atque ita quidem hora sexta & nona apparuit sub Sole, uespere autem occidente Sole in oriente apparuit opposita Soli. Tertium miraculum fuit ex parte, à qua incæpit eclipsis: nam supra declaratum est, eclipsim Solarem debere secundum naturalem ordinem incipere à parte Occidentali corporis solis. Illius autem eclipsis fuit initium à parte Orientali solis. Nam Luna (ne iam dictum est) retrocessit ab Oriente uersus meridiem, sicq; primo Solè tetigit ex parte Orientali. Quartum fuit miraculum ex parte in qua post peractam eclipsim primum cæpit corpus Solare lucidum apparere. In eclipsi enim naturali, pars illa solis, quæ primum obumbratur interpositione Lunæ, prima incipit apparere lucida post eclipsim medium. In hac autem eclipsi ordine contrario (quod mirabile est) pars illa quæ primo obscurata fuit, & quam primum subintrauit corpus Lunæ, postremò apparuit suo lumini restituta. Vltima uerò pars, Solis, & quam nouissime luna intrauit (pars uidelicet Occidentalis) primum detecta apparuit, &

*Quinque
miracula
in una eclipsi.*

paruit, & ab obscuracione libera: Non enim pertransiit luna solē, uti solet in naturali eclipsi, sed sub eo iterit triū horarum spatio, ac deinde, non pertranseundo solem reliquit, sed sursum ad locum unde uenerat (id est ad Orientē) redeundo. Quintum fuit miraculum, ex mota & duratione eclipsis. Nam eclipsi solis sē naturam diu durare non potest, sed ocysimē, & celerrimē absoluitur propter nimiam solaris corporis ad corpus lunare superexcessum secundum quantitatem, & uelocissimum lunę motum. Propter quas duas causas concurrēte. non potest corpusculum tanto minus, corpus tanto maius nostro subtrahere aspectui. Siquidem (propter motū uelocissimum) luna non diu potest nostro aspectui occultare solē, corpus tantæ molis, quin aliqua ex parte mox emicare, & effulgere incipiat nostro aspectui. Quemadmodum uidemus ad oculum, nonnunquam magni corporis molem nostro aspectui abscondi per minimi corporis interpositionē: quod tamen si uel ad trāuersum unguem aut latum culmum loco moueatur, mox sub aspectum nostrum sese offeret, quod ante fuerat occultum. Vt cum (exempli gratia) ante oculos manum tantum tenentes, ita prohibemus ne cōspiciamus globum Solis, qui mox se ingeret nostro aspectui, si uel minimum eā mouerimus. At uero eclipsi ista (de qua loquimur) tam admirabilis & horrenda, nō modici tēporis fuit, neq; ad momentum transiens, sed perpetuò trium horarum spatio, ab hora sexta (ut Euangelista ait) usque ad horam nonam. Cū ita uerò hæc miracula beatus pater Dionysius Areopagita, in supradicta epistola, paucis uerbis particulariter uideatur attingere quēadmodū ex ipsius epistolæ uerbis: Astro nomicæ rei perito facile fieri potest manifestum.

CAPVT XXXVIII.

Quod eclipsi ista tempore passionis fuerit uniuersalis.

Super hæc uerò omnia, forsitan & aliud miraculum sex tū adiciendum erit, secundum naturā, multò etiam Magis, quā præcedentia impossibile. Videtur enim eclipsi ista

ista de qua loquimur, fuisse penitus uniuersalis in uniuerso orbe. De quo tamen contrariæ extant sententiæ. Nam aiunt quidam tantum in Iudæa fuisse hanc eclipsim, & quod Euangelistæ dicunt tenebras factas super uniuersam terram limitate intelligunt de terra Iudææ. Atque hi nihil opus habent aliud superaddere miraculum. Altera uerò probabilior, & scripturæ rationi, atque historicæ fidei magis consona opinio est, quæ uniuersalē dicit fuisse hanc eclipsim, super uniuersum orbem. Est. n. hoc magis scripturæ consonum, quæ simpliciter dici super uniuersam terram factas esse tenebras. Deinde & rationi magis consentaneum est, postquam ad glorificationem pendentis in cruce, mundi conditoris eclipsim fieri uoluisset gubernator naturæ, ut miraculum istud palam omnibus in toto mûdo exhiberet: quandoquidem ad omnium salutem, agnus ille in Iudæa immolabatur. Et decebat apud omnes, lapidem hunc reprobaturum cœlitus clarificari: ita ut esset etiam exteris nationibus in testimonium abominandi facinoris, tam insolita conspecta eclipsis. Quod etiam rei docuit euentus. Non enim solus ille in Iudæa Centurio, uisus iis quæ facta fuerant, dixit: Verè filius Dei erat iste. Verumetiā apud Helioptolm in Aegypto Dionysium audiuius conspectare admiranda, memorabili uerbo exclamasse coram sodalibus, Aut Deus naturæ patitur, aut mundi machina dissoluitur. Et ex hoc signo apud Athenas (quod in actis apostolicis legitur) ignoto Deo fertur aram fuisse inscriptam. Præterea, miraculum illud de retrocessione umbræ solaris in testimonium sanationis Ezechie regis, non in sola Iudæa exhibitum neque perceptum fuit, uerum etiam in exteris nationibus. Vnde & regem Babyloniorum, legimus misisse ad eum literas, & nuntios, ut inquirerent de portento, quod acciderat super terram: quemadmodum in libris Paralip. legitur. Quanto magis erga signum istud, quod ad clarificationem Saluatoris mûdi fiebat, non in Iudæa tantum, sed & in exteris regionibus decuit uniuersale fieri? Monstrat hoc ipsum fides historiæ, quoniam (ut Eusebius Cæsariensis refert) Phlegon egregius Olimpiadum supputator, lib.

Ps. 117.

Matt. 27

Dionysii
memorabile dictum.

Act. 17.

Par. 32.

Eusebius
Phlegon.

DE COELO ET MVNDO

lib. xiii. de hac eclipsi ita testatur: Olympiade cccxi. magna & excellēs inter omnes, quæ antea acciderant, defectio Solis facta est, & dies hora sexta ita in tenebrosam noctem uersus, ut stellæ in cœlo uisæ sint, terræq; motus in Bithynia Nicenæ urbis multas ædes subuerterit. Ex cuius uerbis manifeste patet, nec terræ motum peculiare fuisse Iudæ, nec Solis deliquium. Id quod ex conspectu stellarum probatur. Non enim efficere posset eclipsi Solis particularis, ut ullæ stellæ in cœlo conspiciantur, cum lumen Solis non tollatur, unde prohibetur stellarum aspectus. Maius. n. lumen obfuscet minus. Vnde licet nobis abscondatur globus Solis, non ob hoc lumen eius aufertur, quo obfuscantur stellæ, ut uideri non possint, Apparet ergo non solum fuisse particularem illam eclipsim. Quod si roges, quo modo fieri possit ut fuerit uniuersalis cum Luna (ut supra dictum est) non possit sua interpositione totum corpus Solis occultare ab aspectu nostro? hoc uidelicet est, quod dicimus nouum miraculum esse, uniuersalitem istius eclipsi, ut facta intelligatur non solum per interpositionem Lunæ inter Solem & terram, sed simul & per radiorum solarium retractionem. Diuina siquidem uirtute factum creditur, ut Sol quasi exhorrescens impiissimum scelus, quod super terram tunc gerebatur, suum lumen à terra continerit (quod nunquam fecisse legitur ab initio sæculi) indignū ducens suo lumine terram lætificare, quando suum creatorem conspiciebat tam atroci & ignominioso mortis genere ab impiis cruciari. Itaq; quemadmodum Lunæ eclipsi uniuersalis intelligitur per realem totius luminis subtractionem, sic & istam imaginamur factam, per realem luminis à toto orbe subtractionem, quod nunquam secundum naturam in eclipsi Solis potest contingere. Et ne cui nouū hoc commentum uideatur, inuenimus planè huius sententiæ fuisse Beatum Hieronymum. Denique quòd Dionysius, & alij cum eo Philosophi in Heliopoli ad contemplationem huius eclipsi animum intenderunt non est uerisimile factum esse, nisi quòd etiam ipsi experirentur tenebras. Cum enim nullo modo secundum cūrsū naturæ

tempus

Questio.

Solutio.

tempus esset eclipsis, nullam habebant causam neque occasionem ad rem istam aduertendi animum, nisi quod easdē quas in Iudæa patiebantur tenebras sceleris perpetratores, sentirent etiam ipsi, ut fierent rei incognitæ admiratores. Vnde uerissimile est propter subitas, & inopinatas tenebras quas sentiebant, mox incœpisse illos applicare animum ad huius rei considerationem, quemadmodum ab initio (ut Philosophus testatur) ex admirati cœptum est philosophari. Apparet ergo nō in sola Iudæa fuisse hanc eclipsim particularem, sed pœnitus in omni terra uniuersalē: quemadmodum terræ motus nō solum particularis fuit in Iudæa, sed etiam in aliis nationibus, ut retulimus ex descriptione digni fide etiam gentilis historici. Quæ uniuersalis eclipsis cum fieri non potuerit per solam Lunæ interpositionem, consequitur debuisse Solem suos continere radios ut concordi testimonio, & una compassione terra mota, disruptæque petrae in inferioribus, & luminaria obscurata superne, lugerent simul & clarificarent reprobatum lapidē, appensum in cruce Christum Dominum.

CAPVT XXXIX.

Solutio cuiusdam obiectionis, & libri conclusio.

VErum contra hanc nostram sententiam obijciat fortitan aliquis: Quonā modo hæc constant, ut Solem dicamus continuasse lumen, stellas tamen in cœlo potuisse uideri? Siquidē (ut iam antè dictum est) à Sole cætera astra lumen accipiunt. Si ergo (quemadmodū refert Phlegon) stellæ in cœlo uideri poterant, certe & Solem oportuit luce non esse priuatum. Alioqui & stellas suum lumen perdidisse, ablata namque causa, auferri oportet etiam effectū. Huic obiectioni respondebimus, dicentes, Solem quidem non secundum substantiam priuatum fuisse lumine, qđ illi secundum suam substantiam indeficiens dedit altissimus, sed tantū suum lumen coniunxisse, & suos radios retraxisse, ut super terram eos non effunderet, nec aerem solito lumine illustraret. In terra enim scelus erat, quod exhorrescebat,

Obiectio.

infimum delapsi, nempe in illum qui suo ipsius testimonio uermis fuit, & non homo, opprobrium hominū, & plebis abiectionis uirorū nouissimus, uir dolorum & sciens infirmitates, cuius aspectus tanquam leprosi fuit, & non erat ei species neque decor, cuius præ humilitate iudicium sublatum est, lapis reprobatus, agnus occisus, hircus pro peccato, caper emissarius in crucem adactus, tandem fessum calamum in eo reponamus, Siquidem bonum est nos hic figere pedem, bonū est calami cursum sistere, atque in huius passionibus conuiuiscere. Fasciculus enim mirrhæ dilectus noster nobis, & sponsus sanguinū ipse est nobis, qui dū incerta ubera cōmōratur, miras præbet cordis ueras, solasq; puras delicias. Et licet multa admodū iā diximus, in quibus altissima clarescit patris omnipotentia, & magnificentissima refulget eius gloria, ueluti de cœlestium orbium incōprehensibili, & inestimabili magnitudine de astrorum innumerabili multitudine, de cursu primi mobilis incogitabili celebritate de ordinatissimis singulorum planetarū moribus de Solis gloria, de claritate luminarium, de mirabili ordine pleilunij, nouilunij, ac aliis huiusmodi compluribus, quæ nostrum animū ad canendam alacritate spiritus gaudiosa cantica merito ualeant prouocare: præeligimus tamen ad libri huius conclusionem, in hoc terræ infimo reprobato lapide conuiuiscere, & super doloribus ac humilitate eius uocē fletus assumere. Vicit enim admiratio humilitatis eius omnium conditorum supernorum gloriam. Siquidem in humilitate iudicium eius sublatum testatur Propheta. Nos proinde euolationis uocem eleuantes, lamentationē canamus pendenti in cruce agno, qui tulit peccata mundi, cuius est nihilominus cum patre & spiritu sancto æterna gloria in secula seculorum. Amen.

Cant. I

Esa. 53.

FINIT LIBER SEPTIMVS.

Sol cognouit, nō cognouit hō: Luna ī plenitudine sua uidit exaltatū.
Cæli obstupuerunt, illudente Iudæo: & omnis ordo cælestium con-
turbatus est.

Sol retraxit lumen suum, & continuuit super iniquitate, quam ui-
dis in terra, radios suos.

Lunæ respuens plenitudinem suam subito se gyrans per meridiem
Soli se supposuit.

Nuditatem appensi operuerunt tenebris suis densissimis: denuda-
uerat enim Iudæus ad confusionem patrem suum.

Maledictus puer Chan, & maledicta hæc posteritas eius: erunt
serui cunctarum nationum, & dispergentur in omnes populos.

Petræ scissæ sunt, terra mota est: fundamēta mōtū cōturbata sunt.

Inanimes creaturæ (quibus non est intellectus neque ratio) cogno-
uerunt creatorem suum: & multa potentia gloriose clarificatus est
in eis.

In terris uisus non est agnitus. populus peculiaris repulit creatore
suum. in crucem subleuatus est, & claruit maiestas.

Qui gloriantur se habere scientiam Dei, & pollicentur cæcis duca-
tum, quasi talpæ non agnoscunt Solem: inanimes creaturæ (cui non est
cor neque ratio) agnoscit etiam nube obtectam.

Reuertere. Luna in locum tuum, reuertere: quoniā expirauit Deus
consummata clāmans omnia.

Restituatur nobis lumen tuum, dominator Sol: ut uideamus ad se
peliendum mortuum.

Ita pater, ita Deus, ita dominator dominus: quoniam sic placitum
fuit ante te.

Sic sic Christum pati oportuit, & in ligno iterum clarificari.

Propter nos uniuersa ista per te scimus esse completa, omnia pro-
pter electos tuos.

Ita pater, uoluisti exaltari in ligno dulcem filium tuum, ut exulta-
tus ad se cuncta attraheret.

Ut cognoscant quoniam ipse est quem misisti in mundum: gloriosi
prodigiū illum uoluisti glorificare in nationibus.

Operiat nos Iesu bone ignominia tua: & impleatur cor nostrum
ab ea.

Educ de oculis nostris lachrymas: per diem & noctem non cessent
oculi nostri.

*Non contineat se super te os meum: & labia nostra confitebuntur
nomini tuo in sæculum.*

*Dicant nunc quæ longè sunt nationes, quoniam regnavit à ligno
Deus sempiternus.*

Hierusalem Hierusalem converte ad Dominum Deum tuum.

FINIT LAMENTATIO.

IN LIBRVM OCTAVVM CONSIDERA

TIONIS PHISICAE, DE ANIMA IN GE-

NERE, DEQUE POTENTIIS VEGETA-

tivis specialiter: item & de longitudine
atque brevitare vitæ.

PRAEFATIO.



OMNIA quæ fecit altissimus, exqui-
sita iuxta omnes volûntates eius,
summa utique confessione sunt
admiranda. At verò præ oïbus
hominis origo amplius est spe-
ctanda. Quippe magnum mira-
culum sunt singula hominis mē-
bra, singulæ vires, singula orga-
na, singulæ operationes. Signa
quærunť homines desuper, &

prodigia stupida spectant. Miraculorũ omnes cupidi sumus:
cũ sint hæc omnia intra nos verissima, spectatuq; dignissi-
ma miracula. Quæ verè non sunt miranda, miramur attoni-
ti: vera miracula nõ est qui admiretur. Ecce enim ipsum ca-
pit suum quod supra humeros collo iunxit Deus naturæ,
quisquis apprehenderit, magnum ille & multo maximum
miraculum tenet, quippe in quo tã mira sunt opificia suis
quæq; officinis distincta, sub unius cranei osseo tegmine,
ut hu-

ut huius miraculi nemo sufficiat, nec Physicus, nec Medicus indagare celsitudinem, aut dignè etiā admirari. Quāobrem nō frustra Græcorum sapientes solenni præscripserunt apophthegmate, *γνώθι σεαυτὸν*, q̄ Latinis sonat, Noſce te ipſum. Intra nos. n. habentes mirabiliſſima, qualia non ſunt in cœlo ſurſum, neq; in terra deorſum, nihil opus habemus foris quæ admiremur, aut in quibus oblectemur expetere. Neque maria nobis in hoc ſunt enauiganda, ut quæ mira prædicantur cernamus cum mirabilia multa q̄ uſquam locorum inueniri poſſint, ipſi ſemper circumferamus, atque id quidem uerum eſt, & indubitatum, etiam ſit ea tantum quæ corporis ſunt conſideremus. Quod ſi ad interiora animæ fuerimus introgreſſi quaſi in ſecretoria penetralia, rem prorsus diuinam comperiemus, in creato corpore. Hac de cauſa non erit completum noſtrum deſideriū, donec & hæc Dei magnalia maxima quæ nobis ab anima (ſiue in ſeipſa, ſiue in corporeis organis) inſunt, balbutientes, rudi ſaltem traditione pandamus.

Nota

CAPVT I. *Quid ſit anima ſecundum ueritatem.*

Sic eſt humana generatio miſera, ut q̄ ſibi intima ſunt, non niſi obſcuriſſimè cognoſcat. Quo ſit ut animæ cognitio ſit nobis eò difficilior, quo ipſa eſt intimior. Vnde & ueteres Philoſophi diuerſiſſimas de anima ſententias, pro ſua quiſq; ſecta, reliquere. Qui tamè omnes in hoc cōueniunt, q̄ ipſam ponunt principium earū operationū quas de foris in animatis rebus cōſpicimus. Cæterum ſigillatim ſingulas eorum ſnias expendere, nō eſt noſtri propoſiti, ſatis habemus, animæ quidditatem ſimplici ueritate deſcribere eiſq; uires & officia deliniare. Quorſum enim attinebit, ſopitos & diu iā extinctos errores, reſuſcitatos in lucē reuocare? Animā autē definit Ariſtoteles hunc in modū.

Anima eſt primus actus, perfectioq; corporis naturalis. potentia uitæ habentis, & talis planè, ut eiſ partes ſint inſtrumenta.

Hoc eſt, anima eſt forma ſubſtantialis, ipſam materiā ſeu totum compoſitum actu perficiens cui in eſt, quæ po-

DE ANIMA ET POTENT.

*Hæc definitio cum
sua declaratione
a
pud Aristotelem
ponitur 1. cap.
2. libro de
Anima.*

tens est suū actuum seu operationem uitalem exercere in corpore Physico uarijs organis, & partibus ad hoc distincta. Anima hic capitur pro omni anima, siue uegetatiua, siue sensibili, irrationali, siue rationali: cum autem actū primum dicimus, omnes habitus species, potentias, aut accidentarias dispositiones abiicimus: quæ animæ ut sint instrumenta, certe nunq̃ aīa sunt dicenda. Et quanquā actus quidam dici possint (nimirū formæ accidentales) non sunt tamen actus primi & substantiales, sed actus tantū secundi & accidentales. Actus enim secundi sunt, quia à forma substantiali producuntur: & tantū sunt animæ instrumenta, quibus scilicet tanquam instrumentis in suis operationibus, utitur anima, quemadmodum potentia uisua utitur anima ut instrumento ad efficiendam uisionem: sicut forma substantialis ignis utitur calore ut instrumento ad quippiam calefaciendum. Sed anima actus prior est, à qua nimirum omnia ista procedunt. Quoniam uerò nullius artificialis operis anima est, idcirco corporis Physici actus ponitur, hoc est, forma rei naturalis. Actū .n. formā dicimus, & Physicum idem quod naturale. Non autē cuiuslibet corporis Physici forma est anima, sed talis cuius partes sint instrumenta, uel organa, quod omnino idem est, hoc est, organis diuersis adornatum atque distinctū ad diuersas uitæ operationes exercendas. In hoīe .n. oculus, auris, manus, os, uenter, cor, & cætera oīa sunt organa diuersa diuersimode disposita, ad diuersas uitæ operationes. Et quæ pauciores inter uiuentia habent operationes, ut plantæ, conspiciuntur et pauciora habere organa, radices, medullas, neruos, atque huiusmodi pauca. Quæ uerò omnino nō uiuunt (ut elementa, uel etiam inanimata multa atque metalla) non habent eiusmodi organa, quod nullas habeant uitæ peculiæres operationes. Et ne credatur cadauer etiam animam habere, & ne forma cadaueris anima putetur, dicitur anima esse actus eius corporis organici, quod uitam habeat in potentia, hoc est, quod per hæc ipsa organa possit uitæ officia exercere. At in cadauere, nō est ultra oculus uel auris ī potetia, ut audiat, uel uideat, nihilo certe amplius, quā trunci

aut

aut elementi cuiuspiam partes. Quare & cadaueris forma per putrefactionem statim hæc omnia ut sibi inutilia dissipat, ut paulò post animæ abscissum, cadaueris forma, digitos & nares & oculos & uniuersa prius uariè disposita organa, æquet in puluere, & cinere. Repetit Arist. animæ definitionem ferè ijsdem uerbis: Hisce uidelicet.

Anima est perfectio prima, primusque actus corporis naturalis, cuius partes sunt instrumenta.

Quæ sic quoque redditur.

Anima est actus corporis Physiologi organi, uitæ habentis in potentia.

Nec minus congruè & ab officiis definiri potest anima, hoc modo: Anima est principium quo uiuimus, sentimus, atque mouemur.

CAPVT. II.

Diuisio animæ, & quæstionis cuiusdam determinatio.

Dividitur autem anima in uegetantem, sensitiuam, & rationalem, diuicta tria præcipua animæ officia.

Prima est in omnibus uiuentibus: secunda in sentientibus, tertia in omnibus hominibus. In plantis est sola uegetans: quoniam hæ nec sentiunt, nec ratiocinantur. In brutis, est anima & uegetans & sensitua. In hominibus, est anima & uegetatiua & sensitua, & insuper rationalis etiam in illis qui debitum ratiocinationis actum, ob indispositionem uirium interiorum atque organorum habere nõ possunt.

Verum ex his uidetur oriri quæstio, debeantne in homine poni tres animæ, locali situ in diuersis se iunctæ partibus, an magis coniunctæ. Rursumque si coniunctæ loco, an re plures ponendæ sint hæ animæ, an ratione tantum differentes, ut una anima hæc tria sortietur officia atque nomina. Sic item de duabus animabus in brutis quæstio formari poterit. Sanè hæc ambiguitas solet scholasticis exercitationibus, magnum campum præbere, & sunt hac de re contraria sentientes Philosophorum sectæ. Nos uerò nostri instituti meniores, propositam breuitatem tenere cupientes, hoc tantum (quod uidetur uerisimilius) citra præiudicium eorum quibus contraria magis placet sententia,

*Arist. 3.
ca. 2. lib.
de anima*

*Quæstio
an unica
an plures
in homine
sint ani-
mæ.*

Solutio.

DE ANIMA ED POTENT.

asserimus: In bruto quolibet secundum rem unicam inesse animam, quæ à sentiendi officio, sensitiva: à uegetandi officio, uegetatiua nominatur, diuersis utique (sicut per se claret) rationibus, & hanc animam uegetantem pariter atque sentientem, per totum quod informat corpus esse dilatatam, quanquam operationum quarundam certas, & determinatas habeat sedes uel officinas, in quibus ipse aut solû aut excellentius perficiantur, quàm in cæteris partibus. Sic & de hominis anima sentiendum, eam uidelicet unicam esse in omnibus corporis partibus, eandem & uegetatiuam & sensitiuam & rationalem à qua corpori sit, ut uegetetur, & sentiat, quæq; homini ratiocinandi potestatem donet. Includit autem rationale sensituum, & uegetatiuum, sicut terragonus includit trigonum, id est quadrangulare triangulum, & sicut perfectû includit imperfectum absque ulla compositione. Quod ita debet intelligi, quia in quocunq; inuenitur potetia ratiocinandi, in eodem sunt anima uegetatiua, & sensitua, at non e contrario: & in quocunque est sensus, est etiam potetia uegetatiua, at non e contrario. In plantis enim est uita uegetatiua, non autem sensus uel ratio, quemadmodum in quadrangulo includitur triangulare, sed non e contrario. Non enim ubi tres anguli sunt, statim ad sunt quatuor. Vnus enim deest, & uno superatur triangulus à quadrangulo.

*Arist. 3.
ca. 2. lib.
de anima.*

CAPVT III.

Quod sit potentiariû anima subiectû, & an possint ab anima separari.

*De subie-
cto poten-
tariû ani-
mæ.*

Rursum & illud de potetis animæ quæri solet, an sint in anima, an in coniuncto, id est, corpore & anima pariter iunctis, Itemq; si ullæ potetie possint ab anima separari ut absq; eis perdurare possit anima. Quibus erit breuiter satis faciendum: dicendo, quasdam uires animæ in anima sola esse, eas nimirum ad quarum exercenda officia corporis organum determinatum non habet, ut sunt uoluntas & intellectus quarum potentiariû operationes exercet anima, non per ullû corporis organum determinatû, etiâ si corporum

reorum

teorum organorū iuuetur ad miniculo. Quasdam uerò esse in coniuncto, id est corpore & anima, seu in ipso cōposito: eas nimirum, in quarum exercitiis anima eget organo determinato: ut sunt potentia uisua in oculo, memoratiua corporalis, & imaginatiua in cerebro, & ita de cæteris. Inter has igitur uires illæ quæ perficiunt suas operationes nō per organum corporeum, nō possunt unquam ab anima separari, nec sine eis esse anima aut permanere pōt. Quæ uerò sunt in aliqua parte corporis, & quæ ut perficiant suas actiones, egent organis corporeis, hæ animā non consequuntur emigrantem è corpore: & potest utiq; rationalis anima absque hmōi subsistere. Vnde anima à corpore separata non habet potentiam uegetandi, neque sentiendi, quanquā ad huiusmodi actiones possibilitatē habet. Nō enim idem existimanda est possibilitas sentiendi, & sentiendi uis naturalis, siue naturalis potentia. Omnino tñ in ipsa anima, potētia istæ radicaliter manent: ita ut si iterum in corpus mitteretur ad informandam, rursus in organis determinatis eas efficeret, quia tñ à corpore separata est, non actu & formaliter in se habet; nisi eas potentias quæ immateriales sunt.

CAPUT IIII.

Quòd sola rationalis anima manere potest à corpore separata, & quòd sola non educitur de potentia materia.

Consequitur insuper ex iis quæ prædicta sunt, cum anima uegetatiua, & sensitiua in plantis & brutis nullā habeant uim neque potentiam naturalem, quæ nō sit colligata corpori, non posse eas extra materiam, & corpus separatim permanere, sed necessario inuenire simul ut à corpore expelli eas cōtigerit. Anima uero rationalis, qm̄ aliqua parte supereminet corpori, & uires aliquas operationesq; naturales habet, quæ à materia non pendeant: idcirco (quatenus rationalis est corpori non penitus immersa, sed aliqua ex parte corpus excedens, & modo quodā per se subsistēs) potest separatim subsistere. Nec mori ipsam necesse est, cū à corpore migrat. Ea uerò parte qua sensitiua est, & uegetans,

DE ANIMA ET POTENT.

uegetans, non esset separabilis à corpore. Atq; hinc est q̃
dici solet animam sensitiuam & uegetatiuam educi de po-
tentia materiæ, non autem creari. Latent enim in mæe-
ria (ex qua uiuens concipitur) rationes seminales eiusmodi
formarum, sicut & cæterorū quæ animata non sunt, ita ut
hæ animæ (sicut & omnes formæ corporeæ) extrahantur
de materia, quæ est in possibilitate ad omnem formam per
actionem agentis creati. Anima autem rationalis quia præ
Anima nobilitate uirium à Deo sibi daturum secundum quas ima-
rationa- ginem Dei in se gerit, superexcedit corpus grossitiem atq;
lis nobili ignobilitatem, ideo de materia uirtute naturalis actionis
tas. elici non potest. Neq; latent in materia generationis, sed
Psal. 32 creantur à Deo sigillatim rationales animæ omnes, sicut si
gillatim infunduntur in sua quæq; corpora, testante Psal-
mista, quoniam Deus finxit sigillatim corda filiorum ho-
minum. In hoc tamen conueniunt omnes uires, tam ani-
mæ s̃m se, quā totius coniuncti, quod fluant oēs ab essen-
tiā aīæ: sicut à forma substantiali procedūt, & conseruant
accidentia rei, quæ in materia seruantur. Propter quod in
anima separata licet realitur non insint potentiæ illæ cor-
porales, quæ in exercitio suarum actionum indigent orga-
no corporeo, secundum radicem tamen in ipsa adhuc la-
tent, & propter solum defectum subiecti, in quo reciperen-
tur, deficiunt, non propter animæ impotentiam, aut natu-
ræ eius permutationem.

CAPVT V. De diuersis in anima potentiis.

Q Vanquam autem superius animam s̃m tres tantū po-
tentias diuisimus in uegetatiuam, sensitiuam, & ratio-
nalem, uel intellectiuam, sunt tamen potentiæ primò con-
uenientes animæ quinque numero, uidelicet uegetatiua,
sensitiua, appetitiua, motiua, & intellectiua. Quare autem
animam trimembri tantū diuisione dissecimus, ratio est,
quia duæ illæ potentiæ, appetitiua & motiua, non inueniū-
tur separatim absque aliis. In quocunque enim est uis sen-
tiendi, in eodem est & uis appetendi & secundum locum se-
mouendi

monendi, atque e contrario: neq; in ullo uiuentium hæc se parata inueniri possunt, propter quod ex neutra potentiarum illarum sumpta est animæ diuisio. Sic neque uoluntas (quæ tamen ab intellectu distincta potentia est) speciale aliquod membrum facit in diuisione animæ, quoniam nõ inuenitur in ullo uiuentiuni ab intellectu separata. In quocunque. n. est intellectus, etiam & uoluntas, & e contrario. Vnde sub intellectiuo comprehenditur uolitiuum, sicut sub sensitiuo appetitiuum, & motiuum & in locum. Generaliter autem distinguuntur in anima diuersæ uires atq; potentia, secundum operationum differentiam. Quotquot enim in homine sunt abinuicem differentes operationes, quæ ad unum non spectant organum, tot sunt potentia ab inuicem diuersæ. Vnicuiq; enim operationi correspondet in anima uis aliqua naturalis ad talem operationem efficiendā. Et quidē si operatio corporalis sit in organo aliquo corporali, aut in ulla parte corporis singulariter apparens, ipsa ēt potentia corporalis uidebitur, & ab anima quidē radicaliter effluens, illi tñ organo peculiariter insidens. Quem admodum (exempli gratia) homini operatio quædā in oculo adesse cognoscitur, per quā colores percipit & res coloratas gratia coloris dinoscit. Vnde consequatur esse in oculo uim quandam atque potentiam talis operationis effectiuam, quæ dicitur uirtus uisua. In lingua uerò operationē aduertimus, qua saporum percipimus differentias, quod in nullo aliorum membrorum percipimus. Vnde oportet huic operationi, uim quandam ipsius effectiuam respondere, quæ dicitur uirtus gustandi. Cū uero operatio ipsa per totum corpus, & singulas partes similiter extendi uidetur, oportet & ipsam uim ita per totum corpus expandi. Vnde quia actus tangendi singulis membris competit, necessario & ipse tactus per corpus totum expanditur, ac singula occupat mēbra. Item de nutritione dicendum & potentia nutritiua. Ex hoc uerò intellige, quā uariis sit anima potētis atque naturalibus uirtutibus adornata: utpote à quā tam multæ, tam uariæ, tam nobiles, tam eximie procedere cōspiciuntur operationes, ut eis contemplandis uix homo sufficiat,

Vnde potentiariū diuersitas colligitur.

DE ANIMA ET POTENT.

sufficiat, ut ne dicam enumerandis aut plenè comprehendendis.

CAPUT VI.

Partim esse à perfectione, partim ab imperfectione quòd homo tam varias habeat potentias.

QUOD uerò tam varias uires habeat homo secundum naturalium operationum multiplicium diuersitatē, partim quidem ab imperfectione est, quoniam omnis discessus ab uno, & simplicitate ex imperfecto est: partim uerò perfectionis est indiciū, quod per multas has uires ad multas ac varias operationes aptus conspiciatur homo, atque naturali efficacia idoneus. Vnde est considerandum quasdam res esse quæ paucissimas habeant operationes, quæ proinde multas potentias non habent. Aliæ sunt quæ multæ sunt perfectionis, sed hanc non nisi per multas obtinent potentias, & uarie separatas, ut patet in hominis uisu, auditu, phantasia, memoria, intellectu, affectu, uirgatiua, digestiua, ac cæteris. Sunt præter has res aliæ simpliciores, quæ magis ad unum, & summum bonum accedentes, multas nimis perfectionem paucissimis attingunt potētis. Hi sunt spiritus illi cœlestes, qui intellectu, & affectu nullo utentes sensu, nullisq; corporeis organis, multò pot sunt ampliora quàm genus humanum possit uniuersum. Super omnia est Deus seculorum, qui summam perfectionē simplicissima habet potentia atque unica uirtute, quæ nec ab ipsius essentia secernitur. Quandoquidem quicquid in Deo ponitur, ab eius essentia non distinguitur. Ipsius summæ atque simplicissimæ uirtuti oēs nostræ deferuiunt multiplices uires, ut magnificent gloriam nominis eius, quæ est sempiterna. Ipse est enim, qui simplicissima sua perfectione, nostra nos multiplicacè facit (licet imperfecte) perfectos: cuius proinde magnificæ bonitati nos decet in omnibus dare laudem & gloriam.

Deus perfectissimus & perfectissimæ uirtutis.

CAPVT VII.

Consideratio pulchra de correspondentia admirabili corporis & anime.

ILud uerò attentius considerantibus quantā præbet suauitatis dulcedinem; quod cum corpus res sit crassa, materialis, & ignobilis, anima uerò spiritus, & res nobilissima talis nihilominus & tanta inueniatur unius ad alterum correspondentia, talis harmonia, talis cōsonantia, ut maior uix possit cogitari. Sicut enim corpus hoīs super omnia mundi corpora mirabilissime est organizatum, atque pulcherrime distinctum, artificiosissimeq; fabricatum: ita & anima quæ huius corporis inhabitationi deputatur, nobilissima est atque pulcherrima: sic corpori correspondens, ut iuxta suam capacitatem & dignitatem ipsum totum impleat, eiusque omnia organa uiuificet & informet, omnibus illis tam diuersis organis dando uitam, sensum & motum, atque operationes peculiariter cuique conuenientes. Et quemadmodum in corpore est maxima & ornatissima diuersitas organorum, quæ tamen omnia secundum ordinem adinuicem coniuncta unum corpus efficiunt, nec obstat tanta partium diuersitas, quin in unū possint corpus cōpingi, imò tanto pulchrius, tanto ornatius, & spectabilius est hominis corpus, qđ ex tanta sit uarietate artificiosissime compositū, qđ si eiusdem dispositionis essent oīa membra. Ita proportionabiliter anima habet multipliciter nobilissimarum potentiarum, & dignissimorum officiorū, quorū quædam aperta sunt & sensibus exposita, plura uerò latent interius, certissima tñ experientia à nobis percipiunt & cognoscuntur. Habetq; anima diuersa ista officia, iuxta proportionē, & exigentiū organorū corporaliū, ita ut quot sunt mēbra organica distincta & qualitates, totidē sint & uirtutes & officia distincta ipsius animæ. Diuersitas enim organorum & instrumentorū in corpore, arguit diuersitatem potestatum, uirtutum & officiorū ex parte animæ. Nec tamē rāta hæc multiplicitas scindit, sed ornat aīæ unitatē. Quæadmodum. n. unus, idemq; hō diuersa pōt habere officia, & artes diuersas, quas exercet peruaria & distim-

*Ordinata
uarietas
est corpo-
ri ornatus*

DE ANIMA ET POTENT.

Cōtemplatio pulcherrima matrimonii inter corpus & animam

lia instrumēta, sic anima diuersas habet uirtutes, quas exerceat per dissimilia organa. Est autem hoc in magnum animæ ornatum & gloriam, quod ita diuersis sit instructa præditaq; uirtutibus (quæ omnes, radicaliter ab ipsa in corpus effluant) ut nullum omnino sit in corpore membrum quomodocunque dispositum, quod nō sua maiestate impleat, & cui non pro sua natura debitam uirtutem atque potentiā infundat: ita ut nullum membrum relinquat uacuum, cui non uitam, sensum, & motum cōcedat: nullum etiam sit organum, quod non pro suæ naturæ exigentiā debitam sibi uirtutem ab animæ plenitudine recipiat, ut oculus sumit uidendi uirtutē, auris audiendi, lingua gustandi, manus operandi, pedes ambulandi, genua sese incuruandi, atque uoluendi, & ita in singulis membris. Ecce uerō mirabile istud inter corpus & animam matrimonium, ecce pulcherrimā consonantiam & admirabilem coniunctionem inter membra corporis organica ex una parte, & uirtutes seu potestates animæ ex parte altera. Vide quomodo singula organica membra singulis uirtutibus desponsantur ac uelut nubunt & coniunguntur inuiolabili inseparabiliq; societate. Vides ex parte una corpus uelut substratum, cum multitudine diuersissimorum eorundemq; pulcherrimorum organorum: ex aduerso autem animam uides hoc corpus sibi desponsantem in corpus istud intrantem, totam plenam nobilissimis potentiis, & talibus potentiis, quæ singulis corporis membris respondeant. Quid hoc matrimonio pulchrius? quid hoc spectaculo iucundius? Vere qui hæc iunxisti, magnus ex Domine, & mirabilia opera tua: tu es Deus solus, & præter te non est alius, tibiq; gloriā canit omnis compago corporis nostri, & uniuersa animæ plenitudo, qui uiuis benedictus in æterna secula. Amen.

CAPVT VIII.

De potentiis anima uegetatiuæ in speciali.

VT autē per ordinē nunc de singulis determinemus, primò consideranda est potentia animæ uegetatiua, quæ alio nomine nutritiua appellatur.

Habet

*Habet autem hæc potentia vegetatiua tria præcipua officia,
alere, augere, & generare.*

*Aristot. 2.
lib. de ani-
ma 4. ca.*

Vnde potentia uegetatiua diuidi potest in potentiã nutritiuam siue altricem, augmentatiuam, & generatiuã, quæ tres potentia reperiantur in uitam habentibus. Prima est propter conseruationem substantiæ ipsius uiuentis.

Omne enim uiuens quandiu uiuit nutriri oportet.

Quia enim stabilia non sunt uiuentia, sed in fluxu continuo propter uirtutem igneam perpetuo consumentem, & partes aliquas deuantem, idcirco ad conseruationem substantiæ animalis operatur anima circa alimentum, ut ex eo continuo instauret, quod per resolutionem deperditur. Nam ubi continua est absque reparatione resolutio, fieri nõ potest, ut durabilis sit talis rei substantia. Quapropter rectè dixit Aristoteles, uiuens eousque nutriente indigere, quousque perseuerat, alimento autem priuatum non posse subsistere. secunda uis est augmentatiua, qua nimirum anima ipsum corpus in iustam & naturæ conuenientem potest perducere quantitatem. Nullum enim uiuentium ab initio habet perfectam suam quantitatem, sed per pusillum est cū uitam recipit: Anima uerò continua operatione sua, circa alimentum occupata, non solum curat id quod defluit restaurare, uerum etiam maiorem adicere quantitatem dum plus infulcit sua actione, quam sit consumptione deperditum. Est autem huius uirtutis à priori differentia, quoniã non oportet uiuens omne quamdiu uiuit augeri, nutriri uerò & alij simpliciter omnibus uiuentibus necessarium est. Est tamen secundum rem harum duarum potentiarum idẽ obiectum, sed ratione tantum diuersum. Alimentum enim & nutrit & auget: sed quantum reparat quod deperditum est nutrit: in quantum uerò etiam maiorem quantitatem reddit quã præfuit auget. Et est quidem anima principalis harum operationum effectrix, pro instrumento tamen habet naturalem calorem, per quem concoquit, & alterat nutrimentum (quod ante nutritionem est alito contrarium & dissimile) ut fiat simile, & aptum quod traiciatur in membra corporis alendi. Quia enim nutrimentum dissimile est ipsi quod nutriti & auge-

*Arist. 2.
lib. de an-
ima 4. ca*

DE ANIMA ET POTENTIA

& augeri debet, impossibile foret ex alimento fieri nutritio-
nē aut augmentationē nisi ipsum alteraret, ut simile fieret
alito. Hæc aut alteratio rectissime attribuitur calori, quo
tanquam instrumento & causa secundaria utitur anima: de
quo plura suo loco dicemus in sequentibus capitulis.

CAPVT

IX.

De uirtute attractiua, digestiua, retentiua, & expulsiua.

*Quatuor
potentia.
Attracti
ua.*

SVnt autem particulares quædam uires, potentijs iam
dictis subseruientes, ut pote sine quibus fieri non possit
nutritio, uel augmentatio.

*Eæ sunt, uirtus attractiua, uirtus retentiua, uirtus digestiua, & uir-
tus expulsiua.*

*Digesti-
ua.*

Quia enim in perfecta nutritione singula membra opor-
tet nutriri, ideo necesse est, ut in quolibet membro uirtus
sit quædam, per quam nutrimentum attrahat quo nutriat,
non secus quàm in magnete uirtus est quædam & efficacia
ad se attrahendi ferrum. Verùm quia non potest membrū
ex attracto nutrimento ali siue nutriri, nisi ipsum quod at-
tractum est, omnino secundum speciem simile fiat ipsi mē-
bro nutriendo: ob hoc uirtute digestiua opus habet, per q̃
nutrimentum concoquatur, & transmutetur, ut simile sit
membro alendo, sicque ipsi sufficiat nutritioni. Nam im-
possibile est nutritionem fieri, nisi prius ipsum alimentum
simile factum sit nutriendo. Nutritio enim (ut suprà indica-
uimus) sit ex alimento prius dissimili, facto tamen simili,
antequam fieri possit nutritio. Quia uerò non potest uirtus
naturalis agere in instanti, sed tempore eget, ut digerat ali-
mentum ac simile reddat alito, idcirco ne dissipetur mate-

Retentiua

ria attracta, retentiua uirtute est opus. Nihil enim ad nutri-
tionem proficeret attraxisse alimentum, si deesset uirtus ip-
sum retinendi, donec secundum qualitatem conueniētem
esset immutatum: quemadmodum uidemus nonnullos in-
terdum sumere cibum uel potum, sed ante concoctionem
siue digestionem congruam, statim uel per os uel per poste-
riora eijcere. Sed quoniam, in omni alimento impuritatu
est

est cōmixtio, quæ per digestionem separantur ab eo, quod nutritioni est accommodum, idcirco ne illæ impuritates ad nutritionem perficiendam ineptæ in hominis corpore remanentes putrefactionem & morbos generent, necessariū fuit uirtutē inesse membris ad expellendū, eiiciendūq; quod nutritioni non conuenit. De his autem particulariū differere, Medicorum potius est quā Physicorum.

*Expulsi-
ua.*

CAPUT X.

De potentia generatiua.


Tertia uis animæ uegetatiuæ est, potentia generandi, quia scilicet uiuens potens est generare sibi simile, secundum speciem. Quam potentiam Aristot. dicit esse præcipuam, ita ut iustum pūet potentiam uegetatiuam à generatiua tanquā præcipua denominari. Ait enim opus generationis esse aliorum finē, nutritionis. s. & augmentationis. Nam ad hoc animal nutritur. & augetur in iustam quantitatem, ut cum perfectū fuerit, gignat sibi simile. Naturalissimum enim & præcipuum opus (ut Aristot. ait) est generare simile, & in quo uiuentia maxime assimilantur summæ illi diuinæ bonitati, quæ sua uirtute progignit uniuersa. Item & secundum æternam durationē. Quia enim in hoc à Deo deficiunt, q̄ secundum numerum, ut ille, æterna permanere non possunt: idcirco dum sibi simile generando; ita in specie permanent, quodammodo æternitatis participes fiunt, atque ad diuinæ durationis aliquatenus accedunt similitudinem, quantum ipsorum permittit, conceditque natura. Est autem hæc uirtus, nec in solis animalibus, neque etiam in omnibus. Non quidem in solis animalibus, quoniam quidem & plante complures eandem uim participant. Vim enim generatiuam habent, quibuscunq; à Deo semen est datum. In semine nempe uirtus est formatiua similis secundum speciem. Hinc & naturæ prouidissimus, benignissimūq; institutor Deus, Cum de terra uellet arbores, herbasq; uerbo suæ iussionis educere, iā iā de generationis ui sollicitus, semen pariter in eis uoluit inueniri. Sic

*Generati-
ua.*

*Aristot.
cap. 4. 2.
lib. de ani-
ma.*

*Neque so-
lum ani-
mal neq;
omne sibi
simile ge-
nerat.*

S enim



DE ANIMÁ ET POTENT.

Gen. I enim ait, Germinet terra herbam uirentem, & facientem semen, & lignum pomiferum faciens fructum iuxta genus suum, cuius semé in semetipso sit super terram. Post cuius uerbum in sacra historia subditur, Et factum est ita. Et protulit terra herbá uirentem, & facientem semé iuxta genus suú, lignumq; faciens fructú, & habens unumquodq; semé tem, & m speciem suá. Ecce q̄ sollicita & diligens hic fiat seminis mentio, uide quomodo ab initio fuit de generandi uirtute sollicita Dei prouidentia. In quibusdā uerò non solú ex semine fit simile secundú speciē, uerum etiam ex ramu-
Quæ non sculo tantum præciso absque ullo semine arbor crescit aut
generat si herba similis illi, a qua desumpta est particula. Quòd autē
milis. non in omnibus animalibus, neq; in omnibus uiuētibus inueniatur, per experiētiā est manifestum. Nā quædā sunt animalia spontaneā generationem habentia, q̄ non ex seminis propagatione, sed putrefactione nascuntur: quanquā inter hæc quædā indifferenter, uel ex putrefactione nascuntur, uel ex semine. Illā etiā quæ ex diuersarum specierú cōmiltione generantur, non sunt nata generare sibi simile. Vnde mula (quæ ex cōmiltione æqui & asinæ gignitur) nescit generationem, Est autē huius potentix à prioribus duabus dīa, qm̄ operationis illarú effectus cōpletur, & manet in ipso subiecto, in quo insunt potentix. Effectus autē operationis uirtutis generatiuæ extra subiectú est ipse potentie. Potentia enim nutritiua & augmentatiua, ipsum suú indiuiduum in quo est, nutrit atque augmentat, Nulla autē res per potentiam generatiuā seipsam generat, sed aliud dīstinctum indiuiduum, simile tamen secundum speciem, Ex quo manifestè patet, nobiliorem ac digniorem esse uirtutē generatiuā duabus potentiis prioribus. Siquidē ista ad speciei cōseruationē immediatē ordinatur, illæ uerò immediatē ad sustentationē & perfectionem indiuidui. Species autē mobilior est indiuiduo, utpote quæ per se pars est uniuersi, non hoc aut illud indiuiduum. Vnde (quemadmodū suprà diximus) nutritiua & augmentatiua ad generationē tanquā ad finē ordinantur. Aduertendú insuper, quod circa idē obiectú aliquo modo uersatur potentia generatiua,
circa

circa quod uersar dicimus nutritiuam & augmentatiuam. Quomodo enim potentia nutritiua ex alimento nutrit, & augmentatiua ex alimento quanto auget: sic & generatiua alimento utitur ad suæ operationis exercitiū. Semel enim ex superfluo est alimenti,

CAPVT XI. *Pulchra seminis consideratio.*

Merito uerò consideratio seminis (quo utitur uirtus generatiua ad suæ operationis exequutionem) uideri debet profundius contemplantibus, nimium admirabilis. Quid enim? An non superadmirabile est, ex modico semine (quod de herba, aut arbore qualibet, decisum fuerit) in terram coniecto, pullulare uirentem herbā uel arbore, eandemq; temporis accessu sumpto ex terræ uisceribus cōgruo alimento, iustam sibi quantitatem adiungere, & partes omnes sibi iuxta naturæ suæ conditionē adaptare uarietate tam pulchra, dispositione tam spectabili, tamq; admirabili ordine, ut hominis ingenium nec herbulæ uuius sufficiat comprehendere artificium? Cōsidera enim in arboris è semine processione, quomodo in terram inferne radices mittit, easq; ita fingit solide, ita hærere facit intimis terræ uisceribus ut post modicum uix euelli aut dimoueri nisi uimagna non possit, quomodo sursum stipitem ac truncum mittit quem externe quidem uestit cortice uelut indumento, aduersus acris inclementiam, & frigoris æstusq; iniurias. Intime uerò medulla posita est, & circumquaq; uenæ maiores atque minores per totum corpus trunci dispersæ, earq; mirabili ordine adinuicem minores à maioribus procedentes, per quas nutrimentum singulæ partes ad se attrahunt. In superiori uerò parte, quā mirabiliter prodeunt de stipite folia, in quibus similiter uanarum & arteriarum conspiciamus stupendam connexionem. Et est quidem foliorum eadem figura, eadem læuitas uel asperitas, similis ferè longitudo, latitudo, calor idem, idem sapor, idem odor, & per omnia maxima est arborum eiusdem generis similitudo. Taceo florum & pulchritudinem, & fru-

*Aduerte
huc animu
mum spe
Et ator re
rum noua
rum.*

Etuum dulcedinem, ac in utriusq; mirabile artificiū. Hæc uidelicet omnia originaliter ex seminis unius prodire uirtute. Sed & in semine animalis, atq; ideo in semine hominis (ex quo uidelicet proles humana secundum corpus nascitur) nonne illud uel maximè stupendum est, quod ex uirtute illa, quæ in tam uilissima atque penitus deformi, & sordida materia inest, talis ornatur membrorum tam pulchra compositio, tam cōueniētiſſimus ordo, tam efficax dispositio membrorum, tam eximia singularum partium coniunctio? Videlicet ut in infimo pars aliqua lata fabricetur, super quam ipsum corpus debeat firmè consistere, & qua debeat moueri de loco in locum: cuius partis extremū multiplicem habeat diuisionem, ut sit uelut in particulas dissecta materia, hoc est, ut pes habeat suos digitos in extremitatibus: atque hæc rursum partes talem habeant ordinem, ut quæ primo loco ponitur cæteris sit & altitudine & crassitie maior, atque ita deinceps suo ordine, ut sit nouissimus digitus omnium tenuissimus, & minimus. Item ut partes hæc sic diuisæ, in extremo pedis secundum quinarium numerū, ita regulariter & uniuersaliter distinguantur, ut monstrum iudicetur, si quando in uno pede senaria inueniatur distinctio. Iterum ut harum partium quælibet in sui extremitate ex parte superiori duritiem habeat unguis mirabili artificio, & subtilissima coniunctione ita adglutinati carni & pelli, ut nulla possit excidere uolentia quantumuis comprimantur pedes, aut urgeantur multis laboribus. Item ut singulæ hæc partes, suas habeant iuncturas, in quibus possint incuruari, & prior quidem maior non nisi unā huiusmodi habeat in sui medio, cæteri uerò binas. Et hæc quidem omnia in pedis & manus compositione manifestè apparent etiam extrema tantum consideranti. Ex aduerso autem in supremo loco, quomodo artificio maximo pars componitur rotunda, quæ cranio uno in superiori parte tegitur, hoc est osseo tegmine ita durissimo, & indissolubili, ut per annos plurimos in terra iacens nō possit omninō consumi, quod quidem cranium carne & cute operitur, unde criniū egreditur defluxus, partem illā unde quaq;

circun-

circunuestiens. Sub hoc autem cranio, nobilis quædam tennerrima formatur substantia, quâ cerebrum dicimus, eâq; secundum diuersas partes uariæ formatam ut diuersarum uirium aptum possit esse susceptaculum diuersarum nobilium operationû, in qua insuper rotunda parte suprema ab anteriori parte consistunt oculi, in sua concauitate pulchrè firmati, sic tñ ut facillime mobiles, quibus sunt etiam sua cilia & supercilia. Sub his sunt nares, ad latus autem aures: sub naribus autè oris apertura ad ingressum cibi, & circuitum mandibulæ dentibus plenæ, quorum ij qui in ipso ingressu consistunt, tenues sunt & acuti, ad dissecandum atq; scindendum impositum cibum: posteriores uerò crassiores sunt & plus quâ duplicati, qui partes cibi iam anterioribus dentibus concisas possint uelut molendo in minutissimas particulas conterere: propter quod etiam molares appellantur. A parte aut capitis posteriori, omnibus clausis nulla conspicitur apertura, sed nerui fortes, & iuncturæ mirabiles illic cōsistunt, qui caput partem supremâ cum humeris parte inferiori conglutinant ita ut cum caput humeros nō contingat, pulchrè tamen absq; onere per colli interpositionem ab eisdē gestetur: Hinc uerò ab humeris uelut duorum brachia duo ad opus quodlibet peragendū, eaq; in medio curuabilia in cubito, extremitates autem similiter indigitos ordinate diuisas habentia, ut de pedibus supra diximus. Deinde nobilissimum membrū cordis ita mirabiliter in medio animalis positum cōsistit habens ad sui caloris temperamētum circumiacentem pulmonē, aerem sua respiratione continuo in modum follis attrahentem, sicq; suum calorem temperantē: uicinum ēt habēs epar sanguinis officinā, & stomachū uelut totius corporis coquū alimenti totius susceptiuū. Habet insuper splenē, habet renes, habet intestina omnia, mirabili cōnexionē & conuolutione disposita. Quod hæc (inquam) omnia quæ tantū singulariter attingimus, & alia intus recondita multò mirabiliora, ita ordinate, ita perpetuò in corpore hominis siue etiam animalis alterius ex seminis tā uilissimæ substantiæ uirtute efficiantur, quis non ista maximū reputet miracu-

DE ANIMA ET POTENT.

Ps. 138 lum? Nonne recte tibi uidetur domino, dixisse Psalmista, Mirabilis facta est scientia tua, ex me confortata est, & nō potero ad eam. Nonne & nos in præfatione libri huius recte uidebimur hoc asseruisse, quod prodigia semper secum circumferant homines quibusuis miraculis magis admirabilia? Et quidē non ita multum uidetur admirandū, si totā hanc connexionem dispositionemq; membrorū quam in nobilissimis conspiciamus, per semetipsum ita sua omnipotentia uirtute Deum asseramus condidisse: si quō in principio Adā creauit de terra, & de eius costa Euam, absque ullius uirtute seminis, terram solam pro materia accipiens, & totam uirtutem per sese administrans: ita & nostra corpora in sua dispositione atque pulcherrima proportione per se idem ipse similiter fabricaret. Itē si ut in principio arbores & herbas creauit, absque uirtute seminis, ita & nunc potentissima sua iussione eas de terra faceret prodire. Scimus. n. quoniam non est ei impossibile, neque difficile omne uerbum. Non nouum est nobis, si magna faciat ille, de quo scriptum est, Qui facit mirabilia magna solus. Verū quod hæc humani corporis dispositio ex operatione est uirtutis, quæ latet in paterno semine (scetridissima & uix nomināda substantia, quā absq; abominatione nemo cōspicit) quodq; in eo tam præclara lateat uirtus, corpus tam admirabile sic efficiendi atque fabricandi, quod tota illius admirabilis dispositionis efficacia in illo realiter inexistat, id nobis merito in immensum aggrauat pondus considerationis nostræ, id prorsus stupidos & attonitos reddit, cogitque exclamare nos, & uoce aperta confiteri, q̄ non solū ipse magnus sit in semetipso, neque solū magnus in magnis, sed & in abiectissimis, contemptibilissimisq; & minimis gloriosus.

Psal. 71

CAPVT

XII.

De longitudine & breuitate uitæ: & primū de calore naturali, atque humido radicali.

Anima autem ipsa uegetatiua, per uirtutem uegetatricem licet uerē prima sit, & præcipua causa supradictarum

tum operationum, nutritionis, & augmentationis, eget tamen ad hoc (ut supra tetigimus) calore naturali pro instrumento, quo mediâte suas istas operationes perficiat. Cuius quidem naturalis calor, tanta est necessitas in corpore humano, & operationibus illius sustentationi necessarijs, ut absq; eo nequaquam possit anima in corpore permanere, ipsoq; deficiente omnino necessariû sit animalis uitam deficere. Hic aut calor naturæ igneæ est, & ppetuo nutriri debet atque foueri in corpore hominis: quemadmodum flammam candelæ, & flammam quæ est in lychno lampadis, nutriri ad oculum cernimus, atque ita necessario nutriri, ut nutrimento consumpto mox flamma euanescat. Oportet ergo donec calor iste in hoïe permanserit, nutrimentû aliqd illi suppeditari, in quo foueatur atque conseruet. Hoc aut nutrimentum est humidum radicale (ut appellant Medici) id est humiditas naturalis, & ab initio generationis, simul cum calore naturali siue radicali cõgenita animali per principia generationis. Natura enim quæ in corporibus omnibus uiuentibus per uirtutem principiorum generatiuorum posuit naturalem calorem, eadem ad conseruationem rei, & naturalem disposuit humiditatem, quæ calorem uelut cibaret, atque foueret, ad eum modû quo ab oleo pascitur flamma, quæ in lampade cernitur. Hoc autem radicale & naturale humidum, cum cõtinuò debeat pascere uorantem igneum calorem, eumque in humano corpore fouere, facile minimo tempore absumeretur, si non ipsius fieret continuo reparatio, quemadmodum statim oleum in lampade deficeret, si non statutis horis oleum infunderetur nouum. Atq; ad hoc necessaria est sumptio alimeti cibi atq; potus, ex quibus separatim humidum reparat humiditatẽ radicalem & in tertenet. Ipsum uerò siccum quod inde accipitur, ad reparationem est siccum, quod per actionem caloris resoluitur. Nõ. si, solam humiditatẽ in corpore ignis absumit, uerumetiam partes carnum, ac ceterorum membrorum ex omnibus tam siccum quàm humidum resoluens, propter quod tam cibo q̃ potu animal indiget. Humidum aut istud radicale, nutrimentû radicalis calor, non debet esse humidum omnino

*Humidũ
radicale.*

DE ANIMA ET POTENT.

aqueū, sed potius aereū pingueq; & uiscosum siue unctuosum: quō flamma nō simplicis aquæ humido nutritur in lampade; sed humiditate pingui & unctuosa, cuiusmodi est oleum, aut cuiusmodi est in candelā seuū. Oportet ergo tale esse etiam humidum nutrimentale, quō radicale humidum debet reparari, id est, nō pure aqueū, sed pingue, dulce, uiscosum. Quare ēt ad humidum radicalis reparationē nō ut pōtus ipse per se sufficere. Non. n. uidet ex ipso solo sufficiens posse elici pinguedo, sed concoctio cū cibo, & ex cibi substantia solidiori facta cōmixtio, addit humido illi uiscosam pinguedinē. Et quanto humidū illud pinguius fuerit, tāto ex ipso minus calor consumit: quemadmodū uidemus flammam in candelis ex seuo recēti: atque pinguiori factis minus in seuum deire, diutiusq; in illi conseruari.

CAPVT. XIII.

De causa longitudinis aut breuitatis uitæ.

EX horū ergo duorū proportionē. i. calore naturali & humido naturaliter attenditur in oībus uiuentibus lōgitudō uel breuitas uitæ, ēm uidelicet proportionem calidi ad humidū: ut illa in quibus optima sit horū proportio, longissimæ uitæ iudicentur: ea uerō in quibus minor proportio, uitæ breuioris. Ad quod tamen plenius intelligendū aduerte, quod simpliciter sola quātitas materiæ alicuius rei nequaq; uitā faciat longiorē uel breuiorem. Nā ad oculū uidemus quasdā arbores paruulas diutius perdurare alijs multo ēm molem maioribus. Idē & in herbis cernimus, in brutis quoq; & hoībus. Neq; uniuersaliter caliditate excellentia maioris sunt durationis. Si. n. fuerit nō proportionatū & humidū, citius ēt alijs deficiunt, in quibus nō tāta est excellentia caliditatis. Facit. n. immodicus calor non præsente humido sufficiente ad pabulum, ad rei celerem consumptionem, ut in hominibus multū cholericis. Rursum frigiditas multa uitam non facit longam. Si. n. calor nō fuerit proportionatus, ut possit sufficienter dominari, abundātia frigiditatis extinguatur, & necessariō animal suffocato naturali

naturali calore perit: ut uidemus in ijs qui sunt uehementér flegmatici, item & in senibus in quibus dominatur frigiditas. Item neque siccitas multa per se causa est longæ uitæ. Nam senes multæ sunt siccitatis: per hanc tamen ad corruptionem uergunt. Infantes autem plurimos uidemus per multam humiditatem deficere, cum uidelicet calor multo humido opprimitur: quemadmodum ligna uiridia ignem opprimunt, & extinguunt subtus latentem. Hinc etiam euenit, arbores illas quæ prope aquas nascuntur, minoris esse durationis, & animalia aquatilia plerunque breuiores esse uitæ, quam gressibilia. Abundat. n. in eis humidum, idque non pingue & firmum, sed magis aqueum. Harum ergo qualitatum nulla per sese potest assignari causa longitudinis & breuitatis uitæ, sed calidum & humidum æquata (ut ait Aristot.) præcipua huius rei sunt causa. Quod tamen non ita debet intelligi, quasi humiditas & caliditas in æquali uirtute causa sint diuturnioris uitæ, sed quia in debita & bona proportionem disposita. Oportet. n. calidum habere dominium super humidum. Alioqui non cōueniēter ex eo posset nutriri. In nutritione enim, in quod nutritur oportet agere in id ex quo nutritur. Actio autem non fit, nisi agente super passio habente, quaecunque dominium. Quod ergo Aristoteles ait calidum & humidum æquata esse causam diuturnioris uitæ, intelligi debet bene proportionata: ita uidelicet ut humidum non excedat calidum, ipsumque suo excessu suffocet: neque uicissim calidum sic excedat absque proportionem humidum, ut ipsum cito excedat atque absumat.

*Calidum
& humi-
dum uitæ
durationis
causa.*

CAPUT XIII.

Quæ complexio faciat uitam diuturniorem.

EX prædictis patet, inter complexionem hominum diuturniorem uitam præbere eam quæ appellatur sanguinea. Est enim hæc calida & humida, estque humidi & calidi, & humidum est aerem non aqueum: siquidem aeris respondet ista complexio, quæ natura calida & humidus est. Estque in hac calor temperatus, quoniam non igneus est, sed æreus. Aer enim non in

*Cōplexio
sanguinea
diuturna.*

summo

DE ANIMA ET POTENT.

summo habet caliditatem. Cum ergo in hac cōplexione caliditas sit satis tēperata, & humiditas multa, eaque pinguius & uiscosa (quæ nutritioni calidi maximè est accōmoda) non uidetur ad uitæ prolongationem alia esse cōuenientior ex quatuor cōplexionibus. In cholERICA enim excedit calor igneus, & siccitas non præbet sufficiens pabulum excedēti calori: In flegmatica, humiditas nimia obruit calorem debilem, & dū non potest super humidum dominari modicus calor, consequitur nō posse recte digeri humidū, sicq; multæ fiunt corruptiones, & animal perit. In melancholica uerò cōplexione, nimia siccitas est & calor modicus. Est. n. in modum terræ frigida & sicca. Harum aut quālitatum utraque uitæ obest, quæ in calido & humido consistit. Si tamen fiat harum complexionum commistio, poterunt etiam aliæ bonæ compositiones inueniri, ad uitæ cōseruationem ualdè accommodæ. Cōplexio. n. cholERICA & flegmatica, domināte cholera & proportionato flegmate. diuturnam præbet uitam. Sanguinea & melancholica non mala est, ubi melācholia fuerit minor. Et forsitan talis possit fieri cōposito, q̄ ad uitam melior esset q̄ pure sanguinea.

CAPVT XV.

Proportionem quatuor primarum qualitatum originale esse causam longitudinis uitæ.

Proportio quatuor qualitatum diuturnitatis origo. **L**icet autem dicamus (iuxta Aristotelem & alios medicos idem asserentes) calidum & humidum æquata & bene proportionata, ad eum modum quo prædictum est, causas esse uitæ diuturnioris: originaliter tanten non solū ex duabus his qualitatibus debet sumi ista consideratio, sed ex proportionem quatuor primarum qualitatum. Illa. n. complexio in animali est effectiua uitæ longioris, in qua calidum, frigidum, humidum & siccum bene sunt adinuicem proportionata s̄m exigentiam uitæ animalis, ita uidelicet ut calor obtineat dominum super cetera, sic tamen frigiditate temperetur, ut non nimium excedat ipsam humiditatem.

di (quo habet nutrirī) proportionem, ne subito absumpto nutrimento depercat: quomodo uehemens ignis citò consumpta materia mox collabitur, iterumq; humiditas ita sit per adiunctam siccitatem temperata, ut non sit nimia, neque excedat caloris proportionem, ne uidelicet nimia humiditate obrutus calor extinguatur, quomodo si igni ardēti superfundatur aqua copiosa. Et in quibuscunq; huiusmodi temperamentum inuenitur quatuor primarum qualitatum hi in se habent principium diuturnę uitę. Veruntamen quia in hoc temperamento calidum & humidum præcipua sunt, habentq; dominium, quibus alia duo frigidum & siccum solum ad contemperamentum adiciuntur, ad illorū mediocritatem constituendam, excessumq; uitę disconuenientem, prohibendum, idcirco duarum tantum qualitatum expressam faciens mentionem Aristoteles, dixit calidum & humidū esse principia longioris uitę: cum tamen addit æquata & proportionata, indicat tacitè & alias duas qualitates, quarū additione fit ut calidum & humidū proportionentur, atq; æquenter. Si. n. calori deesset tēperans frigiditas, excederet humidi proportionem. Et si non adesset humiditati tēperans siccitas, utiq; excederet proportionē caliditatis. Duas autē illas qualitates, caliditatē & humiditatem, dominari oportet in cōplexione longioris uitę, quoniam sunt qualitates uitę, id est, uiuentibus necessariae, & animalis substantiæ potissimum conuenientes: primario tamen caliditas, ac secundario humiditas, quæ caliditatem habet fouere. Propter quod in complexione uitę longioris primum locum calor obtinere debet, humiditas uero s̄m. Frigiditas autē & siccitas, mortis principia sunt, ubi inualuerint. Vnde senes quo amplius ad mortem tendunt, eo magis siccōs & frigidos effici ternimus. Et mortua statim corpora maxima occupat frigiditas atque siccitas: omnis autē fugit calor & humiditas. Ex quo patet, frigidum & siccum esse mortis principia, & uitę maximè contraria, ubi contigerit ea dominari. Propter quod cōplexio illa breuissimæ uitę est, in qua ista dominantur, aut ēt eorum alterum, siue per se frigiditas, siue siccitas. Nā illa directè

DE ANIMA ET POTENTIA

rectè calori aduersatur, in quo est uitæ principium: hæc uero humiditati, quæ est primæ uitalis fomentum.

CAPVT XVI.

Quomodo illa quæ in principio multam habent humiditatem, ad longam uitam sint bene disposita.

NOtandum autem, quòd illa corpora ad longam uitā sunt bene disposita, quæ in principio maximā habēt, sed tamen proportionatā humiditatē, ita ut uideatur calor aliquo modo latere sub tanta humiditate, ut multo tempore perduret calor antequam possit humiditatem coniunctā penitus euincere, & manifestum obtinere dominium: modò non tanta sit, ut omnino calorem obruat ac suffocando extinguat. Quæ uero in principio sui ortus admodum paucam habent humiditatem, ut statim calor possit euincere & quasi superior apparere, non sunt diuturnæ uitæ. Simile enim uidemus in ignibus. Plerunque enim ignis ille qui subiicitur lignis uiridibus, in quibus adhuc est multa humiditas, diutius delitescit, iacetque absconditus priusquam possit super materia apposita potiri domino: & interdum quidem, prorsus quasi extinctus, apparet atque oppressus, quandoque tamen uigore resumpto resistens fortiter, agensque uiriliter, tandē adhuc gloriose emicat, & in altum flammā sustollit quasi in uictoriæ signum. Et manifestū est talē ignē multò esse durabiliorē, quā sit ignis alius stipularū aut straminum aliorumve lignorū ualde exiccatorū, qui in materiā ob humiditatis defectū statim obtinet dñium. Atque hinc cōtingit non rarò, ut isti qui in infantia, imò in pueritia grauissimè fuerint periclitari de uita, & perpetuo quasi in languore uexati, longissimā uitā uiuant, cernanturque in ætate prouectiori ualere bellissimè, postquam humidū illud, sub quo calor eorum periclitabatur, & sub quo modo quodam oppressus delitescere, iam fuerit euictum, & calor post longam patientiam obtineat principatum. Quemadmodum ad oculum cernimus, ignes ex carbonibus sulphureis compositos, aqua perusos, post paululum multò uociorem

cio rem flammam dare, & calorem maiorem, simul etiam durare longius. Hinc iterum contingit eos interdum qui per totam uitam languere uidentur, longam tamen uitam ducere. Signum est enim in eis quod nec calor tantus sit qui omnino possit manifestè in humidum dominari, neque tantum humidum, possit extinguere calidum: sicque calor ob modicitatem non multum potest humidi consumere, ac proinde humidum minus commiscetur extraneo remanetque purius, & ad caloris nutritionem magis efficax. Attamen quia calor tantus est, ut se possit aduersus humidum defendere, & illius saltem aliquid (quamuis non ita multum) ad suam nutritionem excedere, idcirco in uita animal permanet: languens tamen propter sufficientis caloris defectum, & quia non satis quantum operationes animæ conuenientes expetunt, dominatur. Patet, etiam ex prædictis ratio, quare illi qui præcoci sunt ingenio, id est, ante multam ætatem ualde ingenio pollentes, plerunque conspiciantur præmatura occumbere, ut uix interdum uirilem, raro autem senilem attingant ætatem. Est enim si-
gnum, quod ab initio pauca in eis fuerit humiditas & multa caliditas. Humiditas enim multa impedit ingenium. Vnde qui multum habent sanguinè, non sunt ingeniosi: eo quod sanguis sit humidus sed qui paucum sanguinem & non ita humidum habent, utcunque cholera mistum, id est, satis siccum & igneum. Quia ergo in his ab initio pauca est humiditas, citò calor dominatur, & acquirunt siccitatè ad operationes sensuum & ingenij requisitas. Superuincēs. nam sua actiuitate caliditas, citò corpori dat conuenientes operationes, quas mediocrè calore corpus hêt: ac proinde ante consuetū tēpus ambulant, loquuntur, discunt, morantur, phantasiantur, dum alii propter multum humidum diutius impediuntur ad operationibus uitalibus. Vbi autè minus est humidi, & plus calidi: manifestum est citius ibi calidi nutritionem deficere: & ubi citò dominatur calidū, citò quoque deficere ipsum necesse est. Proinde manifesta rōne colligitur, eos qui præcoci ingenio sunt, debere etiā præmatura morte occumbere. Patet insuper rō, quare cū cætera multa animalia

*Ingenio si-
citius mo-
riuntur.*

DE ANIMA ET POTENT.

animalia conspiciamus uel mox in sua natiuitate, uel paulo post, operationes suas conuenienter exercere, utpote moueri, ambulare, & alia eis conuenientia opera. Homo tamē per multum tempus absque sibi conuenientibus operationibus remanet. Nimia enim humiditas in causa est, ppter quam etiam membra infantilia ligari debent fascijs, eo q̄ deficiente siccitate non sint solida membra. Hoc autem in alijs animalibus non est necesse fieri: homo enim prae omnibus alijs animalibus abundat humiditate, propter quod etiam longioris est uitae, omniaque animalia uitae diuturnitate superat, paucis admodum exceptis, ut elephanto & ceruo, & si quae sunt similia. Haec enim animalia tradunt longam admodum habere uitam. Cetera autem animalia domestica, quae hominibus in usu sunt, ad oculum uidentur multò breuiorem in homine uitam ducere, quantumuis mole excedant, ut equos, boues, oues, canes, aliaque huiusmodi. Praeterea habet ex iam dictis causa quare ij qui pauciori nutriuntur cibo diutius uiuant: qui uerò maiori, breuiorem habeant durationem. Item quare ij qui multū indulgent Veneri, minus uiuant, item & ij qui immoderatis atteruntur laboribus. Exiccat enim multa seminis emissio, item & immodicus labor. Velocior autē siccitas, mortem accelerat. Illis tamen qui nimia sunt humiditate pleni labor conducit moderatus ad uitam protelandam. Efficit enim bonam siccitatem & temperatam, ut non obruatur calidum ab humido, & superflua digeratur exiccando, ne fiat corruptio.

CAPVT XVII.

Quare per nutritionem res non possent perpetuo seruari.

VErū ex his quae praedicta sunt, posset quispiam dubitare, atq; ita nobis obijcere, Si calidum est uitae principium, & humido radicali nutritur, ac humidum illud per nutrimentū reparat, qui fit ut nō perpetuo possit in aliquo uiuēte, uita per nutritionem seruari? Tandiu. n. animal in uita permanere natū est, quandiu calor naturalis ipsi non deficit;

deficit : adeò ut si perpetuò calor naturalis indeficiens in corpore permaneat, simul permaneret & anima ipsum informans. Calor autem per humidum nutritur, & humidum per alimentum reparatur. Quare ergo ad hunc modum nõ potest corpus congruo nutrimento per uirtutem nutritiuam perpetuò conseruari absque corruptione? Huic quæstioni talis adhibenda est responsio. Humidum radicale quãquã nutriatur humido nutrimentali ex cibo & potu adueniente, nunquam tamen reparatur ad tam bonam qualitatem, ut ante fuit, sed continuò minuitur à principio actionis caloris in ipsum. Per cõmitionem enim extranei (ut docet Aristoteles in libris de generatione) continuò ipsa uirtus speciei minuitur, neque humidum ita bonum reparatur, ut fuit ab initio antequam deperditur. Vnde fit ut cõtinuò defectu tandem penitus humido deficiente, cogatur ipsum animal siccitate deficere, calore nimio superante nec habere pabulum. Quemadmodum uidelicet cum aqua infunditur uino, quo plus infuderis aquæ in uinum. eò fit uinum minus forte, & minus habens uirtutem suæ speciei, ad cõuertendum scilicet in se extraneam substantiam. Et licet in principio per modicam admisionem non depereat uirtus uini, quoniam adhuc potens est conuertere infusum in suam substantiam, si tamen diu pergis aquam infundere, tandem ita debilitatur uirtus speciei uini, ut prorsus ab aqua superetur & extingatur omnis uirtus uini ab aqua deuicta. Atque hoc pacto manifestè uidemus quomodo per nutritionem posset fieri indiuidui perpetuatio: sed necesse est hoc modo animal deficere, cum eousque res deueniret, ut necessarium humidum radicale perdat. Quod si homini adesset per nutritionem uirtus reparandi humidum æque bonum, ut est illud quod deperditur, tunc posset homo absque corruptione seruari.

CAPVT XVIII.

De uirtute ligni uitæ in Para liso.

ATque ita sanè intelligendum est, quod in Genesi legimus de ligno uitæ, quod erat in paradiso, ex cuius fructu

fructu prohibebatur sumere Adam, posteaquam peccasset, ne ipsum comedēs uiueret in æternum. Sic enim ait Dñs; Ecce Adam quasi unus ex nobis factus est sciens bonum & malum: nunc ergo ne fortè mittat manum &umat etiã de ligno nitæ & comedat, & uiuat in æternũ. Et post pauca subditur, Eiecitq; Adam & collocauit ante paradysum uoluptatis Cherubin, & flammeum gladium atque uersatile ad custodiendam uiam ligni uitæ. Nam (ut sacri Theologi tradunt) talis erat uirtutis huius arboris fructus, ut per eũ possit uirtus speciei reparari & conseruari absq; defectu. Quẽadmodum enim aliæ arbores in cibũ illis erant, ad operationem deperditi per calorẽ naturalẽ (qui etiam in primis parẽtibus ante peccatũ inerat, & suo modo agebat, id quod ex prẽbito eis Dei uoce alimento manifeste cognoscimus) ita hæc arbor in medicinã potius, quã in cibũ creata fuit, ut de eius fructu sumentibus uirtus speciei confirmaretur, & ita perseueratur ab omni defectu, ut per caloris actionẽ & humidi deperditionem, extraneiq; humidi aduentũ nõ imminueretur bonitas ipsius humidi, neq; per consequens imminueretur calor. Fiebatq; per huius fructus uirtutẽ, ut humidum æquẽ bonum esset quod reparabatur, atq; id qđ per actionem caloris naturalis deperit, eratq; medela aduersus hanc (ratione nutrimenti) debilitationem. Atque hinc processisset absque corruptione hominum uita, arboris istius beneficio, donec Deo placuisset à statu illo animali in altiore (qui nutritione non indigeret) transferre. Verũ nos longẽ ab illo tã efficaci fructu elongati sumus: uia ligni huius præclusa est Adæ, & cunctis posteris, uia in cognita est natis in exilio. Paradysus uoluptatis ignotus est in terra laboris habitantibus. Atq; ut etiam sit uia cognita, ecce ad custodiam stat Cherubin tenens flammeum gladium atque uersatilem, ut spes nulla sit nobis de fructu ligni huius consequendo. Neque est qui uel ramusculum nobis possit adferre ligni illius, ut ipsum plantemus in terra nostra. Atque ut fortè donetur, non arbitror ego tam singularis gratiæ & eminentiæ lignum ex paradiso uoluptatis allatũ, in terra hac miseriz atque laboris uegetari posse, aut

suas radices in arenosam istam terram (quæ spinas & tribulos inutiles melius germinare nouit) defigere. Quapropter talis iam est nostra conditio, ita se nobiscum res habet, ut uelimus, nolimus, semel nobis sit moriendum, iuxta uerbum Domini ad Adam omnium nostrum nomine dicentis. Terra es, & in terram reuerteris. Vnde & sanctus Apostolus, Statutum est omnibus hominibus, semel mori, post hoc autem, iudicium.

Gene. 3.

Heb. 9.

CAPVT XX.

Quomodo unumquodque uiuens habeat determinatam periodum.

EX prædictis facillè potest monstrari, unumquodq; uiuens habere certum limitem & definitum terminum uitæ, eumque sibi complexionis uarietatem diuersum longiorē; uel breuiorem. Cum enim non possit humidū radicale atque bonum reparari, necessariò consequitur ipsum paulatim debilitari. Quidquid autem continuo debilitatur & diminuitur, tandem in totum collabatur necesse est. Est enim unicuique uitæ & durationi præfinitus terminus nouissimus illud & extremum uitalis operationis, quando non ultra potest calor naturalis ab humido nutriri, cogiturque uiuens deficere. Quemadmodum in uino terminus quidam certus est, quando non ultra infusam aquam poterit in se conuertere, inò separetur ab aqua, & uinum esse definit uirtute speciei penitus deficiente. Vnde illa quæ simpliciter meliorem habent complexionem proportionemque calidi & humidī uitalis, longiorem habent suæ durationis periodum, & quod optimam habent hanc proportionem, durationis est longissimæ. Econtrario autem, quæ malam habet hanc complexionem siue proportionem, breuiorem habet durationem. Hic autem terminus uitæ naturalis dicitur, quoniam uidelicet secundum naturalem complexionis uirtutem, ipsum uiuens tamdiu persistere est potens, uirtute cōuersua ipsius speciei ad tantum usque tempus sese ualente porrigere siue extendere. Vñquodq;

*Periodus
seu terminus naturalis.*

T enim

DE ANIMA ET POTENT.

enim uiuens tamdiu naturaliter potens est uiuere, quādiu calor naturalis in eo poteſt permanere; & quādiu humidū radicale in ipſo poteſt calorem nutrire. Hoc autem eſt, quādiu per nutritionem poteſt humidum radicale ſufficienter reparari. Maniſteſtum ergo eſt, unumquodque uiuens ſecūdum ſuam naturalem complexionem præfixum & determinatum ſibi terminum habere ſuæ durationis. Poſſumus autem in hac re facere comparationem uel diuerſorum generum, uel diuerſarum ſpecierum, uel diuerſorum indiuiduorum eiufdem ſpeciei. Vnde ſecundum comparationem uiuentium diuerſi generis, dicimus quaſdam arbores quibuſdam animalibus eſſe longiores uitæ, quaſdam etiam minoris. Secundum comparationem diuerſarum ſpecierū, dicimus homines eſſe pleriſque brutorum animalium diuturniores, ut mulum dicimus equo diuturniorē, & herbas quaſdam uitæ longioris præ alijs. Quædam enim tantum annuæ ſunt, & ſingulis quibuſque annis occidunt. Aliæ uero ad annos plures ſecundum indiuiduum iam permanent. Secundum indiuiduum autem eiufdem ſpeciei fit comparatio, cum dicimus, hunc hominem eſſe illo diuturniorem hunc equum illo equo, & ita in ceteris. Nonnunquam etiā in eadem ſpecie fit comparatio in communi, ſecundum diſtinctionem ſexus uel conditionis, ut cum dicimus, in paſſeribus maſculos minus uiuere quā ſœminas (iuxta Ariſtotelis dictum) eo q̃ maſculini paſſeres plurimā ſequantur. Venerem. Item cum dicimus agricolas pleroſque moderatō labore ſeſe exercitantes longiorem uitam ducere, quā otioſos clericos: homines quoque ſobrios & caſtos, plus quā gulofos & luxurioſos,

CAPVT

XX.

Non ſemper res ad naturalem uſque terminum pertinere.

*Rarō natura
periodi per
uenitur.*

Quamuis autem ſecundum uirtutem complexionis unaquæque res habeat ſibi determinatum uitæ terminum, ultra quam ſecūdum naturā complexionis non poſſit uita protendi, rariſſimè tamen contingit ipſa uiuentia hmōi terminum attingere; neque uel mille ſimul
quique

quisque hominum ad huiusmodi naturalem complexionis terminum pertingit. Dicitur enim terminus uitæ, non quod uiuens ipsum debeat assequi, sed quia secundum extremam naturalis complexionis uirtutem ipsum uiuens eousque potest pertingere, & non potest terminum illum transire. Vnde in Iob de hominibus dicitur, Posuisti terminos eius qui præteriri non poterunt. Non ergo terminus iste talis est, quæ debeant attingere, sed quem possint attingere, & quæ non possint transire. Fit autem mille modis ut uiuens ad determinatum sibi terminum non pertingat, maximè autem in uiuentibus rationalibus, id est, in hominibus: è quibus uix millesimus quisque propositum finem consequitur. Nam mors & corruptio non solum accidit modo prædicto, per naturalem defectum humidi, sed frequenter ab extrinseco accidit corrumpere, quod per uiolentiam aufert à uiuente uitam partes discontinuando, aut quomodocunque noxiâ & corruptiuam qualitatem inducendo. Quemadmodum ante oculos quotidiè cernimus, multas arbores ualidissimas per multos annos adhuc potentes in uigore perdurare, si permitterentur in sua radice præscindi securi, sicque uitâ ante complexionis terminum finire. Ita oues & boues aliaque omnis generis animalia per singulos dies mactantur plurima. Quantos autem uidemus in hominibus ante tempus uel gladio occumbere, uel fame perire, uel peste cõsumi, uel aquis suffocari? imò uerò sola gula, quot absumit hominum milia? adeò ut uulgata sententia merito iactetur, ut plures gula quàm gladio absumi. Plurimos etiâ quotidie uidemus nouis infirmitatum generibus subito suffocari, strâgulari, aut alias quomodolibet exhalare animâ. Et (ut theologiissimi illius philosophi Seuerini Boetij uerbis concludamus) homine, si corpus spectes, quid imbecillius reperi re queas? quos sæpè mascularum uel morsus, uel in secreta quæque reptantium necat introitus.

CAPVT XXI.

De altero termino diuinæ præscientiæ.

Propter hæc ergo necesse est alium ponere terminum
T 2 unicui-

DE ANIMA ET POTENT.

*Terminus
præscientia
quem om-
nia attingunt.*

unicuique uiuentium, qui sit non secundum naturalis complexionis uirtutem, sed secundum præscientiam & cognitionem Dei: talem uidelicet, ad quem indubiè uiuentia puenient, & ultra quem nequaquam transibunt: ita ut nec ultra progredientur, neque citra occumbent. Qui aut talè cognouit rerum terminū, solus est omniscius Deus. Vt. n. mors est omnibus hominibus certissima, ita mortis hora est incertissima: neq; de die illa aut hora quisquā nouit, præter illum cui nihil est absconditum, qui æquè futura atque præsentia in prospectu habet, ante quem futurum omne & præteritum est præsens. Est autem indifferentia inter duplicem hūc durationis terminū: quod primū nō possit uiuens & naturæ uirtutem transcendere, pōt tamen circa illū deficere, ipsumq; nō assequi: alter aut talis est, ut frequēter possit uiuens, quātum ad uirtutem suæ naturæ & cōpletionis attinet, longè ultra ipsum transire, Vcluti cū robustus aliquis iuuenis subitò trās foditur gladio, aut suspensio præfocatur. Semper autem uiuens hunc terminum attinget, neque ante ipsum unquam deficiet, tametsi simpliciter ante possit deficere. Qui enim hodie occiditur, aut quomodocunque moritur, potuit (absolutè loquendò) ante septem dies interfici & mori. Ac de hoc termino, si quis dictū accipiat illud ex Iob supra adductū. Breues dies hoīs sunt, numerus mensū eius apud te est: cōstituiisti terminos eius qui præterire non poterunt: oportebit hoc ultimū non simpliciter intelligi, quasi absolute termini isti nō possint præteriri, sed cōditionatè, subintellecta Dei præscientia. Quod enim à Deo præscitum est contingens, absolutè quid ē contingens est, & absolutè potest ita non fieri. (Est enim contingens, ac pròinde potens fieri, & potens non fieri) sed sub conditione præscientiæ præsupposita, non potest fieri: quoniam necessario consequitur, ipsum ita futurum, si ita Deus præcognouit. Non enim potest falli Dei præscientia.

Iob 14.

De mutatione ætatis humanæ in diuersis mundi ætatibus.

Considerandum autem hoc in loco, quid causæ sit, quod in diuersis mundi ætatibus tam diuersa fuerit humanæ uitæ duratio. Nam id manifeste ex sacris discimus historijs. Siquidem in principio mundi duratio humanæ uitæ ultra nongentos extendebatur annos, uersus millenariū procedendo. Post diluuium uerò Dominus constituit tempus humanæ uitæ, 120. annorum. Quod tamen non est accipiendum sicut extremam durationem uitæ humanæ, sed secundum bonam ualetudinem, & fortitudinem bonæ complexionis. Nam multis temporibus post diluuium adhuc ultra definitum illud tempus homines uiuebant. Iacob enim terminum illū excefferat, antequam in Aegyptum descenderet. Erat enim annorum 130. cum ingrederetur Aegyptum. Omnes autem dies uitæ eius fuerunt 147. anni. uixerat etiam Isaac pater eius 180. annos. Et Abraham primus Patriarcha 175. Hi tamē multo tpe post diluuium fuerunt. Si quidem ætas una fuit intermedia à diluuiō usque ad Abrahamā. Tunc ergo post diluuium 120. annis. sani & robusti uidebantur homines. Postmodum uerò in Psal. numerus multū imminutus est, cum Psal. 89. dicitur, Dies annorum nostrorum in ipsis 70. anni. Si autem in potentatibus, 80. anni, & amplius eorum labor & dolor, in quibus uerbis indicatur, tps uitæ humanæ in bona ualetudine posse protendi usque ad 70. aut in melius complexionatis usque ad 80. annos, mutatumque est prius illud tempus 120. annorum, in tempus 70. aut 80. annorum. Nunc uerò hac nostra ætate per annos ut minimum uiginti facta uidetur declinatio. Iam enim uix quinquaginta anni sunt uitæ hominis, quibus fortis ac ualidus potest durare. Paucissimi sunt, qui non anno 60. canis perfunduntur, & uiribus multum imminuuntur. Quod autem ultra est, senectutis & defectus est tēpus: & quod ultra annū est sexagesimū, certē labor est & dolor. Manifestissimē ergo ex scripturis sacris hæc uitæ humanæ tēpora ita monstrantur uariata. Potest autem causa ho-

Gene. 6

*Gene. 47
Ibidem.*

*Gene. 35
Gene. 25
Psal. 89*

DE ANIMA ET POTENT.

rum ex suprâ declaratis elici per similitudinem. Sic enim de nutritione dicendum est respectu indiuidui, quomodo de generatione respectu speciei. Vt enim nutritio ad indiuidui conservationem, sic generatio ad speciei conseruatio nem à natura est ordinata. Quemadmodum autem nutritio ipsum indiuiduum non potest absque corruptione conseruare immortale, sed tandem deficere ipsum est necesse, ob hoc q̃ per nutritionem humidum non ita bonum reparatur ut erat ipsum absumptum, sicq; continuò deficit calor naturalis fomentum atq; uigor, propter quod tandē necesse est rem deuenire ad interitū, calore naturali eiusq; pabulo penitus deficiente: ita generatio quantum ad speciem, non ita bonam ac fortem ac ualidam reparat speciem, ut in principio fuerat: & quo amplius per generationes species multiplicatur uiuentis, eò cōtinuò magis ac magis debilitatur uirtus primariæ cōplexionis, quæ in primis erat indiuiduis: sicq; modo paulatim debilitatur uirtus complexionis humanæ, ac consequenter durationis tempus efficitur breuius. Neque id solum in hominibus, sed indubiè & in bestiis, & in plantis, herbis, atque arboribus, eorumq; fructibus uoritatem habet. Nihil enim dubium est, quin arbores istæ, quæ nostra sunt ætate, longè sint dissimiles secundum uircutis efficaciam, atque etiā secundum durationem, illis arboribus quæ fuerunt in prioribus seculis. Illud tamen notandum, q̃ in humana specie maior sit debilitatio, q̃ in genere brutorum animalium. Et hic rursus magis quàm in plantis. Est enim in homine triplex causa defectus, in brutis duplex, in plantis simplex. Homo enim pro nutrimento habet cæterorum animalium carnes, & fructus terræ. Quantò autem cibus iste uirtute deficit, tantò minus sufficiens est ad reparationem humani corporis. Vnde non solum ex hoc breuior est hominum nostræ ætatis duratio, quòd ipsa uirtus speciei iam sit debilior, & complexio infirmior, ut non tam diu sufficiat ad reparationem deperditi & ad fouendum in corpore naturalem calorem, uerum etiam ex parte alimenti, quod magis materiale est, & minoris uirtutis nostra ætate, quàm fuerit in generationibus prio-

*Triplex
causa hu
manâ spe
ciem debi
litans, bru
torum du
plex, plan
tarum uni
ca.*

prio-

prioribus? sicq; necesse est ut humidum radicale iam magis commisceatur extraneo, quā in prætoritis generationibus miscebatur. Quāto enim id quod ex cibo sumitur minoris fuerit uirtutis, tantō à calore naturali citius absumitur, neq; ita diu potest fouere calorem: ac proinde oportet magis fieri humidi extranei commistionem cum humido radicali, unde oritur uita breuior. Omnis ergo defectus iumentorum illorum quibus homo in cibum utitur, ad humanæ speciei recidit detrimentum. Itē omnis defectus herbarum & arborum, quibus utitur in pabulum homo, in ipsius cedit detrimentum. In animalium autē irrationalium (quæ ex herbis terræ uiuunt) damnum etiam cedit herbarum defectus, præter eam quam à propriæ complexionis defectu in se habent debilitationem: habent ergo ipsi duplicē minoris durationis causam, homo uero triplicem plantæ autem simplicē tantum, secundum hanc cōparationem. Vnde secundum rationem, non uidetur esse tanta distantia durationis arborum atque plantarum, secundum diuersas mundi ætates, quanta est iumentorum: neq; tanta iumentorum, quanta est hominum.

CAPVT XXIII.

Quod unaquæque species inueniunt, suum habeat naturalem terminum.

Q Vomodo itaque pp hunc continuum defectum diximus singulis indiuiduis esse determinatū & præfinitum suæ cōplexionis terminum: ita & de speciebus dicere non irrationabiliter possumus, esse uidelicet unicuique speciei suum determinatum terminum, s̄m speciei naturalem uirtutem. Atque enim hoc de specie & de indiuiduo, cōtinuus probat defectus. Si enim per generationem repararetur species inæquali uirtute ut antē fuerat, posset quidem rectē sentirī generationem sufficere ad perpetuandam speciem: quomodo indiuiduū posset immortale per nutritionem seruari, si ipsa repararet indiuiduum in tā bono statu quā ante fuerat. At uerō cum iam demonstratum

DE ANIMA ET POTENTIA

fit, & sanctę auctoritas scripturę, simul & ocularis experientia hoc doceat, generationem non potuisse conseruare speciem absque maximo & summe notabili ipsius defectu: manifestum infertur consequio, quod tandem aliquando speciei uirtus usque adeo sit debilitanda, ut non sufficiat ad ulteriorem sui cōseruationem, aliorumq; indiuiduorum multiplicationem: sicq; prorsus collapsa cogetur deficere ad eum modum quo indiuiduum (non obstante nutritione) tandem cogitur penitus in seipso deficere, neque per nutritionem potest perpetuò seruari. Itaque etiam si naturalē sequamur rationem, ipsa nobis mōlstrat omnes rerum uiuentium species, non posse perpetuò stare, ac tandem necessariò corrumpi debere. Errant ergo non solum contra fidei regulam, sed contra rationis normam, qui omnes præcipuas species uniuersi dicūt naturaliter esse incorruptibiles, & à parte posteriori æternas licet aliquando accepisse eas fateantur durationis principium. Quod etiā uulgò dici solet, per generationem res naturales secundum speciem perpetuari, si ueritatem habeat, intelligi debet non de perpetuatione simpliciter, sed secundum quid: quatenus uidelicet longissimum illud tempus quo species conseruantur usque ad consummationem seculi, perpetuitas quædam ab hominibus æstimetur.

CAPVT XXIIII.

Quod humanam speciem mirum in modum gula atque luxuria debilitant.

PRæter uerò supra adductam causam naturalem uelocis humane defectionis, inuenimus etiā gulam & luxuriā, humanam speciem mirum in modum infirmare, quæ tamen inter causas extrinsecas ueniunt computandæ cum non sint homini hæc uitia à natura, nisi fortè quatenus aliquā habet prauam inclinationem ad eiusmodi uitia, ut est homo ab infantia sua pronus ad omne malum. Inter hæc autem duo, luxuria per se facit ad speciei debilitationem. Est enim luxuria nimius & inordinatus coeundi affectus. Coitus

tus autem nimium frequens ad uanam delectationē, & nō iuxta naturæ ordinem ad speciei conseruationem, sobriè in usum uocatus, facit, ut semen (per quod seruetur generatio) non ita potentis sit uirtutis ad speciei reparationem, quàm esset si sobriè parciusq; ac iuxta naturæ ordinem ad ministraretur. Procedit itē ex luxuriæ uitio, quod ante debitam maturitatem & perfectionem naturalem ad ualidā generationem sufficientem, uidemus homines ante tempus generationi intendere. Quid enim? An non ante oculos cernimus, puerulos adhuc atque puellulas copulari coniugio, amplexibus uacare, intendere generationi, quorum anni si pariter iungantur, uix ætatem attingent uirilem? ut meritò in proverbium sit tractum, Pueros nostra tempestate generare pueros. Ecce enim iam de testa pullos educunt quibus adhuc testa, è qua iam prodire, adhæret. Iam natulos gestant in ulnis, qui pridie emerferunt è cunabulis. Vix a lacte auulsi, lactant de se genitos: & patres matresq; appellantur, qui nec dum ex ephebis excefferunt, quibus nomen altius quàm puerorum non competit. Scilicet in brachiis prolem gestant noui patresfamilias, quos adhuc conueniebat præceptorum patrumq; genibus impositos, ad disciplinæ institutionem ac morum informationem, uirgis cædi.

Qui autem possit fieri, ut hoc pacto non plurimum debilitetur humana propago? Quemadmodum enim granū immaturum aut semen non debita maturitate perfectum, gignere non potest fructum conuenientē & fortem, multa q; durationis: ita & in hominibus dicendum uidetur, eos, qui sic ante tempus suæ propriæ perfectionis, generationi uacant, non posse efficaciter suæ speciei conseruationem perficere. Vnicuique enim rei tunc conuenit generare sibi simile, cum suam fuerit adepta perfectionem. Huiusmodi ergo qui longè adhuc absunt à sua perfectione, quomodo feliciter sibi simile generabunt? Et licet uerum sit, hominem in anno x i i i i. (quod est masculos attinet) in anno x i. (quantum in foeminis) ad generationem ut plurimum sufficere, manifestum est tamen, non posse illis tam perfectam

DE ANIMA ET POTENT.

fectam inesse generandi uirtutem, ut posteaquam in robur uirili euaserint. Donec enim ad ipsius indiuidui augmentationem plurimum debet esse intenta uegetatrix potentia, non ita sollicita esse potest de specie, ad generationis semē perficiendum. Verum posteaquam augmentatione debitā indiuiduo induxit quantitātē, tum liberius ad speciei multiplicationem potest intendere, efficitq; tunc semen (quod alimento superfluo resoluitur) potentius ad generādum sibi simile.

Cæterum, gula ipsa quanquam per se uideatur magis ad indiuidui detrimentum pertinere (eò q; per ipsam nimia fit cōmixtio extranei cum radicali humido, & calor minuitur, ac uelut obrutus nimia infusione extranei debilitatur atque extinguitur) uergit tamen mediātē ad speciei detrimentum. Nam cum per indiuidua debeat generatio fieri, constat ad debilitationem singularium hominum generantium consequi infirmitatem generationis. Nam (cæteris paribus) eos qui fortiores sunt & melioris complexionis, uidemus progignere proles fortiores ac durabiliores illis qui infirmi sunt ac debiles. Vnde non dubium est, hominē frugaliter uiuentem & conuenienti mediocriq; alimento utentem ad generationem bonam esse magis aptum, eo, qui uorator est atque ebriosus. Quemadmodum enim cibo ac potu immodico impeditur bona nutritio & indiuidui diuturna cōseruatio: ita etiam generatio & bona speciei multiplicatio. Adde & hoc quod plerique nimia uenere seipsos exhauriunt. Facit enim nimia seminis emissio celeriolem exiccationem & humidi consumptionem. Vnde etiā in animalibus brutis uidemus illa quæ maximē Veneri incumbunt, celerius morte absumi. Propter quod Aristoteles dixit, passerum masculos minis uiuere scemellis: eò q; masculi (ut ipse ait) plurimam sequantur Venerem. Verum illud ad indiuiduum uidetur spectare, quantum ad ipsum Venereutentem. Quantum uerò ad prolem genitā, etiam in speciem uergit detrimentum. Qui enim immoderate rei Veneræ indulget, & sæpius quàm natura docet, ratioq; postulat, non potest hic nisi debilem gignere prolem,

lem, eo quod semen non possit in eo tantæ esse uirtutis, quantæ foret si hac in re esset moderatior. Cû enim semen multæ sit perfectionis & magnæ nimium uirtutis (ut supra ostendimus) uerisimile est iptum multò satis egere tempore, ut suæ uirtutis accipiat perfectionem, & ut plenam accipiat ad suas operationes efficaciam.

CAPVT XXV.

Execratio detestatioq; gula, atque luxuria, genus humanum infirmantium.

ESt proinde nimium detestanda hominum plurimorum praua peruersitas, peruersaq; prauitas, qui hisce uitiiis abominandis atque execrandis ita sese fœdè commaculât. Similes facti iumentis insipientibus, æquis & mulis, in quibus cum non sit intellectus, solam insequentes sensus concupiscentiam ad quælibet sensui arridentia absque interiori retinaculo suo motu feruntur. Imò uero longè superant iumentorum irrationabilium conditionem homines à Deo conditi rationales. In nulla enim iumentorum specie ita uideas mala prædicta (cibi dico ac potus, rei q; Venereæ abusu) latissime patere, ut in specie humana, quæ ob rationis *Vide hominum in temperantiâ* priuilegium meritò debuit ab illis esse alienissima. Nam iumenta mensuram sibi constituunt, sensus uoluptatem, & cû gratum aliquid propositum fuerit, catenus inde sumunt, quatenus oblectatur sensus: ubi autè abcesserit delectatio, caput auellunt, neque sumunt ultra. Propone (exempli gratia) æquo aut asino sitienti aquam limpidissimam, propone (inquam) in abundantia uidebis donec sitis fuerit extincta, donec appetitus ille sensus fuerit sedatus, non habituros requiem: mox uerò ubi implerum fuerit sensus desiderium, capite auerso desinunt haurire. Ita & in pascuis uberrimis uidemus, posteaquam facietas facit sensum non ultrà herbis delectari, à pastu cessare animalia, & uel sopori se dare, uel obambulationi. At uerò inter homines facile inuenias, imò non quæritos passim obuios uideas, qui nulla sibi posita mensura, etiam sensibus omnibus reclamantibus atque abhor-

DE ANIMA ET POTENT.

abhorrentibus, cibum potumque ingurgitant, donec crepet uenter, indignum existimantes cessare, poculis, aut à conuiuiis abscedere. Item in animalibus uidemus, ea ad modum sobriè rarissimeque uti Venere, & id plerunque statutis anni temporibus. Homines uerò qui per rationem etiam perpetuò se refrenare poterant, irrationabilitate superantes irrationalia pecora, nullum faciunt modum, etiam ampliora quàm possunt foedissimè attentantes. Rursum animalia irrationalia à natura deputatum sibi modum seruant, neque nisi quantum natura causa speciei seruandæ extimulat, re huiusmodi utuntur. Homines ue-

rò nulla habita ratiõe multiplicationis speciei,

nulla considerata honestate, modos inde-

bitos, & quales natura horret con-

iunctiones adinueniunt: sic in

omnibus optimi creato-

ris & pijssimæ natu-

ræ donis abu-

tentes,

in suam temporalem perniciem, multò uerò

magis in sempiternum interitum, pa-

raturum reuelari in die nouissimo,

quando ueniet iustus ille sce-

lerum ultor, summa

distinctione exquisiturus rationem de om-

nibus humano generi donis colla-

tis, Deus in æterna sæcu-

la benedictus.

Amen.

FINIT LIBER OCTAVVS.

PSALMVS HOMINVM GENERI COM-
monitorius, pro donis magni Dei futuris,
atque præsentiis.

At tendite genus hominum ad beneficia creatoris uestri, quanta contulerit vobis, tota virtute considerate.

Ex his autem quæ iam præsens in tempore isto, transite ad considerationem eorum quæ sunt quidem nunc abscondita ab oculis uestris sed exhibenda in tempore suo.

Quod ad tempus hoc attinet, ecce corpus mirabile, & nobilem animam donauit nobis: calorem vitalem ad operandum in corpore mirabilia ipse in seuit corporibus nostris.

Cibos omnigenos ad abundantiam præstitit vobis, ut reficiamur ex eis ad abundantiam consolationis nostræ.

Ad sustentationem corporis escam donauit ad sufficientiam: non defuerunt ab initio quæ nostro conducerent pastui.

Per annos singulos germinat nobis terra præstantissimos fructus suos: cuncta semina e matre terra progignunt fetus suos.

De terra prodire facit benignissimus creator Deus firmamentum panis, & uino quod lætificet cor hominis, hortos implet vinearum.

Neq; uero solum necessaria præbet sustentationi nostræ. sed etiam quæ ad uoluptatis perficiunt oblectationem, abundè ministrat nobis.

Poterat quidem panis sufficere ad confirmandum corda filiorum hominum, & aqua in sitis refrigerium.

Non hæc tamen ipsi pro sua munificentiâ uidebâtur sufficientia: delicias etiâ uoluit adiicere, & magnificas ciborum diuitias.

Præter namque panem confirmantem dedit carnes iumentorum magnorum atque paruorum: carnes uolatilium, natatiliū, & gradientium super terram.

Insuper & fructuum suauissimorum miram uarietatem ex consimilibus fere lignis prodire iubet: melli quoque dulcedinem, & uini iucunditatem uoluit adiicere.

Non erant autem hæc omnia humano pastui necessaria: suffecisset utique nutrimento hominum horum minus quàm dimidium.

Attamen sic ipse uoluit, qui gaudet magnificè benefacere: ita illi usum fuit deuiter enutrire filios suos.

Ita illi complacuit gustum quædam præbere superuenientia æterna dulce-

dulcedinis: quam licet non sit contemplatus oculus, ipse tamen absconditam seruat se diligentibus.

O quam magna multitudo dulcedinis tuæ domine, quam præparasti diligentibus te, quam erit beatus qui manducabit panem in regno Dei.

Si nunc ita diuiter, ita magnificè, ita delicatè enutris corpora nostra, mortis corruptioni necessitatis lege succubitura: o quam præstabis olim resuscitabis, morteque soluis in præsentia uultus tui.

Quomodo satiabimur, apparent gloria tua, quomodo inebriamur ab ubertate domus tuæ potui uoluptatis tuæ torrentibus?

Nunc quidem donec Ada debito subiacemus, cibo tuo instauramus corpora nostra, usque diuin adueniat terminus quem constituisti unicuique ad persolutionem debiti.

Quod calor uitalis (quem in se uisisti nobis) depascit, instaurat alimen tum à te subministratum nobis: donec tandem uirtute deficiente mors adueniat quam superinduxit uobis iniquitas nostra, & iustam decre uiam tuam.

Illic uerò absque metu mortis, & corruptionis pauore persistemus stabiles, nihil erit consumens. nihil instaurandum in locum deperditum.

Tua enim uirtute longè illinc omnis profligabitur consumptio, interitus, & mors non accedent ad tabernaculum sanctum tuum.

Non patietur cibus ille tuus, quem apud te manducabimus, in perpetuum dissolui compositionem corporis nostri, in perpetua immortalitate gloriosi indissolubilesque conseruabimur.

Panis quem ibi propones conuiuiis tuis, non exhibebis laborem dentibus: mollis non egebit dentium ut conteratur in eis.

Illabetur per sese dulciter ut mel gutturi nostro, & penetrabit suauitas eius usque ad intimum cordis nostri.

Implebit suauitate animas nostras: omnia ossa nostra dicens, Domine quid simile potest esse huic dulcedini?

Gloria patri, & filio, & spiritui sancto.

Sicut eras in principio, & nunc & semper, & in secula seculorum. Amen.

IN LIBRVM NONVM CONSIDERA-
TIONIS PHYSICAE, DE SENSIBVS
EXTERIORIBVS, EORVMQVE ORGA-
NIS, ET SENSIBILIBVS.

PRAEFATIO.



PRÆTER potentias illas uege-
tatiuas quibus omne uiuens ab
auctore omnium Deo dotatū
conspicimus, uel ad suiipsius
conseruationem siue perfectio-
nem, uel ad suæ speciei sustēta-
tionem, experimus in animan-
tibus esse alias quasdam uires
exteriore, quibus rerum extra
existētium mirabili modo pos-
sunt species atque simulacra in se suscipere, absque ulla rea-
li susceptione corporum illorum quorum apprehendunt si-
mulacra: sicq; fit, ut cætera omnia tam animata quam ina-
nimata, possint hisce uiribus animalia uarijs modis appre-
hendere quædam quidem longius absentia, quædam uici-
nius præsentia, iuxta uirium harum diuersitatem, secundū
perfectionem maiorem atque minorem. Has autem poten-
tias sensitiuas dicimus, & uulgata appellatione ab officio
sensus appellamus. Horum quidam organum habent exte-
rius patens, resque ipsas nō nisi exterius præsentēs & obīe-
ctas, percipiunt, ut uisus oculum habet pro organo, & non
nisi præsentia obiectos oculo colores percipit: quōs
proinde sensus exteriores rectē appellamus. Ac de hiis nūc
præsentis libri aggredimur determinationem, de illis qui
interius latent absconditi, post expeditum horum qui iā
propositi sunt tractatum, sermonem (Deo donante) factu-
ri. Ita enim ordo exigit disciplinæ, ut de eis quæ nobis
nunc sunt notiora, sensibusque nostris magis exposita,
prius

DE SENSIB. EXTERIORI.

absoluator determinatio, quàm ad ignotiora & occultiora fiat progressus.

CAPVT I.

De numero sensuum exteriorum, & specialiter de Visu.

*Quinque
sensus ex
teriores.*

DE potentiis, quas exteriores sensus appellamus, dictu-
rum, commodum quot sint, & quæ ipsorum obiecta præ-
mitteremus.

*Quinque
objecta.*

*Sunt autem sensus exteriores quinque, uisus, Auditus Odoratus
Gustus & Tactus. Obiecta quoque totidem sunt, hæc uidelicet,
uisibile, Audibile, Gustabile, Odorabile, & Tangibile.*

Omne enim sensibile, uel est uisibile, ut colores, lux & lumen: uel audibile, ut soni: uel odorabile, ut odores: uel gustabile: ut sapor: uel tangibile, ut calidum, frigidum, siccum, & humidum. Vnde color est obiectum uisus, hoc est, id quod per se à sensu uisus percipitur, & cuius ratione cætera colorata uidentur: sub colore intelligendo lucem & lumen, quæ etiam per se sunt obiecta uisus. Sonus, est obiectum auditui: sapor, obiectum gustus: odor, olfactus: qualitas tangibilis (sub qua sunt calor, frigiditas, humiditas, siccitas) obiectum est tactus: ita ut nihil percipiat auditus nisi ratione soni: nihil gustus, nisi ratione saporis: nihil odoratus, nisi ratione odoris: nihil tactus nisi ratione tangibilis alicuius qualitatatis. Ad clariorē prædictorum intellectum faciunt quædam diuisiones Aristotelis, ipsum sensibile in aliquot mēbra seccantes. Prior est.

Sensibile, quædam per se, quædam per accidens sentiuntur.

Id est, eorum quæ sensu percipiuntur, alia ratione suæ naturæ, & nō ob aliud inexistens percipiuntur, alia ob aliud inexistens. Prioris exempla sunt quinque sensuum obiecta color, sonus, &c. Posterioris sunt omnia horum obiectorum subiecta, ut homo, equus, lapis, planta, &c. Ratione coloris uidentur, soni causa audiuntur, odores ab odoratu percipiuntur, & non ex propria natura. Altera diuisio.

*Sensibile per se, alia sunt unicuiusque propria sensus, alia communia cunctis. Proprium sensibile est, id quod alio sensu senti-
ri non potest, & circa quod error fieri nequit.*

Id

Id est, quod unico sensu exteriori per se seu speciem percipitur, & circa propriam quod sensus non errat seu decipitur, ita ut uideat non colorem pro colore, aut audiat non sonum pro sono; odoretur non odorem pro odore: & ita in ceteris, licet ignoret quid sit habens calorem, &c.

Sensibilia communia sunt quæ nullius sunt propria se sensus, sed omnibus communia.

Cuius sententia ex definitione præcedenti facile patet, sunt huiusmodi, motus, quies, numerus, figura, & magnitudo seu quantitas continua permanens. Hæc enim à pluribus sensibus exterioribus percipiuntur, licet non ab omnibus, ut motus, & tactu & visu est perceptibilis, secundum Aristotelem. Habent autem hi quinque sensus, suum quisque organum & medium.

Organa sunt hæc, oculus, aures, lingua, nares, nervus tactivus.

Aqueus siue crystallinus, in quo recipitur species & eius uirtute fit uisio in oculo. Dicunt enim in centro huius humoris perfici uisionem. Et propter hunc humorem Aristoteles dixit oculum esse aqueum: quod probat etiã ex aquæ effluxu, cum oculus fuerit confossus, & ex providentia naturæ, quæ circa pupillam circumposuit albuginem pingue, & calidam in modum adipis illis animalibus, quæ sanguinem habent, item & palpebras: hoc ingeniose factum dicens à natura, ut humor ille pupillæ per frigus non aliquando coagularetur uel congelaretur. Ab hoc autem humore alterius tendunt ad cerebrum, à duobus oculis duo nervi, qui in unum conveniunt sese interfecando, qui ceruus opticus, id est uisivus dicitur. Notandum uerò quod tam oculus, quàm anima, quàm etiam potentia uisiva, uidere dicitur, uerùm, id diuersis intelligitur modis. Oculus enim uidet, quia uisionis actum in se habet. Anima uidet tanquam efficiens præcipuum actus uidendi, & uisiva potentia tanquam efficiens instrumentale.

CAPVT II. De obiecto uisus, colore, & luce.

Sunt autem quæ uidentur (ut diximus) colores, lux, & lu-

DE SENSIB. EXTERIORIB.

men, quanquam lumen non propriè terminet uisum. Est enim lumen species lucis, & lux in lumine uidetur, & ipsum de se spargit per medium in organum: sicut color diffundit suam speciem in organo, & per eam uidetur. Species autè propriè non uidetur, sed per ipsam uidetur id à quo diffunditur in sensum. Vbi notandum, quod color ut in oculo suà speciè diffundat, requirit luminis illustrationem. Non enim potest color immutare medium, neq; proinde mouere sensum, nisi cadente super ipsum aliunde lumine extrinseco. Lux uero non eget alieno lumine, quandoquidem ipsa secum lumen affert, in quo uidetur. Vnde si sic esset color esset uisibilis tam de die quàm de nocte, Imò uero per contrarium superueniente extrinseco lumine lux impeditur, ne uideri possit: si superueniat, inquam, lumen maius, Nam maius lumen obfuscat minus: quemadmodum manifestè patet in luna, & stellis, quæ latent, donec solis lumen abscedat, post cuius abscissum uideri incipiunt, si aliud nõ interfit obstaculum. Attendendum uerò quod diximus, ut color uideatur requiri ad luminis alieni illustrationem.

*Arist. 7.
2. lib. de
anima.*

Nam quædam reperiuntur duabus rationibus uisibilia, partim ratione coloris sui, partim ratione luciditatis, uel fulgoris. Patet hoc secundum in lignis putridis, oculis cattorum, uermibus, quibusdam & piscium ossibus. Hæc enim in nocte, & si quando ab eis lumen extrinsecum secludatur, uidentur secundum lucem quam habent. Per diem autem cadente super ipsa extrinseco lumine secundum colorem, proprium longe alia uidentur. Vnde & falli non raro contingit eos: qui sulphurata in cattorum oculos impingunt, aut aduersus truncos putridos nocte consurgunt, ossave huiusmodi pro re quapiam pretiosa decepti colligunt, existimantes se aut carbones uidere ignitos, aut homines armatos contra stantes, aut pretiosa quæque metalla reperire. Hæc ergo corpora sic duabus rationibus uisibilia, ratione quidem coloris (quemadmodum alia corpora) non uidentur nisi in lumine, ratione autem fulgoris illius, non nisi in tenebris. Sunt autem quæ secundum idem, & de die uidentur, & de nocte, quemadmodum uidelicet flamma ignis medio die

dje uidetur in lumine etiam non proprio. De nobis uerò uidetur per lumen proprium, quod de se diffundit. Secundum idem tamen uidetur, quamuis non in eodem lumine.

CAPVT III.

Quibus rebus conueniat color.

Non inuenitur autem color proprie acceptus, nisi tantum in corporibus terminatis, hoc est opacis, & quæ translucentia siue penitus diaphana non sunt. Licet autem solum color ille qui in extremitate apparet corporis opaci, super quod cadit lumen à corpore lucido, moueat uisum atque ab oculo uideatur, est tamen secundum ueritatem color etiam in partibus interioribus ipsius corporis opaci, æque atque in extrema, quemadmodum ad oculum patet in corporis diuisione, ubi manifestè color in utraque parte se offert, qui non per diuisionem illic generatur, sed ante diuisionem præfuit, tametsi non apparuit. Quòd autem non uideatur nisi ille qui est in extremitate, inde est, quòd hic solus lumine. Illustratur. Nam ad colorem qui interius est, non potest luminis fulgor pertingere. Atque hoc est, quod Aristot. in lib. de sensu & sensato.

Quibus conuenit color.

Colorem actu sensum uel sensationem facientem desinit esse extremitatem perspicui in corpore terminato.

Solum enim ille color, qui in extremitate est corporis opaci, uisum mouet: quoniam lumen adueniens corpus tale in sua extremitate tantum facit esse perspicuum.

Quid color actu sensum mouens.

Perspicuum est, quod est quidem uisibile, non autem per se, sed per alienum colorem.

Id est, corpora diaphana, id est translucentia, uel trāsparentia, quæ uisum nō terminant, sed perspicua sunt (ut aer, aqua, cœlestia corpora, & quædam alia corpora solida) nō sunt colorata, neque per se sunt uisibilia, nisi quatenus luminis sunt in se susceptiua, ratione cuius fiūt uisibilia. Vnde cœlos nos uidemus ut coloratos, neq; aerem, neq; aquam, sed tantum ut luminosa, cum lumine fuerint illustrata.

Perspicuum.

Potentialia perspicuum est, id in quo nunc id ipsum inest, nunc tenebræ.

cum uer

Id est, quod aptum est suscipere lumen, actu tamen nō

sub modo

V a habet;

DE SENSIB. EXTERIORIB.

habet: cum autem corpora huiusmodi luminis susceptiua, lumine uacant, tenebræ dicuntur.

Sunt enim tenebræ priuatio luminis in corpore susceptiuo. Est autem perspicuum omne aptum medium uisus (cum fuerit lumine collustratum) per quod color possit uideri.

Vnde Aristoteles definiens colorem, ait,
Color est, motuius eius quod est perspicuum actu, & id est ipsius natura.

Id est, color est qualitas emittens sui speciem uisibilem per corpus perspicuum, lumine collustratum, idq; suapte natura. Non est autem actu perspicuum uel diaphanum, sine lumine. Perspicuum ergo actu mouetur, & immutatur à calore, quatenus uidelicet color in pspicuū imprimit suā similitudinem, ipsum uerò perspicuum consequenter immutat uisum. Atque ita per medium perspicuum color immutat uisum. Sic etiam lux medium perspicuum prius immutat lumen in ipsum diffundendo, ac per medium ita immutat uisum. A diuodum uerò apte hoc natura disposuit, ut corpus perspicuum, quod est uisus medium, non habeat ullum in se colorem. Si enim colorem aliquem in se haberet proprium, color ille impedimento esset discernendis coloribus. Nam quicquid per tale medium uideretur, cōsimilis coloris iudicaretur, ueluti cū per uitrum rubeum, q̄ intra se habet rubedinē, cernimus, quicquid cōspicimus, apparet rubeum. Prouidē ergo hoc natura disposuit, ut medium uisus per quod debeat color discerni, careat natiuo colore. Ob hoc uerò & lumine p̄prio, siue propria luce carere uir, ne luci cuiuslibet percipiendę præbeat impedimētū. *Lumē autem (iuxta Arist.) est actus huiusce perspicui, ea nimirum ratione, qua perspicuum est.*

CAPVT IIII.

Mediam uisus nequaquam impedit uisionem.

*Opinio De
 macriti.*

EX prædictis patet, nō recte sensisse Democritum, qui existimabat, si totum spatium, quo cernimus, esset uacuum, acutius expedimusque singula posse uideri, adeo ut
 formica

formica possit per medium uacuum in cœlo uideri. Sic. n. ista procedit imaginatio, quasi perspicuum intermediū impediatur uisionem, quod ueritatem nō habet, cum potius eā adiunget, imò sine eo non possit fieri. Si. n. esset uacuum inter cœlum, & oculum nostrū, nihil penitus possit eorū qua in cœlo sunt, à nobis uideri. Mediū. n. primū à colore uel luce immutatur, & per ipsum mediū perspicuum immutatum consequenter immutatur oculus. Illud tamen uerum est, qd medium si incrassatum fuerit impedimentum præstare possit, ut quantò magis à perspicuitate recedit, tantò egrius per ipsum fiat, uelut cum aer in nubium densitatem ingrossatur, quemadmodum per aquam difficilior fit uisio, quā per aerem, cum tamen utrunque sit medium uisionis. Qd autem medium actu perspicuum esse debeat, & lumine collustratum, ut fiat uisio, quæri solet, an ex parte coloris hoc sit an parte oculi. Est autem probabilius, quod ex parte coloris hoc procedat, quoniam uidelicet color suapte natura non potest immutare medium, nisi actu perspicuum, & lumine collustratum, neque potest nisi lumine super ipsum cadente, suam speciem in aere imprimere. Nam (quantum ad oculum attinet) experimur, hominem in tenebris densissimis positum uidere candelam lucentem à longe, quod argumentum esse uidetur pro oculo, qd ipse ex sua natura non requirat sui ipsius illuminationem, sed ex parte ipsius coloris, qui non potest aliter nisi in perspicuum actu suam speciem imprimere. Et illa quæ iam supra diximus, in tenebris uideri ratione sui fulgoris uel luciditatis, ab oculo nō illuminato uidentur. Cum aut oculus per suam potentiam uisuiam possit nullo lumine illuminatus percipere flammam & huiusmodi fulgorem, uidetur ipse quantum ex se non requirere illuminationem alicuius luminis extrinseci, ut uideat colorem. Propter quod dixerunt nonnulli esse in oculo quandam lucem, qua sufficiat (etiam si extrinseco lumine non illustretur) quantum ex sua natura, apprehendere uisibilia. Quod tamen non uidetur de luce propriè dicta ueritatem habere, sed tantum de claritate, limpiditate, ac perspicuitate, quæ est in pupilla ad modū

DE SENSIB. EXTERIORIB.

crystalli resplendentis. Lux autem proprie dicta non illic ponenda est, eadem ratione qua nec color. Quomodo. n. si color aliquis proprius esset in pupilla, impediret colorum distinctionem, atque ob hoc denudatum esse oportet organum uisus ab omni colore, ut omnium possit colorum speciem absque impedimento suscipere, & de omnibus iudicare: ita & de luce proportionabiliter apparet dicendum.

CAPVT V.

De auditu & eius organo.

INter sensus exteriores secundo loco ponitur auditus, cuius est sonos omnes atque uoces, & eorum indifferentias percipere. Quomodo autem de uisu diximus, quod consistit in quodam aqueo, in humore, scilicet crystallino, qui est intra oculum: ita de hoc sensu dicunt, quod sit in quodam aereo naturali circumdato membranda, & intra aurem diligenter abdito, prouideque conclusio, ad quem cum species soni per aerem extrinsecum delata fuerit, susceperitque intra se speciem soni: ita causatur auditio, fitque ibi soni perceptio: sicut uisio fit in pupilla oculi, suscepta in eam coloris specie. Hunc autem aerem natium prouida natura, siue potius naturæ prouidissimus institutor egregiè muniuit (ne lædi facile possit quouis aeris impulsu) mirabili curatione, quæ in aure apparet, iter ipsum ad hoc auditus organum multis anfractibus, & tortuoso meatu reddens admodum difficile: ne si recta esset ingressus, aer uehementer commotus facile usque ad organum uiolenter se ingerens, ipsum læderet atque destrueret. Nunc uero cum per tot curuitates atque anfractus aer petransit, antequam ad organum intrinsecus latens pertingat, frangitur eius uiolentia, ne possit nocere, quantumuis extra aurem fuerit, uehemens aeris commotio. Quemadmodum uidemus aquas in rapidis torrentibus, ubi recto currunt tramite, maximo ferri impetu, ubi uero aufractus plures, & incuruaturæ occurrerint, frangitur impetus, & ad partes illas, quæ post has curationes sitæ sunt, mitiores ueniunt aquæ, fracta nimirum per alueum

Comparatio pulchra

alueum tortuosum nimia impetuosi cursus uolentia. Cuius simile & in oculi pupilla consideramus, cui ne à subito ingrediente nimio lumine, aut etiam ab aere nimium propinquo euenire possit ulla læsio, nature auctor præuia contulit munimenta, albuginem uidelicet, & reticulos anteriores quibus à læsione & offensione pupilla seruetur, ut non immeritò diligentissimam Dei erga te custodiã postulans dixerit Propheta, Custodi me dñe ut pupillam oculi. Rursum quò in pupilla diximus nullum esse colorẽ, ad hoc ut omnium esse possit colorum perceptiua, sic & de hoc aere dicendum, quod nullum in se proprium habeat sonum, ut absque impedimento omniũ possit sonorum differentias suscipere. Quod autem manũ admoventes auri, audire nobis uideamur intra aurem sonum quẽdam ad modum cornu obscure sonantis, non argui sonum aliquem esse in organo auditus. Est enim sonus iste in aere, qui extra pelliculam est, inter manum & organũ auditus, qui intra auris anfractus cõclusus, atq; coarctatus, per manus arctam cõpressionem aut digiti immissionem, nec exire ualens, mouet membranã qua aer connaturalis clauditur, à qua mouetur organum auditus, sicq; causatur sonus. Est autem huius soni intra aurem perceptio in homine signum incolumis auditus, ita ut si manu admota auri, aut digito immisso non percipiatur sonus huiusmodi, signum sit læsi aut male dispositi auditus: quemadmodum argumentum est sani uisus, si oculus obiectus solari radio, uel admoto proprius lumine candelæ, non immotus persistat, sed ocyus sese uoluit, & palpebras tremulas frequenter claudat ne nimio lumine ipse offundatur, & sensus ipsius hermonia dissoluatur. Quibus autem hoc deest, uisum habent læsum. Vnde cæcos uidemus admota lucente candela oculos nihil retrahere: & surdi uel surda stri manum auri apponentes, sonum illum supra dictum intra aurem non percipiunt.

Psal. 16

De sono
quem au-
ditus in-
tra aurẽ
immisso
digito.

CAPVT VI.

De sono qui est obiectum auditus.

EST autem sonus proprium obiectum auditus, ita ut ni-

DE SENSIB. EXTERIORI.

hil nisi gratia soni audiri possit, & quicquid auditur gratia soni audiatur.

Est autem sonus, motio eius, quod eo motu ueri potest, quo moventur ea quæ resiliunt à corporibus leuibus quispian percutit.

*Obiectum
auditus so-
nis.
Soni defi-
niti.*

*Aria ad
sonum re-
quisitio.*

Hanc definitionem patet esse causalem, & hic redditur sensus: Sonus est qualitas quædam causata in medio ex collisione siue percussione duorum corporum adinuicem, qui cum totum oppleuerit medium usq; ad organum auditus, efficit auditionem. Ad quemlibet enim sonum causandum tria requiruntur, scilicet percitens, percussum, & mediũ. Quanquam horum aliqua secundum rem interdum contingit concidere, utpote cum unum duorum fungitur officio, ueluti cum quis, uirga uiolenter percutit aerem, idem aer quatenus uiolenter ictus habet rationem percussi, quatenus uerò in se sonum recipiens, dicitur medium. Vnum autem corpus per se solum non potest sonum efficere. Notandum uero, quod sonus non in ipso est subiectiue quod percutit, neque quod percutitur, sed in medio circumstante (aere scilicet, uel aqua) quod ipsum in se recipit. Cum enim ex ictu mallei super campanam sonus editur, non est ille subiectiue neque in campana percussa, neque in percutiente malleo, sed in aere circumstante, & per impulsum siue ictũ moto & cyrcumgyrato, in quo suscipitur soni qualitas. Vnde quod campana sonare, dicitur uel malleus, extrinsecè intelligitur, quatenus uidelicet sonum edũt sua percussione, quemadmodum Solem dicimus calidum, qui tamen uerè calorem non habet, sed caloris est tantũ effectiuus. Atq; ita corpora sonora dicimus, quatenus soni sunt effusiuæ, ubi fuerint icta. Aer uerò tametsi in se habeat subiectiue sonũ, nõ tamen ab eo sũ concretum aliquod uulgo usitatum de nominatur. Non enim dũ aer sonans, neque ẽt (iuxta cõẽm uocabuli acceptionem) dũ sonorus, tametsi sono sit informatus. Qua in re manifesta inter sonum (qui est obiectum auditus) & inter obiecta aliorum sensuum differentia, est quĩ color subiectiue est in re, quæ per ipsum uĩ, & odor in re est, quæ per ipsum odorem tantũ percipitur, sapor itẽ in re quæ gustatur, & tangibilis qualitas in re quæ tangitur.

Solut.

Solus autem sonus non est in re, quæ auditur, sed ab ea tantum procedit, & in medio recipitur. Solus etiam sonus in ipso medio realiter existit. Ceterorum autem obiecta sensuum tantum sunt in medio intentionaliter, uidelicet secundum suam speciem. Fit autem sonus non absque locali motu. Cum. n. sonus nō fiat sine collisione & concussione, percussio uerò non absq; motu, consequens est, nec sonum posse fieri absque motu. Sic autem fieri dicunt sonum in collisione corporum, quomodo in aquæ superficie fieri uidemus, si iniiciatur lapillus. Videmus enim circa locum iniectionis in aqua fieri circulos, & primum quidem minores, ac deinde continuo maiores in longam distantiam, iuxta quæ iniectionis magis fuerit uiolenta, aut maior fuerit aquæ circa locum iniectionis commotio. Ipse autem locus iniectionis uidetur esse centrum omnium illarum circulationum, & circum ipsum sese gyrent per circuitum apparentes illi circuli. Ita dicunt, cum facta fuerit in aere collisio duorum corporum, ipsum aerem fortiter impulsam per circuitum se gyrare (ita ut locus collisionis sit quasi centrum huius circumgyrationis) idque in circulationes continuo maiores, cum quo motu pariter & sonus dispergitur à loco collisionis, donec tandem ad aurem usque perueniat.

CAPUT

VII.

An sonus realiter debeat ad organum usque diffundi.

Q Vomodo uerò sonus ad aurem perueniat, an secundum seipsum, an secundum suam speciem, dubium est. Quidam dicunt, ipsum sonum sese realiter multiplicare usque ad organum auditus, atque ibi suam speciem imprimere organo, ut percipiatur ab auditu. Probabilior tamen est contraria sententia eorum, qui dicunt, in aere quidem proximo & circumdante locum percussione, per circuitum ad aliquam distantiam realiter sonum causari, iuxta uehementiam collisionis, quousque uidelicet per hunc ictum aer mouetur per circuitum huius percussione: in partibus autem elongatioribus

DE SENSIB. EXTERIORIB.

tioribus non esse realiter sonum, sed speciem soni ab ipso sono qui est in partib. uiciniis diffusus: quomodo color de se speciem diffundit in medium, per quod attingit in organum uisus. Neque enim causa uidetur ob quam amplius debeat sonus per suam realem præsentiam immutare organum, quàm color. Vnde uidetur (iuxta hanc probabiliorē sententiam) sic se habere aer proximus corpori tonanti, eique contiguus, & sonum in se habens quomodo corpus coloratum. Ipsum uerò aerē remotiorem, ad modum aeris immutari specie coloris, Vnde quòd supra diximus, sonum tunc efficere auditionem, cum usq; ad aurem totum oppleuerit mediū, intelligendum est, partim & in se, partim secundum suam speciem. Et id quidem omnino uidetur rationi magis consentaneum. Videmus enim in corporibus duris nonnunquam ex paruuli corporis super durum aliquod collisione sonum fieri, qui locum aliquem ualde magnum immutat: ut si quis in templo magno, lato, & alto silicem paruulum super lapideum pauimentum desuper cadere sinat, absque aliqua singulari uehementia, auditur statim sonus usq; ad extremā partem templi. Nequaquā autem uidetur sonus realiter per omnes angulos eius diffundi. Cū enim dicant per aeris motum sonum deferri, quo pacto id uideatur rationi consonum, ut ex tam paruuli corporis ictu totus aer, qui in tā amplo loco est, dicatur localiter moueri? Item cum leui ictu in cymbalo fit tinnitus: ictus utiq; leuissimus est: nec rationale uidetur, ut tam minimo & leuissimo ictu totus dicatur aer, qui in templo est, moueri. Auditur tamen sonus cymbali usque ad extremos angulos. Vnde uerissimile uidetur, quod sonus lapilli istius aut cymbali in partibus elongatioribus non nisi intentionaliter inueniatur, realiter autē tantum in partibus proximis loco collisionis.

CAPVT VIII.

Non semper maiorem sonum audiri remotius.

Quòd si quis interroget, quo pacto tā modicus sonus tam longè possit immutare aerē, & paruuli corporis
tam

tā modica percussio, quō tam latē possit spēm soni spargere: cum corpora multo maiora collisa etiam fortius nō t̄ longē spargant, neque tam latē diffundant suam speciem. Vnde si magnum pondus plumbi desuper caderet super pauimentum lapideum, uix tam longē audiretur quā sonitus parui cymbali, aut cadentes de super lympidi lapilli super duro lapideo pauimento. Huic quæstioni non admodum difficulter adhibetur responsio, facta analogia ad naturam colorum. Nam ut in coloribus non semper ille longius immutat uisum qui quantitate maior est, sed qui ex sese clarior & luci similior (quemadmodū color albus quantitate modicus, longius immutat uisum quā color niger quantitate maior: item color rubeus & ceruleus multo longius quā uiridis aut fuscus) sic & de sonis dicendum, qđ quidam ex sua natura sunt magis immutatiui medi, & speciem suam facilius latiusque diffundentes, quam alij: ut soni acuti magis sunt motiui auditus, quam graues. Atq; hac ratione contingere potest, ut corporum sonantium, illud longius audiatur, quod minorem edit sonum quā ipsum quod longē efficit realiter maiorem. Et fieri potest, ut duorum corporum sonantium id quod latius realiter diffundit sonum, non ita longē audiatur, ut illud quod non ita longē realiter sonum fundit. Potest enim uehemens & fortis corporum duorum concussio latē sonum spargere, quomodo & latē mouet aerem per circuitum: ipse tamen sonus editus non erit de sui natura speciei latē diffusiuus: alter cum sonus modicus, acutus, clarus, & limpidus, ex collisione leui generatus, latē suam dispergat speciem, & per distans admodum medium possit eam ad auditum transnittere. Nouissimē de sono in generali & illud aduertendum est, qđ recipi possit non solum in aere, uerum et in aqua: tamen in aqua minus percipi possit, sicq; subobscurior, eō quod propter eius crassitiem uelut hebescat & supprimatur. Potest quoq; etiam homo in aqua audire (tamen obscurius) quandiu per tortuosum & curuum iter in aērē prohibentur aquæ ingredi. Vbi uerō locū hunc occupauerint aquæ, qui est intra aurem, & ad pelliculam qua aer con-

turalis

DE SENSIB. EXTERIORIB.

turalis regitur peruenierint, indisponitur organum, ne amplius percipiat sonos.

CAPVT IX.

De uoce, quomodo fiat, & quibus conuenias.

*Vocis de-
finitio.*

Est autem, quædam particularis species soni conueniēs solus animantibus licet non omnibus, quam uocem appellamus, definiturq; ab Aristotele hoc modo,
Vox est ictus aeris respiratione attracti, quidem ab anima fit ea quæ in partibus collocatur ad eam partem quæ gurgulio appellatur.

Quæ definitio hunc in modum est intelligenda: uox est sonus causatus ab ictu aeris ab anima respiratione attracti, & percussi ad uocalem arteriam, cum alicuius significationis imaginatione. In qua definitione sonus pro genere ponitur. Cætera uerò ad exclusionem aliorum sonorum quæ uoces non sunt adduntur. Cum enim dicitur uox est sonus aeris respirari ab anima, manifestè ostenditur, uocem non nisi rebus animatis competere: neque illis quidè omnibus, sed iis tantum quibus cōuenit respiratio. Aer enim respiratus dicitur, qui est per respirationem attractus, qui postquam impetu fuerit concussus ad uocalem arteriā, siue gurgulionem, hac concussionem sonum efficit. Manifestum enim est, qd aer per respirationem attractus in quantum huiusmodi non efficiat uocem. Alioqui perpetuò homo uocem ederet, cum perpetuò respiraret: Sed neque per solā aeris prius attracti emissionem. Nam & silens homo emittit attractū aerem. Verum cum intus contentus aer cum impetu concutitur ad latera gutturis, ad uocalem arteriam ita demum uox efficitur. Ex quo primum euidens est ratio, quare pisces in aqua uocem non forment. Sola enim respirantia possunt uocem edere, piscibus autem non est respiratio. Item neque uocalem habent arteriam aut gurgulionem. Quidā tamen pisces sonitum aliquem faciunt attritu branchiarū, qui uox non est dicendus, quemadmodum neque sonus quē faciunt apes & muscæ confricatione siue impulsu alarum. Imò neque quilibet sonus ex partibus humani corporis factus uox dicitur, quemadmodum manuum compulsio, aut pedum

pedum concussio nō dicitur uox, eò q̄ non sit ex collisione aeris respirati ad uocalem arteriam. Patet etiam q̄ sonus ille quem faciunt dormientes dum stertunt, nō mereatur uocis appellationem, tametsi fiat ex aerē per respirationē attracto. Non enim fit hic sonus per concussionem aeris ad uocalem arteriam. Quod autem additur in definitione, cū imaginatione, id est, intentione aliquid significandi, ideo additur, quia hæc est natura uocis, & ad hoc uox ordinatur, à natura tam in hominibus, q̄ in brutis, ut per eam aliquid significetur. In hominibus quidem, ut inuicem sibi possint indicare mentis conceptum & animi cogitatum, inuicēq; sibi secreta animi patefacere & communicare, non necessarii solum, sed etiam amicitiae gratia. In brutis autem, ut affectus sensuales possint aperire: uerbi gratia, concupiscentiam cibi aut potus, iram, metum, gaudium. Quemadmodum cum canis latrat, iram indicat aduersus incognitū, uel cibum exposcit à domestico, quasi patefaciens cibi defectum, & sui postulans fieri memoriam. Nonnunquam uerò ad gaudium ostentandum & applausum, exclamant, latrantq; blandius, utunturq; bruta in singulis affectibus exprimendis accommodatis uocibus, iisq; diuersis, iuxta qđ prudens speciei unicuique natura indidit. Vnde canes nūc latrantes, nunc gementes, nunc ciulantes, nunc uelut & multiplicatum sonantes, ad diuersorum affectuum demonstrationem percipimus. Ponit quoque Aristoteles aliā breuiorem uocis definitionem, hanc uidelicet.

Vox est sonus quidam animatus.

Quæ ex præcedenti supplenda & intelligenda est.

CAPVT X.

Quomodo respiratio item & lingua ad plura conducit, & de uocali arteria.

AD exactius uerò perspicendum naturæ ipsiusq; naturæ auctoris beneficium, attende non simplex esse respirationis officium. Nam primum conducit respiratio ad præcordiorum calorem temperandum. Nam à corde calor

hominibus egreditur ad præcordia, qui nisi continua aeris attractione refrigeraretur, impossibile foret animal in uita perduare, facileq; calor excessu absumeretur. Propter quod Deus naturæ pulmonem circum præcordia uelut solem posuit per circuitum, qui aerem sese aperiens ac dilatans continuo attrahat, iterumq; se comprimens eiiciat, ut attrahat alium; sicq; perpetuo, donec animal uiuit, hæc seruat uicissitudinem, hac autem respiratione non egent animalia exangina, neque illa etiam, quæ licet modicum sanguinem habeant, non tamen tantum, ut præcordiorum ab eo inflammatio huiusmodi exposcat refrigerationē: cuiusmodi sunt pisces in aquis habentes mansionem, ubi nō potest fieri respiratio. Et quantum ad hunc usum est respiratio necessitatis, propter scilicet animalis uitam conseruandam. Alterum uerò ad quod ordinatur respiratio, non necessitatis simpliciter est, sed tantum boni gratia, & ad utilitatem siue cōmodum animalis, hoc est, ad uocem formandam, per quam animi aut sensus exprimat affectus atq; cogitatus. Atque ita etiam de lingua consideramus, q̃ ad duā naturā deseruiat: quorū prius est, ad uitæ animalis quandam necessitatem, ad gustandum uidelicet & discernendū inter sapores, quod in animali est propter nutritionem, ad cibi conuenientis acceptionem uel disconuenientis abiectionē. Alterum uerò est solum boni & commoditatis gratia, uidelicet loqui & uerba formare: quod simpliciter non est necessarium humanæ uitæ: quandoquidem & muti absque hoc officio uitam seruant. Propter quod etiam primū officium in omnibus hominibus cernitur habere lingua, do nec uiuunt secundum uerò quibusdā deficit, De uocali autem arteria, ad quam superius dictum est fieri debere collisionem aeris ad formandam uocem, notandum est, quod distinguitur a uia cibi. Est enim alius meatus per quem cibus transit ad stomachum, & alius per quem aer per respirationem attrahitur, uoxq; formatur. Nam uia cibi ad stomachum tendit, uia autem aeris siue uocalis arteria ad pulmonem, cui adfert aerem pro cordis refrigerio: estq; uia aeris multò actior, & angustior, q̃ sit uia cibi. Et quia nō lō

*Vocalis
arteria
quid sit.*

gè à uia cibi uocalis arteria distat, idcirco prouidissimus naturæ auctor operimentum ei desuper posuit, quod dum animal cibum sumit, uiam uocis claudit, ne aliquid alimenti à suo tramite deuians, inq; ipsam incidens, animali adferat uitæ periculum, ipsum suffocando aut strangulando, quemadmodum nonnunquam accidere uidemus iis qui inter epulas profusus solent cachinnari: quod ubi contingit non cessat pulmo tussim concitare, & aerem uersus partem superiorem fortiter pellere, ut uel impetu eiiciatur (si fieri potest) quod aeristramitem impedit, & nisi pellatur, animal strangulat,

CAPVT XI.

De uocibus articulatis & inarticulatis.

Q Vædam autè uoces sunt, quæ certis articulis possunt distingui, & secundum particularum aptam distinctionem ita percipi, ut etiam respondentibus literarum figuris describi possint, quemadmodum experientia monstrat, illa nos certis characteribus depingere, quæ ab hominibus uocibus articularis proferuntur. Est enim inter articulos uocis: & characteres huiusmodi mirabilis quædã correspondentia, per quã fit ut unum horum alteri respondeat, possitq; alterũ alterius fungi officio. Quicquid enim per uocem præsentis facimus, id per scripturam correspondentem absentes quoque agimus suntq; literæ ipsæ quædã uicariæ absentium uoces. illa autem uox quæ nullis certis distinguitur articulis, ut possit correspondentibus characteribus figurari, sed prorsus indistincta est, & membris non distinguitur, dicitur uox inarticulata. Cuiusmodi sunt uoces brutorum animalium, ut bouis mugitus, ouis balatus, canum latratus, æquorum hinnitus, itemq; auium garritus quanquam per artem & humanam industriam harũ quasdam uidemus pauclas aliquot articulatas uoces formare, quod ab illis famis inedia, & importuno præcentu potissimè extorquetur. Id qđ de psitaco ac coruis Satyricus Persius testatur his uersibus, Quis docuit psitacum suum chæ-
re? Cor-

Quid articulata uox.

Quid uox in articulata.

DE SENSIB. EXTERIORIB.

te? Coruos quis docuit uerba nostra conari? Magister artis ingenique largitor, ueter. Voces autem puerorum claman-
tium, & ebriorum, atque furiosorum uociferantium, his-
que confimiles articulatae non sunt, cum nullis figuris re-
spondentibus possint depingi. Quis enim bouis mugitum
quis canis latratum aut eiulatum depingat ullis characteri-
bus? Sic & muti uocem quidem dant, qua tamen eam non
debitè articulateque distinguunt, uocem non proferunt ar-
ticulatā. Vbi attendendum est, quod longe aliud est loqui,
aliud uocem formare. Neque enim quicumque uocem for-
mat, loquuntur. Loqui enim dicuntur illi tantum, qui uer-
ba formant. Non omnes autem qui uocem edit, uerba for-
mat. Non format enim uerba, nisi qui articulata profert uo-
cem. Nam uoces inarticulatae uerba non dicuntur. Proce-
dit autem hæc articulata eloquutio ex mentis cōceptione,
neque inuenitur nisi in humana specie. Ex ratione n. & mē-
te oritur articulata eloquutio: quæ dū id quod ordinate cō-
cipit & apud se cogitat, suæ naturæ consorti, id est, conue-
nientibus hominibus cupit significare, uocem talem edit
secundum suos articulos & membra apte distinctam, quæ
id quod in mente est possit debitè: & ordinate (iuxta quod
in ea est) repræsentare.

*Literæ uo-
cum uica-
riæ.*

Verum quia uox non potuit nisi ad præsentem fieri, ne-
que sonare potest ad nimium distantes, frequenter aut usu
uenit, ut quis longè absentibus proditum uelit animi sui
conceptum, hinc scripturam adinuenit humana ratio arti-
culatam, qua uocis defectum supplēat. Nam literæ apud ab-
sentes uocis uice funguntur. Est autem & scriptura quædā
inarticulata, non minus quam uox: qualis uidelicet est quā
puerili antequam characterum formam effingere sint edo-
cti, incerto calami tractu depingunt. Aduerte tamen non
esse solū uoces articulas eas, quæ in idiomate aliquo de-
terminatam habent significationē. Nam cum interdum ho-
mines ad iocum animi gratia, linguam peregrinā aut bar-
baram se loqui fingunt (ueluti si fingens peregrinū me idio-
ma loqui, pleno ore dicam buskam barbucachum, uel
alia huiusmodi (uoces utique sunt articulatae non tamen
in

in ullo idiomate (quod equidem sciam) quidquam significat. Attamen potest omnis uox articulata ad significandum imponi, & uox ad placitum instituentium fieri significatiua, quemadmodum uoces nouas quotidie uidemus recipi ad significationem, quæ ante hac in nullo idiomate fuerunt significatiuæ. Sciendum est etiam, quod solæ uoces articulatæ ad placitum instituentium significant. Omnia enim idiomatica quantumcunque barbara, uocibus utuntur articulatæ ad sui animi conceptus exprimendos. Neque ullum est idioma aut esse potest, quod inarticulatæ utatur uocibus: pleræquæ; tamen uoces inarticulatæ sunt significatiuæ naturaliter, nimirum omnes illæ quas ex naturæ instinctu uidemus animalia bruta ad aliquam sensus passionem indicandam formare. Neque solum in brutis, uerumetiã in hominibus, ut ploratus infantium, gemitus infirmorum, suspirium dolentium. In animalibus etiam brutis, latratus canum, mugitus bouum, balatus ouium. Ad huiusmodi autem articulatæ uocis formationem, non sufficit pulmo & uocalis arteria sed alia insuper instrumenta sunt necessaria, quæ uoci dant articulationem. Nam præter illa duo (quæ ad simplicem uocem formandam sufficiunt) requiruntur etiam lingua, palatum, dentes ut minimum quatuor, ad quos fiat uelut limatio atque colatio & duo labia, per quæ fiat expressio. Et in quibus hæc instrumenta deficiunt, aut fuerint impedita, uocem hi efficiunt inarticulatam. Vnde uetulas dentibus deficientes uidemus uix articulatam uixque distinguibilem sermonem non posse edere, item & eos qui linguam non habent integram, uel non liberam & ligatam. Sed hæc de uoce articulata & inarticulata dicta sufficiant, quæ ob hoc prolixius aliquanto deduximus, quod ab alijs plerumque uideremus omissa, cum sint tamen ualde digna consideratione physica. Vox enim huiusmodi articulata est qua homo manifesto & speciali Dei beneficio cætera animalia præcellit, propter quod solus etiam peculiaria ad eam habet instrumenta, quæ illa non habent.

Vox naturaliter significatiua.

Requisita ad uocem articulatam.

DE SENSIB. EXTERIORIB.

CAPVT

XII.

De sono qui appellatur Echo.

QVandoq; autem auditur sonus quasi rediens illuc unde fuit emissus, & uelut sonus soni uestigium subsequens. Quod fieri accipiendum est per reflexionē soni repercussi ab obiecto corpore, sicq; reuertentis ad aurē: qui sonus, cum longinquior adueniat ad aurem (utpote reflexus & repercussus, admodum pilæ resilentis à loco ad quem directe fuerat proiecti) meritò posterior tempore auditur. Fit autem hæc reflexio & repercussio maximè circa montes aut syluas & aquas, aut in corporibus cōcauis, ut in templis habentibus reflectentes testudines. Et illic tardius subsequitur Echo primū sonum, ubi latior est reuerberatio, distatq; longius id unde fit repercussio. In tēplis uerò breui & apta testudine coaptatis, uix Echo auditur subsequi, sed simul cum prima uoce se adiungens, quasi sonū duplicat, & mirū cantantibus est subsidium, si pauci sint: quem admodum contra onus graue, si nimii, eo qđ subsequens fortis reflexio prioris emissi soni, grauet & uelut opprimere laboret sonum directum, emissum posterius. Vbi notandum, qđ (iuxta Aristotelis sententiā) semper fit soni repercussio & reflexio, quamuis non semper percipiatur. Interdū enim ita debilis est reflexio, ut non ualeat percipi: quemadmodum lumē quidem semper reflectitur & reuerberatur, sed plerunq; tam infirma est uerberatio, ut lumen nō iudicetur, quemadmodum in umbra candelæ per noctem contingit, ubi in umbra est quædam luminis reflexio, sed non iudicatur à sensu propter debilitatem. Nam si non esset reflexio luminis, sequeretur per diem loca omnia plena esse tenebris, ad quæ nō pertingeret directus Solis radius, atq; ita loca plurima destituta essent lumine. Sed quia lumē Solis admodum potens est, idcirco etiam reflexum ipsius luminis facili cernimus. Ita ergo dicunt in omni sono fieri reflexionem, sed non semper auditu percipi. Et quanquam communiter Echo non nisi in terminatione soni auditur, fit tamen priorū partium soni æque reflexio, sed non aduertitur propter partem soni subsequentiē, quæ fortius immutat

eat auditum (cum sit sonus directus) quàm Echo, cum sit sonus reflexus. Verba autem Aristot. sunt hæc,

Fit Echo, cum aer factus unus ob uas uel locum quæ terminauit ipsum atque dissolui prohibuit, inde resilit, ueluti pila repulsus.

Quorum sensus ex præcedentibus claret.

CAPVT XIII.

Quod uisus nobilior est auditu, & quomodo uisus auditum anticipat.

QUoniam uerò uisus mouetur à suo obiecto, absque motu locali, & absque reali sui obiecti in mediū effusione, tñ speciē obiecti absq; omni corporali immutatione, per medium deferens sulciendo; auditus uerò nō nisi per exteriorē motum corporalem, & realē obiecti proprii in medium effusionem: idcirco uisus spiritalior & nobilior iudicatur, q̃ auditus, ac per consequens cæteris etiā sensibus auditu minus spiritalibus. Visus enim oīum sensuum spiritalissimus est, & per consequens maxime sui obiecti facillime perceptiuus. Atque hinc etiam est quod dici solet, uisum anticipare, siue anteuertere auditum. Prius enim ad organum uisus perueniat obiectum ipsius secūdu suam speciē. q̃ ad auditum perueniat ipsius obiectū. Quia enim sonus diffunditur per motum localem, qui successiue fieri debet, & tēpus postulat (cum sit motus corporalis) color autem absq; motu corporali suā speciē diffundit in oculo, ad eum modum quo lux suam diffundit lumen (id est, in momento absque successione) idcirco non miū uideri debet si uisus citius percipiat colorem aut lucem quā auditus sonum. Hoc autem est, uisum anticipare uel anteuertere auditum.

Visus anticipat auditum.

Quod experientia quidem nobis ad oculum in nonnullis manifestat. Qui enim à longē spectant cēdentes ligna in syluis, prius uident securim ferientem truncum, quam sonum ex percussione sequentem aduertant. Imò prius in altum eleuasse eos securim ad iterum ferendum cernunt, quàm prioris ictus sonitus ad aurem fuerit delatus. Idem uident, qui à longē mulierculas super aquas linteorum im-

mundicias eleuato ligno excutiētes spectant. Idipsum quoque & in corruscatione cōtingit, dum prius fulminis splendorem oculus cernit, quā ad aurem tonitruī sonus pertrigerit, cum tamen secundum ueritatem tonitruī concussio præcedat.

CAPVT XIII.

Quomodo in homine uisus & auditus ad singularem finem ordinantur.

Nota.

Illud autem in consideratione operum Dei & naturæ ualde admirabile est, quod in humana specie non solū plura uoluit ponere organa, & nobiliora, quā sint in speciebus inferioribus brutorum animalium, uerum etiam eadem illa quæ communiter dedit hominī & aliis animalibus, in humana specie ad usus quosdam peculiares, & secundum singularem aliquam excellentiam constituit. Visum enim & auditum communem fecit etiam aliis animalibus, eatenus uidelicet, quatenus suæ cōueniret naturæ, ut scilicet à longe possent alimentum & sibi conuenientia uidere ac prosequi, aut disconueniens & inimicum fugere, itemque per sonum uel incitari ad id quod conueniens est, uel absterri ab eò quod disconueniens. Peculiariter etiam propter hominis utilitatem (cui à natura cætera sunt subiecta) (ut per humanæ uocis sonitum possent dirigi & gubernari, quemadmodum animalia domestica uidemus ad uocem hominum uel accedere, sumendi pabuli gratia, uel effugere, & à tentato desistere, propter uocis terrorem, aut etiā moueri & gradum sistere, secundū directioris imperium. In homine autem peculiariter hi sensus altioris boni (ut Aristoteles ait) id est, disciplinæ & prudentiæ gratia sunt. Ostendunt enim (ut ipse ait) plurimas rerum differentias, ex quibus confurgit contemplatio, & circa agibilia humanasque actiones discretio. Hinc senes plerumque prudentiores sunt, utpote plures habentes diuersarum rerum experientias, quæ ex particularibus rebus sæpius uisis uel auditis gignuntur in homine, per comparisonem intellectus. Est tamen differentia

*Aristot.
in lib. de
sensu &
sensu. I
cap.*

tia quædam inter uisum & auditum, quod uisus ad per se dinoscenda secundum se melior promptiorque habetur, & quantum ad ea quæ corpori sunt necessaria, magis homini deferuit, quoniam ubiq; sese offerunt uisibilia, nõ item audibilia: neque sic ad animalis bonum & uitam intertendendam est necessaria sonorum, ut colorum perceptio atq; discretio. Omnia enim corpora occurrentia colorem habent insuper etiam sensibilia communia magis uisus discernit, quam auditus: Soni uerò in paucis inueniuntur, & non ita passim occurrunt. Vox autem in paucioribus reperitur. Per accidens tamen auditus melior est, & quantum ad animam uerè utilior, quoniam disciplinæ plurimū cõfert, propterea quòd ad disciplinā capiendam hic sensus optimè subseruiat. Sermo quo docens utitur, non nisi per auditum capitur, atque ita rerum utilissimarum, & dignissimarum cognitio, auditus ministerio in nobis comparatur. Vnde fit, ut qui à natiuitate cæci fuerunt, nullum habeant impedimentum quin euadant doctissimi atq; sapientissimi. Nati autem surdi admodum non possunt esse sapientes, tametsi ex uisis possint habere magnam in particularibus experientiam ad ea. Hæc tamen utilitas de qua loquimur, ipsi auditui per accidens conuenit. Sermones enim illi pleni disciplinæ, quantum ad ipsum corporis auditum, nihil amplius efficiunt in homine, quam si aliam quamlibet edas uocem: quomodo in brutis animalibus uidemus, quòd nihil amplius accipiant ex sermonibus plenis prudentiæ, si in aures eorum insonentur, quàm ex uocibus nihil significantibus. Sed intellectus est, qui per auditus ministerium tantam homini confert sublimitatem. Visus ergo per se ad plura, eaque animali secundum uitam corporis magis necessaria est melior, auditus uerò per accidens ab ea quæ mentem oblectant, & intellectui conducunt utilior habetur. Qua de re forsitan in libro de intellectu & uoluntate latior fiet determinatio.

DE SENSIB. EXTERIORIB.

CAPVT

XV.

De olfactu, & eius obiecto.

*Olfactus
instrumentum
& obiectum.*

*Medium
olfactus
est aer &
aqua.*

Post uisum atque auditum, tertio loco ponitur olfactus, qui perceptiuus est, atque discretiuus odorum. est autē hæc potentia sita in duabus carunculis, quæ sunt intra nares similes capitibus mamillarum, quæ sunt organum olfactus. Estque hoc organū secundū aliquam participationem naturæ igneæ & igneum aliquid, quemadmodum organum uisus supra diximus esse de natura aquæ, & auditus de natura aeris. Ad quod organum cum odor à corpore odorifero diffusus pertingit, fit odoratio. De modo autē quo odor à corpore odorifero diffusus contingit ad olfactum, notandum sicut de sono dictum est, ad eius diffusionem requiri motū localem, itā ad odoris diffusionem fumalē quandam euaporationem siue exhalationem. Corpora. n. odorifera dicuntur euaporationes quasdam & (ut dicam) effumationes aliquas efficere, per tenuis uaporis ab eis resolutionē. Cuius signum est, quod temporis successu minus uidentur, id quod per euaporationem satis probabiliter uidetur contingere. Vnde per diem (quando calor uiget) flores ex perimur magis odorem diffundere, quā per noctē. Cuius non alia uidetur causa, nisi quòd calor diei educit fumositates aut uapores à corpore odorifero: frigus autem noctis, quodāmodo cōdensat atque cōstringit odorabilia, ne tunc ita fumositates effundāt. Manifestissimè uerò ad oculū cernimus, cum odorifera (ut thus & ligna boni odoris cremantur per multam fumositatum exhalationem copiosissimum effundi odorem. Vnde licet hanc euaporationem oculus apertè non semper percipiat, est tamen omnino rationi id persuasibile ex his quæ cernimus, à rebus odoriferis uirtute caloris cuiusdam, qui in odorifero est, aliquam fieri euaporationē, per quam odor diffunditur ad organū olfactus: à quibusdam quidem grossiorem, à quibusdam uerò subtiliorem iuxta naturam & dispositionem corporis odorem fundentis. Ex quibus ratio claret, ob quam corpora quædā nullū de se: fundunt odorē, quia scilicet nullā de se fundāt euaporationē neq; effumabilia sunt: quæ etiam temporis succes-

successu non uidetur minui. Imò nec in igne posita minuuntur, quemadmodum auxum, quod dicunt esse minimè odorabile, qm̃ ex eo nihil, resoluitur, propter quod & igne nihil deperdit.

Aduertendum tamen, quod multa corpora aliquem de se odorem fundunt, & aliquam euaporationem, quem tamen nō faciliè homo percipit, eo quod homo sit imperfecti odoratus, neq; possit nisi excellentiores odores percipere. Vnde dicit Aristoteles, ferrum habere odorem, & magis æx, aurum autem nequaquam. Nobis tamen uulgò ut non aurum ita nec ferrum, neque argentum uidetur odorem diffundere. Quod autem homo imperfectum habeat hunc sensum odoratus, experientia satis monstrat, quoniam quidam animalia quædam acutius exactiusq; olfaciunt ut canes & uultures. Vnde hunc sensum præ omnibus dicunt in homine esse imperfectissimum, causam assignantes, eo qđ iuxta cerebrum eius organum sit positum. Homines autem in cerebri magnitudine & frigiditate, cætera animalia excedere, compertum est. Vnde oportet organum olfactus (quod igneæ naturæ est, calidoq; & sicco perficitur) impedimentum aliquod accipere ex uicinitate cerebri in qualitatibus contrariis excellentiis, ut non ita exactè possit singula percipere, quomodo in alijs animalibus, in quibus nō est tanta cerebri frigiditas aut magnitudo, aut in quibus non est tanta uicinitas huius organi ad cerebrum.

CAPVT XVI.

Quomodo odoratus in hominibus secundum aliquid perfectior est, secundum aliquid imperfectior.

Videtur tamen quod hic dicitur de imperfectione odoratus in homine, secundum debitam moderationē sane intelligendum, non quidē ut simpliciter sit peior olfactus in homine, sed quantum ad aliquid. Simpliciter enim dicendum potius quod præcellat hominis odoratus. Pro cuius intelligētia aduertendum est, quosdam esse odores, qui grati sunt aut ingrati olfactui, ipsique uel delectatio-

Duplex
odor.

DE SENSIB. EXTERIORIB.

nem uel tristitiam afferunt per accidēs tantum, & propter alterum, nempe propter saporem & alimentum, quemadmodum odor carnis igne concoctæ & ad esum aptæ, ipsi olfactui gratus est, & propter saporem & propter cibum, ut scilicet ex odore tali grato attrahatur ad appetendū & quærendum huiusmodi cibum. Nam sicut saporibus cibariis sunt delectabiles, & grati esurienti, ita & odores. Odores tamen ad saporibus ordinantur. Vnde saturatis & expletis posteaquam sapor fit ingratus, nō amplius gratus est odor ille, qui p p saporem expetitur, sed incipimus fastidire qđ ante appetebatur. Vnde etiam fit, ut odor idem qui uni animali est ingratus & execrabilis, alteri sit placens & delectabilis, propter saporem ad quem ordinatur. Quemadmodū (exempli gratia) canis est odor cadaueris gratus, eo qđ & sapore oblectetur. Homini uerò, quemadmodū sapor, ita & odor detestabilis. Sic alii odor, iis qui saporem & esum amant, non est ingratus: contra uerò, illis est abominabilis odor, quibus sapor displicet. Hi ergo odores qui sic propter saporem appetuntur sunt per accidēs per appetibiles. Alii uerò sunt odores qui per se afferunt delectationem, & nō propter alterum: cuiusmodi est odor florum, ita & aromatum odoriferorum, quæ nō nisi ad olfactum pertinent. Hæc enim non propter gustū expetuntur, neque gratia alimenti, sed propter ipsam odoris in sese gratiam. Inter hos autem duplices odores ponit Aristot. talem differentiam; quod primos communiter & homines & bruta percipiant, quoniam æque scilicet utrique alimentum accipiunt, quod per odorem cognoscunt esse naturæ conueniens uel disconueniens. Secundos autem odores solum dicit hominē odoratu percipere. Non enim uidemus canes (quanquam acuti admodum olfactus) ullo modo moueri ad florum odorem: & si canis in gramine locum sibi quærat cubandi, non uidetur magis ad locum ubi flores sunt odoriferi, caput reclinare, quàm ad locum alium, ubi similes non fuerint. Si tamen florum odorem perciperet, uideretur quod magis ad locum boni odoris naturaliter olfactus organo ferretur. Cū ergo homo non solum odores illos qui propter alimentum

*Odores nō
propter sa-
porem gra-
ti.*

*videtur
magis*

expe-

expetuntur aut fugiuntur, olfactu percipiat, uerum etiam illos qui per se & nullius alterius gratia olfactum oblectant: manifestum apparet quod simpliciter in homine quam in aliis animalibus olfactiua potentia nobilior sit atque sublimior. Quanto enim potentia quælibet latius se extendit, tantò uidetur nobilior. Et præcipua ratio ob quã homo præter animalia cætera etiam odores per se appetibiles percipiat, uidetur esse nobilitas, & præcellentia ipsius potentiae in homine supra potentiam similem in brutis alijs: quemadmodum in homine auditus nobilior est & sublimior, quã in aliis animalibus, eò quod non solum sonos discernere, sed articulas uoces distinguere possit. Quod autem superius diximus imperfectum esse hominis olfactum, propter cerebri magnitudinem, frigiditatem, & propinquitatem, ita accipiendum est, quia si fiat comparatio olfactus humani, & olfactus canini ad unum aliquem odorem qui utrique sit perceptibilis, id est, ad odorem comestibilis, talis odor citius & longius mouebit canis olfactum quã hominis. Et homo odorem aliquem contingit canem percipere suo odoratu, quem minime percipiet hominis odoratus. Leporis namque qui per uiam transit, odorem percipit suo acuto odoratu, quẽ nequaquam sentit hominis olfactus. Ac iuxta hunc modum & de aliis sensibus intelligendum uenit, si quid aliquando simile dicatur uidelicet aliquem ex eis meliorem aut perfectiorem inueniri in bruto quolibet quã in homine.

CAPVT XVII.

Non oportere odorem realiter ad organum usque diffundi.

DE euaporatione autẽ illa & effumatione per quam diximus odoriferum immutare olfactum, an debeat fieri usque ad organum olfactus, quæstio est, similis illi quæ prius de sono & motu locali aeris facta est, an debeat usque ad organum sonus per motum deferri. Quare proportionabiliter de hac fumali exhalatione dicendũ uidetur, quemadmodum illic de soni per motum localem aeris diffusionem: uidelicet non esse necessarium, usque ad organum olfactus

DE SENSIB. EXTERIORIB.

Etus realiter diffundi odorem per euaporationem, sed sufficere, quod per locum propinquum odorabili realiter per euaporationem diffundatur odor, qui deinde in medio suâ speciem fundit, sicque per suam speciem ad organum usque pertingit. Videtur autem hoc manifestare experientia, quoniam animalia quædam ad maximam distantiam dicuntur odorari, ita ut rationi consentaneum non uideatur, à corporibus ipsis odorabilibus in tam longum spatium fieri euaporationem. Quod autem in loco propinquo odorabili fiat realis euaporatio, similiter probat experientia: quoniam si quis transeat per agrum ualde odoriferum, quando maxime odor uiget, sentiet se realiter quasi impleri per euaporationem fumositatum, quas intra se suscipit. Iuxta quem modum illi qui iuxta cibos proximi uersantur coqui & culinarii, ciborum odore pleni dicuntur. Ut plerunque etiam de delicatissimis ferculis uel nihil uel parum admodum prohibet extraneum. Quo autem pleni sunt, nisi fumositatibus eiusmodi ciborum, quas per olfactum & per respirationem intra se suscipiunt, propter crassam euaporationem, quæ fit decoquente igne, ac resolvente abundanter uapores, atque exhalationes à cibo qui coquitur. Ad eundem modum qui in penu plenum odorifero uino ingrediuntur, mox se quasi impleri sentiunt, adeo ut nonnunquam uelut ebrij appareant egrediētes. Qui uero à longè tantum cibi uel potus odorem percipiunt, eos non sic impleri experimur, neque ullum ex longo odoratu accipere fastidium, immò accenduntur magis & anhelant, ut diu odore perceptum commodum cibum tandem accipiant. Unde argumentum sumitur, quod nullam in se substantiam odoriferam per euaporationem susceperint, sed specie tantum sint odoris allekti.

CAPVT XVIII.

De diuersitate olfactus, & organi eius uaria dispositione.

Duplex
odorandi
modus.

NOrandum uero, quod non idem est in omnibus odorandi modus. Quædam enim sunt quæ per respirationem

nem

nem odorant, alia uerò absq; respiratione. Homo. n. & cætera animalia in quibuscunq; est respiratio, non odorant nisi per respirationem, uidelicet per attractionē aeris. Cuius causam assignant ex parte organi olfactus, quod in animalibus respiratione utentibus cooperulo in modū ostij est munitum, ut nihil possit ad carunculas illas, in quibus situs est olfactus, pertingere, nisi operculum illud leuetur, & quasi ostiolum aperiatur: quod fit per attractionē aeris, nō utiq; per os, sed p nares. Monstrat. n. hoc experientia si tibi flos quantumlibet odoriferus ante nares teneatur, nunquam eius odorem percipies ab organo, donec aerem cōtinens absq; respiratione, aut donec tantū per os respiras: nisi uidelicet per nares aerem trahas ad operationem operculi: sicque simul cum aere attracto odorem ipsum uel odoris speciem ad organum olfactus adducas. Sunt autem alia animalia quæ olfactum habent, & tamen nequaquam respirant, ut pisces, apes, muscæ, & formicæ. De his enim experientia certissima monstrat, quod odoratum habeant. Nam muscæ de longe ad escā ueniunt odore allectæ. Apes uerò flores an ad mel exurgendū conuenientes sint, an minus, odoratu discernunt. Nō. n. uť, quo sensu alio id faciant. Et formicas manifestissimē ex hortis uidemus ad apothecas rerū dulciū conscendere in multo numero, sola allectas odoris dulcedine. Hæc tamen oīa non respirant. Necessesse est ergo alium esse modum in his animalibus olfaciendi, quā sit in respirantibus. Pro cuius notitia aduertendum est quod sicut animalia non omnia eundem habent modum uidendi, sic nec omnia eundem habent modum odorandi. Quædam enim animalia oculos habent molles. Et hæc palpebras habent, quibus molles oculi obuoluuntur, & operiuntur, ut claudi possint neque semper pateant. Si enim operculum non haberent, molles eorum oculi faciliē susciperent lēSIONē. Molle enim faciliē suscipit lēSIONem, nisi aliquo munimento defendatur. Quædam uerò animalia duros habent oculos in modum cornu aut solidi untri. Et his operimentum palpebrarum natura non contulit, neque aliquid quo claudi possint, sed pateates semper

Quorundam animalium oculi palpebris non operiuntur

semper esse permisit. Nam propter duritiem non est eis periculum læsionis. Illis autem mollibus oculis non semper præsentés sunt neque expositi colores, neque percipi possunt ab eis nisi reuelato operculo, nisi palpebris disjunctis. Qui autem nullum habent operculum, semper sibi expositos habent colores, neque ullius egent operculi ablatione ut uideant. Ita sanè, & in odoratu dicendum animalia illa quæ respiratione utuntur, olfactum habere à natura reconditum & operculo clausum: quare non nisi huius ianuaræ apertione recipiunt odores. Fit autem hoc aeris per nares attratione. Cætera uerò animalia nullum habent huiusmodi operculum, propter quod semper præsentés sibi habent, semperque expositos odores, neque operculi reuelatione indigent. Possunt ergo absque respiratione odorare, quod non pnt priora animalia respirantia. Ex quo consequitur, animalia respirantia in aqua non posse odorare, cum illic nequeat fieri respiratio. Pisces tamén in aqua id possunt, eo quod respiratione non habeant opus.

CAPVT XIX.

De gustu & eius organo.

*Gustus in
strumentū
& mediū
& obie-
ctum.*

Gustus inter exteriores sensus quartum locum obtinens, sapores discernit, in lingua habens suum organum. Non tamen linguam totam, sed neruum, qui in lingua latet absconditus. Cæterum, caro ipsa porosa linguæ, quæ in neruum operit & abscondit, medium est per quod fit gustatio. Habent enim gustus & tactus hoc sibi peculiare, quod mediū habeāt coniunctum, qm uidelicet organū ipsum & medium, simul sunt in unum corpus & in unum membrum composita. Sensus autem alii, de quibus iā ante determinauimus, medium habent extrinsecum, aerem scilicet uel aquam, per quam species obiecti ad sensum deferitur. Ad hoc ergo ut fiat gustatio non sufficit, quod propriè afferatur obiectum, id est sapor, uel sapidū aliquid, sed necesse est quod tangat carnem linguæ, atque in eam suam imprimat speciem, quemadmodum non potest fieri uisio coloris, nisi immutato aere, & impressa in eum sua specie.

specie . Quemadmodum enim se habet aer ad calorem in ordine ad uisum, ita sapor ad carnem linguæ, in ordine ad gustum . Quomodo autem color ut in medium aerem suū imprimat speciem, requirit illuminationem, sonus uerò æris motum, & odor euaporationem: ita sapor ut linguā immutet, suāque speciem in eam imprimat, requirit humoris saluiaris coniunctionem. Oportet. n. sapidum coniungi & commisceri saluari humori, qui à natura semper est circa linguam, ut immutetur gustus. Vnde quando in febricitantibus nimia siccitate humor iste deficit, ægrotos ipsos nullo uidemus oblectari sapore. Sunt. n. eis oīa quasi insipida, propter ariditatē linguæ & humoris defectum: nisi fortē aqua ut fructus aliqui, qui secum humiditatem afferunt aliqua ex parte suppleant saluiaris humoris officium. Cū uerò saliuam aliqua amaritudine contingit esse infectam, male iudicat lingua, dulcē reputans amarum, propter infectionem salivæ. Est autem saliuā ab omni sapore denudata, ut commodē posset omnem saporem discernere. Non est autem saluiaris iste humor propriē mediū gustus, quēadmodum neque lumen medium est uisus, neq; euaporatio medium est odoratus. Sed est conditio quēdam obiecti, requisita ut conuenienter sensum immutet, & tale quiddam, sine quo obiectum nequit immutare suum organum .

*Salina
quorsum
conferat a
nimali.*

CAPVT XX.

Quomodo gustus est quidam tactus, ut nihilominus secundam ueritatem diuersa potentia.

H Vnc autem sensum gustus, dicit Aristoteles admodū certum esse in hominibus, quòd sit quidā tactus. Tactus autem certissimus & optimus est in hominibus, quem admodum postèrius declarabitur. Verū de huius dicti intelligentia dubitare solent, an senserit Aristoteles, secundum rem uerē eundem esse sensum tactus, & gustus, neque realem esse ponendam diuersitatem, an secundum similitudinem potius id debeat intelligi. Est autem secundū hoc probabi-

*Gustus ē
quidā ta
ctus .*

DE SENSIB. EXTERIORIB.

probabilius, ut tantum sibi assimilationem quandam dictum intelligatur, quo statua hominis interdum appellatur quidam homo. Vnde non simpliciter ait, gustum esse tactum, sed quendam tactum, tali nimirum adiecta diminvente particula, quo statua hominis quidam homo dicitur, non simpliciter homo. Consistit autem similitudo haec in eo quod supra tetigimus, quod sicut gustus habet medium coniunctum cum organo, sic & tactus. Item quia utriusque organum ponitur nervus. Secundum ueritatem tamen probabilius est ponere duas distinctas potentias, quarum una per se percipiat saporum distinctionem, altera qualitates tangibiles, caliditatem, frigiditatem, &c. Cuius est argumentum, quod in lingua dicunt, Medici posse laedi gustum absque hoc quod laedatur tactus. Et cum defectu salivaris humoris lingua non percipit saporum, tangit nihilominus, & qualitates tangibiles nihilo peius percipit. Videntur ergo sibi rem distinctam esse potentiam, quarum una laeditur uel impeditur absque altera. Sunt autem saporum multae species, quemadmodum & colorum. Est enim sapor dulcis & amarus, qui sunt saporum contrarii. Sunt praeterea saporum alij, pinguis, salus, austerus, acutus, acerbus, acidus, & alij quidam, quos Aristoteles in lib. de sensu & sensato secundum analogiam & comparisonem ad colores extremos atque medios accipit.

Variis saporibus.

CAPUT

XXI.

De tactu & eius organo.

INter omnes sensus exteriores nouissimus est tactus, ut omnium materialissimus atque crassissimus. De cuius organo dixerunt aliqui, quod sit iuxta cor proportionem habens qualitatibus tangibilium. Sed experientia docet, sensum tactus per totum corpus esse expansum, ac proinde etiam eius organum. Vbiunque enim & in quacunque parte inuenitur operatio alicuius sensus, illic & potentiam talem adesse consequitur: & ubi potentia adest, oportet ibidem esse & organum eius: quemadmodum si uisionem experiremur in pede, oporteret & illic potentiam uisuiam constitutere, simul & oculum, aut aliud uisui organum praeter oculum assignare.

assignare. Quia ergo tactionē fieri experimur p oīa corporis membra, idcirco & potentiā tactiuam & organus ipsius consequens est per totum corpus fateri expansum. Est autem eius organum, nō caro, ut quidam existimauerunt. Nam tangibile immediatē applicatum carni immutat tactum, quod non facere, si tactus organum esset caro. Est enim maxima seu propositio ab omnibus uera concessa.

Sensibile possum supra sensum nequit efficere sensationem.

Vnde si caro esset organum tactus, non posset tangibile apprehendere absque medio sibi applicatum. Nerus ergo qui carnem uestitur, ipse est tactus organū, qui per omnia mēbra expansus, animali dat in omnibus partibus tangendi potentiam. Caro autem netuo huic pro medio est, neq; requirit aliud. Tangibile enim carnem contingens, per eā qualitatis tangibilis speciem transmittit ad neruū tactiuū, ibique fit tactio. Obiectum aut tactus est qualitas tangibilis, hoc est caliditas, frigiditas, humiditas, siccitas, graue & leue, asperum & leue, durum & molle, uiscosum & frangibile, grossum & subtile. Omnia enim hæc sensu tactus percipimus, principaliter tamen quatuor primas qualitates, sub quibus aliæ comprehenduntur.

CAPVT XXII.

Tactum omni animali donec uiuit esse necessarium.

I Nueniuntur aut in hoc sensu tactus multa singularia, q̄ non ita sunt in alijs iam determinatis sensibus. Primū enim tactus solus omni animali inest, & semper quamdiu uiuit ut insit, necesse est, neq; potest esse animal sine tactu; neque potest aliquid habere tactum, quod non sit animal. Vnde solus tactus ad esse animalis requiritur. Ceteri uerò sensus ad bene esse, ut declarat Arist. ult. c. 3. libri de animal. Visus enim, inquit, additus est animali, quo uitam in aere aut aqua, aut aliquo perspicuo sibi uendiceret. Auditus, quo ei aliquid indicetur. Odoratus, quo odore à longe percepto ad alimentum se conuertat. Gustus, quo iucundum sit ei alimentum, & triste refugiat. Hæc autem omnia ad esse

*Arist. 3.
lib. de a.
nimal.*

esse animalis non faciunt, sed tantum ad bene esse. Et uerū simile est, quædam esse imperfecta animalia, in quibus nec gustus quidem reperiatur, utpote terræ affixa aut in alimēto suo perpetuo natantia. Nam cum speciali nullo egeāt cibo, sufficiatq; eis id in quo perpetuo natant, aut cui affixa sunt, non eis gustu est opus, quo alimentum secundum saporē discernant, sed tactus eis sufficit, quo alimentum percipiant. Gustus enim illis conuenit animalibus quæ cibum habent disquirere atque eligere per saporis diiudicationē, & alium quidem occurrentem ut noxium relinquere atq; respuere, aliū uerò ut salubrem, & conuenientem admittere atque deglutire, aut non occurrentem diligenter uenari.

*Tactus
omni ani-
mali sim-
pliciter ne-
cessarius.*

Quod si in aliquot in locis Aristoteles uideatur contrariū dicere, esse uidelicet tactum & gustum omni animali necessarios, gustus improprie accipi debet, secundum quod tactus ipse utimenti perceptiuus, gustus quidam in eiusmodi imperfectis animalibus appellatur. Ratio autem quare sensus tactus sit omni animali, quā diu est simpliciter necessarius, hæc est, quia tactus sequitur proportionem & harmoniam qualitatum primarum animali oīno necessariam: quam harmoniam statim ubi dissolui aut destrui contigerit, ipsum quoque animal mox interire necesse est, simul cum sensu tactus proportionem illam consequente. Et quā diu manet in homine harmonia illa quatuor primarū qualitatum sufficiens ad uitam conseruandam, tam diu neq; tactus destruitur. Pariter ergo & uita & tactus in animali eadem causa deficiunt. Aliorum autem sensuum nullus proportionem illam primarum qualitatum necessariam animalis subsistentiæ consequitur. Nam quamuis omnes sensus in quodā cōtemperamento, & in quandam proportionē re etè dicantur consistere, ita ut illa dissoluta harmonia, dissipata sit potentia illa sensitua, quæ ex ea consequebatur (quemadmodum uisus destruitur cōtemperamento illo quod in oculo est dissipato) potest tamen manere illa præcipua, & prima illa harmonia primarum qualitatum, quæ ad animalis uitam conseruandam requiritur dissolutis aliis cōtemperamentis. Itaque fit, ut absque ceteris omnibus sensibus

sensibus possit tactus solus in animali persistere.

CAPVT XXIII.

Quare tactum naturæ auctor per totum corpus uoluit expandere præ omnibus aliis sensibus.

EX hoc uerò simul ostenditur, debere necessario per totum corpus expandi sensum tactus. Quomodo, n. proportio illa & harmonia qualitatū primarū uitæ animalis necessaria, nulli membro debuit abesse, ita neque tactu potuit ullum membrum destitui. Quemadmodum si per totum corpus idem esset illud temperamentum, quod est in oculo, ad quod consequitur uisus, indubiè consequens esset, per singula membra diffusum esse sensum uisus. Est autem singularis etiam necessitas, ob quam debuit tactus non in una aliqua parte tantum (ut cæteri sensus) specialem habitationē accipere, sed per omnia corporis membra diffundi. Videlicet quia excellentiæ qualitatū tangibilium, id est, ipsæ tangibiles qualitates, ubi in excellentia fuerint, per se natæ sunt corrumpere ipsam animalis uitam. Cæterorum autem sensuum obiecta quantumcunque excellentia, non sunt per se corruptiua animalis, quanquam ipsum suum sensum ualeant corrumpere, ut (uerbi gratia) excellens lumen cadens super oculum, non potest animal interficere quanquam possit uisum indisponere, imperficere, aut penitus auferre. Item sonus quantumuis uehemens nō potest animal interimere per sese, quanquam auditum possit obruere, perturbare, aut perimere. Nam quod nonnulli graui sonitu tonitruī inueniuntur subito deficere, nō ex sono est, sed ex uehementi percussione, uel ex fulminis aduenientis uirtute, aut cōsimili modo. Neque odor neque sapor in quantacunque sit excellentia, per sese corrumpit animalis uitam. Ad uerò excellens caliditas aut frigiditas, facillimè animalis uitam aufert propria sua actione. Iam uerò, si in una tantum parte fuisset repositus sensus tactus, non esset à natura sufficienter prouisum animalis uitæ: cum passim occurrant & in omnia membra corporis

Quare natura tactum per corpus totum expandis.

DE SENSIB. EXTERIORIB.

offerant sese tangibiles qualitates, quæ per suam excellentiam à partibus illis, ubi tactus non esset, facillime animali inducerent corruptionem. Quemadmodum (exempli gratia) si lumen excellens imaginemur per sese corruptivum esse uitæ animalis, non habeat autem homo nisi oculum potentem percipere lumen: hoc posito, si oculus tantum in una parte corporis habeat locum, contingit animal ipsum facillimè interire, cum uidelicet à tergo uel à pedibus lumen tale excellens (non aduertente oculo) animal corripuerit: eritq; iam absumptum animal prius quam percipiat oculus corruptentis qualitatis excellentiâ. Rectè ergo ad animalis uitam conseruandam naturæ auctor sensum tactus per membra omnia extendit, ut nusquam quidquam posset corruptivum occurrere, quod non statim deprehenderetur, deprehensumq; pro uirili caueretur, aut fugeretur. Cæterorum autè sensuum nullum obiectum per se actiuum est, nisi in partem illam in qua sensus talis positus est, ut color & lumen quatenus uisibile, non agit, nisi in oculum, & sonus non nisi in aurem, & ita in cæteris: propter quod sufficit pro totius corporis comoditate, unicum esse membrum, in quo tales sensus habeant suam sedem, & ad quod obiecta omnia diiudicanda perferantur. Qualitates autè tangibiles, in omnem partem corporis æquè sunt actiuæ, neque determinatum aliquod membrum spectant. Ideoq; prouisum, oportuit animali ex omni parte, & undiq; uigilem adhiberi custodiam, ne alicunde subito ab excellenti qualitate interruptum, ante tempus occideret.

CAPVT XXIII.

Tactum non penitus esse denudatum à primis qualitatibus, sed tantum ab earum excellentiis.

Illud quoque in tactu peculiare est, nec ulli aliorum sensuum conueniens, qd ipsius solius organum à qualitatibus illis quas habet sensus, pro obiectis non est denudatum. Cæterorum enim sensuum organa; (ut supra ostendimus) nihil eorum quæ ipsi percipiunt, actu habent: ut oculus ab omni
ni est

ni est colore & lumine proprio liber; aer naturalis organum auditus ab omni proprio sono : organum olfactus ab omni proprio odore, organum quoque gustus ab omni proprio sapore. Huius autem tactus organum non uidetur esse à primis qualitatibus denudatum, quoniam (ut iam dictum est) primarum qualitarum temperamentum & harmoniam consequitur. Oportet ergo qualitates aliquo modo in ipso organo tactus inueniri, uidelicet secundum temperamentum, & mediocritatem quandam. Ab excellentiis tamen qualitarum tangibilium, ipsum denudatum esse oportet. Ad hoc enim tactus datus est animali, ut per eum percipiat excellentias qualitarum tangibilium quas non posset percipere, si ab eis non haberet suum organum denudatum. Atque in hoc non omnino ab aliis sensibus dissonat. Est enim eius organum sic denudatum à suo obiecto, quomodo ipsum percipibile est à sensu. Nam tactus qualitarum primarum secundum suas excellentias est perceptiuus. Eas autem secundum hunc modum (id est secundum excellentias) organum ipsius non habet, sed tantum secundum mediocritatem & contemperationem.

CAPVT XXV.

Qui fiat ut molles carne, tactus sint melioris atque etiam melioris ingenij, e contrario autem in duris.

EX hoc autem quod tactus dicitur consurgere ex proportione primarum qualitarum, consequitur quantum in homine fuerit tactus melior, tantum meliorem debere esse illius hominis complexionem. Ac rursus quia iuxta corporis bonam complexionem, est qualitas ingenij, fit ut ex bonitate & præcellentia tactus, rectè etiam argui possit bonitas uel præcellentia ingenij. Propter quod Aristoteles libro secundo de anima, in capitulo de odore, ex præcellentia tactus arguit hominem esse animalium prudentissimum. Quoniam enim homo (ut ipse ait, & ueritas confirmat) certissimum habet tactum, atque in hoc uno superat atque euincit cætera animalia, cum in aliis sensibus ab animalibus

DE SENSIB. EXTERIORIB.

quibusdam superetur: hinc fit, ut homo animalium prudentissimum cognoscatur. Siquidem ex tactu, mētis aptitudo, i. ineptitudo, ingenii bonitas aut prauitas deprehenditur.

*Molles
carnes a-
piu mente.*

Duros enim carne, mēte hebetes & ineptos, molles uerò, bene aptos esse dicimus. Quæ quidem Aristotelis dicta ita possint intelligi. Ingenii enim aptitudo cōsequitur bonitatem complexionis & bonum temperamentum humani corporis, eò q̃ corpus humanum sit animæ in suis operationibus instrumentum. Vnumquodque autem operans (cæteris paribus) melius agit secundum dispositionē instrumenti quo utitur: quemadmodum scriptor calamo apto melius pingit, quam inepto & prauo. Vnde cum anima quantum ex sese in omnibus æquè sit potens operari & apprehendere, oportet ex diuersitate corporis, ut instrumenti, provenire diuersitatem ingenii. Itaque bonam corporis dispositionem & proportionem sequitur bonitas ingenii. Eandē quoque bonitatem complexionis in homine consequitur bonitas tactus. Melioris autem tactus experimur esse illos qui carne molles sunt, quàm eos qui sunt duri carne. Vnde illos qui sunt molles carne experimur facillimè affligi in contactu uel levis excellentiæ alicuius tangibilis qualitatis, q̃ alius carne durior uix perciperet, si non in maiori excellentia ipsius organo admoueretur. Manifestum ergo est, ex eadem radice proficisci hæc tria, nempe bonitatem tactus, bonitatem ingenii, & carnis mollitiem, ex aduerso autem prauitatem tactus, ineptitudinem ingenii, & carnis duritiem. Propter quod, recte ex eo quod oculis, & sensui patentissimum est, uidelicet ex carnis mollitie, argumentari possumus, qđ occultum est, nempe ingenii bonitatē: non quidem ut ex causa effectum, sed quemadmodum duorum effectuum ex eadem causa prodeuntium is, qui manifestior est, arguit eū qui est occultior. Sic de carnis duritie ad prauitatem complexionis & ingenii. Hoc tamē aduertendum est, quòd interdum contingit inueniri in quibusdam carnis aliquam mollitiem ex nimia humiditate & nimia abundantia flegmatis, quales uidemus & homines qui in locis frigidioribus atq; humidioribus generatur, multū carnos

*Duplex
mollities.*

suc-

succoq; plenos propter quod molles carne iudicantur. Verum hæc mollities bonitatē non arguit ingenii, qm̄ ex mala complexionē & nō bona contemperatione, procedit: neque propriē & uerē eiusmodi carne molles dicēdi sunt, sed potius succosi, aut alia quauis appellatione nominandi. Neque de hac mollitie uolebat sua dicta intelligi Aristoteles. Cæterum ex carnis mollitie & complexionis bona dispositione, aut ingenii bonitate, argumentari non rectē, possumus aliorum sensuum bonā dispositionem? neque econtra rō ex aliorum sensuum bona dispositione argumentabimur ingenii bonitatem, aut carnis mollitiem. Contingit enim ingeniosos esse carne molles & bonæ complexionis, in quibus non sit uisus bonus, aut integer auditus, siue odoratus, Vicissimq; contingit optimum habentes uisum, siue auditum, siue olfactum parum esse ingeniosos: nimirum quia fiat in homine bonam esse complexionem secundum qualitatū proportionem animalis uitæ necessariam, ubi tamen illa quæ in organis prædictorum sensuum exigitur, non fuerit admodum bona.

CAPUT XXVI.

Quod Christo Domino pro sua complexionis nobilitate, passiones omnes fuerint maximæ afflictivæ.

EX prædictis manifestē consequitur, admodum rectē ac pie sanctos patres id tradidisse de amarissima Christi filii Dei passione, quod ipsius personæ fuerit summē afflictiva, multo amplius quam si hominum cæterorum ulli eā rudenti pœnalitatum fuissent inflictæ passiones. Decent enim & rationabile erat, ut homo ille qui simul erat uerus Deus & homo uerus, corpus haberet iuxta dignitatem dispositum in complexionē optima, & nobilissima harmonia primarum qualitatū, uidelicet ut corpus illud quod sibi mirabili & ineffabili unione uoluit unire Diuinitas uerbi, & in unitatem assumere suppositi, complexionem haberet maximē nobilē: quo sic animæ nobilissimæ omnibusq; gratiis, & donis summē plenæ, corpus responderet iuxta suum

Passio

Christi

summē afflictiva.

modum absolutissimum atque perfectissimum. Quod amplius etiam fiet credibile: si ipsum corporis huius attendamus nouum opificem. Non. n. cæterorum more corporum uirilis seminis efficacia corpus istud contemperauit, neq; cōposuit, sed uirtus illa ex alto descendens, de qua Gabriel

Luce 1. paranympheus Virginē matrem alloquens Mariam, ait: Spiritus sanctus superueniet in te, & uirtus altissimi obumbrabit tibi. Et ad Ioseph in somnis angelus, Quod enim in ea

Mat. 1. natū est, de Spiritu sancto est. Hic ergo potentissimus, sapientissimus, optimusq; est artifex, q corpus illud de quo loquimur, absq; tēporis mora in momento perfecit, quiq; anima corpori ac pariter utrunque uerbo in unitatē suppositi mirabiliter copulauit. Quis aut absq; artificis huius iniuria possit asserere, opus illud, in quo ita singulari ac præcellenti modo sese præsentem exhibuit, imperfectum fuisse & mala proportionē distemperatum? Quomodo magis perfectissimum corpus iuxta suam rationem fuisse illud credimus, quod tali animæ omnium præcellentiissimæ iungi debebat, & non animæ tantum creatæ in tempore, sed uerbo genito ante sæcula? Habebat ergo Christus dñs corporis dispositionē utiq; optimā & præcellentiissimam, qualē nec unquā habuit quisquā, nec post est habiturus. Quod si ita pium est credere, statim fit cōsequens (ut iam ostensū est) eū carne fuisse tam molli, tam tenera, tactu tam bono, tā uiuaci, plusquā ullus fuerit hominū cæterorū. Afflictiones ergo omnes quas ī corpore sustinebat ab initio suæ natiuitatis, ad exitum usq; suæ felicitis consummationis (præter quod plurimæ extiterunt) fuerunt illi singulari modo summē afflictiuæ. Quapropter nimium uanē iudicant, qui passionibus his filij Dei uel omnino nihil, uel parum admodum cōmouentur, ea causa quod putent ex diuinitatis unitæ commercio pœnalitatem & afflictionem omnem illi fuisse leuiorem. Facile (inquiūt stolidi quidam) erat illi hac siue illa perpeti. Deus enim erat, non (ut nos) homopus. Imò uerò hac ex parte, superdignissimæ Diuinitatis societas secundum accidens modo quodam fecit cuncta grauiora, & magis afflictiua reddidit quæcunque in corpore

pore pertulit: dū propter dignitatem uerbi æterni corpus illi uniendum in proportionē nobilissima cōponi debuit, ad quā infallibili consequio in carne tenerrima & uiuacissimo sensu maxima consequitur passibilitas. Ad cuius ueritatis confirmationem plurimū facit, si consideremus filium Dei non ad hoc nostrā sibi assumpsisse naturam, ut sæculi huius frueretur delitijs, ac dura euaderet. Verum ad hoc potius de loco pleni gaudij in hanc descendisse lachrymarū uallem, ut iuxta uerbū Prophetæ, de torrente in uia biberet, nimirū ut pro generis humani persoluendo debito, amarissimas amaritudines ad probrosissimā usq; mortem gustaret: atq; adeo ab ipsa hora sui partus semper quæ duriora fuerūt elegit, paupertatē, egestatē, nuditatē, esuriē, fatigationē, & quæcūq; sunt huiusmodi. Nonne (ait idem ipse post mortem loquens discipulis) oportuit Christum pati, & ita intrare in gloriā suam? Et alibi, Filius hominis (inquit) ministrari non uenit, sed ministrare, & dare animam suam in redemptionem pro multis. Neq; ignorabat Propheta Esaias, quid loqueretur, cū in spiritu uenturū illum præuidens, uirum dolorum appellaret, & scientē, in firmitates. Est ergo prædicta pia patrum assertio rationalis omnino, & pietati consona, ac præter hoc ratione & auctoritate haud minimum corroborata. Neq; nos huius rei tractatum nacti locū tam commodum silentio præterire potuimus, quin suauissimi ac planissimè mellei nostri Iesu amaritudines plusquam felleas reduceremus tibi o lector Philochriste in memoriam. Tu uerò quæ paucis indicata sunt, quæso latius apud te rumina, ac mentis pariter & affectus in ima reconde.

Ps. 109

Luca 24

Mat. 20

Esa. 53.

CAPYT XXVII.

De conuenientia quinque sensuum ad inuicem.

HAbent autem sensus isti quinque iam sē particula-rem determinationem expediti, quædam in quibus conueniant: habent & quædam in quibus differant.

DE SENSIB. EXTERIORI.

Primum quidem omnibus hoc est commune, formas siue species rerū absque materia suscipere.

*Sensus re-
cipis spe-
cie absque
materia.* Id est, sensibilia species & similitudines, absque reali immutatione, aut ullius partis sensibilis, reali intra sese susceptione. Comparatur enim sensus hac in parte ceræ, quæ cum à sigillo impressam sibi recipiat similitudinem, nullā tamen ferri, uel auri, uel alterius ullius materiæ unde facta est, partem in se accipit, sed absque materia tantum impressam formam siue effigiem. Patet hoc experientia in singulis sensibus. Cum enim per uisum oculus uidet parietē, neque ipse paries, neque parietis ulla pars in oculum recipitur, imò neque ipse color, neque coloris ulla pars, sed tantum species uel similitudo ipsius quæ per medium intra oculum diffunditur, quæ species eius similitudo est, oculo ipsum illud repræsentans à quo est impressa, nempe parietis colorem. Sic & in aurem (cum campanam audit sonantem) neque campanæ sonantis, neque aeris sonum habentis, neque etiam ipsius soni pars aliqua ingreditur, sed tantum species soni quæ sonum ipsum repræsentat auditui, & campanam facit audiri, à qua diffunditur sonus. Itidem & in aliis sensibus dicendum. Ex hoc autem ratio patet, quare plantæ, tametsi animam quandam habent, nempe uegetatiuā, non tamē sentiunt, quoniam uidelicet nullam rem sensibilem ualent absque materia suscipere. Potest enim planta in se recipere, & continuò recipit dum nutritur & augeť, qualitates tangibiles, calidum, humidum, frigidum, & siccum. Ex his enim quomodo omnis generatio, ita & omnis nutritio est. Sed ista non recipit absque materia, sed simul cum ea suscipit: ac proinde planta ut nimis terrea & nimis crassa, non potens absque materia rerum species suscipere, sensitiua iudicatur carere potentia.

CAPUT XXVIII.

Sensum corrumpi ab excellenti sensibili.

Et etiam omni sensui commune, quod ab excellentia sui sensibilis corrumpitur.

Vt excellens lumen corrumpit uisum, & sonus excellēs auditum, excellens qualitas tangibilis dissoluit tactum. Est enim sensus uelut harmonia quædam in mediocritate disposita compositio. Vnde quemadmodum harmoniam cōcentus dissoluit, qui fides uehementius pulsauerit, & cōcentus melodiam perturbat: ita excellens sensibile sensus proportionem natum est destruere atque dissipare. Quem admodum aut cōcentus saluatur melodia, donec mediocriter pulsantur fides: ita saluus consistit sensus, donec temperatum & mediocre contemperatur sensibile. Dicimus autē in proposito sensibile excellens, quod excedit, exuperatque sensus proportionem: ut homini nimia lux aut lumen magis excessiuum quam ferat hominis oculus, cuiusmodi est humano oculo lumen illud, quod directē in Solis rotā respicienti offunditur. Et cōtingere pōt, ut quod huic sit excellens sensibile, alteri non sit excellens, quemadmodū lumen splendentis Solis, hoīum & animantium ceterorū plurimorū oculis non est excellens: noctuq; aut oculus est excellens: quapropter ipsum ut sui uisus corruptiuum fugit, tenebrarum quærens latibula, donec Sol agit super terrā, Luna autem procedētē uel stellis, audet & ipsa pcedere, agnoscēs sibi temperatum lumen. Quēadmodum aut sensibile excellens sensum corrūpit, ita sensibile ex altera parte nimīū deficiēs, & nimis paruæ quantitatis, uel intētionis, nō est natum sensum cōuenienter immutare. Sensibile. n. nimæ quantitatis, non bene pōt à suo sensu discerni.

Insuper commune est omnibus sensibus habere suum determinatum obiectum, à quo patiuntur suum determinatum organum, in quo operentur: ac medium, per quod ipsorum organa ab obiectis immittuntur.

Ita ut nunquam sensus nisi determinatum suum obiectū percipiat, neque nisi in suo organo operetur suam sensationem, neq; nisi per medium. Quemadmodum uidelicet uisus non nisi colorem aut lumē apprehendit, nunquā nisi in oculo uisionē efficit, & semper mediū interueniens aeris uel aquæ. Quod aut uniuscuiusque sit organum, quod obiectum, & quod mediū, suprà iam determinauimus.

DE SENSIB. EXTERIORIB.

*Item nullus sensus potest proprii obiecti alterius speciem in se susci-
pere, neque alienum obiectum percipere.*

Ut uisus non potest sonum uidere, neque caliditatem,
neque odorem, neque saporem: neque olfactus caloré po-
test odorare, & ita in ceteris.

CAPVT XXIX.

De alijs quibusdam sensuum conuenientijs.

P Ræterea & hoc sensibus commune est, quòd congruam requirunt
distantiam sensibilis ad sensum, ut neque nimiam distet sensi-
bile à sensu, neque ex altera parte nimium sit propinquum.

Nam sensibile positum supra sensum (iuxta Aristotelis
dictum) non efficit sensationem: quemadmodum uidemus
de colore proximè oculis admoto, quem absque medio ne
quaquam uidere sufficimus. Et si qualitas aliqua tangibilis
immediatè super neruum tactus poneretur, non percipere
tur à tactu. Atque hinc est, quòd uisus (qui in humore cry-
stallino situs est) neque oculi ad palpebram, neque carneâ
tuniculam, quæ est circa oculos, percipit: neque tactus car-
nem sentit, qua uestitur ipsius neruus. Si uerò plus iusto e-
lōgetur sensibile, ut iuxta proportionem sensus ad ipsum non
possit in organum suam speciem imprimere, uel non suffi-
cienter, tunc uel nō fit, uel malè, & imperfectè fit sensatio.
Oportet ergo esse mediocrem distantiam, iuxta proportio-
nem sensus & sensibilis. Nam in hac re determinata men-
sura non potest constitui. Quod enim meo uisui nimium
est distans sensibile alterius uisui est proportionatum. Ita
fit, ut quod ego uel non uideo, uel admodum imperfectè,
id alius perfectissime cernat: cum tamen secundum rem in
æquali consistamus ab obiecto distantia. Ita eundem so-
num, qui melioris est auditus, facilè percipit, quem a-
lius in eadē positus ab obiecto distantia nequit percipere.
Et manifestum est, quosdam talis esse usus, ut de iis quæ
admodum longe distant, rectius iudicent, quam de iis quæ
minus distant. Contrà uerò, sunt qui parum distantia exa-
ctissime percipiunt, magis autem distantia minime.

*Oculus
quare, nō
uideat pal-
pebram.*

Est etiam omnis sensus sui obiecti & priuationis oppositæ perceptiuus.

Vt uisus lucem percipit & tenebras. Quò enim uisus de luce iudicat, ita & de tenebris. Sunt enim tenebræ luminis priuatio. Verum non sic priuatio uisum mouet, ut habitus. Non enim tenebræ uidentur per aliquã speciei diffusio nem (quam enim speciem de se funderet priuatio?) sed tñ per abscutiam lucis. Tenebræ enim sunt priuatio lucis in corpore perspicuo, apto nato suscipere lumen, Sic iudicatur aliquid absonum, uel insonum, id est, sine sono: item inodorum & insaporum, hoc est, absque odore & sapore, per eosdem sensus per quos odorabile & sonorum. Aduertendum quoque est, quòd in singulis sensibus terminus significans priuationem dicitur tribus modis. Quemadmodum (exempli gratia) inuisibile dicitur tripliciter. Primò, quòd omnino uideri non potest, ut Deus, Angelus, sonus, caliditas, & huiusmodi. Secundò, quòd difficulter uideri potest, ut lumen admodum debile, quemadmodum est lumē in umbra per reflexionem, & color admodum paruus & ob scurus. Tertiò, quòd uisui nocet & aduersatur, ut excellens lumen & impropor tionatum, quod non absque dāno cernitur. Sic inaudibile dicitur, quod uel non potest audiri, ut color: uel difficulter, ut sonus nimium tenuis: uel qđ prauum hēt sonum: Ita inodorabile, & ingustabile, qđ oīno odorari uel gustari nequit, aut qđ difficulter pōt, aut qđ prauū hēt odorē, siue saporē. Sic & de intangibili dicendū. Ceterū, ipsæ sensuum differentię ex præmissis & singulorum particularibus determinationibus sunt manifestatæ. Et hæc quidem de sensibus exterioribus & eorū sensibilibus ita declarata sufficiant. Nunc uerò ordinato progressu, exterioribus percurtis, ad interiores trāseamus: ut quò mirabilem in externis utcunq; ostendimus naturæ auctorem, sic & in internis nō minus magnū, neq; minus admirabile (quantū dabitur) cōmonstremus: ut sic tā in iis quę intra sunt, q̄ in iis quę extra apparēt, glorificetur sapiētia cōditoris n̄ri, qui & intima & extima n̄ra, eadē sapiētia cuncta formauit, qui in trinitate, & unitate uiuit semper benedictus in sēcula. Am̄.

*Inuisibile
dicitur tri
bus modis
ut reliqui
termini pri
uatiui.*

PRO CONSIDERATIONE PARVULI

in membris oculi, ad gloriam magni artificis qui
eum admirabilem condidit, Psalmus.

Venite qui quæritis miranda, & uidete quod commonstro uobis
digito isto: paruulum istud paruulum attendite, quod me demon-
strante, conspiciitis oculis uestris.

Consistite ex aduerso mihi, & lumen oculorum uestrorum (utique
si libet amborum) defigite in pomulum istud ecce claudio oculum al-
terum, ut inuim hunc considerare ualeatis attentius.

Estne ex uobis aliquis, qui pomuli huius sufficiat miranda com-
prehendere: qui explicare ad plenum possit nobis rationem composi-
tionis eius.

Si in iactabundus asseris posse te omnem eius explicare rationem
age, uirum te præbe, & compone nobis aliud simile.

Calidum frigidum, humidum, siccum, ecce appono tibi in abum-
dantia fac, si potes pomulo huic quod tibi demonstras in meo uertice
meus digitus, fac (inquam) si potes, pomum huic simile.

Quid enim? si rationem omnem pernosti compositionis eius, & om-
ne comprehendis artificium: præbita tibi copiosa materia, quid ob-
stabit quo minus condas nobis opus simile?

Ecce enim calidum, frigidum, humidum, & siccum apposita sunt
tibi, ex his autem est omnis membrorum compositio.

Quod si labori operis non te putas sufficere, elige tibi artifices in-
dustrios & operarios fortes: experire in omni adiutorio, num opus si-
mile poteris efficere?

Ergo si faseris supra omnem artis uirtutem eminere opus, da gloriã
auctori omnium: & fateri minimum esse quod nosti: agnosce mini-
mum esse quidquid tibi uideris de opere eius cognoscere.

O pomum paruulum. O membrum pusillum, oculus qui consistis
duplicatus in excavata domo tua, in specu mirabili in medio faciei,
loco honestissimo: quàm mobilem habens in te uirtutem, & quàm ad
mirabilem seruas potentiam?

Immensa intervallo super me eleuatur Luna in orbe suo: superat
enim uniuersam aeris regionem, & ignis globum transcendit per ma-
ximam.

Sol uerò longè scadit altius: ac super hunc incredibili spatio ele-

nasæ stella quæ sunt in firmamento, cõsistunt immobiles.

Autamen super hæc omnia tu conscendis altius, & superas omnia: neque tamen (quod est omnium mirabilissimum) locum deseris, in quo te posuit altissimus conditor tuus.

In specu vultus excavatæ, quasi in rupe tua murita manes, & non egredieris: transcendis tamen elementa omnia, Lunam, Solem, atque cuncta sydera.

Verè magnus, qui te fecit ita mirabilem, qui talem in te posuit uir tutem: si non est ille magnus artifex, mirabor ubi inueniemus quem iustè appellabimus artificem.

Qui talè in te noui compositionem efficere humidi, sicci, calidi, & frigidi, ut tali præmineres uirtute si non est in illo sapientia, clamo ego quod nusquam inueniatur sapientia.

O magne Deus quàm es magnus in omnibus operibus tuis: & in hisce minimis quàm gloriosè te ipsum monstras maximum.

O quàm debes esse in teipso lucidissimus, qui hanc opacam creaturulam tuam tali donasti nativo lumine, ut tanto distantia intervallo, ita ut nullo negotio possit percipere.

Potentiam sapientiam & oëm perfectionem lux beaùssima, ego ascribo tibi absque mensura, agnoscat hoc ipsum omnis homo, in quo posuisti dona tua.

Non pergo ego longius, digitum impono ori meo: stupore me obtundis in præcellentia magnitudinis tuæ.

Hoc tantum abscedens loquor ad gloriam tibi, multos ego uidi celebres hominibus artifices: hætenus autem non contingit uidere tui similem.

Gloria patri, & filio, & spiritui sancto.

Sicut erat in principio, & nunc & semper, & in secula seculorum, Amen.

IN LIBRVM DECIMVM CONSIDERATIONIS
PHYSICAE, DE POTENTIS
SENSITIVIS INTERIORIBVS.

P R A E F A T I O.



AMETSI magnum uideatur
stupendumq; miraculum in or-
ganis exteriorum sensuum, de
quibus iam in præcedēti libro
tractatum est, multò tamen iu-
dicaret homo magis admiran-
das uires illas, quæ sub osleo ca-
pitis tegmine interius delite-
scunt, in abscondita substantia
cerebri, si eas posset oculis con-
templari, si ipsam cerebri substantiam, eiusque nobilissi-
mam complexione, & admirabilem uirtutis dignitatem,
cellularumque pulcherrimā distinctionem, & officiorum
in diuersis partibus uarietatem, oculari posset cognitione
deprehendere: q̄ tñ uix ulli digna admiratione suscipiunt,
propterea q̄ abscondita sint ab oculis hominum & paucis-
simis uel tenuiter cognita. Post exactam ergo præceden-
ti libro exteriorum determinationem, uolumus suo hunc
ordine ad omnipotentis omnium exteriorum pariter atq;
interiorum conditoris gloriam, de his quoque interiori-
bus sentiendi uiribus nonnulla dicere, quantum tenuitas
nostri ingenij uel ab alijs tradita capere, uel diligenter cō-
sideratione exanimata potuerit peruestigare. Postremo
loco quædam de somno; & uigilia pro loci oportunitate
annexuri, cum somnum à natura in sentientibus omnibus
ad uirium sensitiuarum reparationem à Deo cernamus
institutum. Nihil autem est operum Domini, quod non
omni sit consideratione dignissimum.

De sensu communi & eius loco atque officiis.

Sunt autem sensus interiores sensus communis, imaginatiua, phantasia, aestimatiua, memoria & reminiscencia.

Inter quas potentias primo loco constituitur potentia quædam locum habens in anteriori parte cerebri, ad quã ex omnibus sensibus exterioribus species transmittuntur, omnium illorum quæcunque per sensus externos fuerint apprehensa. Quam ob causam, notissimo nomine sensus communis tam apud Philosophos quam apud Medicos appellatur, nimirum quod omnibus exterioribus sensibus, æquè sit communis, quòd æqualiter species omnium exteriorum sensuum suscipiat. Propter quod ab Aristotele cõ paratur centro circuli, ad quod tendunt omnes, lineæ à superficie circuli protractæ. Sic enim omnes sensus exteriores à sensu communi interiori tanquam à centro egrediuntur, & sensorum suorum simulacra singuli ad eundem reducunt, per neruos qui à singulis eorum ad ipsum proficiuntur. Ab oculo enim neruus dirigitur ad anteriore partem cerebri, itemq; ab aure, à lingua, ab organo olfactus, & à nerno tactiuo, qui omnes in parte cerebri anteriori (ubi sic sensus situs est) quasi ad centrum unũ conueniunt. Estq; sensus communis ille uelut fons, à quo occulto miraculo sensus exteriores profluunt atque procedunt, recipientes uidelicet ab eo spiritus sensitiuos, per quos suas execeant in suis organis operationes. Ac rursum, quasi finis est eorundem sensuum externorum: ut pote ad quem uelut ad commune consistorium sua quisque sensata ineffabiliter statim deferunt, atque transmittunt. Ad hunc sensum spectat, primum quidem sensibilia prius diuisim exterioribus sensibus percepta, pariter uelut unitè apprehendere, sicq; diuersorum sensuum obiecta ad inuicem comparare, uel cõponendo, uel diuidendo: utpote iudicando hoc esse colorem, istud sonum, illud odorem: uel hoc esse coloratum, ual album, uel nigrum, illud odoriferum, istud calidum, &c. Item de eadem re potest hic sensus iudicare q
lit

DE SENSIB. INTERNIS.

*Sensus cō-
munis of-
ficia.*

fit alba, dulcis, calida, humida, odorifera & sapida. Cū. n. in lacte uisus inuenerit albedinem, gustus dulcedinem, tactus caliditatem, odoratus bonum odorem, sensus communis acceptis singulorum sensuum particularibus iudiciis, iisque in uno simul compertis ad inuicem collatis, iudicat lac istud esse album, calidum, dulce, & odoriferum. Deinde per eundem hunc sensum iudicat homo se uidere, audire, gustare, tangere, odorare & sic de omnibus actibus oīum sensuum exteriorum. Hæc enim sunt duo sensus huius communis officia, uidelicet sensibilia exteriora sensibus exterioribus diuisim percepta una apprehensione cognoscere, & de actibus sensuum ipsorum iudicare.

CAPVT II.

Necessitas ponendi sensuum communem distinctum à sensibus exterioribus.

*Sensus cō-
munis ne-
cessitas.*

NEUTRUM autem prædictorum officiorum per ullum sensuum exteriorum potest fieri. Impossibile nāque est, ut sensus aliquis exterior sensibilia diuersorum sensuum diiudicet comparādo ad inuicem. Non enim potest sensus aliquis diiudicare, distinguere, & comparare aliqua ad inuicem, nisi utrunque cognoscat: quemadmodum non possum inter res duas discernere, nisi utranque cognoscam. Cum ergo sit impossibile, sensum aliquem exteriorem diuersorum sensuum obiecta apprehendere (nam quisq; suum tantum obiectum apprehendit) consequitur, fieri nequaquam posse ut sensuum exteriorum aliquis inter obiecta diuersorum sensuum discernat. Et tñ id animali erat necessarium posse inter sensibilia diuersa discernere. Oportebat ergo talem aliquem communem sensum poni, qui sensibus exterioribus excellētiore, de eorū sensatis ferret iudicium. Alioqui quid opus fuisset diuersis sensibus ad distinctè percipiendum sensibilia, si non esset qui potuisset inter ea discernere? Quod si quis dicat, pluribus sensibus posse hanc fieri sensibilibus distinctionem, uno sensu unum obiectum altero alterum cognoscente: an non id uidebitur ad distinctionem

inctionem posse sufficere? Minimè. Quemadmodum.n. impossibile est duos homines ferre de rebus diuersis iudicium, nisi utriq; tota sit causa cognita, nisi adinuicem communicantes in commune conferant uterque suam cognitionem, neq; sufficit, quod hic illius, iste alterius causam probissimè norit ad rectè discernendum atque dijudicandum: ita nequaquā sufficere potest sensuum diuersitas, ad sensibilibus dijudicationem, nisi unus sit superior iudex, ad cuius consistoriū & cognitionem pariter omnes sua sensata adducant. Iterum officium illud iudicandi de operatione sensus, ut cum homo apprehendit se uidere, audire, &c. nequaquam sensui exteriori potest competere. Non enim potest uisus cognoscere se uidere, neque auditus cognoscit se audire. Cum enim obiectū uisus sit color uel lux, consequitur nihil posse uideri aut uisu pcepti, nisi quod color est uel coloratum, aut lux uel lucidum. At uerò uisio (quæ est operatio uisus) neque color est, neq; colorata, neque lux est, neque lucida. Quo pacto ergo sensu uisus percipietur? quomodo fiet ut possit uideri? Ita & de aliis sensuum operationibus in analogia ad suos sensus, proportionabiliter est dicendum.

Vnde communis est regula quòd nullus exteriorum sensuum super suum actum reflectitur.

*Regula
communis
de sensibus.*

Reflecteretur autem super suum proprium actum, si uisus possit percipere se uidere, uel auditus se audire, &c. Sensus ergo communis ponendus est, qui de operationibus singulorum exteriorum sensuum possit iudicare. Percipimus enim per sensum communem nos uidere, dum ab oculo simulacrum rei uisæ ad ipsum transit. Ponitur autem hæc uirtus in anteriore parte cerebri, cellulam habēs satis amplā, in loco ubi cōcurrunt nerui sensitiui quinque exteriorum sensuum, qui locus admodū medullosus & humidus est. Nam humido perficitur, eo quòd humidum facilè sit perceptiuū. Hoc est autem potentia huius officium, omnium sensibiliū formas mox, ut exterioribus sensibus fuerit sensata, suscipere. Quamobrem iuxta huius partis bonam dispositionem, iudicamus homines esse facilis capacitatis &

DE SENSIBVS INTERNIS.

Fons cornuta quæ de signis.

bonæ apprehensionis, bonique iudicij. Vnde Phsyionomi tradunt, & monstrat experientia, facilis apprehensionis esse, qui frontem habent cornutam: quod non dubium est ratione bonæ dispositionis cerebri in hac anteriori parte provenire. Contra uerò qui fronte sunt obtusa & nimium rotunda, malè iudicantur apprehensionis, quòd cerebrum in hac cellula non habeant sufficienter dispositum. Deniq; & in uulgato prouerbio receptum est, ut homines rudes & iudicio carentes, dicamus carere sensu communi,

CAPVT III.

De uirtute imaginatiua, eiusque officio, & loco.

*Imaginatiua.
Imaginatio, cellarium sensus communis.*

Post hunc sensum communem proxima est alia quædã potentia, ordinat ad conseruandas species in sensu communi à sensibus exterioribus receptas. Sensus enim communis in præsentia obiecti exterius sensati, speciem illius recipit, simul ut exteriori sensu percipitur. Sed non est eius officij, species istas abscedente obiecto, & exteriori sensu à sua operatione desistente, in sese conseruare: sed ad alteram spectat potentiam sibi proximam, quam imaginatiuam appellamus. Est enim hæc imaginatiua uelut cellarium, specierum à sensu communi præsentè obiecto susceptarum contentiuum atque conseruatiuum: propter quod, uulgo thesaurum formarum eum appellant. Quemadmodum autem sensus communis (cuius est recipere) perficitur humido, ita hæc potentia perficitur siccitate quadam & duritie ad bene conseruandum. Nam sicut humidum bene recipit, ita sic cum bene conseruat. Et ubi cum humiditate moderata fuerit siccitas, non omnino malè recipiet, neq; malè seruabit. Consistit autem hæc uirtus simul quidem cum sensu communi, in anteriori parte cerebri, ac uelut in prora capitis: estque locus ille cerebri in quo consistit imaginatiua, minus medullosus, minusque humidus, & aliquatenus magis siccus, quam sit pars illa, cuius sedes est sensus communis. Non enim talis intelligi debet hæc siccitas, quasi in parte ista cerebri, omnino debeat dominari. Est enim id contra rationem

rationem cerebri, quod de se frigidum, & humidum est: sed hoc tantum uolumus, partem illam esse minus humidam & medullosam, atque ita aliquo modo magis siccam & magis duram, quàm sit altera pars anterior. Ex prædictis ergo patet differentia inter sensum communem & inter hanc imaginatiuam potentiam. Sensus enim communis præsentem exterius obiecto, suscipit suam speciem ab exterioribus sensibus ad se transmissam: sed non conseruat obiecti absentia. Vnde in hoc cum exterioribus sensibus aliqua ex parte communicat, quòd egeat præsentia obiecti. Imaginatiua autem, species & simulacra rerum sensatarum retinet & conseruat. Vnde cum in absentia rem ipsam statim apprehendimus, non sensus communis, sed huius imaginatiuæ est operatio. Quæstio tamen moueri solet, an sensus communis ad nullam moram possit species susceptas in absentia obiecti in se retinere: quibusdam dicentibus, quòd omnino non possit nec ad tempus modicum, quemadmodum neque sensus exterior. Alijs contrarium sentientibus, quòd ad tempus aliquantum possit speciem susceptam retinere, & circa ipsam operari, per eam de re sensata etiam absente iudicando: maximè donec alia non adueniat, quæ ipsam expellat, sibi que cedere cogat.

Questio.

CAPVT

IIII.

De potentia aestimatiua.

Post imaginatiuam istam (de qua iam dictum est) ponitur uirtus alia, cuius est officium ex speciebus in imaginatiua seruatis elicere intentiones non sensatas, id est, nullo sensu alio perceptas, uidelicet neque exterioribus sensibus, neque sensu communi. Quemadmodum (exempli gratia) uisus per sensum exteriorem uisus apprehensa forma lupi, eaq; ad sensum communem transmissa, & ad imaginatiuam deducta, non ibi sistit, sed ex specie forme lupi intra imaginatiuam suscepta elicit intentionem & existimationem inimicitiae, propter quod etiam mouetur ad fugiendum à conspectu eius. Hæc autem intentio siue existimatio inimicitiae à sensu alio percepta non fuit. Nam uisus non ui-

Aestimatiua.

DE SENSIBVS INTERNIS

det amicitiam, aut inimicitiam, neque etiam sensus communis, cum sensus communis, non nisi ea, quæ per sensus exteriores sunt sensata comprehendat. Imaginatiua uerò noui nihil fabricat, neque nouas elicit intentiones, sed ea tantum quæ sibi à communi sensu transmittuntur, seruanda custodit. Oportet ergo, præter hætenus enumeratas potentias, aliam esse posteriorem prædicta imaginatiua, quæ ex speciebus in ea seruatis non sensatas intentiones (iuxta specierum naturam & conditionem) possit elicere. Per eandem hanc potentiam ouis audiens uocem nati sui mirabiliter balâtis, ex specie uocis intra imaginatiuâ suscepta, elicit intentionem & existimationem defectus pabuli: atque ita mouetur ad præbendum ubera: qui quidem pabuli defectus, nullo sensu fuit ab oue perceptus. Sic pulli gallinæ audientes matris uocem, eliciunt intentionem congregationis sub alas, ad quas proinde confugiunt. Ita canis uidens præbentem sibi alimenta, aut blande colludentem, elicit intentionem amicitia, & cauda applaudit. Vides tamē sub sannantem aut sentiens percutientem, elicit intentionem inimicitia, contractisquē naribus hostiliter aduersus illū latrat, aut etiam si potens est, ferociter insurgit. Ita odore percipiens cibum bonum, ex ipsa odoris specie elicit intentionem conuenientia, aut disconuenientia, iudicans scilicet hunc cibum sibi esse conuenientem aut disconuenientem. Harum autem intentionum aut existimationum nulla sensu est perceptibilis. Est autem hæc potentia secundū quam animalia bruta ad conuenientes sibi actiones mouētur, mouendo uidelicet se secundū locū, aut alia quælibet operando, secundum suæ naturæ conditionem. Per hanc enim prosequuntur quæ sibi conuenientia sunt, & ad ea in locum se mouēt: detestantur uerò & fugiunt ea quæ sibi sunt disconuenientia: agunt quoque ea quæ per hanc potentiam ex speciebus perceptis eliciunt agenda. Quemadmodum in exemplis supra positis, ouis lupum (quem inimicum iudicat) fugit: nato uerò (quem dilectum & indigētem iudicat) ubera præbet: ad cibum (quem conuenientem uisu uel olfactu percipit) sese mouet canis, amico applaudit, uerbera minantem

*Quomodo
æstimati-
ua intētio-
nes elicit
in sensa-
tione.*

*Æstima-
tiua i. a. i.
malibus
principiū
motus.*

minantem fugit, domino suo & beneficienti applaudit eam
da, & amice sequitur: alienum uero, & quem inimicum re-
putat, iracundo latratu hostiliter insequitur: atque in cete-
ris, Quapropter hæc uirtus æstimatoria non solum apprehē-
sua, sed etiam motiua.

CAPUT V.

Duplex est modus æstimatorie potentiæ in operando, uel mouendo.

Sunt autem quædam animalium operationes, in quibus
secundum istam potentiam mouentur quidem, sed ali-
ter quàm prædicto modo. In exemplis enim suprapositis;
per intentiones elicitas à rebus sensatis diximus animalia
moueri ad tales uel tales operationes siue motiones. In qui-
busdam uero tanquam secundum naturæ instinctum, & im-
pressionem naturalem æstimatoriæ inditam operantur atque
mouentur: quemadmodum aues secundum naturalem im-
pressionem certo anni tempore ad generationem à natura
statuto nidos sibi construunt, formicæ congregant per æsta-
tem, quod per hyemem comedant, apes mellificant & stru-
cturas mirabiles extruunt, aranea texit telam, animalia por-
fectiora certis temporibus coeunt generationis gratia, at-
que in alijs huiusmodi. Hæc autem non uidentur ex ullis
sensatis per æstimatoriā in animalibus illicita. Quod enim
avis ista æstimat, siue iudicat, nunc esse ædificandum ni-
dum, & ex tali materia taliq̃ue forma & ordine; id ex nul-
lius rei sensatæ specie elicit. Neque enim dici potest, ita
hoc eam agere aut iudicare ex eo quod alias uidit suæ spe-
ciei aues similia similiter agere. Manifestum nanq; est, q̃
ex naturæ instinctu id faceret avis, etiam si nunquam id
ab alijs suæ speciei ante conspexisset. Et manifestum est
nō tam disciplinabilia esse uolatilia, ut iā artificiosam stru-
cturam ad unum conspectum possint addiscere, q̃ nec arti-
fex industrius multa consideratione posset assequi. Nequa-
quam ergo ex rei prius sensatæ specie istas eliciunt inten-
tiones. Attamen per æstimatoriam hanc potentiam in his
agendis mouentur, sed alio modo. Est enim eis natu-

*Per æsti-
matoriā a-
ues nidi-
ficant.*

DE SENSIBVS INTERNIS

ralis impressio, quæ æstimatoriā naturaliter mouet ad ea sic
 certo tēpore, certo modo, & ex certa materia peragenda.
 Propter quod uidemus omnia animalia eiusdē speciei cōsi-
 militer operari eodem tempore, eodem modo, & ex eadē
 materia. Natura enim in omnibus una est. In iis uerò in
 quibus mouentur secundum proprias intentiones, iuxta pri-
 mum suprapositū modum elicitæ, nō uno eodemq; modo,
 neque omni tpe similiter agunt. Videmus enim canē, qui
 dum esurit ad alimentum odore tractus accurrit, postquā
 saturatus fuerit, nihil cibi odore amplius permoueri, nec
 ultra accurrere, nimirū quia id quod prius iudicabat conue-
 niens & prosequendum, iā non ultra tale æstimat. Ob hunc
 autē supra dictum duplicem modum mouendi sē æstima-
 toriam potentiam, quidam eam diuidunt in æstimatoriā na-
 turalē & animalem. Ex prædictis patet manifesta differen-
 tia inter æstimatoriam & imaginariam. Ad imaginariam
 enim solam non sequitur prosequutio, aut fuga, licet possit
 sequi delectatio uel tristitia: ut cum homo tantum imagina-
 tur aliquid, uidelicet magnificas epulas, amplos honores,
 multas diuitias, potest in eorum sola imaginatione delecta-
 ri, quemadmodum econtrario ex sola imaginatione terri-
 bilium rerum, ut mortis, suspēisionis, combustionis, potest
 cōtristari. Nunquam autem ex sola imaginatione oritur in
 animali prosequutio, aut fuga, nisi accedat æstimatoriæ po-
 tentiæ iudicium. Sic enim est imaginatio nuda, quō inspe-
 ctio alicuius picturæ: quæ quidem si fuerit pulchra, & dele-
 ctabilis rei repræsentatio, poterit efficere delectationem:
 sin autē horribilis fuerit, poterit efficere horrorem. Nemo
 uerò ex hoc mouetur. Veluti si picta in lāce poma aspiciam
 non oritur prosequutio, neque mittō manum ad ea acci-
 pienda. Et si conspiciā inferni caminum magno hiatu flam-
 mas emittentem depictū in tabula, non fugio, neque manū
 retraho. Non est enim illic æstimatorio conuenientis, neque
 hic disconuenientis: propter quod prosequutio non oritur
 nec fuga. Pueros uerò cernimus subinde paruulas manus ad
 poma in lance depicta extendere, & secundum æstimatorio-
 nem iudicent poma esse manducabilia, quæ admodum pro-
 sequun-

Differen-
 tia inter
 æstimatori-
 am &
 imaginari-
 am.

sequuntur. Secundum eundem modum, meticulosi homines cum in tenebris existentes de rebus horribilibus cogitant frequenter aut exclamant, aut fugiunt, quod quasi præsens aliquid terribile sibi existiment, utpote speciem defuncti alicuius, aut cacodæmonem. Nota

CAPVT VI.

De uirtute phantastica componente & diuidente species.

Est autem huius æstimatiuæ potentia, non solum diceret intentiones non sensatas, uerum etiā species in imaginatiua seruatas ad inuicem componere, diuidere: ut cum ex compositione specierum montis & auri aliquando per se & diuisim sensorum fingimus nobis montes aureos: & ex specie Indiæ uel Arabiæ, de qua aliquando loquentes audiuius, simul cum prædictis composita, fingimus montes aureos in India uel Arabia. Ita agit in sensu exteriori pictor, cum exterius in tabula quam pingit, humano capiti (iuxta illud Horatianum) ceruicem iungit equinam, & uarias rerum tentat coniungere formas. Ita phantasiatur hominem sine capite, domum sine tecto, equum sine uentre, & huiusmodi. Et in prædictis quidem comparat species diuersas ad inuicem. Componit etiam hæc uirtus res sensatas uel species earum, cum intentionibus elicitis, & nō sensatis. Ut cum ouis iudicat lupum esse inimicum. Lupi enim habet speciem quem uidit, inimicitiam autem elicuit ex figura. Interdum uerò intentiones cum intentionibus cōiungit, ut cum iudicat inimicum hunc fugiendum, cum iudicat hunc beneficium sibi pastorem esse assequendum, alienum uerò non sequendum, sed fugiendum. Quidam autē hoc officium diuidendi & componendi attribuunt alteri potentia, quam ab æstimatiua putant esse distinctam, appellantes eam peculiari nomine phantasiā. Nobis tamen in proposito magis placet, ut phantasiā cum æstimatiua eandem potentiam reputemus, quam nihil refert æstimatiuam in phantasiā appellemus. Neque enim ratio sufficiens uidetur, ob quam necessario ponenda sint harum Phantasia.

*Diuerſa
harum po-
tentiarum
appella-
tiones.*

virtutum distinctio : Nihil enim prohibet unam esse ean-
demq; potentiam, quæ & non sensatas intentiones ex spe-
ciebus rerum sensatarum eliciat, & species uel intentiones
ad inuicem componat atque diuidat. Imò admodum con-
uenienter hæc uidentur uni cōuenire potentiæ. Ouis enim
componendo intentionem amicitix cum forma lupi, sic iu-
dicat lupum esse inimicum & fugiendum. Et sciendum qđ
hæ interiores potentiæ admodum diuersis appellationibus
à diuersis nuncupantur. Quidam enim, secundam potentiã
suprapositam uocant phantasiam, & hanc uirtutem tertiam
componentem & diuidentem appellant imaginatiuam. Vn-
de uulgo dicere solent Medici, qđ imaginatio faciat casum:
quod de phantasia intelligunt. Alij uerò malunt secundam
illam uocare imaginatiuam, & meo sanè iudicio rectius ab
imaginibus uidelicet & simulachris quæ cōseruat, hoc est,
à speciebus rerum sensatarum. Hanc autem tertiam, rectius
uocant æstimatiuã, ab æstimando siue iudicando. Per hanc
enim iudicant animalia & æstimant quid fugiendum, quid
prosequendum, ad quid accedendum, à quo recedendum,
quid amicum, quidve inimicum, ut per huius iudicium om-
nino se regunt atque gubernant animalia. Aristoteles uerò
plerunquẽ imaginatiuam & phantasiam pro eodẽ uir cōpu-
tare, & nunc quidem secundam potentiã intelligere, inter-
dum tertiam. Ait enim, animalia per phantasiam uel ima-
ginationem moueri. Manifestum est autem ad æstimatiuã
hoc pertinere. Alibi autem dicit, æstiuatiuam ab imagina-
tione differre. Et quoniam tã diuersa in his appellatio est,
ut facilẽ possit confusionem gignere, certius possunt hæc ui-
res à suis officiis denominari, & secundum officiorum ex-
pressionem distingui, quàm secundum alias appellationes.

CAPVT VII.

Quòd æstiuatiua est in homine aliquanto nobilior.

Considerandum est autem, qđ quantum ad formas atq;
species sensibiles, non est differentia inter homines &
alia animalia, cum similiter ab exterioribus sensibilibus im-
muten-

mutentur, primum uidelicet in sensum exteriorē impressa specie, ac deinde ad sensum communem transmissa, & in imaginatiua seruata. Sed quantum ad intentiones prædictas, inter hominem & cætera animalia est differentia: quæ animalia cæterā percipiant huiusmodi intentiones ex quodam naturali instinctu, quemadmodum ouis ex specie lupi naturaliter fugam elicit, iudicatq; sibi fugiendum tali forma apprehensa. Homo uerò tales intentiones elicit per quandam collationē. Et ideo illa quæ in aliis animalibus dicitur æstimatiua solum, in hominibus aliquanto altiori denominatione cogitatiua recte appellatur, quod per collationem quandam huiusmodi intentiones adinueniat. Vnde etiam interdum ratio particularis appellatur. Est enim collatiua intentionum indiuidualium, sicut ratio intellectiua uniuersalium. Vnde homo ex apprehensione formæ lupi, non naturaliter mouetur ad fugam. Nam si uideat eum ligatum catena forti, aut alio modo constrictum, ut non timeat nocumentum, non solum non fugiet ab eo, sed etiam accedet ad uidendum & contemplandum proprius, tanquam dignum curiosa inspectione spectaculum. Verum per quandam collationem, dum uidet eum ad se hostiliter accurrere, & conspicit fortem impetuosè accurrentem, apprehenditq; ut se fortiorem & à quo timet superari, ita fugam eligit, aut resistentiam, iuxta quod (facta collatione) magis uidetur eligendum. Subseruit quoque hæc potentia rationi, cum illi fuerit coniuncta, ut in hominibus. Per eam etiam ratio & intellectus dirigit hominem in omnibus actionibus particularibus, quæ ad corpus spectant. Quomodo etiam intellectui ad intelligendum subseruit, dicetur posterius suo loco.

CAPVT VIII.

De loco & dispositione huius æstimatiuæ.

Habet autē potentia ista phantastica & æstimatiua locum in medio uentriculo cerebri, sita in medio, inter memoratiuam à parte posteriori, & imaginatiuam ex parte anteriori tanquā indifferenter ad utranque sese potēs cō-

*Æstima
tiua cur
posita in
medio ce-
rebri.*

uertere

DE SENSIB. INTERNIS

uertere. Nam circa species quæ in imaginatiua seruantur, manifestum est eam operari, dum ex eis (ut iam diximus) elicit intentiones non sensatas, dum (species illas componendo & diuidendo) format sibi quas uult imagines & intentione. Ad memoriam uero se conuertit, quando in ea (ut posterius dicemus) suas intentiones reponit, & quando uult rursus eas inde accipit ut circa eas phantasietur. Medius autem cerebri uentriculus in quo hanc potentiam sitam dicimus, locus est admodum calidus, ad quem multi spiritus continuo ascendunt: propter quod in continuo motu est, plusquam alia uires prædictæ. Atque hinc experimur mirabilem huius potentia in phantasiando, componendo, & diiudicando celeritatem & instabilitatem, & facilem de una ad aliam transitum. Maxime uero febricitantes id experiuntur, propter spirituum inflammatorum continuam sursum agitationem, qui in phantasia operantur mirabiles compositiones & diuisiones. De uirtute autem huius potentia, miranda tradunt Medici, quod frequens in humanis corporibus ex ea fit realis immutatio, quemadmodum etiam quotidiana nos docet experientia. Illi uero qui hanc potentiam (quam ut unam tractauimus) in duas malunt diuidere, priorem uocant phantasia: quæ componit & diuidit species in imaginatiua seruatas posteriorem uero diæstimatiuam, quæ (ut dictum est) intentiones elicit ex speciebus in imaginatiua seruatis.

Phantasia & æstimatiua officium.

CAPVT

IX.

De memoria sensitiua.

Quomodo autem sensum communem diximus habere proximum sibi repositorium suarum specierum a sensibus exterioribus susceptarum: ita & hæc uis æstimatiua proximum sibi habet a posteriori parte cellarium, atque repositorium suarum intentionum a speciebus imaginatiue per compositionem & diuisionem elictarum. Quemadmodum enim necesse fuit sensum communem habere tale repositorium, eò quod ipse species in absentia diu seruare non posset, propter continuo noua occurrentia sensibilia, atque etiam propter complexionem organi sui quod ad suscipiendum, non ad cõseruandum

dum est à natura dispositū: ita uirtute æstimatiuæ necessariū fuit habere cellariū, in quo suas intentiones recondere, eò quòd non posset in se eas diu conseruare, propter continuam aliarum aduentantium susceptionē atq; efformationem: propter quod adiunctum debuit debere tale cellarium, in quo iā elicitas intentiones absconderet, ac ueluti in thesaurario reponeret, ad q̄ oportuno tēpore posset recurrere, quoties sibi placitum esset huiusmodi intentiones resumere. Hæc autem uirtus intentionum eiusmodi sic conseruatiua appellatur memoria siue uis memoratiua, quæ ob causam prædictā rectè thesaurus intentionū pōt appellari, sicut imaginatiua nuncupare solet thesaurū formarū. Quemadmodū .n. imaginatiua conseruat species rerū, sic memoria conseruat intentiones specierū. Licet autē utrumque hoc cellariū (imaginatiuæ scilicet & memoriæ) deseruiat æstimatiuæ siue phantasie, memoria tñ præcipuus ipsius est thesaurus. Et (ut manifesta id cōparatione ex sensibilibus declaremus) imaginatiua comparata ad æstimatiuā uelut fouea est, unde effodit homo argentū uel aurum, ut tanquā agere in quo metitur frumentum: memoria uerò est tanquam arca in quam effossum infertur atque reconditur aurum uel argentum, & tanquā horreum in quod congregatur frumentum ab agro. Quo modo ex terræ uenis effoditur aurū, sic ex speciebus imaginatiua seruatis æstimatiua elicit intentiones. Et quomodo aurum effossum infert homo in arcam, sic erutas elicitas quæ intentiones recondit in memoriam.

*Memoria**Comparatio pulchra.*

CAPVT X.

Virtutis memoratiuæ locus quis, & quomodo dispositus.

Accipitur autē nomen Memoria tripliciter. Primū, p ipso actu memorandi, cū uidelicet ad intentionē seruatiuā in memoria phantasia excitata, actu rei præteritæ recordatur. Secundō, pro habituali memoria, quomodo re illam dicimur unguō habere in memoria, cuius intentionē sic seruatiuam apud nos habemus, ut cum uoluerimus, possumus actualiter de ea meditari, uel phantasiari, etiam si actu

Triplicis memorie acceptio.

si actu nihil de illa cogitemus. Tertio (ut in præsentiloco principaliter oportet accipi) pro ipsa uirtute & potentia, quæ intentiones ab æstimatoria accipit & retinet. Quæ quidem uirtus locum habet in posteriori parte cerebri, & est nouissima potentiarum interiorum. Vnde ex occipite, physiognomi rectè coniiciunt memoriã. Qui. n. bonum occiput habent, & quasi tumorem quendam magnū in occipite, hi plerunq; bonã habet uim memoratiuã, quẽadmodũ experientia ad oculũ monstrabit animũ aduertenci. Et quoniam sicci est bene cõseruare, oportet hanc partẽ cerebri magis siccã esse, & aliquantulũ durã, minusq; humidã, & mollẽ quam sint partes aliæ cerebri priores. Neq; sufficit siccitas talis & durities, qualis est in parte imaginatiuæ, sed est subiectũ memoratiuæ maioris siccitatis quàm imaginatiuæ. Nã imaginatiuæ non incumbit tam diu seruire susceptas à sensu cõmuni species, quã retinere debet memoratiua suas ab æstimatione uel phantasia acceptas intentiones. Imaginatiua enim maximè propter phantasiã siue æstimatoriã est, ut tam diu teneat speciem rerum, donec conuenienter phantasia intentiones elicuerit, & uelut negotiata operataque fuerit, circa eas. Non autem propter sensum cõmunẽ, ut ipse rursus inde accipiat rei absentia sensationẽ. Memoratiua uerò ordinatur ad firmam retentionẽ intentionum susceptarum, quas in ea recondidit æstimatoria, ut post longũ et tẽpus (cũ opportunum fuerit) possit hæc ad illam habere recursus, & uelut depositum reposcere, cum iterum uti placuerit. Vnde hæc uirtus memoratiua, dici debet præcipua uirtus cõseruatiua.

CAPVT XI.

De memoratiuæ uirtutis diuersitate ex organi dispositione.

Celeriter apprehendentes, malæ sũt memoriæ EX prædictis de perfectiõne memoriæ in siccitate patet ratio, quare ij qui excellenter sunt bonæ apprehensionis, plerunq; non admodum ualeant memoria, quoniam uidelicet in eorum cerebro nimia est humiditas, à qua bonam illam & celerem habent apprehensionẽ. Illi uerò qui mediocri,

diocris, & utcunque tardæ sunt apprehensionis, plerunquē magis pollēt memoria. Nā tarditas illa apprehensionis, argumētum est maioris siccitatis : quæ tarditatem illam efficit in apprehendendo , in conseruando autem apprehensa, confert. Illi uerò qui omnino sunt non dico tardæ, sed malè apprehensionis, ut sunt nimium hebetes, quibus uix quidquam potest imprimi, nequeunt esse bonæ memoriæ propter nimiam duritiem, quæ difficilimè recipit impressio nem. Possumus autē memoriæ differentias, & diuersitatē sigillaris impressionis distinguere, hoc modo. Sigillum. n. si imprimatur in materiā ualde mollē, suscipiet quidē facile impressionē, & figurā accipiet à sigillo impressam, sed nimium leuiter ab ea deperibit , neque est impressio stabilis. Ita sunt quidam quibus ob nimiam humiditatem substantia cerebri est nimium mollis. Et hi facile quidem recipiunt impressionem, intentionemq; transmissam à phantasia citò suscipiunt (quemadmodum facile est in luto imprimere uestigium) sed non diu retinent quod impressum est, moxq; eius obliuiscuntur , & euanescit quod fuerat memoriæ commendatum. Si uerò materia sigillanda sit , nimium dura (utpote cornea) adeò ut uix possit qualēcunq; suscipere impressionem, ne sic quidem bona erit conuersatio, eò quòd sufficienter non potuerit imprimi imago. Atque huiusmodi sunt, quibus est cerebrum nimis durum, ut uix suscipiat à phantasia impressionem, aut nimis tenuiter suscipiat. Quæ impressio quoniā nimium superficialis est, facile obruitur: quemadmodum in tenaci & cōpacta terra modicè, impressum uestigiū, quanquā magna uolentia impressum, facile tamen oppletur puluere, nec perdurat ad ullum tēpus. Si uerò in materiā satis mollem, non tamen nimis mollē, sed utcunq; duram, fiat impressio, apta ac bona erit sigillatio. Efficeret enim mediocris mollities (quæ ex tēperata est humiditate) ut ad suscipiendum sit materia idonea. Mediocris autē durities, (quæ ex mediocri est siccitate) hoc præstabit, ut firmum permaneat quod est impressum, huiusmodi sunt, quibus subiectum memoratiue bene temperatū est, ut neq; nimis durum sit, neq; nimis molle.

Comparatione sigilli multi-plex ostēditur memoria.

DE SENSIBVS INTERNIS

Hi enim non difficulter recipiunt impressionē, & difficulter deleri, auferriq; permittunt quod fuerit impressum. Quorundā uerò memoria s̄m aliquid bona, & s̄m aliquid mala dicitur. Qui enim ita durum habent cerebrum, ut difficulter satis impressionē accipiāt, non tñ ita durum, qñ forti impressione (id est, magno labore, & longa frequentiq̃ meditatione) bene p̄ssint & perfecte tandem imprimere, non minus etiam quam alij qui uidentur facile receptiui: hi s̄m aliquid mala dicuntur esse memoria, quatenus nimia exigitur difficultas in imprimendo. Non tamen omnino mala, sed s̄m aliquid bona, quatenus uidelicet id quod ita magno labore & diligentia (bene tamen & perfecte) acquisierunt, fœlicissimè retinent, ut per omnem uitam uix possint obliuisci. Atque huiusmodi uidemus nonnullos, ea quæ ante multos annos improbo ualde labore memoriæ insculpserunt, potius quam impresterunt, in longam ætatem ea ipsa optimè tenere: adeò ut iam senes possint grammaticorum rudimentorum canones quasi ex recenti depromere memoria. Est autem hoc signum magni laboris, què in huiusmodi ediscendis impenderunt adolescentes. Nā quæ paruo negotio ediscuntur, memoriæque imprimuntur labore modico, hæc ut plurimum facili excidunt, iuxta qđ uulgo dici solet, citò deperire, quod citò acquiritur: contrā uerò, fixius hæreere quæ cum difficultate acquisierimus.

Quod labore multo acquiritur, statim leest.

CAPVT XII.

Senes & pueri quare non bene memorentur.

EX his patet ratio, ob quam senes plerunque uidemus esse obliuiosos, ac malæ memoriæ. Facit enim in eis continuus defectus humiditatis, & nimia exiccatio cerebri, pariter & frigiditas calore naturali deficiente nimium excrelens, ut cerebrum plus iusto exiccatur & induratum, non bene possit impressiones suscipere. Propter quod (uix tenui relicto uestigio intentionis impressæ) facili ipsum obliteratur, quemadmodum suprā diximus, de ijs qui sunt suprā modum hebetes. Intelligimus autem hanc malam memoriā

memoriam in multum senibus, quantum ad ea quæ in senect^u tis tempore commendant memoriæ. Nam ea quæ in adolescentia siue in iuuentute ætateque uirili (cùm adhuc ualent uigore corporis) memoriæ impressa usque in senectutem seruauerunt, ea tenacissimè retinent, neque obliuiscuntur facili. Quod enim cerebro (donec molle esset ac bene dispositum) bene perfecteque semel fuit impressum, in senectute quanquam dureseat atque exiccetur, nihil per hoc impressioni nocetur, imò magis ipsa uidetur hac ratione firmari. Quemadmodum (exempli gratia) si in ceram iam mollem imprimatur sigillum, apteque ac plene ipsa suscipiat imaginem, impressa autem conuenienter imagine fingamus ceram illam in modum cornu indurescere, manifestum est, per hoc susceptæ figuræ nullum fieri detrimentum. Imò uerò sit tantò ipsa firmior atque solidior, quanto magis induruerit materia. Ceterum, quod ad nouas impressiones attinet suscipiendas, nihil dubium est, duritiem istam superuenientem magnum præstare impedimentum. Atque ita profecto se hêt senum memoria. Pueri uero, propter rationem contrariam, memoriam in principio nullam habent uel admodum modicam, propter nimium humiditatis excessum, quæ in eis maximè abundat in annis prioribus. Impedit enim ista ne impressionem possint retinere, quoniam humidum male retinet. Imò uero cū nimia fuerit, impedit etiam susceptionem. Quemadmodum uidelicet si in aquam aut latum nimia commistum aqua sigillum imprimas, nulla reliquitur impressio. Tamen si enim uerum sit humidum esse bene susceptiuium, id tamen intelligi debet mediocriter humido. Oportet enim tantam esse siccitatem, ut sufficiat ad suscipiendum. Arist. uero in libro de memoria & reminisc. aliam assignat in senibus & infantibus causam utrisque communem, uidelicet quod in continuo sint motu: illi quidem, propter decrementum, hi uero propter augmentum. Videbitur tamen diligentius rei ueritatem contemplanti, causa alia superius assignata esse potior, magisque præcipua,

De memoria senum notatis digna.

De puerorum memoria.

DE SENSIB. INTERNIS.

CAPVT XIII.

Quare quædam memoriæ diuinius inhereant, quædam citius abeant.

NON solum autem inter homines diuersos & organa diuersam dispositionem consideramus memoriæ diuersitatem, uerum etiam in eadem memoria quædam attridimus fixius hærentia, quædam citius euanescentia. Nam id unumquemque in sese docet experientia, quædam eorum quæ cogitauimus, aut cognouimus hæere diutius, alia ocyus effugere. Huius autem potissima causa esse uidetur bona & fortis in memoriam impressio. Quantò enim fortius aliquid in memoriam impresseris, tanto minus potest effugere. Contingit autem id dupliciter. Primum quidem unica uehementi impressione cum intentio ipsa multo uehementiù; spiritu à phantasia in memoriam deferretur, illi quæ à phantasia seu æstimatoria diligentissimè commendatur, & uelut in profundo collocatur, fortiterque ex phantasiæ uehementi ad id ipsam conuersione memoriæ infigitur. Ac tunc quidem ita se habet phantasia, tanta diligentia & uehementia memoriæ hanc rem sic commendans, quomodo solent homines rem quam nequaquam perditam uellent, custodibus magna attentione & multa uehementia fideliter commendare. Et quomodo ea quæ bene seruata uolumus, & nequaquam perdi sustinemus, in profundo, & in intimis penetralibus reponimus (quæ. n. in propatulo aut in ipso statim uestibuli ingressu exposita sūt, facile auferuntur) ita ea quæ nolumus nobis excidere, & de quibus alias aliquando phantasiari uolumus atq; cogitare, quasi in profundo reponimus memoriæ. Huiusmodi autem sunt uel ea quæ nos uehementer offendunt, de quibus ulationem oportuno tempore intendimus meditari, quemadmodum de Iunone apud Virgil. dicitur, Manet alta mente repositum Iudicium Paridis. Sic & canes eorum à quibus grauiter affecti sunt plagis, agnitionem profundissima retinent memoria. Itē beneficia singularia solent grati in profundo collocare memoriæ, si quando oportunam posset referre gratiam. Cuius egregium etiam in bruto animali

Virgili.

mali exemplum describit Aulus Gel. in lib. Noctium Atticarum, de leone quodam, damnatū ad bestias seruū propter ueteris amicitiae beneficium, memori sua gratitudine à morte præsuerante. Secundo modo infigitur aliquid memoriae, non quidem propter unam aliquam uehementem impressionē, sed per frequentem ipsius quod in memoria repositum uolumus reuolutionē, & saepius iterata talis, rei cogitationē: quō facere solemus in disciplinis, ubi aliquid didicimus, quod seruatum uolumus. Frequenter. n. illius cogitationem reuoluimus, ut singulis cogitationibus aliquo in memoriam relicto phantasiati uestigio, tandem firma solidaq; quasi per habitum relinquatur impressio. Et hic modus est disciplinae maximè accommodus. Non enim potest memoria melius foeliciusq; stabiliri in re apprehensa semel & cogitata, quàm per frequentem eius meditationem & imaginis crebram reuolutionem. Nam prima illa per uehementiam fortis impressio maximè ex rebus insolitis fit, accedente aliqua perturbatione insolita in homine: ut cum homo ex nimia sibi facta iniuria uehementissimè irascit, aut ex magno accepto beneficio plurimum lætatur, potissimū cum præter opinionem & spem ista euenerint, ut cū ab eo quis accipit iniuriā, à quo minimè credebat: aut ab eo beneficium, à quo minimè sperabat. Item cū de præsenti malo aliquo graui grauitè tristatur, aut cum ex re aliqua admodum insolita magna consurgit in homine admiratio: in huiusmodi enim absque frequēti meditatione facillè fit impressio tantum per unam rei cognitionem. In iis autem quæ ad disciplinam spectant, plerumque non ita euenit, sed frequenti meditatione est opus. Neque difficilè fuerit ista in corporalibus per analogiam declarari. Potest enim tam fortis fieri unica sigilli impressio in materiam, ut alteram adijcere non sit opus. Quod si unica impressione non sit perfectè expressa imago, frequens expressio, repetita perficiet, quod fortitudini prioris impressionis deerat. Atque hoc est quod in libro de memoria & reminiscētia ait Aristoteles, meditationes (id est, crebras imaginum repetitiones) tueri memoriam atque confirmare.

Arist. de
memoria,
& reminiscētia.

DE SENSIBVS INTERNIS

CAPVT XIII.

De memoria angusta, & ampla: & prouida Dei dispensatione.

*Diligēter
attende.*

INueniuntur autem quidam memoriam quidā habētes bonam, sed angustam & modicā, neq; nisi paucorū suscepiuam. Alij uero amplā habent & plurimorū conseruatiuam. Primi plerunque ex hoc cognoscuntur, quod tumore in occipitiō habeant non magnum, sed tamen aptē dispositum. Atque hmoi frequenter sunt, qui magno pollent ingenio, & frontē habent cornutā, magnumq; sinciput. Postiores uero magnū habent tumorem, & in alium utcunque ascendentem, uel ā posteriori parte protensum. Et hi plerunque non ita magno sunt ingenio. Non debet aut utrisque horum eadem esse ratio studij, neq; idem memoriæ commendando conatus. Non enim omnibus omnia conueniūt, sed unicuiq; iuxta sui ingenii qualitātē, suæq; complexionis dispositionem sunt instituēda sua studia. Primis expedit, pauca, eaq; optima in memoria reponere, maximeq; necessaria: & cauendum illis est, ne in angustū hospitium suū nimis multa uelint per uim intrudere, atque simul cogitare amplius quā possit angustia ferre memorialis horrei. Non enim hoc illis cedit prosperē, si tentauerint. Eligant proinde optima, & scitu dignissima, maximeque necessaria, quæ in memoria recondant, maximē autem generales ueritates & uniuersaliores notitias, ex quibus alia possint plurima elicere. Qui uero alterius sunt cōditionis, his magis licitum est per multa uagari, & plura sibi in memoriam recondere. Habent enim horrea ampliora, & in quæ plura possint inferre. Id tamē prouideant, ut hæc multa secundum congruum disponant ordinem, alioqui paruum ex multis possessionibus fructum relaturi, quod humilissimi hominibus sæpenumero solet accidere. Vbi enim non est ordo, adest mox confusio. Attende autem, quā prouide, quā sapienter, sua dona honorum omnium largitor distribuit, unicuique prout opus habent ad menīuram dispensans, nulli uero Deus omnia dedit. Illi enim qui bono sunt ingenio, quibus bona est apprehensio

*Vide pro
uidā Dei
dispensa
tione.*

hensio, bona imaginatio, bona æstimatiua siue phantasia, hi plerunque memoriam cernuntur habere angustam. Qui autem in prioribus utcanque deficiunt, in posteriori frequenter supplementum accipiunt. Nimirum, quia bene ingeniati (id est, bene apprehendentes & æstimantes) nō ita multis egent in memoria conseruandis. Ex pauculis enim quæ in sua angusta memoria tenent, absque magno negotio possunt plurima per suum ingenium & inuentiōnem efficere. Non est autem opus multorum iam perfectorum conseruatione, si absque negotio prompte possis ea ex tempore prout necessarium fuerit fabricare. Neque necesse est multa secū deferat preparata antequam egeat, qui omnia quibus eget, mox ubi indiguerit, ex sese poterit adinuenire. Atque ita qui magno sunt ingenio, & æstimatiua præcellunt, cū ex seipsis plurima possint adinuenire, atque ut fuerit oportunum de nouo fabricare, nihil opus habent, ut multa secum iam fabricata, iam adinuenta semper circumferant. Illi uero qui ingenio sunt tardiores, qui per sese ad inueniendum uel fabricandum nō multum sunt idonei, his opus est, ut ea quæ operata sunt, diligenter custodiant, & quæ adinuenerint (uel per seipsos, uel per alios) diligenter conseruent. Quemadmodum (uerbi gratia) si quis artem habeat, ubilibet locorum fuerit, ex terra aut lapidibus passim obuiis facili labore (modici pulueris, quem ipse nouit admittione) fabricandi aurum, huic quorsum opus erit, si peregrinari uelit, multo se auro onerare, quod per omnem uiam secum circumferat? Nonne huic sufficiet, quod secum ferat puluerem aut substantiam illam modicam, per quam possit ubilibet locorum ex materia obuia facere sibi aurum, quantum indiguerit? Illi uero qui hanc artem nesciunt, necesse habent pro totius itineris necessitate copiam auri secum deferre. Ita sane prudens omnium bonorum largitor Deus mirabilia sapientia cuncta distribuit, ut in omnibus ipse laudetur & glorificetur benedictus in secula. Amen.

DE SENSIB. INTERNIS.

CAPVT

XV.

Quomodo reminiscencia differat à memoria.

*Quomodo
reminisci
mur.*

Non est autem idem reminiscencia & memoria, neque reminisci & memorari, cum hoc etiam brutis conueniat, illud solis hominibus. Reminiscimur enim alicuius rei, quando ipsam prius cognitam, sed obliuioni datam, & elapsam è memoria, per alterum in memoria conseruatum, iterũ reducimus ad memoriam. Hoc est, cùm rei alicuius habuimus notitiam, quam rem non possumus memorari cùm uolumus, atq; ita ex aliquo quod adhuc in memoria nobis remanet, procedimus ad illius rei oblitæ cognitionem. Si enim (exempli gratia) hesternò die librum aliquo in loco reposui, cuius loci hodie nequeo memorari, & quantumcunque de hoc cogitem, non mihi occurrit locus, exciditque memoria, ita ut non possim illius pro meo placito memorari, si deinde (ad rem illam obliuioni datam reuocandam in memoriam) reuoluam apud meipsum loca omnia in quibus pridie fui, & eos cum quibus habui colloquũ, & negotiorum quæ in unoquoque locorum egerim, sicque ex memoria alicuius horum deuenio in cognitionẽ loci illius ubi librum reposui, iam dicor huius loci reminisci, cuius tamen simpliciter non potui memorari. Ex quo patet, quod ad reminiscendum plura requiruntur, quam ad memorandum. Nam ad memorandũ sufficit, qđ de re prius cognita iterum cogitemus, ut præterita est & ante cognita. Id enim adiici oportet, qm̃ non dī simpliciter memorari, quisquis de re ante cognita iterum cogitat. Nam si quis rê aliquam ante cognitam penitus obliuiscatur, eandemque post annos uel dies aliquot denuò addiscat, ita quasi nunquam ante cognouisset, neque aliquando se cognouisse in præterito attendit, hic nõ memorari rê illã dicetur, sed de nouo addiscere. Qui enim memoratur, is ex specie conseruata apud sese mouet ad cognitionẽ rei ante cognitæ. Qui autem non ex conseruatione speciei apud se mouetur ad cognitionem, saltem secundum partem aliquam, is nõ memorari dicendus est. Aliqñ uero hæc commista sunt, ut rê aliquam

aliquam partim memoremur, partim de nouo addiscamus. Veluti cum mihi alicuius hominis notitia penè exciderat memoria, nondum tamen penitus. Seruatur enim adhuc aliquo modo in memoria eius species, sed tam debilis, ut p se solam uix sufficeret ad talis rei cognitionem reducendā, nisi simul aliquid extrinsecum accederet, quod fm partem aliquam denuò docendo memoriam adiuuaret. Ad memorandum ergo requiritur & sufficit, rem antè cognitam ut talem iterum cogitare. Reminiscencia autem plura exigit. Requiritur enim præcedens obliuio, & uelut discontinuata, siue interrupta memoria. Quorum enim nō præcedit obliuio, eorum non reminiscimur, sed memoramur. Non tamè quælibet rei oblita resumpta cognitio, reminiscencia dicitur (alioqui iterum discere esset reminisci) sed cū fit illa notitiæ resumptio ex aliquo memorato & non oblito, ex quo procedimus ad ulteriorem notitiam eius, cuius memoria exciderat. Neque satis est, quòd aliquantum tempus intercesserit, quo illius rei non habuimus actualem memoriam, sed necesse est ita fuisse rem extra memoriam, ut uolentes ipsius memorari, non potuerimus per propriam speciem. Vnde quod antè diximus (iuxta Aristotelis suā) reminiscenciam esse memoriæ discontinuatæ & uelut interruptæ, id non est intelligendum secundum actum, sed secundum habitum. Tunc autem dicitur secundum habitum memoria discontinuata, quando èt uolentes memorari, non possumus. Patet insuper, posse nos reminisci eius rei, cuius species adhuc seruatur in memoria. Frequenter enim id cōtingit, ut species in memoria seruata tunc non occurrat, neque se offerat phantasie, quando maximè quæritur. Nam id sæpenumero nobis accidit, cū rem aliquam maxime cogitare uolumus, tunc eam uelut effugere, & quantumuis requiramus non occurrere, ita ut sæpius hac ex causa nobis ipsi grauiter in patientia conturbemur. In tali ergo statu positi, si propter rem illam cuius propria species nō occurrat, & quæ ultrò sese non offert iterum cognoscendā, aliud aliquid quod actu memoriæ occurrit conuersi, ex tali aliquo redeamus ad cognitionem rei quam quærimus,

DE SENSIBVS INTERNIS

utique reminiscimur rei illius, eo quòd ex altero memora-
to non per speciem propriam, illius notitiam in nobis re-
cuperauimus, mansit tamen uerè in nobis species talis rei,
licet non tum occurreret, cū quæreretur. Id enim frequen-
ter nobis usu uenit, ut q̄ hac hora uolenti memorati ne-
quaquam occurrit, hora sequenti etiam ultrò nō requisitū
sefe auferat: quod utique non fieret, si penitus species ipsa
emigrasset. Quomodo enim in ampla supellectili contin-
git interdum, ut illud quod penè ante oculos est, non in-
ueniamus, etiam tunc cum maximè quærimus, quod post-
modum ubi quærere definimus, ultrò sese offert conspe-
ctui: ita & in speciebus, intentionibusq̄; seruatis in memo-
riæ cellario (sunt enim illæ supellex memoriæ) contingit
sæpenumero, tunc minimè occurrere ipsa etiam quæ uerè
secundum speciem suam præsentia sunt, quādo diligentis-
sime sollicitissimeq̄; quæruntur, quæ postmodum abeunte
solicitudine sese non requisita produnt.

*Interdum
res diu ma-
ximè quæ-
ritur, mi-
nimè inue-
nitur*

CAPVT XVI.

Quare bruta non possint reminisci, & quid sit uirtus reminiscendi.

*Arist. in
lib de me-
mor. &
remini.*

COLLIGIMUS ex prædictis, uerum esse quod ait Aristote-
les, memoriam quidè & in irrationalibus animâtibus
inueniri, reminiscenciam non item. Experientia enim cer-
ta discimus, animalia memorari, quemadmodum canis ui-
dens eum à quo aliquando cæsus est, recordatur uerberū
& inimicitiae, propter quod latrans in fugam se coniicit.
Reminisci autem nō possunt. Qui enim reminiscitur, rem
illam de qua uult cogitare non offerentem seipsam cogni-
tioni, proponit per aliud uelle inuestigare, & ad hoc facien-
dum medium quærit ordinatum, per quod possit in illius
deuenire notitiam. Tanta autem facultas non est irrationa-
libus animantibus, ut ita ordinatè à proposito possint ab
uno procedere ad aliud. Quanquam enim ex uno possint
uenire in aliud per sensus cognitionem & æstimationem,
non tamen nisi quantum naturaliter unum ex altero con-
sequitur, quemadmodum ex apprehensa forma lupi, ouis
ad

ad inimicitiae æstimationem transit, & ex uoce prolis apprehensa transit ad amicitiae æstimationem. Verum id non, nisi ex naturæ est ordine, quoniam uidelicet secundum naturalem inclinationem ex uno illorum, in eis alterius consequitur æstimatio. Non possunt autem bruta id quod ultro non sese offert proponere sibi inquirendum, atque inuestigandum, atque propter hoc medium quærere, eligereq; ad illud rememorandum quod quæritur opportunum. Hoc autem ad reminiscentiam requiritur. Quantum ergo ad actus reminiscendi atque memorandi, uidetur manifestum quod non unum memoriæ, & reminiscentiæ actus diuersi sint. Quod si de ipsis potentiis interrogetur, qualis sit ipsa reminiscendi uirtus, an sit ipsa potentia memoratiua in homine nobilior quàm in aliis animalibus, unde hoc habeat ut sic possit discurrere, an alia aliqua sit potentia distincta, uerisimilior uidebitur responsio, quod non una aliqua potentia singularis debeat poni ab aliis prædictis distincta, unde habeat homo ut possit reminisci. Neque tamen cum memoria uidetur esse eadem potentia. Memoria enim ad hoc non sufficit, ut ita ordinatè proponat inquirere quod non occurrit, neque eius est medium sibi proponere ex quo ordinate procedat alterum. Hæc tamen ad reminiscentiam diximus spectare. Non uidetur ergo uirtus reminiscitiua eadem esse potentia cum memoratiua. Virtus autem æstimatiua secundum eam nobilitatem quam in homine obtinet (uti supra diximus) sufficere uidetur ad reminiscendi actum. Potest enim in homine discurrere in particularibus, eaq; ad inuicem conferendo, ex uno ad aliud ordinatè procedere, atq; ex alio aliud peruestigare, quem admodum ratio in uniuersalibus. Neque solum, in seipsa potest ex una intentione elicere aliam, uerum etiam in memoria (quod ipsius est cellarium) ex una offerente se specie ducatum accipere potest perueniendi ad alteram latere uolentem.

Memoria & reminiscentia actus diuersi.

Qui bene reminiscatur & quomodo debeat fieri bona reminiscētia.

ET quoniam reminiscētia non ad memoriā spectat, fieri potest, ut is qui bonam habeat reminiscētiā (id est, qui bene facileque reminiscitur) mala sit memoriā: is uerò qui malè reminiscitur, bona sit memoriā præditus.

Imò plerunque ingeniosi (in quibus est bona æstīmatiua & bona imaginatio) non ita bonę sunt memorię, attamen bene admodum reminiscuntur, quoniam bene & ordinate sciunt procedere ad eius quod quærunt inuestigationem.

Bene ingeniati bene reminiscuntur, sed nō semper bene memorantur.

Contrā uerò contingit, admodum bona esse memoriā eos qui malę sunt reminiscētię: ut homines malè ingeniati memoriā pollentes optime memorantur: malè tñ reminisci possunt, si quid non occurrat, eo quòd æstīmatiue defectu non possint ordinatè procedere, & per media congrua quod intendunt peruestigare. Sciendum autem est quod ad reminiscendum oportet accipere medium conueniens & in aliquem modum ad id cuius uolumus reminisci. Oportet enim id quod accipitur ad inuestigandum aliud, habere cum illo aliquam habitudinem uel similitudinis uel coexistentię, uel ordinis, uel dissimilitudinis, uel contrarietatis, uel cuiuslibet coniunctionis. Solemus enim rerū gestarum, quarum nos cœpit obliuio, ex ijs, quę simul tempore gesta sunt recordari. Et cū quid eorum quę memoriter tenemus fortè nos fugerit, ut nō ad uoluntatem mox succurrat, ad ea quę antecedunt conuertimus memoriā, sicq; ex ijs, quę præcedunt ea quę & in ordinem subsequuntur, reuocamus ad memoriā. Item ex uno cōtrario in recordationem alterius obliti contingit deuenire: ex similitudine quoque reminiscimur similium: item ex uicinia, & ex ordine quolibet unius ad alterum. Et quia una eademq; res habitudinem habet ad plura, suntque ex uno plura natura consequi secundum diuersum ordinem, hinc est, quòd etiā conuenienti assumpto medio ad reminiscendum non semper contingit reminisci eius, quod quæritur. Sæpe .n. medium quod assumitur, ducit nos ad id quod non quærimus, & impeditur quæsi recordatio.

PRIUS autem quam sensitiuarum uirium claudamus de-
 terminationē superest, ut de somno & uigilia uel pau-
 ca dicamus. Sunt enim hæc, sensus passionēs (ut ait Aristo-
 teles) & circa sensum habent fieri. Neq; .n. in ulla specie
 inueniuntur somnus & uigilia, nisi ubi inuenitur sensus.
 Nam plantas nemo dicit uigilare aliquando, aut dormire,
 quoniam sensum non habent. Cætera autem animalia sen-
 sum habentia, interdum uigilare, interdum dormire perci-
 pimus. Quod tamen non de omnibus compertum sit ex-
 perientia, ob quorundam sensuum imperfectionem, putat
 tamen Aristoteles rationi consentaneum, omne quod sen-
 sum habet uel unicum (utpote solum factum) aliquā dormi-
 re, aliquando uigilare. Sunt aut somnus & uigilia contra-
 riæ passionēs, ac proinde circa idem habent fieri, adeò ut
 cuicunque conueniat uigilare, eidem & dormire, atque e-
 contrariò. Contraria enim circa idem habent fieri subie-
 ctum. Vnde nullum animal uel semper dormire potest, uel
 semper uigilare. Sed aliquando quidem dormire, aliquan-
 do uigilare debet. Est autem uigilia, sensuum libertas atq;
 solutio, cum sensus animalis liberi sunt ad operandum suas
 operationes, obiecto oblato, & impedimento secluso. Som-
 nus uerò, sensuum uinculum est, atque ligamen, quo li-
 gantur sensus, ut non possint suas exercere operationes, et
 si obiectum efferatur, & impedimentum omne extrinsecu
 remoueatur. Nam id manifestè in dormiētibus cernimus,
 nullo sensu eos, donec somni passione premuntur, quidquā
 percipere. Neque .n. uident coram astantes, neque audiūt,
 neque tactu aliquid percipiunt, donec expergiscantur. Nō
 sufficit autem unum aliquem sensum animalis ligatum es-
 se, cæteris solutis: sed necesse est omnes sensus quos ani-
 mal ipsum habet, esse pariter ligatos. Non quælibet tamen
 sensuum ligatio, somnus dicendus est. Sunt enim morbi
 quidam priuantes hominem sensu atque motu, & dicunt
 esse uenas, quasdam in collo, quas si quis apprehendat
 atque constringat, ipsum animal mox sensu ac motu pri-
 uatum

*Arist. li.
de somno
& uigilia.*

*Quid som-
nus & uigilia.*

DE SENSIB. INTERNIS

uatum collabitur. Manifestum quoque id est in morbo apoplexiæ, quæ penitus hominem motu & sensu priuat. Nō appellatur tamen hmoi sensuum ligatio, somnus. Somnus. n. quies est sensuum à natura illis deputata ad recuperationē uirium. In morbis autem huiusmodi nulla est sensuū quies aut reparatio, sed potius destructio atque debilitatio.

CAPVT XIX.

Duplex somni utilitas in animalibus.

VT autem cognoscatur, quod nō temere neque frustra Deus naturæ in animantibus somnum posuerit, aduertendum est duplicem ipsius somni in animalibus esset utilitatem, imo necessitatem. Primum enim ad animalium uirium facit reparationem. Omnis enim uirtus naturalis, quæ non absque fatigatione perpetuò potest exerceri, aliquādo indiget quietis intermissione, ut possit instaurari quiete, quæ nimia fatigatione deficeret. Id manifestè uidemus in motu progressiuo animalium. Quia enim in perpetua continuitate ambulare nō ualent, necesse est subinde quiescār, ac demum resumptis uiribus progrediantur. Ita & organa sensuum, quoniam nimia uigilia fatigantur, indigent intermissione quietis, ut resumptis reparatisque uiribus, iterū ad suorum officiorum possint aptam functionem redire.

Sunt autem uires istæ, tam exterioris sensus, quam interiores, maximè tamen uidetur propter interiores sensus, somnus necessarius. Secundo est somnus utilis atque etiam necessarius, propter uirtutes uegetatiuas. In animalibus enim uirtutes uegetatiuæ (nutritiuæ scilicet, augmentatiua, & generatiua) impediuntur per exercitium uirtutum animalium. Quanto enim uires animalis, id est sensitiuæ & motiuæ, magis intenduntur, tantò naturales, id est uegetatiuæ magis remittuntur. Propter quod in hominibus studiosis, & in re qualibet multum sensu occupatis, peior fit nutritio atque augmentatio: in hominibus autem, ignauis, quique animalibus uiribus minus utuntur, melior fit nutritio atque augmentatio maior. Et multum uigilantes macrescere uidemus

*Quorsum
Deus som-
nium indi-
dit anima-
libus.*

*Secunda
somnia uti-
litas.*

*Nota at-
tentiè.*

demus atque pallefcere fomniculosos autem uehementer impinguari. Quoniam ergo uirtutes naturales per exercitium uirtutū animalium impediuntur, ideò propter salutem animalis, ipſiusq; ualeitudinem firmandam prouidè naturæ auctor tempus ſomni inſtituit: ut animalibus uiribus ligatis, naturales uirtutes (ſine quarū operatione non diu poteſt animal ſubſiſtere) tū poſſint liberius pleniusq; ſuis actibus uacare, atque ea quæ ad animalis uitam intertenendam ſunt neceſſariæ, conuenientius operari. Atque hinc eſt, quod uulgò dici ſolet, ſomnum non minus quàm cibum ad bonam ualeitudinem conducere, ſomnoq; moderato non minus quam cibo hominem nutriri: econtrariò autem, nimia uigilia non minus quam immoderato ieiunio corpus exiccari, atque tabeſcieri. Nō quidem ob hoc, quod ipſe ſomnus ſit hominis nutrimentum, ſed quia efficit, ut naturales potentiæ ſuas conuenienter operationes exercean, & quia eius defectus impedit alimenti debitam cōuerſionem in ſubſtantiam rei, propter impedimentum uirtutum naturalium, per immoderatum & nimis diuturnum animalium uirium exercitium. Hinc aptè per Sapientem dicitur, Vigilia honeſtatis, tabefaciet carnes. Et prudenter uiri ſancti, quibus cura eſt edomandę carnis eiusq; moleſtiis, & afflictionibus debilitandę, ne ſupercreſcat ſpiritui, uigiliis æquè atque ieiuniis inſiſtunt, ſcientes carnis uigorem non minus ſomni quàm cibi ſubtractione infringi atque imminui. Hoc enim eſt, quod quærunt, carnē uidelicet atterere & uelut ſupprimere, ac iuxta Apoſtolum, caſtigare, & in ſeruitutem redigere, ut dominetur ſpiritus.

Ecc. 31

1. Cor. 9.

CAPVT XX.

Quomodo ſomno uiliter iuxta Dei inſtitutionem utendum:

QVoniā ergo ad duo hæc ſomnus ab auctore naturæ Deo eſt inſtitutus, uidelicet ad ſenſuum reparationem & uegetatiuarum uirū adiumentum, nequaquā ſapientis hominis fuerit, prorsus ſibi ſomni uelle quietem ſubtrahere. Non enim minus peccatū habebit hmōi, quā ſi ali-

DE SENSIBVS INTERNIS

si alimentum sibi ipsi uelit in totū subtrahere, aduersus sapientissimi Dei ordinem & institutionē. Vnde & benedictus Dei filius cū in mundo nobiscum conuersaretur, somni necessitatē nequaquam à se repulit, sed quomodo cæteras humanæ naturæ infirmitates, ita etiam hanc sensuum à somno ligationem in sese uoluit suscipere. Nam & in naui super ceruical eū dormiuisse legimus, & à discipulis fuisse excitatum. Est autem sapientis eatenus somno moderate uti, quatenus ratio dicat eundem esse conducibilem: quomodo alimento uir bonus frugaliter uti debet pro intertenda corporis uita, non pro eodē enutriendo ad lasciuiā. Et hac in re, necesse est unusquisq; attendat suæ cōplexionis qualitatem. Quō enim in alimento sumendo non omnibus una est mensura ponēda, ita nec somno. Quod enim huic ne satis quidem est, illi est nimium. Quidam enim ad sensuum eorumq; organorum reparationem pauco indigent somno, etiam post multam uigiliam: moxq; ubi paululum quieuerint, exurgunt alacres ad pristina animalium uirium exercitia. Alii uerò longiori egent somno antequam possint eorum uires recuperari. Videtur autem ista diuersitas ex uaria dispositione siue complexione cerebri provenire. Et sollicitè quisq; sibi debet attendere, ut discat quantum sit sibi ad uirium reparationem necessarium. Quomodo enim moderatus somnus cuncta organa uirium animalium apta reddit, & bene disponit ad sibi congruas operationes, ita cum nimius fuerit, reddit ea pigra, tarda atque inhabilia ad exercendas conuenienter suas functiones. Vnde homines nimio somno deditos, uidemus esse pigros, desides, oscitabundos, graues, & uelut immobiles malæ apprehensionis, mali iudicii, tardi motus, imò non ita limpidè uidentes oculis, neque etiam (si diligentius quis aduertat) lingua ita exactè gustantes, & omnino in omnibus quæ ad uires animales spectant operationibus inueniuntur inhabiles. Cum econtrariò qui moderati sunt somni, conspiciantur ad omnia prompti & alacres, uiuacitate quoq; sensuum gaudentes.

Quomodo generatur in animalibus somnus.

Fit autem somnus ex euaporatione, cum uidelicet à cor-
de eleuantur uapores sursum uersus cerebrum, qui illic
infrigiditati à cerebri frigiditate & cōdensati opplent meā
tus spirituum sensitiuorum, ne possint à cerebro in organa
sensuum diffundi. Cū enim uapores isti sic incrassati meā-
tus illos occupauerint, per quos cerebrum diffundit spiri-
tus sensitiuos ad organa sensuum, itemq; à posteriori par-
te illos meatus per quos spiritus motiuos diffundit ad or-
gana motus, tunc contingit sensus omnes ligari, sicq; ani-
malia contingit & motu & sensu priuari per spirituum sen-
sitiuorum & motiuorum defectum. Nō enim potest in oculo
fieri uisio, nisi mediante spiritu sensitiuo, qui illi à cere-
bro per neruos ad hoc à natura disposito (quemadmodum
apertē in anatomia est uidere) diffunditur: sic & de omni-
bus sensibus aliis dicendum. Hoc ergo uisionis instrumen-
to absente nequit in oculo uisio fieri. Ita non possunt se me-
bra mouere secundum locū, nisi per spiritus motiuos, qui
similiter à cerebro transmittuntur ad membra. Omnes
enim spiritus animales (id est, tam sensitiui q̃ motiui) in
cerebro gignuntur, & à cerebro in cætera organa atque
membra deriuantur. Sensitiui tamen suos meatus habent
maximē in parte anteriori, ortum habentes à sensu cōmu-
ni, à quo nerui oriuntur, ad organa singulorum sensuum.
Motiui uerò suos habent meatus à parte posteriori, à uen-
triculo memorię, à quo in nucam subiacentem diffunditur
spiritus motiuus: atque ita per nucam consequenter diffun-
ditur ad omnia corporis membra. Fit autem somnus for-
tior, aut debilior, iuxta quod uapores isti plenius occupant
meatus spirituum sensitiuorum. Cum enim uapores multū
fuerint grossi, & ita multi ut totos meatus sufficienter op-
pleant, grauis est somnus, neque leuis est excitatio: quæ ad-
modum in illis est, qui multo potius sunt obruti. Cum uerò
uapores fuerint subtilēs, neque multum ingrossati, aut cum
non ita multi fuerint, ut meatus ipsos sufficiant penitus op-
plere,

*Somnus
quomodo
fiat.*

*Motu
cur prinē
tur dor-
mientia.*

*Somnus
fortis aut
debilis,
unde.*

plere, somnus est debilior, & est faciliore excitatio: quæadmodum in illius qui frugaliter sunt reſecti. Vnde etiam fit, ut ii qui uenas habent ualde amplas, non admodum fortis ſint ſomni, facillimeq; excitentur: eo quod uapores non ſufficiant meatus ſpirituum opplere, ſed propter latitudinem aliqua ex parte facile tranſeunt ſpiritus, uelut credentibus uaporibus in uia latiori. Qui autem anguſtiores habent ſpirituum meatus, ſomno grauiori premuntur, & excitantur difficilius, eo quod obſiſtens uapor facilius impediat tranſitum ſpirituum. quæadmodum ad oculum uidemus in uia anguſtiori conſiſtentem facilius prohibere occurrētis cuiuſpiam ingreſſum ac tranſitum, quam in uia latiori. In lata, n. uia facile eſt tranſire uolentem (ſi celer agiliſq; extiterit) ad partem aliquam ſeſe iniicere, & ocyus tranſire. Ita ſanè, qui amplos habent meatus, frequenter expergiſcuntur etiam ultro, & leuiſſimo excitantur ſtrepitu. Frequenter enim, propter amplitudinem uiarum, ſpiritus animales ſua celeritate illabuntur in organa ſenſitiua atq; motiua, & facile aliquem ſibi parant celerem tranſitum, ſicq; frequenter & facile contingit animalia eiufmodi expergiſci. Expergiſcitur enim animal, mox ut ſpiritus ipſi animales tranſitum acquirunt ad ſua organa. Tunc enim fit ſenſuum ſolutio, in quo conſiſtit uigilia. Fit etiam ſomnus maxime poſt ſumptum cibum, quod tum eleuentur copioſius uapores ſomnum generantes: & maxime cum talia fuerint alimenta (cibi atque potus) quæ multas de ſe fundant ſuſcitantes, aut admodum craſſas, ac pingues. Non quilibet tamen uapores cauſant ſomnum. Quidam enim potius ſomnum impediunt, ut uapores acuti & ſalti. Item cum fuerint cum cholera multa commiſti. Tunc enim ſomnus impeditur, quemadmodum docet experientia, cum uinum nimium acutum biberimus, aut nimium calidum, & cum choleram in nobis moueri ſentimus. Oportet enim uapores ſomnum inducentes eſſe dulces, facile in cerebro ingroſſabiles pinguesq; & uelut mulcebres. Alioqui non patiuntur ſe ligari ſpiritus, qui ſunt in cerebro, magis timentes deſtructionis nocumētum, quam reparationis profeſtum.

*Post cibū
maximè
fit ſom-
nus.*

Somni pars aliqua pro nutritione, aliqua pro generatione, aliqua pro sensuum reparatione.

Q Vanquam autem suprà diximus, somnum naturaliter ad duo ordinari, uidelicet ad subsidium auxiliumque uegetatiuarum potentiarum, quæ in animalibus per uirtutum animalium usum & exercitum impediuntur, & ad reparationem uirtutum animalium quæ in suis exercitijs fatigantur continuò labore: uidetur tamen ipsa uegetatio (tâquam animalis subsistentiæ magis necessaria) priorem locum secundum temporis ordinem obtinere, & tempus èt amplius quam animalium uirium reparatio sibi uendicare. Nam quod ad animalium uirium reparationem attinet, uidetur illi modicum tempus posse sufficere: quemadmodum experiuntur interdum studiosi, cerebro utcunq; defatigato, facile illi posset subueniri, si uel sedentes in sella studij capite aliquantulum reclinato in manu paululum cessent ab exercitio, & miram præsentunt in tantilla requie subleuationem. Quod autem plurium horarum tempus ad somnium exigatur, magis uidetur propter uegetatiuas esse potentias. Et planè hoc experientia docet, in principio somni maximè nutritionem adiuuari, minimè autem sensuum fieri reparationem. Experimur enim eos qui in principio aut paulò post principium somni excitantur ante somni medium, animalibus uiribus esse multo magis destitutos, quàm si omnino non dormiissent: neque id solum momentum, uerumetiam per multum tempus, imò per totum nonnunquam subsequens diei spatium. Et uidentur qui sic post somni principium exeitantur, quasi ebrii, nullo sensu, nullo etiam motu rectè utentes, quasi animalibus uiribus omnino perturbatis, neque ulla sentitur reparatio. Cæterum, ipsa sensuum reparatio maxime uidetur circa finem somni post medium eius fieri. Prius enim sibi natura animalis prospicit de eo quod ad esse ipsius est necessarium, quam de eo quod ad bene esse. Nutritio enim ad esse animalis requiritur. Sensuum autem usus, non ad esse ipsius, sed ad bene

*Principiū
somni ma-
ximè pro
nutritione
facit.*

Matutinus somnus castitati periculosus.

bene esse exigitur. Pueros .n. & moriones uidemus absq; sensuum bono usu, ualidos corpore persistere. Si tñ plus iusto somno extenditur, rursus deinde cerebrum indisponitur. Propter quod multū ingenio conducit, somno mane ē suauiter strato exurgere, dulcesq; relinquere plumas, uidelicet ut sensibus reparatis antequam iterum indisponantur somnus abrumpatur. Maximè uerò ijs qui castitatem mentis atque corporis seruire uolunt incontaminatam, & nec illusionibus fœdarum imaginum, nec spurcitijs pollui nocturnarum immunditiarum, prolixius ille somnus matutinus diligenter est cauendus. In fine namque somni experientia monstrat, huius rei maximum esse periculum. Quod idè esse uidetur, quoniam in principio somni & per tēpus maximum ipsius, nutritiua & augmentatiua suas potissimum operationes exercent: perfecta autem sufficienter nutritio ne, circa somni finem, uidetur potentia generatiua fm ordinem suo officio succedere. Quia enim secundum ordinē temporis prior esse debet nutritio & augmentatio generatione (propter quod in pueris non prius generatiuæ potentia operationem experimur, quā nutritiua, & augmentatiua ad iustam perfectionem eos perduxerint) ideo prius nutritioni insistitur, postmodum uerò generationi. Quod etiam inde est, quia semen ex superfluo est alimenti, atq; ob hoc nutritione perfecta in illud quod superfuerit alimentum se conuertens uegetatrix potentia agit in ipsum, & efficit ut in seminis naturam conuertatur, & circa seminis dispositionem atque perfectionem tum maximè agit, efficiturq; ad generationem homo paratior atque pronior nutritione perfecta. Atque hinc fiunt in phantasia illusiones fœdarum imaginum, generatiua potētia suum actum queritante: & non rarò fiunt coinquinationes inordinatæ corporum, quas euadere possunt qui tempus illud præueniendo somnum antequam eo pertingat, abrumpunt. Et licet in aurora sit somnus carnalibus maximè suauis, ijs uidelicet qui Venerem amant & corporis delicias: ueris tamen Dei amatoribus, castitatisq; & omnis uirtutis zelatoribus somnus ille maximè est fugiendus.

Somnum aurore nō probādus

Quomodo

Quomodo in homine coningant insomnia.

COntingit autem in somno sensus interiores interdū solui, exterioribus sensibus in suo uinculo permanen-
tibus: apparentque tunc phantasinata & uariæ imagines in
phantasia atque in æstimatoria: quas apparitiones, imagina-
tiones & phantasias: uocant somnia, uel insomnia, (ut
uidetur) à somno, quoniā uidelicet in somno fiant. Fiūtq;
hæc somnia maxime post medium somni, cum iam uapo-
res incipiunt minui ac subtiliari, & ita primum sensus in-
terni soluantur, incipiuntq; operari exterioribus sensibus
in suo ligamento nihilominus permanentibus: eo quod ua-
pores adhuc meatus occupent, quibus à cerebro ad ipso-
rum organa transmitti debent spiritus animales. Causa au-
tem quare somniantes omnia iudicent ita se habere ut som-
niant, uidetur esse ex defectu operationis sensus commu-
nis. Quod enim dum uigilantes multa phantasiatur, cō-
ponentes & diuidentes, non ea sic habere putemus quomo-
do nobis in phantasia occurrunt, inde uidetur esse quia
sensus communis iudicat & cognoscit per sensuum exte-
riorum obiecta, nihil tale esse præsens. Quod enim nec
à uisu, nec ab auditu nec ab aliquo aliorum sensuum ut
actualiter sensatum percipit, id ipse iudicat non adesse.
Atque ita quanquam uigilantes multa phantasiatur, non
tamen illa ut præsentia iudicamus, quoniam sensus com-
munis nobis contrarium iudicat. In somniantibus uerò
quia sensus exteriores ligantur, neque sensus communis,
nisi quæ ab ipsis recipit, iudicat, ita tum deest, quæ
phantasiæ atque æstimatoriæ falsas compositiones, & di-
uisiones iudiciaque refugiet, & conuincat esse falsa men-
dacia. Itaque fit, ut uideantur uerè præsentia, & sic se ut ap-
parent habere, nemine præsentē qui euincat falsitatē. Atq;
hæc est et causa, quare in tenebris phantasiantes terribile
aliquid hoīes terreantur, & exclamant ac fugiunt: præsen-
te autem lumine, eadem imaginantes, non ita terrantur:

*Somnia
quō fiant.*

*Somnian-
tes quare
omnia sic
esse putant
ut som-
niant.*

DE SENSIBVS INTERNIS

quoniam uidelicet absente lumine, non potest id quod æstiuatiuè præsens est, argui quod non ita sit. Nam lumine absente, nequit iudicari quid coram sit. Lumine autem allato, manifestè iudicat sensus communis per uisum, non adesse quod habet imaginatio phantasiæ. Quemadmodum uidelicet cum uanus atque mendax homo miranda proponit, si nemo adsit qui falsitatem redarguat, creduntur uera esse quæ narrantur. Si uerò adsit qui arguat falsa eiusmodi proponentem, manifestèque comprobeat nihil talium sic esse ut dicit nemo credet talia proponenti, neque se quisquam propter mendacis hominis confutari uerba loco mouebit, quicquid tandem ille dixerit.

CAPVT XXIIII.

De somnis supernaturalibus, & naturalibus.

*Somniorū
distinctio.
Somnia su-
per natu-
ralia.
Gene. 41*

Distinguuntur autem multipliciter somnia. Quædā enim desuper à Deo legimus immitti, quemadmodū in diuersis scripturarum passibus inuenitur: de somniis uidelicet Iacob & Ioseph, de somnijs Pharaonis; itemque pincernæ & principis pistorum regis Pharaonis, de somnio Nabugodonosor, & plerisque alijs. Hæc enim omnia à Deo benedicto uidebantur ad futurorum præsignationem immissa. Vnde Ioseph cum expositurus esset somniū Pharaoni, dicebat: Quæ factururus est Deus ostendit Pharaoni. Et iterū: Absque me Deus respondebit prospera Pharaoni: tacite sic indicans, quod & somniorum illorum immissio foret à Deo. Id ipsum apertissime & Daniel coram rege Nabugodonosor: Est Deus (inquit) in cælo reuelans mysteria, qui indicauit tibi rex Nabugodonosor, quæ uetura sunt nouissimis temporibus ait rursus: Qui reuelat mysteria, ostendit tibi quæ uentura sunt. Sed & in nouo testamento multa solet per somnia immissa sanctis hominibus Deus futura demonstrare. Vnde Ioseph legimus ab Angelo Domini in somnis admonitum, de uirgine Maria accipienda, de filio in Aegyptū adducendo, & reducendo. Quir autē Deus ita in somnis uelit futura indicare, causa uidetur, quia tunc sensus

Dan. 2.

*Matt. 1.
& 2.*

sensus hominis magis sunt quieti, exterioribus omnibus li-
 gatis, interioribus etiam circa paucissima uel omnino cir-
 ca nulla occupatis, ac proinde diuinæ impressionis & inter-
 næ commonitionis facilius susceptiui. Huiusmodi autem
 somnia non passim uulgaribus solent accidere, sed illis qui
 sunt præ eminentes, uel sanctitate, ut in quibus magnum &
 singulare aliquid Deus operari disponit, uel dignitate, aut
 auctoritate, ut in ijs qui sunt in administratione regnorū.
 Quod enim Abraham, Iacob, Ioseph, Danielis, Iudæ Ma-
 chabæo, & huiusmodi somnia fuerint à Deo immissa, pro-
 pter ipsorum fuit præcellentiam. Quod autem Pharaoni &
 Nabugodonosor propter ipsorum dignitatem, uel certe ad
 diuini nominis gloriam & amicorum Dei glorificationem
 fuit. Quod etiam magistris pistorum atque pincenarū Pha-
 raonis fuit somnium præsagium futurorum immissum à
 Deo, propter Ioseph exaltationem factum fuisse creditur.
 Nihilominus Deo liberum est, cuicumque uoluerit, etiam
 pessimis, somnia immittere. Alia uerò sunt somnia, quæ
 appellantur animalia: illa nimirum quæ contingūt ex prius
 in uigilia sensatis, & maxime ex ijs circa quæ fuimus in ui-
 gilia solliciti, siue anxie diligenterque occupati. Hinc fit, ut
 avarus somniat de pecunijs, de negotiationibus, emptio-
 nibus atque uenditionibus: gulosus, de epulis & conuiujs:
 luxuriosus, de mulierum conuictu & colloquijs, alijsq; hu-
 iusmodi. Homo autem misericors somniat de pauperum
 necessitatibus, de miserorum patrocinio. Qui zelat pro iu-
 stitia, somniat iniustitiæ punitionem, oppressorum suspen-
 sionem, atque huiusmodi. Nauta de uentorum prosperita-
 te, & de nauigando somniat & literis studens de suo stu-
 dio. Et uniuersaliter, circa qualia occupatur homo in uigi-
 lia, circa talia uersatur in somnio. Offerunt enim sese spe-
 cies illæ dormienti quæ solent uigilanti. Ex huiusmodi au-
 tem somniis potest utcumque coniectare homo, quid potis-
 simū ipsius effectui inhæreat. Vt si quis frequenter de ho-
 noribus & laudibus humanis somniat merito sibi metuere
 pōt, ne forte sit ipse homo ambitiosus: item si de epulis ac
 lautitijs, ne forte sit homo delicatus, & gulosus, atq; ita in

*Somnia a
 nimalia.*

*Nota dili-
 genter.*

DE SENSIBVS INTERNIS

*Quomodo
naturaliter
aiuer-
sa in homi-
nibus com-
plexiones
diuersa fa-
ciunt som-
nia.*

ceteris. Sunt alia somnia naturalia, quæ secundū cōplexio-
nis humanæ conditionem causantur in phantasia, ipso uide-
licet quod in complexione hominis dominatur immutan-
te cerebrum, atque speciem sibi conformem imprimente
in phantasiā, aut speciem seruatam in ea mouente. Sic
homines sanguinei, in quibus dominatur sanguis, de re-
bus rubeis, pulchris, & lætis somniant frequenter. existi-
mant se uolare, eo q̄ sanguis conueniat cum aere estq̄; hæc
cōplexionis læta & ærea, propter quod læta & amœna som-
niant naturaliter. Illi autem in quibus cholera dominatur,
multum somniant de igne, cum quo conuenit cholera itē
de bellis, iurgiis, & contentionibus, ad quæ cholera exti-
mulat. Flegmatici (in quibus dominatur aqua) solent de a-
quā somniare, utpote iuxta aquas se ambulare, aut in aquas
se incidisse aut submergi, hisq̄; similia, quæ plurimū solent
pueri (in quibus adhuc humidum dominat̄) accidere: som-
niant etiam de glacie, niue, & huiusmodi, ut q̄ per niuem
ambulant, aut super glaciem labant. Melancholici uerò (in
quibus dominatur terra) frequenter somniant se in terra
defossos, aut terra oppressos, aut de sepulchris mortuorum
deq̄; alijs huiusmodi, potissimū quæ ad oppressionē per-
tinet: maxime autem de rebus grauibus & tritibus, utpote
de infernō, de morte, de p̄sequutione ab alijs illata, alijsq̄;
similibus, quoniam maximè grauis est & tristis illa cōple-
xio. Naturaliter etiam somniat homo de illo quod sibi de-
est, & quod appetit, ut esuriens somniat de cibo, sitiens de
potu, micturiens de pariete, aut loco aliquo separato, ubi li-
ceat secundum honestatem mingere, cacaturiens uero de
cloaca. Vnde etiam interdum huiusmodi somnijs contin-
git homines decipi, ut lectum impleant pro fimariorum, & cō-
dormientium latera humectent pro pariete. Ad eundem
modum cum natura se oneratam senserit alimenti super-
fluo, quo ad generationem pertinet, dum se exonerare at-
que liberare cupit, per somnium in æstimatoria imagines
apparere facit talium rerum ad quarum præsentia solet fie-
ri superflui talis eiectio, eo quod nō aliter (nisi fortē ex de-
fectu uirtutis retentiue) contingat eiusmodi emissio. Natu-

*De exone-
ratione na-
turali no-
tatu di-
gna.*

ra ergo de salute uiuentis sollicita, id ita procurat, & æstima-
tiua sic mouet: ne si non fiat superflui illius exoneratio;
uarijs morbis & miserijs miserè consumat, id quod frequẽ
ter solet accidere. Atque ita contingit etiam castissimos
uiros, nocturnis illusionibus sollicitari atq; uexari, illos ma-
ximè in quibus ualida est uis generatiua. Quod si quis inter-
roget, quonã pacto fieri id possit i imaginatiua, ut talis fiat
imaginum effectio, cum præuiæ non antecesserint cogita-
tiones, ex quibus uideantur posse oriri. Dicimus, sicut in
animalibus irrationabilibus æstimauiua potentia naturali-
ter mouetur, quantum ad ea quæ sunt naturæ opera, ut ad
nidum struendum tali materia; tali forma, tali tempore,
ad coeundum cum animante sui generis diuersi lexis, &c.
ita æstimauiua hominis in hac parte moueri naturali-
ter, & imprimi in eam quandam impressionem, per
quam excitetur ad tales efformandas imagines, ad quarum
in æstimauiua præsentiam solet tale naturæ opus fieri. Ne-
que uero mirum, si dicamus naturaliter aliqua ex parte hæc
æstimauiua moueri, quandoquidem opus istud quod que-
ritur (nempe superflui corruptiui animalis expulsio) omni-
no naturale est, ad uiuentis salutem conseruandam.

CAPVT XXV.

Quod boni & studiosi uirtutum possent subinde mala perpeti somnia.

EX qua somniorum distinctione non modica sumi pōt
consolationis materia aduersus quorundam nimium
pauidorum in ordinatum & scrupulosum timorem, qui gra-
uiter tristantur, si quando per somnium aliquid eis conti-
gerit, & uirtuti uideatur contrarium, atque ita se affligūt,
quasi talibus sint uitiiis apud Deum coinquinati, cum tamẽ
secundum rationem uiuant, & pro uirili secundum spiritũ
aduersum talia uitia uigiles decertent, neque ex eo quod
per somnium ita contigit, ullam apud Deum habeant cul-
pam. Omnino enim contingere potest, & contingit
non rarò, eum qui secundum rationem & uoluntatem
uere castus est, somniis rerum uenerearum illudi, &
eum qui secundum rationem uere sobrius est ac tempe-

*Totũ hoc
caput dili-
genter ex-
pende.*

DE SENSIBVS INTERNIS

Sap. 8.

rans, gulositatis somnia perpeti. Iterumq; qui secundum rationem mitis, ac placidus est, atque longanimis somniis iracundiæ & ferocitatis uexari. Sit enim quis (exempli gratia) à naturali complexionem ad rem ueneream uehementer inclinatus, propter uirtutis generatiuæ in ipso fortitudinem: hic quantumuis, secundum firmum castitatis propositum uiriliter resistat, & nequaquam consentiat, ita ut propositi firmitate & continua resistentia, maxime autem desuper ueniente Dei gratia (sine qua iuxta Sapientis sententiam, nemo castus fieri potest) habitum castitatis sit adeptus, continget nihilominus hunc interdum somniis malæ concupiscentiæ illudi. Et qui uigilans præsentem rationem, neque pro uita, neque pro morte in muliere consentiret appetitum, nec ullum ferret familiare colloquium aut cōmercium, dormiēs subinde etiam amplexus & oscula acceptat & quæritat. Ad eundem modum qui à naturali est complexionem uehementer pronus ad iracundiam, plenus flaudente cholera, hic quantumuis multo labore & multa Dei gratia sit adeptus mansuetudinis patientiam, adeo ut uigilans, neque in pilo, neque in obulo uelit nocere: quantumuis in ipsum delinquenti, nunc tamen cōtingit per somnium pugnare, interficere, dilaniare, discerpere hostem, eius domum ac segetem succendere, & cuncta eius bona diripere. Ita melancolicum qui Dei gratia multo labore secundum rationem atque uoluntatem pusillanimitatis uitium debellauit, & timorem pepulit inordinatum, contingit per somnia graui concuti timore. Et qui in uigilia de Dei misericordia optimè confidit se consequuturum æterna gaudia per se somnium pati sibi uidetur inferni tormenta: quiq; per uigiliam confidit se circumdatum lætantium angelorū caterua, per somnium interdum sibi uidetur in medio terribilium dæmonum iacere oppressus. Ita purè sanguineus aliquis, quamuis uerè secundum rationem & uoluntatis affectum ex Dei gratia omnes auerferet mundi uoluptates, subinde tamen per somnium uidetur sibi in medio deliciarum iucundari. Imò uerò si diligentius aduertamus comperiemus ista omnia etiam in uigilia ita accidere. Hinc. n.

tenta

tentationes sunt quæ à carne exurgunt etiam in bonis &
 sanctis uiris, uidelicet uel gulæ, uel luxuriæ, uel iracundiæ,
 & cæterorum malorum: quomodo de seipso narrat beatus
 Hieronymus, q̃ cum in uasta eremi solitudine exeso esset
 corpore, & arctissima seipsum stringeret inedia, Romanis
 tamen se putabat interesse delitiis. Qui ergo huiusmodi
 se sentit somniis rerum non bonarum tangi, aut etiam in
 uigilia eiusmodi, uexari motibus, nõ statim deiiciatur ani-
 mo, non se mox Dei existimet inimicum. Veruntamẽ exa-
 minet seipsum diligenter, an non ex præuiis in uigilia uo-
 luntariis cogitatibus, aut effectibus, ista sic exurgant, an nõ
 exorta fuerint à causa aliqua uoluntariẽ subministrata, un-
 de eiusmodi somnia per se nata sunt sequi. Et quidem si
 post diligens examen nullius huiusmodi mali sibi est con-
 scijs, nihil est quod metuat, non est quur multum anxie-
 tur animo: hoc tamen discat & consideret, in sua carne ad-
 huc uiuere concupiscentiam discat non debere se esse secu-
 rum, discat nondum perfecte deuictum esse siue subactum:
 domesticum hostem, discat sibi adhuc standum super cu-
 stodiam: & humilitatis ac prouidentix sibi sumat occasio-
 nem, ne mox ubi aliquem uirtutis habitum aut domum ali-
 quod acceperit, omnia in tuto putet, seq̃ in portu nauiga-
 re securum. Agat quoque gratias Deo, cuius gratia ita si-
 bi aduersissimum hunc hostem subiugauit, subiectumque
 fecit (carnem dico & sanguinem) ut non nisi in somno ab-
 sente ratione, uel in uigilia per surreptionẽ, uelut à tergo
 aut à longe audeat accedere, & non in uigilia aperte pro-
 dũre in aciem. Est enim hoc signum euidentis infirmati ho-
 stis, cum iam non palam, sed uelut per surreptionem tantũ
 ex abdito, audeat aduersariũ impetere. Cæterum, de som-
 nis quatenus ex eis pronosticari aliquid liceat aut nõ, item
 quomodo ea obseruare & non obseruare, præsentis nõ est
 negotii. Ad moralem enim spectat doctrinam, tametsi nõ
 minima ex parte ex præcedentium hæcant cognitione.
 Nos ergo de plurimis pauca quæ dā dixisse contenti (quo-
 niam profecto etiã si uelimus multa, non ualemus, ob igno-
 rantiam rerum intus latentium) festum nunc calamum ab-

*Hierony.
ad Eusthe-
chium.*

*Examina
da sōnia
unde pro-
ficiantur.*

ditarum rerū curiosā inspectione atq; perscrutatione, ad quietem reponimus, quo deinde ad id, quod totius considerationis nostræ erit supremū, reparatis uiribus alacriores redeamus. si tamen prius (iuxta hætenus in libris omnibus seruata consuetudinem) magni Dei gloriam cantico celebrauerimus, cuius sunt omnia hæc mirabilia, hisq; infinito maiora, quæ postri sterilitas calami minimè ualet explicare, qui in Trinitate & unitate perpetuò beatus uiuit, & regnat, & gloriatur in sæcula sæculorum. Amen.

FINIT LIBER X.

PSALMVS MAGNO ARTIFICI, QUI
est fabricator humani cœbri.

VIdebā ego nuper anatomā, incisionēq; humani corporis: aderam qui secabat chirurgus, aderat qui demonstrabat omnia medicus.

Ille quidem diuidebat subtilissimè, & usque ad uenulas minimas tenuissimosque neruulos incidebat omnia: hic uerò digitis sollicitissimè cuncta monstrabat, uerbisque declarabat quantum poterat.

Super membris singulis quantumuis paruulis, faciebat sermones prolixissimos, & post finita uerba omnia adiiciebat, nondum se membri naturam explicuisse uel usque ad dimidium.

Tantū (inquit) quæ magis sunt cognita uilia, quæ magis exposita proferimus, & tamen protrahere dies multos prolixis sermonibus.

Admiratus sum uehemēter in pluribus sagacis naturæ operibus, dum ita mirandum conspicerem in cunctis ordinem, ita stupendam in singulis uirtutem & usum necessarium.

Nihil erat superfluum, inordinatum nihil, nihil indecorum, nullum erat membrum, à cuius contemplatione post inspecta auditaque omnia cum stupore non abscederem.

At uerò posteaquam ad uerticem peruentum est, ad anatomiam cœbri, ibi uidelicet quæ prius uideram, iudicabam nihil esse omnia.

Cecabat ille summa sollicitudine, incisionibus subtilissimis, iste de rebus minimis nescio quæ declarabat maxima.

Papè, quàm stupenda, quàm admiranda, quàm spectatu dignissima illic erant demonstranda uix tota oculorum inuenta acie sufficiebam intueri, de quibus iste tractabat mirabilia.

Ibi craniū & pericranium, ibi pia mater & dura mater, miringa maior & miringa minor: ibi nescio quæ nimium mirandæ complexiones & immixturæ, quibus ista necessebantur adhærebātque inuicem.

Ibi ventriculorum distinctiones uariæ, & cellulæ distinctæ distinctione uisibili: ibi rete mirabile, uerè mirabile, de cuius inuolutionibus narrabat ille miranda, cum uix præ tenuitate ipsum posset conspiciere acies oculorum meorum.

Ibi neruorum à cerebro exeuntium spectatu dignissima colligatio: ab anteriori parte molliorum duriorum à posterioribus.

Naturæ providentiæ miris efferebat præconiis, singulorum adinuicem providam dispositionem ostendens, ad salutem & commoditatem animalium.

Pergebat ille his commonstratis plura ostendere, ego uerò longius non ualebam progredi, neque præeūtem ualebam insequi, quoniam me stupor inuasera.

Et nunc, artifex magne, nulli arte secundus præcellentior omnibus, quid dicam ego, quid loquar de operibus artis tuæ?

O uinam coningerent tibi spectatores, artifices periti operis: ab his enim posset tibi dari gloria.

Qui inter homines, magnæ artis fabricauerint opus, nihil æquè optant ac peritos artis ad spectandum illud.

Si magnæ artis opus in possessionem uenerit hominibus rudibus, qui artis sunt ignari: perdit artifex gloriam artis suæ, quantumuis sit præcellens artificium.

Ita profectò nobiscum res habet, quantum ad præstantissima opera tua: fabalibus stipulis grossiores sumus, quantumlibet nobis uideamur subtilissimi.

Sapientia & artificium operis tui nequaquam contemplari sufficimus, neque millesimam partem artis quam ostendisti in capite nostro, uel doctissimus pernouit medicus.

Attamen etiam si nemo miretur, si nemo laudet, semper manet in opere ipso gloria artificis, ita & tibi magne Deus semper tua manet gloria in cunctis operibus tuis.

Sis benedictus in æterna maiestate tua: sis benedictus, sis laudatus & gloriosus in sæcula, pro inestimabili sapientia, & bonitate tua.

Gloria patri, & filio, & spiritui sancto. &c.

FINIT PSALMVS.

IN LIBRVM VNDECIMVM CONSIDERATIONIS PHYSICAE, DE INTELLECTV ET EIVS OFFICIIS.

P R A E F A T I O.



VAE haftenus à nobis libris præcedentibus determinata sunt, nõ homini sunt peculiariora, sed uel rebus naturalibus omnibus generaliter conueniunt: cuiusmodi sunt, quæ in primo libro de principijs diximus, & in secundo de causis, in tertio de motu, in quarto de loco & tempore, in quinto de generatione atque corruptione: uel homini sunt cū cæteris uiuentibus (ut pote plantis & animalibus brutis) communia, nepe ea quæ in prioribus tribus libris de potentiis uegetantibus, & sensibus tam exterioribus, quàm interioribus diximus. Neq; haftenus ullo librorum præcedentium de iis quæ homini peculiariter cõpetunt, quidquam egimus. At uerò hominis egregia præcellentia, qua cæteris oĩbus præstat naturalibus rebus, & admirabiles illæ uirtutes quas in nobis peculiariter aduertimus, meritò specialem exigunt tractatum. Si enim cœlestia corpora, propter suam quam in hæc habent inferiora potentem actionem specialem meruerunt determinationem, si deniq; etiam meteorologica impressiones (quæ & mista imperfecta dicimus) propter suam tantum incertam & subitam generationem singulare nobis extorserunt tractatum humanæ naturæ præcellentia, an non multò iustius id ipsum exposcit ac exigit? Videlicet ut illas speciali opere discutiamus, declaremusq; nobilissimas uirtutes & operationes, q̃ homini sic propriè peculiariterq; conueniunt, ut in nullis rebus naturalibus possint eadem uel similes reperiri? Quæ enim hæc foret inordinatio disciplinæ,

nam, post exactam de rebus naturalibus omnibus determinationem, ipsum quod est, omnium precipuum negligere, & ad quod cætera omnia tanquam ad finem ordinantur, intactum pertransire. Iustum est ergo, semel nobis in manum susceptus calamus tantisper nobis inseruiat, donec pro nostra uirili secundum bonum Dei auxilium, & hæc uerè maxima uel balbutientes explicauerimus.

CAPUT I.

De hominis præcellentia, & quomodo intellectus per sensum cognoscitur.

Hominis super alias res naturales præcellentia in intellectu atque uoluntate consistit, potentiis duabus utique nobilissimis, quibus Dei in nobis imaginem & similitudinem gerimus, & in quas Dei formes Deique capaces soli homines sumus, secundum quas immortales sumus incorruptibiles, & impassibiles (passione quacunque uiolenta uel ad corruptionem deducente) ab ulla rerum naturalium quantumuis potentissimæ fuerit actionis: secundum quas item soli homini cōuenit in suis actionibus libertas, meritum uel demeritum, præmium atque pœna, saluatio atque damnatio æterna, felicitas æterna, uel æterna miseria. Nulla enim irrationalis creatura intellectu & uoluntate carens immortalis esse potest, nulla Dei imaginem in se gerit, nulla Dei formis uel Deicapax dicitur, nulla meretur uel demeretur, nulla præmio æterno remunerabitur, uel æterna pœna punietur. Hæc. n. omnia solius sunt hominis, quemadmodum in posterioribus latius declarabimus. Quoniam uero in rectum ordinem prius est, rem intellectu percipere, posterius aut uelle uel nolle: intellectus. n. est presentiale uoluntatis acceptare uel refutare: idcirco prius de intellectu quam de uoluntate est dicendum. Est autem in disciplinis ordo ualde conueniens, incognita per nota, & minus nota per notiora (quantum fieri potest) declarare, quemadmodum ex principiis per se cognitis uenitur ad scientiam conclusionis, & ex corporalibus exemplis manu ducimur

ducimur ad intelligenda spiritualia. Erit ergo modus cōuenientissimus naturā intellectus declarādi per cōparationē ad sensum (quia iam ex suprā determinatis præsупponitur cognitus) partim quidem secundum dissimilitudinem partim uerō ēm dissimilitudinem. In quibusdam enim cōueniunt, & in quibusdā differunt. Primum itaq; omnium ad uertendum est, quod sicut sensus est potentia quādam apprehensua rerum foris existentium, absq; reali susceptione ipsarum per solam receptionem specierum: ita & intellectus talis quādam est potentia, per quam homo ea etiā quæ extra ipsum sunt intus apprehendit, non rē ipsam, uel eius partem, uel ullam corporalem eius qualiratem, sed tantum rei quam apprehendit speciē intra suscipiendo. Non enim in anima (ut Aristoteles ait) lapis, sed lapidis est species. Est tamen manifesta eius in hoc differentia à sensibus exterioribus, q̃ singuli solum sui proprii sensibus suscipiūt speciem, ut uisus solam speciem coloris. Intellectus autem in differenter omnium simul est susceptiuus, & omnium apprehensiuus. Transcendit etiam potentiam primā interiorē, quam suprā nominauimus sensum communem: quoniam ille licet cōmuniter species suscipiat ab omnibus exterioribus sensibus, non tamen potest nisi illas suscipere q̃ ei ab exterioribus transmittuntur. Nulla enim species est in sensu communi præter eas quæ à sensibus exterioribus ad ipsum transmittuntur. Amplius uerō etiam à uisū æstimatoria siue phantastica differt intellectus (tamen si quibusdam antiquorum ita uisum nō fuit) quoniam intellectus, est potentia ulterior, & multò superior ipsa æstimatoria, sicut æstimatoria superior est in sensu communi, aut imaginaria. Cuius rei habita declaratione, magna ex parte quid intellectus sit, & quomodo homo cæteris præstet hac in parte animantibus, erit manifestum.

CAPVT

II.

Quomodo intellectus sit potentia superior, quàm æstimatoria.

*Quomodo
potentia*

Pro cuius intellectu notandum est, q̃ illa potentia merito superior dicitur, cui altera subseruit & subministrat,

strat, & quam illa transcendit ac superat uirtute actionis, *una est al*
 quemadmodum uidelicet sensus communis singulis exte- *tera supe*
 rioribus sensibus est superior, eo q̃ singuli subministrent *rior.*
 illi, transmittentes ad ipsum suorum sensibilibum species. Hic
 autem operationis nobilitate excedit exteriores sensus,
 quoniam diuersorum sensuum sensibilia simul cōferre po-
 test, atq; inter ea diiudicare, itē & actus sensuū exteriorū
 percipere, quē duo nullus potest sensuū exteriorū. Rursum
 æstimatedia idcirco superior reputatur & est sensu cōmuni,
 quoniam hic illi subministrat species susceptas ab exte-
 rioribus mox ad imaginatiuam transmittens, & ibi recondēs,
 non utique pro semetipso (quoniam ipse illis speciebus in
 absentia sensibilibum non utitur) sed pro æstimatedia, siue
 phantastica, nimirū ut ex speciebus huiusmodi ipsa eliciat
 intentiones non sensatas, componatq; & diuidat, & excita-
 ta his speciebus suum exerceat officium. Ipsa autē æstima-
 tiua operationes habet excellentiores, quā sensus com-
 munis, uel imaginatio, eò q̃ species illa possit adinuicem
 componere & diuidere, atque ita cogitationem tali com-
 positioni, uel diuisioni specierum respondentem in se ipsa
 efficere, ac talis intentionis speciem nunquā a sensu cōm-
 ni habitam in memoria reponere. Itē post non sensatas in-
 tentiones elicere, easq; similiter reponere, quæ neque sen-
 sus communis, neque imaginatiua possunt. Idcirco iure su-
 perior dicitur. Eadem quoque ratione æstimatedia etiā me-
 moria superior est, quoniam ipsius utitur seruitio, quomo-
 do arca & horreum deseruit possessori, & habet æstimatedi-
 ua multò nobiliores operationes. Ad eundē sanè modum *Intelle-*
 comperimus intellectum in homine ipsa æstimatedia ui, si- *ctus æsti*
 ue phantastica multò superiorem, uidelicet quia æstima- *matina no*
 tiua intellectui deseruit, phantasmata (id est intentiones *bilior.*
 in phantasia operatas, præsentando, ipsi intellectui ad fa-
 bricandum ex eis species rerum solo intellectu perceptibi-
 lium, & omnem sensum transcendentium, quæ nullas sen-
 sus, neq; interior, neq; exterior potest cōprehendere. At-
 que hæc est operatio illa, qua intellectus superat æstimatedi-
 uā. Sic enim se habet intellectus ad phantasmata (id est, ad
 species

DE INTELLECTV ET

species uel intentiones quæ sunt in phantasia siue æstimatoria) quomodo se habet æstimatoria ipsa ad species à sensu cõmuni transmissas, & in imaginatiua seruatas. Quomodo. n. per æstimatoriam apprehendit & percipit animal brutum, quòd per sensum communem non potest, uidelicet amicitiam, uel inimicitiam, uoluptatē, & dolorem, conueniens & disconueniens s̃m sensum: ita per intellectum homo plurima intelligit, quæ per æstimatorium solam impossibile foret percipere. Tamen si enim æstimatoria possit elicere intentiones nõ sensatas à speciebus seruatis in imaginatiua: sunt tamen illas perpauca, & huiusmodi, quæ conducunt ad animalis uitæ conseruationem atque directionem, secundum quod animal est, utpote amicitia uel inimicitia conuenientis uel disconuenientis secundum sensum: quam æstimatoria operationem in pueris uidemus nondum ratione utentibus, item & in amentibus atque motionibus grandioris ætatis, in quibus perparum cernitur differentia ab irrationalibus, nisi quod propter excellentiam æstimatoria in hominibus uidentur in quibusdam eminere. At uerò intellectus conuertendo sese ad eas quæ in phantasia siue æstimatoria sunt intentiones, plurimarum rerum elicit cognitionē quas sensit iua potētia nulla siue exterior, siue interior, potest percipere. Intellectus uirtute mirabilis intelligit formas separatas, naturas uniuersales, angelicas mentes, imò & ipsum Deum: quæ nequaquam ab æstimatoria possunt cognosci. Item & alias habet intellectus operationes mirabiles, affirmando & negando, tam in uniuersalibus quàm in particularibus, tam in abstracto quàm in concreto, & multipliciter ratiocinando: de quibus omnibus suo loco dicitur posterius. Nunc uerò (priusquam extra propositum abducamur) illud tota uirtute qua possumus declaremus, quomodo intellectui in sua operatione æstimatoria subministrat, id est, quomodo ex phantasmatibus intellectus rerum cognitionem in se possit acquirere, quæ non in æstimatoria præfuerunt. Sic enim & mirabilis ordo potentiarum adin uicem ita in homine ab optimo Deo pulchre dispositarum clarescet, & nihilominus (quod quærimus) ipsius intellectus

Eius natura fiet manifesta.

CAPVT III.

De Platonis opinione existimantis omnium intelligibilium species esse in intellectu concretas.

AD prædictorum autem determinationem, ante omnia hic pertractanda uidetur Platonis quondam celebris opinio: qui existimauit rerum omnium intelligibilium species fuisse intellectui à principio concretas, & animam rationalem à principio suæ conditionis omnium rerum habuisse cognitionem per species proprias sibi concretas, quæ cognitionem dicebat per immersionem in hoc corpus animam perdere, species tamen manere: quomodo homo multo obrutus potu, aut somno pressus nihil eorum actu intelligit, quæ tamen secundum habitum & species tenet. Atque ita (iuxta positionis huius consequentiam) assererat, hominis scire uel addiscere, non aliud esse quam reminisci. Dicebat enim, cum quis de nouo quippiam uideretur addiscere, speciem in anima existentem, utpote ipsi concretam, solum excitari, sicque tantum recordationem fieri quasi oblitæ rei per crassi corporis immersionem, non autem speciem ullam de nouo in intellectu fieri. Atque ita nihil dicebat hominem iam addiscere, quod non prius aliquando cognouerit. Iuxta quam positionem dicendum foret, intellectum non posse uti ministerio æstimationis ad aliquam speciem de nouo in se acquirendam, sed tantum ad exercitationem specierum: ita uidelicet, ut per phantasmata excitaremur species, quæ in intellectu præexistunt, ad efficiendam in intellectu rei cuius sunt species cognitionem. Verum expositio primum quidem Christianæ fidei non consonat, quæ tenet animas hominum non simul fuisse creatas, neque esse præfuisse ante corporis informationem, sed una cum infusione corporis sigillatim singulas à Deo creari, & eo ipso momento quo in corpus infunduntur simul, & creari. Deinde etiam philosophis meliora sentientibus, eadem positio displicet. Reprobat enim eam Aristoteles tertio libro

Platonis opinio.

Aristoteles à Platone dissentit.

quem

quem de anima scripsit, pulchrè docens, intellectum nullam habere sibi connaturalem & cognatam speciem, sed esse uelut tabulam nudam, in qua nihil actu sit descriptum: esse tamè intellectum ex sua natura ad species omnium rerum in seipso suscipiendas idoneum, quomodo tabula nuda, in qua nihil est descriptum, susceptiua est cuiuslibet scripturæ. Cuius sententiam (ut magis ueram, magisq; fidei, rationi, & experientie consentaneam) in sequentibus latius uolumus declarare, illa altera minus p̄babili omissa.

CAPVT

IIII.

De distinctione intellectus agentis, & patientis.

*Intellectus agens
& patientis.*

AD cognoscendum ergo quomodo intellectus in sua operatione phantasie utitur ministerio, nota, quod (iuxta Aristotelis, cæterorumq; eius in hac parte sequaciū traditionem) intellectus diuiditur in agentem & patientiā. Intellectus agens dicitur, cuius est species rerum intelligibilium efformare, atque efficere, quibus mediantibus fieri possint rerum intellectiones. Intellectus autem patiens uel passibilis dicitur, cuius est species uirtute intellectus agentis efformatas in se suscipere. Quomodo enim rebus naturalibus compositionem ponimus ex forma substantiali omnium accidentium atque dispositionum effectiua, & materia omnium susceptiua: ita intellectus totam substantiam ex duabus hisce potentiis uelut partibus duabus dicunt cōstare: quarum altera se habet ēn rationem materiæ, uidelicet intellectus passibilis, nullo modo actiuus, sed tantum passiuus atque susceptiuus specierum: altera uerò habet rationem formæ solum actiuus, & nullo modo passiuus. Intellectus agens (ut inquit Aristoteles) est, in omnia facere, hoc est omniū intelligibilium species potest in intellectu passibili efformare, comparaturq; lumini in ordine ad colores: quoniam sicut lumen cadens super colorem facit ipsum suam speciem organo uisus imprimere, sicq; ipsum cuius est color, à sensu facit cognosci: ita per hunc agentē intellectum suam uirtutem conuertentem super phantasmata

mata efformatur in intellectu species intelligibilis, per quā
 fit in intellectu eius rei cuius est species intellectio, siue
 intellectiua cognitio. Neque ullum est ens quantumlibet à
 sensu remotum, quantumlibet uniuersale, quantumlibet ab-
 stractum, cuius non possit intellectus agens ex aliquo sibi
 oblato phantasmate (id est, ex aliqua intentione phantasti-
 ca) in intellectu passibili specie efformare. Quid enim ma-
 gis à sensu elongatum quàm Deus? Attamen intellectus a-
 gens in homine tantæ est uirtutis, ut aliquam speciem pos-
 sit in intellectu efformare, mediante qua Deum utcumque
 cognoscat, quamuis nondum secundum essentiā sicuti est. *Arist. 5.
lib. de ani-
ma.*
 Est ergo intellectus agentis (iuxta Aristotelis sententiam)
 in omnia agere, id est, specierum omnium intelligibilium
 rerum effectuum. Qui. n. potest in id, quod remotissimum
 est, multò facilius poterit in illud quoque, quod est minus
 elongatum. Intellectus autem passiuus est in omnia fieri. i.
 oīum rerum potest in se suscipere speciem, potestq; rerum
 omnium similitudine formari. Vnde fit, ut nonnunquam
 etiam passibilis à potentia suscipiendi nominetur. Quod
 quidem manifestè ex præcedenti consequitur. Si enim in-
 tellectus agens potens est omnium species efformare, & in
 seipso non possit quidquā recipere, sed quæcunq; ipse ope-
 ratur suscipit intellectus passibilis: manifestò ergo cōsequio
 inferitur, quod passibilis intellectus sit omnium specierū in-
 telligibilium rerum susceptiuus. Quemadmodum si forma
 substantialis lapidis esset omnium operationum effectiua,
 materia lapidis utique omnium esset susceptiua. Est enim
 intellectus agens (ut suprā diximus) tanquam forma, patiens
 uerò ut materia. Atq; hoc modo intellectus passibilis quo-
 dammodo dī esse omnia. i. omni formis, quatenus omniū
 similitudine potest formari, indui & ornari, quemadmo-
 dum pulchrè beatus Hieronymus in epistola ad Paulum de
 omnibus sacræ scripturæ libris de cera ait, his uerbis: Mol-
 lis cera & ad formandum facilis, etiam si artificis & pla-
 stæ cessent manus, tamen uirtute totum est, quidquid esse
 potest. *Hieron.*

DE INTELLECTV ET

CAPVT V.

Per qualitatem luminis, declaratur uirtus intellectus agentis.

Quemadmodum autem in corporalibus nullus est color, qui nō per lumen possit illustrari, ut suā speciem organū infundat, sicque uisionem in ipso efficiat: ita nulla res est, cuius nō possit (p huius intellectus agētis ad se conuersionē) intelligibilis species imprimi i intellectu passibilem, & cuius non possit in eo notitia efformari per uirtutē agentis intellectus. Quemadmodum enim color est obiectum uisus, & ideò quidquid sub colore comprehenditur, summis illustratione æquē potest in uisum imprimere suam speciem: ita ens siue uerum (quæ adinuicem conuertuntur) obiectum est adæquatum intellectus: atq; ob hoc, per lumen intellectus agentis potest in intellectum passibilem imprimi species omnis eius, quod sub ente continetur. Rursum quemadmodum nullus color quantumuis lucidus, quantumuis nobilis, potest à uisu percipi, si defuerit lumen, quod super ipsum cadat, ipsumque illustret: ita nullum ens est intelligibile, nisi ratione huius intellectus agentis, uidelicet nisi hic suo fulgore ad rem illam sese conuertat. Et quemadmodum iuxta uirtutē luminis fit color melius uisu perceptibilis, ita ut lumine splendidius super colorem cadente, ipse sit melius uisu distinguibilis, quàm si lumine tenui & obscuro illustraretur, eo quod in organum species perfectius imprimatur: sic etiam iuxta huius agentis intellectus uirtutem res eadem ab uno melius perfectiusque intelligitur, quàm ab altero, iuxta quod intellectus agens perfectius, uel imperfectius rei supra quam cadit, & ad quam se conuertit speciem intellectui imprimit passibili. Patet ergo, quemadmodum huius intellectus agētis natura, mirū in modum ex luminis naturalis cognitione ostenditur. Est enim & ipse uerum lumen spirituale, & utiq; uerius illo quod à Sole diffunditur in aerem. Hoc. n. lumen est de quo Psalmista loquitur, dicens: Signatum est super nos lumen uultus tui Domine, dedisti lætitiā in corde meo. Sicque enim plerique sanctorum patrum locum istum

*Ens seu
uerū intel-
lectus o-
bectum.*

*Intelle-
ctus agēs
uerū est
lumen.*

Psal. 4.

istum interpretantur de naturali lumine intellectus, quod in nobis Deus ab initio uelut signauit, dum nobis in apice supremoq; uertice animæ speciali prærogatiua dignitatis impressit. Et est plane intellectus hic agens in hoīe quoddam diuinitatis uestigium ac principium aliquod infinitæ immensæq; lucis quæ est ipse Deus. Quomodo enim ab igne permaximo scintillæ multæ exeunt, aliquid claritatis illius & luciditatis ignis primarii referentes, ita ab illa immensa ineffabiliq; diuina luce (de qua scriptū est. Erat lux uera, quæ illuminat omnem hominem uenientē in hūc mundum) in animas singulorum hominum uelut scintilla quædam deriuatur, eisq; infidet inextinguibilis: si tamen iustum est, modicum istud in nobis lumen respectu diuinæ lucis comparare scintillæ, respectu ignis magni: quandoquidē alias in scriptura sancta legimus ipsos quoq; in gloria plenissimè refulgentes beatos, non nisi scintillis fulgentibus comparari. Sic .n. quodam loco legimus. Fulgebunt iusti, & tanquam scintillæ in arundinetis discurrent. Nos tamen scintillæ comparare cogimur hoc diuinæ lucis in nobis participium: quandoquidem minus aliquid igneum, aut lucidum in humana appellatione nequimus inuenire.

Ioan. 3.

Sapient. 7.

CAPVT VI.

Ex differentia intellectus & sensus, ostenditur necessario ponendum intellectum agentem.

Est autem notanda differentia inter sensum & eius obiectū ex parte una, & inter intellectum, & eius obiectum ex parte altera. Nam sensibile obiectum (si adsit requisita conditio) sua actione imprimit suam speciem in organum sensus, ut color præsentē lumine agit in organum uisus, agēdoque imprimit in ipsum suam speciem. Lumen enim nō est causa effectiua speciei, neq; in oculum agit per hoc qđ colorem illustrat, sed est tantum quædam conditio requisita ad hoc ut color possit agere in uisum. Quantum uerò ad intellectum, contrario modo se res habet. Cum enim rem aliquam quæ est extra nos intelligimus, ipsa res non

Cc 2 agit

agit intellectum per se imprimendo suam speciē. Nulla .n. res corporalis potest agere in intellectum, cum sit potentia (spiritualis, & nullum habens organū corporeū. Neque imaginandum est, sic ab æstimatoria transmitti ad intellectum species corporales, quomodo ab exterioribus sensibus transmittuntur ad sensum communem. Cum .n. intellectus nullum habeat corporeum organum in quo inhabitet, nullus potest esse transitus per quem species talis sensibilis possit transmitti ad intellectū. Sed neq; intellectus ipse (propter suam nobilitatem) capax foret ullius speciei sensibilis. Atque hinc patet ratio, quare magis oporteat duplicem ponere intellectum, quā duplicem sensum. Non .n. solet sensus diuidi in agentem & patientem: sed sensum dicunt simpliciter esse potentiam passiuam, quātum ad speciem, eò quod speciē in sese non debeat neq; possit efformare ullus sensus, sed ipsius obiecti actione in ipsū imprimatur, & in speciem acquirendo se habeat purē passiue, tametsi in ordine ad actum suum proprium, quodammodo sit potentia actiua uel propriē operatiua. Operationem .n. suam, sensus in seipso efficit: speciē autem (mediante qua ut instrumento suam operatur sensationem) nequaquam. Atque hac ratione, quantum ex parte obiecti tota substantia sensus passiuā dicitur: neq; in agentem & patientē in suas partes secatur. Contra uerò quia obiectum intellectus per se non sufficit sua actione imprimere suam speciem, omnino tamen eget specie, si debeat intelligere: necesse est intellectum ponere, non merē passiuum, respectu suæ speciei, sed partim effectiuum. Alioqui impossibile esset speciem in intellectu formari, & per consequens neque ulla posset fieri intellectio, cum sine speciei ipsa nequeat fieri uisio in oculo, si nec potentia ipsa uisua haberet uirtutē efformandi in speciem coloris, nec etiā ipsi colori talis competeret actio. Vnde enim acciperet uisus speciē coloris, si neq; à seipso, neque ab obiecto acciperet? Hæc ergo necessitas est ponēdi intellectū agentē, ad cuius positionē necessario consequitur intellectus sensibilis positio: nisi .n. species intelligibilis in intellectu susciperetur, non posset intel-

*Intellectus in se
suis differētia.*

3. 1.

*Quare
duplex i
n intellectus
ponitur et
non duplex
sensibus.*

Intellectus intelligere. Caterū, an intellectus hi duo ponē
dæ sint potentię realiter distinctę, an solum fm rationē di
uersam distinguantur (uidelicet ut idem numero intelle
ctus dicatur agens, quatenus hoc illi competit officium;
efformare & efficere speciem intelligibilem, idemque pa
tiens quatenus non in alio aliquo, sed in seipso hanc spe
ciem per se effectam recipit) nolumus impræsentiarum cu
riosus peruestigare. Perparum enim refert, an re, an ra
tione sola dicatur distingui: si hoc modo rectē intelliga
tur, duplex hoc officium intellectui competere.

CAPVT VII.

Quomodo omnis cognitio intellectiue oriatur ex sensu.

AD cognoscendum autem modum, quo intellectus a
gens efficit species in intellectu, notandum est, quod
pro statu isto mortalis uitæ talis est colligatio animæ in
corpore isto crasso & misero, ut nullius rei cognitio pos
sit uenire in intellectum, quæ non primordialiter ex ali
quo sensuum exteriorum sumpserit initium: neque ulla pos
sit species intelligibilis ab intellectu agente formari in in
tellectu passibili, quam non originaliter ex aliqua specie
sensibili quinque exteriorum sensuum emendicauerit.
Propter quod dixit Aristoteles.

Omniem nostram cognitionem debere à sensu habere exordium.

Quod tamen non ita est intelligendum, quasi intelle
ctus agēs immediatē à sensibilibus exteriorum sensuū ac
cipiat suas spēs itelligibiles: sed immediatē, rōe uidelicet
phātasmatum, id est, intentionē in phantasia siue æstima
tiua existentium, quæ omnia à sensuum exteriorū cogni
tione primordialiter oriuntur. Est enim talis habitudo in
tellectus agentis ad phantasmata in phantasia, qualis est
sensus exterioris ad obiectum existens in re sensibili. Nā
sicut sensus non potest accipere suam speciem nisi conuer
tendo se ad sensibile, uel nisi ipsi præsentetur offeraturq;
præsens sensibile, ita intellectus agens ad cōparadū sibi in
telligibiles species, cōuertere se debet à phātasmata, id est

*Arist. 1.
lib. Po
ster.*

DE INTELLECTV ET

ad aliquas imagines uel intentiones in æstimatoria sibi præsentatas. Et quemadmodum sensibile ipsam cum sit corpora qualitas, acquiritur tñ & formatur in sensu, quæ est potentia utcumque spiritalis & in suam similitudinem, modo quodam spiritali: ita phantasma quanquam res sit materialis & imago crassior, q̃ ut & in talem conditionem possit recipi in intellectu, abstrahitur tamen ab ipso species intelligibilis multò spiritalior & intellectui bene proportionata, idq; per uirtutem agentis intellectus: sese super phantasma conuertentis, cuius est tanta uirtus, ut à phantasmatis impuris & materialibus possit sua nobilissima inexplicabiliq; uirtutis efficacia speciè immaterialem educere, atque abstrahere, ac uelut efformare, quæ intellectui conueniat pro sua operatione exercenda: quemadmodum corporalis luminis est tanta excellentia, ut super colorem ipso cadente in uisum gignatur species, quæ absque ipso non potuisset in oculo produci. Non sunt tamen prædicta sic intelligenda, quasi asserere uelimus, omnem intellectus cognitionem debere immediate ex sensu etiam phantasiæ accipi. Nam intellectus una habita notitia ex ea format aliam atque ita consequenter, quemadmodum ex notitia præmissarum efficit in se notitiam cōclusionis, & ex notitia in intellectu singularium efficit cognitionem uniuersalium. Atque in his non immediatè sumitur cognitio intellectus à sensu. Mediatè tamen omnis intellectiua notitia à sensu est, quoniam prima intellectiua cognitio (ex qua aliæ gignuntur) à sensu debet accipi. Cum enim intellectus de se nihil habeat, omnia a foris acquirat necesse est. Attamen cum uel modicum aliquid habuerit, plurima ex illis paucis potest mirabili suæ fecunditatis uirtute progignere.

CAPVT VIII.

De modo quo intellectus agens se conuertit se super phantasmata.

Modus autem quo intellectus agens se conuertit super phantasmata ad formandum sibi species intelligibiles est phantasmata illustrando, eaq; à conditionibus mate-

materialibus depurando. Phantasmata enim in phantasia rem non nisi crassio modo & sensibiliter ut uidelicet, sensu perceptibilis est) repræsentat, sub conditionibus materialibus & indiuiduantibus, uidelicet sub loco determinato & tempore determinato, & ceteris conditionibus indiuidualibus determinatis, quomodo à sensu exteriori cognoscitur. Intellectus autem sua nobilitate omnes has materiales & singulares cōditiones separat, & speciem talem in intellectu passibili format quæ rem absque eiusmodi imperfectionibus repræsentet. Vnde hoc modo intellectus hominis ex phantasmatibus materialibus, & cognitione rei materialis, quam intellectui exhibet phantasia, p̄tingere potest ad cognitionem rerum immaterialium, & prorsus absque materia separatarū. Verbi gratia, ex his quæ sensibus exterioribus percipimus, rebus istis uisibilibus & materialibus, quæ ut habentia actum cum potentia (id est formā cū materia) in phantasia cognoscimus, intellectus agens super phantasmata huiusmodi se cōuertens, separat, & abstrahit id quod materiale est & imperfectum, formatq; sibi speciem, quæ solum actum nudamq; formam absque potentia materiæ per se subsistentem repræsentat, per quam angelicas substantias apprehendit, quæ sunt formæ separatæ absque materia. Sic ex cogitatione creaturæ, quam phantasia apprehendit, sub determinatis conditionibus (utpote substantia, qualitate, sub tali materia, sub talibus dispositionibus accidentalibus, sub tali colore, in tali tempore, in tali loco, &c.) intellectus agens ab omnibus his conditionibus materialibus abstrahens, format sibi speciem quandā atque similitudinem in intellectu passibili repræsentantē ens immateriale, absq; magnitudine, absq; omni accidente, absque omni mutatione & motu, absque omni generatione, corruptione, & passibilitate, absque initio & fine durationis, absque omni tempore & loco, absque omni cōpositione & permissione, absque ullo ente simpliciter priori, & ita in cæteris, sic abstrahendo ab omnibus imperfectionibus q̄ iuuoluuntur in phantasmatibus: sicq; in nobis Dei speciem formamus ex uilissimis creaturis, quas in phanta-

Intellectus in materialia intelligit ex sensibilibus.

DE INTELLECTV ET

sia cognoscimus, & quarum cognitionem primam hausimus ex sensibus.

CAPVT IX.

Quomodo Dei cognitionem duobus modis potest intellectus agens in nobis efformare.

Deus cognoscitur per abnegationem.

FAcit autem intellectus agens duobus modis in nobis Dei, eorumq; quæ ad Deum spectant cognitionē. Primò quidem, per abnegationem, ad eum modum quo supradictum est: cum uidelicet omnes materiales conditiones, & imperfectiones quas cernimus in creaturis (circa quas phantasmur) abnegamus atq; abiicimus, ita ut ex ipso quod in phantasmate est solum entis conceptum seruantes, reliquum omne quidquid adiunctum est imperfectionis, quidquid crassum, quidquid imperfectum per abnegationem abiiciamus, imaginantes uidelicet non generabile, non corruptibile, non comprehensum loco, non accidentibus uarium, non mobile secundum locum, non ulla ratione mutabile, non compositum ulla compositione, non habens initium durationis neque terminum, non uisibile, non ullo sensu sensibile, atque ita in cæteris omne quod imperfectum est abnegando. Dicimus signanter abnegando omne quod imperfectum est. Non enim omnia debent à Deo abnegari, quæcunque possunt in rebus corporalibus inueniri, sed ea quæ aliquam includunt imperfectionem. Non enim dicimus Deum non ens, neque non intelligibilem, neque non amabilem, cum hæc nullam includant imperfectionem. Perfectionis nāque est, esse intelligibile & esse amabile: quoniam quod non est intelligibile, non est ens: & quod nō est amabile, non est bonum. Sed per abnegationem Deo attribuimus, q̃ sit non sensibilis: quoniam sensibile esse includit imperfectionem. Non enim sunt sensibilia per se, nisi accidentia, neque per accidens nisi quæ accidentia in se suscipiunt. Atq; hic modus, per omnis imperfectionis abnegationē sic Deum cognoscendi, pro hoc statu nobis est facilis & familiarissimus: quemadmodū pulchrè id declarat diuinus ille Theologorum facillè Princeps

ceps Dionysius Areopagita in iis quæ super Diuinis nominationibus descripsit. Alius est modus, quo Deum cognoscimus secundum superexcellenciam, ut cum ex re quam conspiciamus oculis, & ut pulchram atq; amabilem ætiamus per uirtutem intellectus agentis, se super huiusmodi phantasma & æstimationem conuertentis, efformamus in nobis speciem talis cuiusdam rei quæ sit summe pulchra, summe iucunda, summe amabilis, summe desiderabilis, ita ut non possit res cogitari pulchrior, neque iucundior, &c. Ita cum uidentes ignem fortiter agere, & Solem potenter in his inferioribus & mirabiliter operari ex phantasmate huiusmodi, per uirtutem agentis intellectus efformamus in uobis speciem alicuius rei maximè actiuæ, ita quòd nulla res possit esse æquè actiua, & ipsa sit omnibus magis actiua. Sic ex re modicæ durationis intelligimus ens maximæ & longissimæ durationis, ex re modicæ perfectionis rem maximæ perfectionis, cui nulla dari possit res æquè perfecta, & quæ omnibus aliis est perfectior: sicq; in omnibus aliis conditionibus, quas in creaturis cognoscimus ali quid perfectionis habentibus. Et horum ferè modorum altero comparatur in nobis omnis quæ de Deo naturaliter contingere potest cognitio.

*Dionysius
Areopagi
ta*

*Cognitio
Dei per
excellen-
tiam.*

CAPVT X.

Quomodo Deus cum secundum se maximè sit intelligibilis, à nobis tamen difficilimè cognoscatur.

NOtandum tamen quòd huiusmodi cognitiones non sunt intellectui humano secundum suam excellenciam simpliciter naturales, sed tantum propter colligationem cum hoc corpore, pro statu isto, in quo nihil potest intelligere nisi ex sensibilibus & phantasmatibus. Alio qui ipse Deus per semetipsum est maximè ab intellectu perceptibilis, & post Deum Angelicæ creaturæ magis sunt quàm corporeæ intellectu perceptibiles. Cum enim ens siue uerum (quæ ad inuicem conuertuntur) obiectum sit intellectus, quemadmodum color uisus consequitur,

*Deus per
se maxi-
me cogno-
scibilis est
ab intelle-
ctu.*

tur, quo unumquodque habet perfectiorem entis naturam & perfectiorē entitatem, eò magis esse ipsum perceptibile intellectu, quemadmodū id quod maximè habet coloris naturam (id est, perfectissimus color) per se est maximè uisibile: item & maxima perfectissimaq; lux quātum est ex parte sui, maximè est uisibilis. Verū sicut in his sensibilibus non semp id q̄ ex se maximè uisibile est, pōt maximè à sensu uideri, pp̄ imperfectionem organi, uel debilitatem sensuum, ut maxima & fulgidissima lux Solis minime potest ab homine uideri, non quidem ex parte ipsius huius lucis, quā nihil est magis per se uisibile, sed ex imperfectione uisus nostri, qui tam excellens sensibile non potest ferre. Ita profectò nobiscum quantum ad intellectum res habet, donec sumus in corpore mortis huius. Corpus .n. hoc quod corrumpitur (iuxta Sapientis uerbum) aggrauat animam, & deprimat terrena inhabitatio sensum multa cogitantem. Tamen si enim Deus ipse per se maximè sit intelligibilis à nobis, corporeæ autem creaturæ per se minimè: nos tamen econtrariò, quod maximè per se est intelligibile, ægerrimè, difficillimèq; intelligimus, quæ uerò minimè multo facilius. Similes .n. sumus nocturnis & uespertilionibus, quæ lumē præclarū diei ægerrimè conspiciunt, noctis aut tenuissimo lumine gaudent. Et quēadmodū humanus uisus melius faciliusq; Solis imaginem conuuetur in aqua relucens, quam Solem ipsum in sua substantia, eò quod tam lucidos radios directè in se reflexos non ferat oculus: ita lucem illam beatissimam primò ex se intelligibilem, melius in speculo & in sua imagine (id est, in creaturis) aliquo modo repræsentatam, quam in se ipsa cognoscimus. Hoc enim est, quod de sapientibus quibusdā

Rom. 1.
Quantū
intellectus
proficiat
adueniēs
gratia spi
ritus san
cto.

Romanis scribens ait Apostolus: Quod notum est (inquiens) Dei, id est, de Deo manifestū est in illis. Deus .n. illis manifestasset cognitionē, subiungit: Inuisibilia enim Dei, à creatura mundi, per ea quæ facta sunt intellecta cōspiciuntur: sempiterna quoque eius uirtus & diuinitas. Hæc enim sensu inæquaquam perceptibilia per creaturas & in creaturis uelut in quibusdā speculis, intellectus eorum

rum perspicax & admodum exercitatus in depurandis phantasmatibus & abstrahendis materialibus conditionibus, quātū opus erat cognouerat, ut non esset eis relictus excusationis locus. Cum uerò huic lumini naturali intellectus agentis, additum fuerit lumen aliud spiritualis gratiæ, missum de super, tum uerè mirabilis efficitur intellectus ipseus agentis perspicacitas, ita ut iam non solū in speculo creaturarū, uerum etiā aliqua ex parte incipiat in semetipso Deus ab homine cognosci. Est. n. sancti spiritus gratia intellectui agentis in adiutorium, propter nimiam ipsius solius debilitatē: quemadmodum si in oculum aliquem infirmum aquā infundas rosaceam, uel aliam magnæ uirtutis, quæ oculum prius Solis lumen non ferrentem, nisi in imagine (ut in aqua uel speculo) ita confortet, ut eum iam possit in sua rota contueri. Cum autem tali lumine superno ad intus fuerit intellectus agens, poterit in intellectu passibili efformare Dei similitudinem, absque conuersione ad phantasmata: conuertendo scilicet sese ad ipsum Deum: quod alioqui tali non adiutus lumine, minimè ualeret: quemadmodum oculus sic aliquo auxilio confortatus, non per conuersionē ad Solis imaginem ultrā acciperet speciē eius, sed per cōuersionem ad ipsummet Solem in sua substantia & fulgore. Et in futuro, quando olim perficietur in nobis lumen istud supernaturale, quod nunc per spiritū diffunditur in electorū cordibus, fidei ænigmatica obscuritate conuersa in claritatem aperte uisionis, perfectissime tunc Deum absque mētis reuerberatione cōtuebimur, facie ad faciē sicuti est: tanq̃ si usque adeo hominis cōfirmetur oculus, ut di rectissime possit acie uisus in rotā Solis, in tota sua uirtute per meridiei tps relucētis intēdere absque ulla reuerberatione. Et commutabitur tunc quidem in nobis ordo intellectus modo mirabili, ut quomodo nunc primum intelligibile, Solem æternum & incorporeum, in corporeis imaginibus tenuiter cognoscimus, ita tunc e contrario corporea omnia in illa corporea luce contueamur. Omnia nauque in eo ut in speculo perfectissimo uidebimus, & multò perfectius uidebimus, quam ea in semetipsis ualeamus cognoscere,

DE INTELLECTV ET

scere, quemadmodum etiam omnia in Deo perfectius existunt, quàm in semetipsis. Sed nos iam ab hac profundissima Theologia pedem retrahentes, ad reliqua intellectus agentis describenda officia stylum reducamus.

CAPVT XI.

Quomodo intellectus aliquando singulariter aliquando uniuersaliter intelligit.

Habet autem intellectus uarias in sese operationes. Intelligit enim singulariter aliquando, aliquando uniuersaliter, aliquñ concretè, aliquñ abstractè. Et sc̃m hæc.

Diuiditur cognitio intellectiua in singularem & uniuersalem, concretam & abstractam. Et si membra ista adinuicem uoluerimus commiscere, quedam est cognitio abstracta singulari, quedam abstracta uniuersalis, quedam concreta singularis, quedam concreta uniuersalis.

Cognitio intellectiua singularis.

Cognoscit intellectus singulariter, quando notitiam format in seipso, unius alicuius rei singularis tantum representatiuam, & non alicuius rei communis neque pluriũ singularium simul: ut est notitia qua hunc hominem singulariter intelligo, quæ in uoce respondet huic dictioni, hic homo, uel Ioannes. Vno enim conceptu, unaque notitia singulari nõ potest nisi una res singularis repræsentari. Videntur autem dicere nonnulli, quòd intellectus talem operationem in se non habeat singularem, existimantes hoc ad sensum tantum pertinere, cognoscere singularia singulariter, intellectum autem nõ cognoscere singularia singulariter, id est, cognitione singulari, sed uniuersaliter tantum, id est, in cognitione uniuersali. Probabilius tamen est & uerisimilius intellectum etiam singulariter (ut diximus) posse singularia intelligere, & primam intellectus cognitionem esse singularem. Differentia autem inter sensum & intellectũ hæc est, quòd sensus solum singulariter apprehendit. Intellectus uerò non dico singulariter, sed non solum singulariter, uerum etiam uniuersaliter cognoscit. Tamen hoc notandum, est, quòd licet notitia singularis pro statu huius uitæ sit in intellectu prior tempore, secundum tamen intellectus

Discrimẽ inter sensum & intellectum

lectus naturam, infima est. Multò enim digniori fungitur officio intellectus, quando efficit in seipso operationem qua superat sensum, quàm tunc cum efficit eam in qua cum inferiori potentia sensitiva communicat. Vnicuique enim rei illa actio magis secundum suam naturam competit, quæ ei est peculiaris, & per quam distinguitur ab alijs. Quapropter magis propriè dicitur operatio intellectus cognitio uniuersalis, in qua sensum excedit, quàm singularis, in qua cum eodè communicat. Et secundum hunc modum rectè salua ueritate intelligi possit prædicta positio, dicentium intellectum non cognoscere singulariter, intelligendo intellectum fin suam naturam & propriam conditionem non singulariter cognoscere. Veluti si dicamus hominem non sentire, aut sentire non esse humanam operationem, intelligendo de operatione hominis secundum quod homo est & cetera animalia superat. Hanc autem notitiam singularem facillimè intellectus in se efformat, propter similitudinem maximam phantasmatum & talis notitiæ. Cognoscit autem intellectus uniuersaliter, quādo in se ipse efformat notitiā non unius alicuius indiuidui, sed plurium simul repræsentatiuam, uel unius alicuius rei communis, in qua plura singularia cōueniunt. Talem autem cognitionem intellectus agens formāt in intellectu passibili, per abstractionem à conditionibus materialibus, deputando uidelicet speciem, qua fit notitia singularis, à conditionibus huiusmodi indiuiduātibz: quæ species sic deputata & abstracta repræsentat intellectui, non rem unam singularem, sed rem aliquam communem, in qua multa conueniunt singularia, & simul omnia singularia quæ in communi illo conueniunt. Quod ut fiat clarius, subiiciemus manifestum exemplum. Cum enim hunc hominem (utpote Ioannem) singulariter intelligo, non simpliciter in eo naturam humanam considero, sed tale indiuiduum sub conditionibus singularibus indiuiduantibus, quod hic est, & nunc, & talis coloris, ac tali dispositione dispositum, intelligo: & in quocunque hæ eadem conditiones indiuiduantes non reperiuntur, id non simul eadem notitia intelligo. Et cum

*Cognitio
intellecti-
ua uniuersalis.*

condi-

DE INTELLECTV ET

conditiones indiuiduantes non nisi in isto singulari inueniantur, ideo hoc solum indiuiduum tali notitia singulari intelligo. At uerò cum intellectus agens super hanc notitiã eiusque speciem se conuertens, incipit speciem illam atque notitiã deputare ab eiusmodi conditionibus particularibus, abijciens quidquid est singulare, & solum ipsam spectans quæ est indiuiduo, naturã humanam, ita efformat speciem intelligibilem cognitionis uniuersalis effectiuã, quæ ipsam humanam naturam repræsentat, & generaliter omnia quæ in hac natura conueniunt. Experimur autem hoc manifestè in nobis, frequenter ex singulari notitia formari cogitatum uniuersalem, singulari omiſſa: quemadmodum si ambulauit nobis per plateam contingat uidere in fenestra sedentem simiam, primùm quidem indubie notitiã singularem huius simiæ quam uidemus accipimus: mox uerò abstrahentes à conditionibus indiuiduantibus, de simia generaliter cogitare & loqui incipimus, mirabile animal esse simiam, & simiam esse imitatricem humanorum operum, simiam uultum habere uultui humano persimilem, & in multis gestibus admodum uideri rationi propinquã, atque alia huiusmodi cogitamus ac dicimus, nihil tamen ultra in particulari huius conspectu simiæ mentionem facientes.

CAPVT XII.

De notitia concretina & abstractina.

Notitia cōcretina. **I**nterdum uero intellectus in seipso format notitiã concretinã, cum uidelicet simul & subiectum & formam uel indiuiduum, & naturam, una notitia apprehendit.

Vt cum intelligimus hoc album, hoc dulce, hunc hominẽ, hanc simiam &c. In his enim non aliqua forma, uel natura sola, sed pariter subiectum cum forma, & indiuiduum cum natura, una notitia apprehenditur, Nam hoc album si explicetur, tñ ualet, quantum hæc res habens albedinẽ, uel hæc albedinem: & hoc dulce, hæc res habens dulcedinẽ, uel hæc dulcedinem: hic homo, hæc res habens naturam humanã: atque huiusmodi sunt notitiæ concretie & singulares.

Talis

Talis autem est, omnis apprehensio sensus. Non enim uisus hunc colorem separatim apprehendit, absque subiecto in quo est: sed ipsum subiectum ut album intelligit, id est, hoc album. Visus enim rem habentem colorem apprehendit, non separatim colorem: tametsi non nisi ratione coloris ipsum uideat: sicque color id quod per se & sui ipsius gratia percipitur. Quod autem sensus ita singulariter concretive cognoscat, argumentum est, quoniam animalia de coloratis rebus iudicant, non de coloribus. Neque de sono, sed de rebus sonantibus. Unde plerique hominum nesciunt omnino, an sit color, uel sonus, uel odor. Et si quæras ab homine solo sensu utente, quid uideat, responsione promptissima mox respondebit, se hanc rem, aut illam uidere, utpote arborem, aut domum, aut similem aliquam substantiam non autem ipsum assignabit colorem. Nisi forte subtiliores aliqui, non ex sensu, sed ex intellectu colorem à subiecto abstrahentes, respondeant se colorem huius aut illius rei uidere. Verum hæc responsio manifestè ex intellectu procedit, non ex sensus iudicio. Ex quo patet, quod cognitio singularis concretiva, omnium infima est intellectus operatio, quoniam in ea (ut supra diximus) cum sensu communicat.

Cognitio autem abstractiva est, qua intellectus separatim ipsam formam intelligit absque materia, uel sine subiecto in quo secundum rem existit, aut naturam absque individuo in quo est.

Cognitio abstractiua.

Habet enim hanc uim intellectus agens, ut ex cognitione concretiva representante subiectum simul & formam possit formare speciem solius formæ representatiuam, per quam distinctè ac separatim formam possit intelligere absque subiecto. Talis est cognitio qua cognosco hanc albedinè, hunc sonum, hunc odorem. Et in hac notitia exceditur sensus ab intellectu, quoniam sensus nequit à materia abstrahere, sed solius est intellectus hoc officium. Et licet superius dictum sit phantasticæ uirtuti conuenire compositionem & diuisionem, non tamen diximus illi omnem diuisionem conuenire. Potest enim (ut diximus) species in imaginatiua seruatas rerum in exterioribus sensibus perceptarum simul

mul componere adinuicem & diuidere, ut humano capiti seruicem equinam iungere, & uarias coniungere formas, item hominem sine collo, & sine uentre effingere. Nō potest tamen formam à materia, aut accidens à suo subiecto diuidere, quoniam una eademq; specie subiectum & accidens, simul una sensatione percipiuntur. Sicut autem exemplis iam declarauimus cognitiones intellectiuas singulares, quasdam esse concretiuas, quasdam abstractas: ita & de uniuersalibus est intellectationibus dicendum.

Cognitio
concreta u
niuersalis

Interdum enim uniuersaliter & concrete intelligimus, quando uidelicet non ipsam communem naturam seorsum & diuisim, sed pariter cū illis in quibus inexistit, intelligimus.

Vt cum intellectus in se ipso generalē hominis facit notitiam, cogitando non de aliquo particulari homine singulariter, neque etiam de ipsa in se humana natura, sed generaliter de eo quod in se habet humanam naturam. Homo enim si resoluitur, ualet habens humanam naturam, uel in diuiduum humanæ naturæ. Item cum generaliter albi formamus notitiam, non huius albi particulariter, neque albedinis ipsius abstractæ, sed generaliter albi huiusmodi notitiæ uniuersales sunt & concretivæ.

Cognitio
uniuersa-
lis abstra-
cta.

Vniuersaliter uerò & abstractè intelligimus, cum ipsam illud commune, in quo multa particularia conueniunt cognoscimus, absque cognitione eorum in quibus communis talis natura existit.

Vt cum absolute humanam naturam cogitamus, de nullo homine cogitantes, sed tantum ipsam naturam illā omnibus hominibus communem (in qua omnes particulares homines conueniunt) in semetipsa consideramus; huiusmodi cognitio utique abstracta est. Similiter cum in generali albedinem intelligo, non facta comparatione, ad aliquid cui insit, abstracta quodāmodo cognitio est, quantum ad subiectum: quoniam uidelicet nullum subiectum cointelligitur. Signanter dicimus talem cognitionem esse quodāmodo abstractā, uidelicet, quantum ad subiectum. Nā albedinis conceptus generalis non penitus abstractus est, sed est partim cōcretus, comparatione uidelicet ad sua indiuidua, id est, ad particulares albedines. Quomodo enim omnes

omnes particulares homines in una natura conueniunt, quod dicitur natura hominis uel humana; sic omnes particulares albedines conueniunt in una communi natura specifica quam appellamus naturam albedinis. Quapropter, sicut se habet homo ad sua individua, ita se habeat albedo ad particulares albedines. Sicut ergo uniuersalis notitia hominis est concreta, eo quod simul naturam & ea in quibus natura illa inuenitur, particularia individua representet: ita & notitia communis albedinis simpliciter concreta est quantum ad individua, id est, hanc & illam albedinem, non autem quantum ad subiectum. Illas enim simul cum natura communi albedinis representat, à subiecto autem abstrahit.

CAPUT XIII.

Quare dicantur abstracta concreta, & de duplicibus abstractis.

Quare autem huiusmodi notitiæ dicuntur abstractæ seu concretæ, aut abstractiæ, uel concretæ, non ad modum obscura ratio est: quoniam uidelicet notitia quæ abstracta dicitur uel abstractiua, abstrahitur, & auellitur à subiecto, ita ut formam representans non simul representet subiectum: uel naturam communem representans, non simul representet singularia, quæ in ea communicant. Concreta autem notitia dicitur, à concernendo quod simul respiciat siue concernat subiectum & formam, uel in diuiduum & naturam.

Cum autem sit omnimoda abstractio, tam scilicet ab indiuiduis quæ à subiecto, talem notitiam appellant abstractam ultimam abstractione.

Cuiusmodi est notitia humanitatis, quæ magis non potest etiam ulterius abstrahi, & postquam notitiam non potest fieri ulterior abstrahitio. Aliam dicunt notitiā abstractam abstractione non ultima.

ultima, cuiusmodi est notitia communis albedinis, quæ licet à subiecto sit abstracta, nondum tamen à singularibus: & ideo potest fieri ulterior abstractio, dicendo, natura albedinis: quæ proprio nomine efficto non male appellant (ad rei significationem commodius exprimendam) albedinitatem. Hæc autem abstractio est ultima, post quam ne-

Dequit

Quid non ultima.

qui fieri ulterior. Secundum prædictā uerò considerationem etiam dialectici abstracta aut concreta appellāt suauocabula, iuxta, quod abstractiuā uel concretiuam habent significationem, ut nomen albus concretum appellant, albedinem uerò abstractum, sed abstractione non ultima: humanitatem autē uel albedineitatem, abstractione ultima.

Quo uerò modo & qua ratione id fieri possit, ut intellectus agens circa idem phantasma operans, & ad idem penitus phantasma se conuertens, possit in se formare ita diuersas notitias (uidelicet modo abstractiuam, modo concretiuā, modo uniuersalem, modo particularem) tamen difficile captu uideatur, per exemplum tamen sensibile luminis super colorem cadentis, utcumque poterit fieri manifestū. Quemadmodum enim in splendidis columbæ pennis, diuersas cōtingit apparere colorum differentias, iuxta quod lumen super ipsas diuersimode cadit, & iuxta quod oculi ad ipsum respectus siue conuersio uariatur: ita existente in phantasia eodem phantasmate, intellectus potest uario modo se ad ipsum conuertere, & uelut modis uariis ipsum illustrare, iuxta quod intelligere uult, uniuersaliter uel particulariter, abstractē uel concretē: atque ita secundū uariam hanc conuersionem, uarias producit species in intellectu passibili, uariasque notitias efformat.

III CAPVT XIII. De memoria intellectiua.

QVemadmodum autē in rebus naturalibus uidemus, id quod à forma in materia efficitur, à materia, & in ea conseruari: itemq; in sensibus iam supra ostēdimus, species sensibilibus exterioribus sensibus perceptorū, in imaginatiua seruari, & intentiones phantasticæ uirtutis in memoria sensitiua: ita de intellectu passibili dicendum est, quod non solum specierum sit ab intellectu agente productarum susceptiuus, uerum etiam susceptarum conseruatiuus: ita ut possit species intelligibiles (et cum actu non sit intellectio) in se reseruare ad quas cū intellectus agens se uoluerit conuertere, sit intellectus in actu, per eiusmodi species

species non de nouo formatas, sed in ipso seruatas, tantum per nouam conuersionem intellectus agentis super ipsas, ad eum modum quo phantasia cum se conuertit super species uel intentiones seruatas in memoria, efficitur in ipsa phantasiatio atq; æstimatio, absq; nouæ speciei uel intentionis productione, tantum per ueteris resumptionem & nouam sui conuersionem. Et hæc est intellectiua memoria, quæ in homine ponitur. Omnis enim necessitas cogit fatèri nos, quòd sit in homine præter memoriã illam sensitiuã (de qua supradictum est priori libro, quæ suã sedẽ habet in organo corporeo, uidelicet in posteriori uentriculo cerebri) alia memoria, tanto superior, quanto intellectus superior est phantasia, pro conseruatione uidelicet specierũ intelligibilium ab agente intellectu efformatarũ, sicut illa est cõseruatiua intentionũ phantasticarũ, & sensibile ab æstimatiua siue phantastica uirtute elicitarũ. Impossibile. n. foret, species intelligibiles (quibus mediantibus fiunt intellectus operationes) seruari in organo corporeo sicut foret impossibile, species sensibiles siue intèriones cõseruari in intellectu. Sunt. n. hæc crassiores, q̃ ut altissimam intellectus potentiã possint ingredi: & illæ nobiliores sunt, q̃ ut incorporea crassa & materiali possint seruari. Et quia hæc memoria secũda nobilior intellectui seruit, intelligibiles species & intentiones cõseruãdo, idcirco ad differentia alterius memoratiue uirtutis appellari solet memoria intellectiua, ut illa a sensu (cui seruit & cui species intèrionesq; retinet) dī memoria sensitiua, uel corporea. Est quæ inter has duas memorias differentia tanta, ut possit altera a corpore separari, altera non possit. Quæ. n. corporeũ habet organũ, & sensitiua memoria dicitur deficiente corpore, & ipsa deficit, quẽadmodũ ceteræ illæ oēs potetie quæ organa habet corporea, simul cũ corpore creditur iterire. Intellectiua autẽ memorię corpore moriente in aia permanet, & ea quæ seruat nõ perdit, sed retinet: eo quòd imateriales sit potentia, & nulli corporeo organo alligata: Neutra aũt harũ duarũ memoratiuarũ uirũ sola homini sufficeret pro statu huius uitæ pp̃ duplicẽ in homine cognosciti-

*Memoria
intellecti
ua.*

*et ceteris
et ceteris*

uam uirtutem, sensitiuam. scilicet & intellectiuam. Propter quod, duplici etiam memoratiua opus erat. Neque enim memoria sensitua posset intelligibiles species conseruare, neque intellectiuas species intentionesque sensibiles.

LIB. CAP. XV.

An memoria intellectiua distinguatur ab intellectu.

*Dubitatio
de memo-
ria intel-
lectiua.*

CAeterum an hæc potentia, de qua nunc loquimur, intellectiua uidelicet memoria, uere realiter distinguatur ab intellectu passibili, id profecto difficultate non caret. Sunt enim in utraque parte probabiles rationes. Pro distinctione enim reali facere uidetur, quod conseruare & suscipere in sensibus nusquam uidetur ad eandem potentiam pertinere. Sensus enim exteriores recipiunt primo, & ab illis sensus communis, non autem conseruant: sed habent imaginatiuam conseruantem. Item æstimatiua (quæ recipit in se ipsa intentiones, quas elicit ex speciebus imaginatiuæ) adiunctam habet conseruantiam memoriam. Et certum est in sensituius potentiis, memoriam conseruantem realiter distinguui ab æstimatiua. Videtur ergo (nisi ratio possit dissimilitudinis debita assignari) etiam ita de intellectu & intellectiua memoria dicendum. Præterea, si species intelligibiles conseruarentur in ipsomet intellectu, non indistincta potentia: quæ esset causa, quare non semper intellectus intelligeret actu omnia quorum haberet species. Tunc enim sit sensus in actu, quando habet in se speciem sensibilem. Itæ, quomodo non impediretur intellectus à recipiendis, nouis speciebus & comparandis notiis nouis rerum non antecognitarum, cum plenius esset speciebus apud se contentis? Nam intus exiens prohibet extraneum. Item quomodo saluabitur in homine ratio imaginis, quæ secundum tres istas potentias, memoriam, & intellectum, & uoluntatem, solet in homine ab orthodoxis patribus assignari, si eadem est memoria cum intellectu? Hæc ferè sunt, quæ pro diuersitate solent adduci. In contrariam autem partem, pro identitate reali multum consideratione nostram mouet nobilitas intellectus humani, qui per se uidetur sufficiens ex sua natura

Opinio contraria.

tura ad fungendū officio illo, cuius gratia alii uolunt nouā
 ponere potentiā. Et quia non est absque necessitate uel uti-
 litate euidenti cōstituenda pluralitas si omnia cōmodē sal-
 uari possint absque reali distinctione; uidebitur id magis
 ad nobilitatem humani intellectus pertinere, quod talis in-
 terimatur distinctio. Supra enim ostendimus, quanto pau-
 cioribus potentiis, & formis res quælibet attingit maiore
 perfectionē, tantō eā esse nobiliore. Vnde si eadē omnino
 & tota perfectio dicatur homini cōuenire per duas has tm̄
 potentias, quam alii per tres illas realiter distinctas dicunt
 conuenire, aliquo gradu eleuatur dignitas animæ rationalis.
 Illa uero quæ pro reali diuersitate obiecta sunt, facile
 uidentur cōgruis responsionibus dissolubilia. Facile enim
 qui pro identitate loqui uoluerit, respondebit intellectu
 ob suam perfectionem id habere peculiare (quomodo mul-
 ta alia habet etiam maiora) ut simul & suscipere in sese
 conseruare in semetipso possit, tametsi id in sensitiuis ui-
 bus minime inueniatur. Itemq; perfectioni ascribi pote-
 rit intellectus, quod species priores, conseruare possit abs-
 que prohibitionē aduenientium. Nam intus existens pro-
 hiberē extraneum, manifestum est de corporeis intelli-
 g. spiritualibus nanque, mille angeli in loco aliquo existen-
 tes, non impediunt quin & alij mille adueniant in eodem
 penitus loco. Item quod obiciunt, intellectum semper fo-
 re in actu per illas species quod semper eas haberet presen-
 tes, respondebunt alij, malo inferri consequio. Non enim
 sufficit speciei inexistētia, nisi fiat intellectus ad ipsam
 speciem conuersio. Imō & in sensu exteriori cōtingere po-
 test, ut specie in oculo recepta, non fiat actu uisio. Ratio
 quoque imaginis per distinctionem rationis satis pōt salua-
 ri, ut illa rationis diuersitas quæ est inter memoriā & in-
 tellectum absque differentia reali, similitudo quæ dā sit di-
 uersitatis personalis, quæ est inter patrē & filium absque di-
 stinctione essentiali. Vel assignabitur trinitatis imago in me-
 moria, intelligentia (id est, actu intellectus quæ ex memo-
 ria gignitur) & amorē intelligentiam ex memoria conse-
 quente. Nos uero impræsentiarum nihil super hac re fir-

*Solutio o-
 bjectionū
 prioris o-
 pinionis.*

*ad m. 2.
 ad m. 3.
 ad m. 4.
 ad m. 5.*

ma asseueratione definire uolumus, contenti dubium & dubij causas proposuisse: tamen ex præcedenti capite nos idē titati magis fauere indicauerimus. Hoc tantum certum relinquimus, intellectiuam memoriam esse ponendam.

CAPVT XVI.

De multis, in quibus, ratione intellectus, homo cetera excellit animalia.

Q Vanquam ex prædictis liqueant quædā præcellētiæ, quibus superat homo ratione intellectus cetera animalia, utpote quod intellectus in seipso possit efficere species omnium rerum intelligibilium, cū non possit sensus efficere ī se species rerum sensibilium: itē quod possit uniuersales & abstractiuas notitias in seipso formare, quod non potest sensus, & alia quædam huiusmodi: ad pleniorē tamen intellectuā naturæ cognitionem, uolumus, & alias quasdam hominis excellētiās super animalia cetera distinctius aperire, quæ illi ratione intellectus cōueniunt. Inter quas una nō minima est, q̄ homo nō solū uoces audire potest, sed uocū ēt significationem percipere, resq; significatas per ipsas uoces apprehendere. Id. n. nulli aliorum animalium præterquam homini datum est. Bruta nanq; animalia uoces quidem audire possunt, ut sunt quidā soni (nimirum quomodo alios sonos rerum audiunt inanimatarum) significationes autem uocum non percipiunt, uocum dico ad placitū significatiū. Et licet uocum quarundā uideatur significationē percipere: ut gallinæ, cū certa acclamatione ad pastum uocantur: equi, cum in curru certis aurigæ uocibus, uel procedunt, uel sistunt gradum, item canes, cum suis nominibus, quibus appellari solent, à suis domesticis uocati accurrunt, non est quod significationem intellectu percipiant, sed quia per consuetudinē hoc ita est illorum phantasie impressum, ut cum talia audiāt nomina, debeāt uel accurrere, uel fugere, uel procedere, uel figere pedem. Quod autem non percipiant hæc animalia significationē uocum hmōi, manifesto probatur indicio in canibus illis, quos

Solus homo uocum significatione percipit.

quos sic edoctos uidemus, ut nihil accipiant cibi, nisi quod nomine certæ personæ, aut certarum personarum eis porrigitur: quemadmodū sub nomine Cæsaris, aut Regis, aut alterius alicuius, cuius nomē fuerit ipsorū impressum phātasiæ. Cum .n. cibum albatum (audito nomine Cæsaris, uel Regis illius in cuius nomine institutus est) acceptat, ac manducat caniculus, non hoc inde est quod intelligat quid nomine Cæsaris aut Regis significetur. Neq; enim quid Cæsar sit, neq; quid Rex nouit, neq; minus sub trunci aut uespertilionis nomine faceret si sic esset institutus. Sed propter consuetudinem multis uerberibus & multa ieiunij maceratione acquisitam in æstimatoria ita naturaliter mouetur ad certas actiones ad quas fuerit edoctus, siue uerius, assuefactus: non autem, quod ullam uocis significationem percipiat. Et quomodo per assuefactionem fieri potest, ut irrationalia quædā certas uoces pronunciare discāt, nequaquam aut ut quod proferunt intelligant, aut significationē uocis percipiant: ita in proposito. licet per assuefactionem instituuntur ad certarum uocum auditum hoc uel illud agere, non tamen possunt ita edoceri, ut significationem uocis intelligant. Hæc ergo est hominis præcellentia, ratione intellectus, ut solus possit uocum ad placitum, significantiū percipere significationem. Quod aut de uoce dicitur, idē & de scriptura intelligitur. Imo & de nutibus certis ad placitum significantibus, quibus homines multos, uel linguā ad uerba laxare nolentes uidemus sui animi conceptum exprimere, eisdē loco uocum aut scripturarum utentes. Hæc enim omnia, scilicet uoces, scripturæ, nutus ad placitum significantes, non nisi illis cōueniunt in usu quæ intellectui sunt prædita. Quæ autem sensum tantum habent, non nisi illarum uocum significationes percipiunt, quæ naturaliter sunt significatiuæ, aut quæ ex consuetudine (quæ altera est natura) aliquo modo eis significant.

CAPVT XVII.

Quod solus homo docere uel doceri possit, deq; duplici Magisterio.

EX quo deinde alia consequitur hominis præcellentia

*Quomodo
homo ho-
minem do-
cebat.*

solum uidelicet hominem esse capacem disciplinæ, solūq;
hominem inter omnia animalia posse docerē uel doceri.
Omnis enim instructio fieri debet per signa aliqua ad pla-
citum significantia, quæ dum ex parte una docens propo-
nit discipulo, & ex parte altera discipulus accipit à do-
cente, percipitque significationes signorum quæ illē pro-
ponit, ita in intellectu comparat sibi rei quam docetur no-
ticiam. Vnde nisi signa aliqua communia habeant doctor,
& discipulus quæ ab utroq; intelligātur, impossibile est fie-
ri doctrinationē. Veluti si doctor utatur sermone Indico
aut Arabica scriptura, cū docendus non nisi Latine noue-
rit, impossibile erit sic doceri discipulum: De modo tamē
docendi notandum est, quod cum homo uos alterū docet,
ipse docens non format in discipulo speciem intelligibilē
rei quam ipsum docet. Est .n. id homini pro hoc statu im-
possibile, ut per suam actionem imprimat speciē, uel cogni-
tionem in intellectu alterius. Sed docens tantum ministrat
discipulo, unde sibi formet speciē rei quam ipsum docet,
& unde intellectus ipse agens in passibili efformet noti-
tiam eius rei quam docet doctor. Volumus autem hæc in-
telligi de instructione illa, qua homo hominem docet, ni-
mirum quod homo docens non possit intellectu discipuli
speciē imprimere, neq; noticiā efficere, signisq; egeat
quibusdam, ut per illorum ministerium docere possit (ue-
luti mediare) discipulum. Deus enim benedictus cum in-
tellectui nostro insederit, per fidē (iuxta Apostoli uocē)
in corde nostro inhabitans, uerē efficere potest in nobis
cognitionem oīum eōrum quæ ipse nos docere uoluerit,
absq; ullis signis uocū aut scripturarum. Qua in re paten-
tissima est hominis foris uerbo uel scripto docentis diuer-
sitas, ab eo qui mēti insidens hominē docet interius. Ille
.n. tm̄ ut minister laborat, intellectui subministrando un-
de sua uirtute possit in se formare rerū cognitionem. Hic
uero non ut minister, sed ut principalis effector, operat̄ in
nobis rerū cognitionē. Vnde de eo scriptū est. Qui docet
hominē scientiā. Et iterū unctio eis docebit uos de oībus.
Acrursus ex ore ueritatis. Cū ueritate paracletus, quē ego
multum

*Deus quo
modo do-
cet.*

Ephe. 3.

Pf. 93.

1. Ioan. 2

multum uobis, docebit uos omnem ueritatem, docebitq;
 uos omnia quæcunque dixerò uobis. Nam (iuxta beati
 Gregorii sententiã) mox ut tetigerit mentem spiritus,
 docet: solumq; tetigisse, docuisse est. Neque ullis eget do-
 ctor iste signis, quibus hominem doceat: cum homo homi-
 nem docens egeat uocibus, uel scripturis, uel ut minimum
 nutibus. Cuius quidem diuersitatis causa oritur ex prædi-
 ctis. Quia enim Deus interius docens, per semetipsum effi-
 cit cognitionem ueritatis, idcirco signis non eget ministe-
 rialibus. Homo uerò qui per se non potest agere in intelle-
 ctu alterius, signis cuiusmodi indiget, quibus uelut ministe-
 rialiter in altero cognitionem alicuius ueritatis inducat:
 Propter quod, uerius dixerimus discipulum seipsum doce-
 re, q̃ doceri ab alio, ueriusq; seipsum efficere scientem, q̃
 ab alio scientem fieri, cum ipsemet intellectus principalis
 sit effectus talis cognitionis quæ in ipso acquiritur, doctor
 autem exterior tantum ministerialiter cooperetur. Cuius
 etiam est euidentis indicium, quod illos qui boni sunt inge-
 nii & uiuacis intellectus, ex paucissima magistri instructio-
 ne uideamus multò maiorem cognitionem rei de qua eru-
 diuntur acquirere, quam alios minus ingenio pollentes ex
 instructione multo copiosiori. Et in quibusdam frustra om-
 nis impenditur labor, peritq; omnis præceptorum opera,
 cum uidelicet tam est hebes discipulorum intellectus, ut
 non possint ex ullis uel uocibus, uel scripturis ad scientiam
 in se se gignendam pertingere. Atque hinc rursus inter
 docentem extrinsecus hominem, & interius docentem
 Deum, alia differentia est, quòd illi docenti obstat di-
 scipulo hebetudo, huic autem non obstat. Tam enim
 facile est sancto Spiritui, rudissimum maximeq; he-
 betem hominem docere scientiam sua unctione, suo-
 que interno magisterio, quàm hominem ex naturali
 dono felicissimo ingenio præcellentem: id quod in pi-
 scatoribus & telonearijs Apostolis apertissimè ille omnium
 artifex demonstrauit. Videlicet in promptu diuersitatis
 ratio est, quia docens homo principalem gignendæ scien-
 tiæ operationem, intellectui discipuli committit: pro-
 pter

Ioan. 16.
 & 14.
 Greg.

811 AT

Sap. 1.

ter quod si ille impotens fuerit ad formandum in se scientiam ex oblati per instructionem, nihil ultra ualet præceptor, impediturq; fructus instructionis eius. Deus autē per se intellectu hominis cognitionem imprimit, & in eo efficit per seipsum, cui nihil est difficile, & cui nulla res potest esse impedimento in sua actione, cum sit eius infinita uirtus. Per accidens tñ peccata dicuntur impedire hanc interiorē hominis à Deo instructionē, quatenus uidelicet non dignatur Deus in illis operari qui sunt peccatis subiecti, iuxta illud Sapientiae, In maleuolam animam non introibit sapientia, neq; habitabit in corpore subdito peccatis. Quapropter huius internum magisterium super omnia nobis semper optandum est, desiderandum, & uotis omnibus incessanter postulandum. Et multò melius sibi cōsulant, qui per uitam Deo dignam & precem assiduā internum istud sibi student cōparare magisteriū, q̄ ii qui maria enauigant & terras perambulant, ad audiendos doctissimos præceptores, uel qui noctes atque dies legendis libris quantumuis eruditissimorum hominum insistant. Tamen si enim (Hicronymo teste) aliquid habeat latentis energiae uiua uox, & de præceptoris ore in discipuli aures transfusa, fortius sonet, quamuis etiam plurima doceant attentum lectorē scripta ductorū hominū (quibus uelut mutis quibusdā præceptoribus in subsidium uel defectū uiuentiū doctorū utimur), attamen tā illis uiuis quantumuis eloquentissimis, q̄ his mutis quantumuis doctissimis longe fortius, longe efficacius, longe celerius, longe facilius, longe planius ille doctor internum operatur in intellectu hominis, cui infuderit cognitionem omnis ueritatis; id quod in pluribus tam ueteris q̄ noui Testamenti patribus euidentissime monstratū est, atque etiam nunc quotidie ante oculos cernimus, dū homines nō paucos idiotas & simplices, humanæ literaturæ nihil habentes, multò limpidiorē, multò solidiorē, multoq; perfectiorē experimur habere ueritatis cognitionē, ex internæ unctionis magisterio, q̄ habent ii, qui inter homines doctrina habentur celeberrimi. Merito proinde cum paruulo illo ouicularū pastore cantantes dicamus, Bonitatem,

Ps. 118

tem, & disciplinā & scientiā doce me, quia mandatis tuis credidi. Et iterū, Reuela oculos meos, & considerabo mirabilia de lege tua. Dirige me in ueritate tua, & doce me. Vias tuas Dñe demonstra mihi, & semitas tuas edoce me.

Psalm. 24

CAPVT XVIII.

Quòd solus homo componat & diuidat, secundum affirmationem & negationem.

ESt præterea homini ex intellectu hæc præcellentia super animalia cætera, quod solus ipse componat ac diuidat secundum affirmationem atque negationem, unam uidelicet notitiam alteri uniendo per uerbalem copulam, cognoscendo hoc aut illud esse tale uel tale, ut hominem esse animal, animal esse substantiam, Deum esse diligendum, hominem non esse equum. Neque hoc tantum, uerumetiam huiusmodi affirmationes plures aut negationes potestate habet pariter coniungendi per signa aliqua ad cõiungendum apta, uariis modis, iuxta quod ille plures affirmationes, aut negationes natæ sunt adinuicem connecti atque cõiungi, & iuxta quod certam connexionem ille uoluerit significare. Cognosco enim per intellectum, quòd homo sit animal, & non sit lapis: cognosco Deum esse summe bonum & summe honorandum atque diligendum. Item cognosco quòd homo sit mortalis, uel quòd non sit mortalis, cognosco quòd si homo sit animal, sit etiam substantia: & quòd si non sit substantia, nō sit animal. Item cogitando plures huiusmodi affirmationes uel negationes, eam quæ consequitur infero ex illis ad quos cõsequitur, formoq; talem apud me cogitationem. Omnis homo disciplinæ capax est, hic homo certè homo est: ergo est & disciplinæ capax. Et hæc omnia quæcunq; homo sic cogitat, potest similiter per intellectū aptè exprimere, uocibus ad ea significanda aptè effectis, item & scriptura correspondente. Neque ullus potest esse in intellectu cogitandi modus, qualiscunque connexionis, uel copulationis, quam non ualeat uoce ad hoc aptata aut respondente scriptura exprimere. Si enim cogitat indicando,

Nota.

cādo, habet uerba modi indicatiui, quibus exprimat quod intendit uerum aut falsum manifestare: si imperandi: si cogitet, uelut; si fieri aliquid ab altero, habet modum imperandi: si optando cogitet, habet modum optandi. Si de tēpore præsenti aliquid facere aut fieri cogitet, habet præsens temporis uerba, quibus cogitatum exprimat. Si tempus præteritum cogitet, habet uerba temporis præteriti: si de futuro, futuri. Si de pluribus cogitet, exprimet per numerum pluralem: si de unico, per numerum singularem. Sic in personis uerborum, in casibus nominum in significationibus aduerbiorum, potestatibus coniunctionum, & in cæteris omnibus uocibus quomocunque significantibus, est dicendum.

CAPUT XIX.

Quomodo intellectui ratione compositionis & diuisionis inest ueritas & falsitas.

PER hanc autem compositionē, inest intellectui ueritas & falsitas, quæ nulli inest alteri inferiori potentia. Cū enim intellectus format sibi affirmationem uel negationē ueram, est in intellectu ueritas: cum falsam, falsitas.

Est autem affirmatio uel negatio uera, quando ita in intellectu representatur, sicut est in rebus.

Quod tunc quidem est, cum ea sibi affirmationem coniunguntur in intellectu, quæ secundum rerum naturam cōueniunt, & eo modo quo cōueniunt. Ut cum cogito hominem esse animal, uera est intellectus hæc affirmatio, quoniam ita cogito ut res habet: Coniungo enim per intellectum ea quæ sibi rei naturam cōueniunt. Genus enim iungo specie, quæ secundum naturā ad idē spectant. Signanter uerò adiectum est, & eo modo quo cōueniunt. Cum enim cogito, omne animal esse hominem, non est in cogitatione ista ueritas, quoniam ea quæ cōueniunt non eo modo compono quo cōueniunt. Non enim secundum totam suppositorum uniuersitatem genus cum specie cōuenit, atque ideo ita species non debet componi cum ipso secundum uniuersalem denotationem, cum signo uniuersali, sed

tantum particulari. Vera tamen est cogitatio, omnem hominem esse animal, quoniam hic eo modo componuntur, quo secundum rem iuncta sunt, genus & species. Genus enim speciei conuenit, secundum totam uniuersitatem suppositorum siue singularium. Per oppositum facile liquet, quando sit falsitas in intellectu affirmatione.

Est siquidem cum non ita est in re, quomodo in intellectus operatione esse expressio.

Ut cum hominem esse alium intelligo, falsitas inest intellectui, eo quod cogitatio, rei non responder. Non enim ita se res habet, itentum cogito, omne animal esse hominem. Aliter enim se res habet. Fit autem hoc, cum illa iunguntur per affirmationem in intellectu, quæ secundum rem non conueniunt, uel cum ea quæ conueniunt, non secundum eum modum iunguntur quo conueniunt, ut est uidere in exemplis mox adductis.

Secundum negationem intellectui inest ueritas, quando negando ab inuicem disjungit, diuidit ac separat, quæ secundum rem ab inuicem sunt disiuncta, et ea modo quo distincta sunt.

Id. Ut cum intelligo hominem non esse alium, ueritas inest intellectui, quoniam diuido per intellectum, quæ ab inuicem secundum rem sunt distincta, & eo modo quo sunt diuisa. Item cum intelligo quædam animalia non esse homines. Sic enim, diuido speciem à genere, quomodo etiam rem diuisa est, uidelicet secundum aliquam partem suppositorum generis quæ à prædicata specie omnino sunt separata. Cum uero diuido intellectum, quæ secundum rem non sunt diuisa, aut aliter diuido quam sint secundum rem diuisa, falsitas inest intellectu.

Veluti cum cogitauero hominem non esse substantiam, aut nullum animal esse hominem. Ex prædictis patet, quæ ueritas & falsitas per se non sunt nisi intellectu. Quod autem affirmationes uel negationes uocales aut scriptas, dicimus ueras aut falsas, non nisi per accidens est, quoniam uidelicet expressiue sunt uel significatiue intellectiōis ueræ aut falsæ: dicuntur; propositiones uocales aut scriptæ ueræ aut falsæ: tantum extrinsece, ipsa autem affirmatio atque negatio

DE INTELLECTV ET

gatio intellectus intrinsece est uera aut falsa. Quod uerò nec uocali propositioni, nec scriptæ realiter insit ueritas uel falsitas, manifestè patet, quoniam potest uocalis ista affirmatiua, qua affirmo hominem esse asinum, ex falsa fieri uera, absque ulla reali mutatione circa ipsam facta, si tantum mutetur significatio, & impositio alia fiat, qua asinus idè iubeatur significare quod animal. Nam talis noua impositio fieri potest, per uoluntatem hominis absque ulla mutatione reali uocis uel scripturæ illius, homo est asinus.

CAPVT

XX.

Quod bruta non componant uel diuidant, nec ratiocinentur.

QUOD autem nonnulli putant æstimationem potentiam posse in particularibus aliquam affirmationem, uel negationem facere, aut etiam aliquo modo ratiocinari, id ex ignorantia uenit philosophiæ. Quod etiam uulgo dicimus canem iudicare hunc cibum esse sibi conuenientem aut disconuenientem, non ita debet intelligi, quasi talem in se faciat compositionem, in qua rationem appetibilis & conuenientis componat per uerbalem compositionem cum ratione huius cibi. Est enim hoc plane excedens facultatem sensus. Sed hoc significare uolumus, quod cibum illum apprehendat sub ratione conuenientis. Neque enim aliud est quod dicimus. Canis iudicat hunc cibum conuenientem & prosequendum: quam si dicamus. Canis hunc cibum apprehendit secundum rationem uel æstimationem conuenientis, uel prosequendi. Ita cum in biuio canem quidam iudicant ratiocinari: ex mera est ignorantia Philosophiæ, quod naturam sensus ignorēt. Non enim ratiocinatur canis, quasi plures affirmationes ad inuicem componat per conjunctionem inferentem, hoc modo: Hic odor est relictus à lepore, transijt ergo hac lepus qui odorem reliquit. Item, hic uestigium est impressum leporis, ergo hac lepus fugit. Est enim id existimare, plane ridiculum. Dicitur tamen interdum canis id argumentari uel colligere ex odore seu uestigio, loquutione nimis im-

impropria: quatenus uidelicet odoris uel uestigij imaginatio phantasmam mouet ad prosequendum leporem, & quia admodum hominis ratiocinantis se habere uidetur. Relinquitur ergo, in solo homine esse in compositionem & diuisionem secundum affirmationem, uel negationem, item secundum quamcunque conjunctionalem unionem. Et quandoque quidem componit homo ac diuidit de ijs quæ tantum ad speculationem faciunt, non autem ad actionem: & secundum hoc dicitur intellectus speculatiuus, ut cum intelligo hominem esse animal, scientiam esse habitum, Deum esse primum ens, & similia. Quandoque uero intellectus componit, & diuidit in his quæ ad actionem pertinent, & dicitur intellectus practicus, à Græco uocabulo praxis, quod significat actionem uel operationem. Vt cum intelligo Deum esse super omnia diligendum, proximis faciendum quod nobis uelinus fieri, iustitiam in omnibus esse tenendam uel singulariter, nunc dandam esse elemosynam, hunc hominem debere consilio iuari, hoc opus nunc faciendum esse, &c.

Intellectus practicus & speculatiuus.

CAPVT XXI.

Solum hominem per intellectum cognoscere propriam excellentiam & quomodo intellectus seipsum intelligat.

Habet præterea ratione intellectus homo, ut omnem suam excellentiam, quæ in ipso ab optimo creatore posita est, suamque nobilitatem & dignitatem in qua magnifice admodum exaltatus est, ualeat agnoscere, & pro dignitate æstimare atque ponderare. In quo manifestè ab alijs rebus naturalibus omnibus distinguitur. Cælum enim quanquam sit admodum nobile, habeatque incorruptibilitatem & impassibilitatem & summam actiuitatem, non tamen horum quidquam cognoscit se habere. Item Sol quamquam ita est formosus in stola sua, ita gloriosus in splendore suo, ita efficacissimus in uirtute sua, nihil tamen horum se habere cognoscit. Sed neque bruta animalia, perfectionem uirium in ipsis positarum intelligunt. Et quia solus homo potest cognoscere bona quæ habet, soli etiam homini

Solus homo de suo bene non gaudet

con-

conuenit gaudere & lætari pro ijs quæ habet, ceteratū autem creaturarum naturalium omnino nullo de sua perfectione & nobilitate potest lætari uel gaudere. Gaudium enim & læticia confurgit, cum quis cognoscit se habere aliquod bonum. Si autem habeat & non cognoscat, tamen nequaquam inde gaudebit. Vnde cum nulla alia res naturalis præter hominem sua bona cognoscat, gaudere inde non poterit, nisi homo solus, quantumuis magna sint bona, quantumlibet admirandæ perfectiones, quæ in alijs inueniuntur. Quod enim gaudium esse potest Soli (qui tamen est pulcherrima, formosissima, uirtuteque efficacissima creatura) de omni sua pulchritudine, uirtute & præcellentia super astra cetera, cum nihil horum ipse cognoscat. Quale gaudium est herbis & plantis, quod secundum suam naturam digniores sunt & altioris gradus quam lapides & cætera mineralia? Quale gaudium est bestijs irrationalibus, quod præcellant nobilitate sensus arbores atque plantas? Non enim suam excellentiam cognoscunt. Atque idcirco omnes creaturæ quasi in tenebris sunt. Quale uerò gaudium habere possunt, quæ in tenebris sunt, & lumen cœli non habent? Solus homo in lumine est, per lumen naturale intellectus omnia discernens omnia dijudicans, suam excellentiam super omnia alia per intellectum cognoscens. Neque omnino aliquid est in homine quod non ipse per intellectum posset cognoscere, adeo ut etiam seipsum intelligat, ac super seipsum reflectatur & in super actum proprium: quod nulla alia inferior potentia facere potest. Visus enim non potest se uidere, neque sensus communis, neque æstimatoria, neque phantasia seipsam cogitare potest. Item uisus non cognoscit se uidere, neque sensus communis sentire, neque phantasia potest se phantasiari. Vnde nullum brutum potest cognoscere se phantasiari aut æstimari, quoniam deest illi potentia superior per quam id posset. Solus est intellectus, qui seipsum potest cognoscere & cognoscit, qui que solus per suum actum reflectitur, dum intelligit se intelligere. Imò amplius adhuc intelligit intellectus intelligere se, quod intelligat se intelligere. Denique quotiescunque reflectat intellectum super suum

suum actum, poterit semper à seipso apprehendi. Ipse namque intellectus agens, cū sit potens oīa efficere (ut supra diximus) id est, omnīū rerū speciē in intellectu possibili producere sua uirtute, etiā substantiarum immaterialiū, etiā entis primi & felicissimi, quod est Deus, potest & sui ipsius speciē in intellectu possibili efformare, ut sic & ipse cognoscatur sē propriam suam speciē. Et cum (ut supra diximus) ens uel uerum sit obiectum intellectus, quidquid sub hoc obiecto comprehenditur, illius potest in intellectu species efformari: quemadmodū omnis eius quod sub colore (qui est obiectum uisus) cōprehenditur, potest in oculo species produci: sicq; necesse est omne quod sub ente comprehenditur, posse ab intellectu apprehendi atque intelligi. Ac proinde ipsemet intellectus, cū sit res aliqua, potest ab intellectu intelligi, id est, à semetipso. Ipse quoque actus eius, simili ratione, ab ipso est intelligibilis. Omnis quoq; bonitas & perfectio rerum (cum sit ens quoddā) sub intellectus cadit iudicio, & ita cum omnia quæ sub ente comprehenduntur cognoscat, potest ipse diiudicare quid excellentius, cōferendo bonitates illas & perfectiones adinuicem, quemadmodum uisus inter colores discernit, & sensus cōmunis inter omnia exteriora sensibilia. Vbi dum nihil inuenit homo seipso præcellentius, nullam perfectionē tantā in ulla creatura quā in seipso, ita cognoscit homo seipsum (intellectus ratione) cæteris animantibus præstare, atq; cæteras omnes res naturales longo interuallo post sese relinquere.

CAPVT XXII.

Quomodo intellectus ex semetipso Deum potest cognoscere.

NON solum autem intellectus potest quæ sunt inferiora secreta cognoscere, uerum etiam, quæ supra se sunt angelicas substantias, atque ipsis etiam præsentem Deū (ut supra declarauimus) per duos modos, scilicet per abnegationem, & per excellentiam. Quibus tamen nunc etiam tertium adiciamus modum, dicentes, quod intelle-

*Vide quo
modo in-
tellectus
ex seipso
pōt Deū
cognosce-
re.*

Actus agens per semetipsum & ex semetipso potest sibi for-
mare aliquam speciem, per quam Deū intelligat. Cum. n.
intellectus se cognoscens discernit suam perfectionē (quæ
in hoc consistit, q̄ omnia quodammodo potest in se effice-
re & omnibus assimilari, sicque omnia potest cognoscere)
à sua imperfectione (quæ in hoc est, q̄ sit in potentia om-
nia, nō autem omnia actu) ac deinde similitudinem aliquā
in semetipso efformare cœperit superioris alicuius intelle-
ctus, qui actu semper est omnia, omnium in se rationes &
similitudines semper actu habens, & ab æterno sic habēs,
ut non insit in potentia, neque esse possit in potentia ad ali-
cuius speciei de nouo susceptionē, sicq̄; ab æterno semper
actu intelligentis omnia, quæcunque intelligibilia sunt, ut
non possit aliquando intellectionem alicuius rei acquirere
uel perdere, neq̄; crescere, neq̄; minui in intelligēdo: talē
profecto similitudinem talis intellectus admirabilis, in se-
ipso efformans noster intellectus agens, proculdubio spe-
ciem habet & similitudinem, in qua intelligat Deum. Ni-
mirum eiusmodi intellectus perfectissimus & nobilissimus
est Deus, qui purus actus est, & non in eo quidquam potē-
tiæ, actuque omnem in se habet similitudinem, & ab æter-
no habuit: neque quidquam nō dico erit, nō dico fuit,
nō dico est, sed esse potest, cuius nō ipse ab æterno præ-
sentem hēat cognitionem, ita exactā, ita distinctā, ut meus
modo intellectus illud intelligit cuius actu specie tangitur.
Propter quod ēt omnia nuda sunt & aperta oculis eius, iux-
ta Apostoli sancti testimonium: neque quidquam potest
esse illi perfectissimo intellectui occultum, neque præteri-
tum potest obliuisci, neque futura potest nō cognoscere,
tanquam si oculum aliquem fingamus esse qui in se conge-
nitas habeat omnium rerum species & similitudines, mul-
to perfectius quā possint ab obiecto in ipsum imprimi, &
has species à seipso sic habeat, ut nō egeat obiectōrū p̄sen-
tia corporali, hic oculus indubiē omnia cerneret, ēt absen-
tia: imo ēt res p̄teritas & futuras per species in ipso seruatas
uideret, in super ēt abditissima cōtuere. Ita sanē ex seme-
tipso intellectus agens formare potest speciem & cognitionē
summi

Heb. 4

summi Dei: ita uestigium potest aliquo modo in semetipso primarium fontem agnoscere, ita scintillula lucem immensam aliquatenus contemplari.

CAPVT XXIII.

Quomodo ratione intellectus homo de perfectione omnium aliarum creaturarum letari potest.

Habet quoque per intellectum homo, ut non solum (quæ admodum supra declaratum est) possit de ipso propria perfectione, & de iis quæ sunt in bonis gaudere, uerumet de perfectione & bonitate omnium aliarum rerum. Gaudium enim non solum confurgit ex hoc quod in nobis ipsis bonum cernimus, sed etiam cum aliquam perfectionem in alio aduertimus, maximè si ad nos spectet ille in quo cernimus, si nobis sit aliqua ratione coniunctus, uidelicet amicitia, familiaritate, consanguinitate, affinitate, ordine, gradu, uel alio quolibet consimili modo. Gaudemus enim in amicorum, fratrum, uicinorum, consanguineorum ciuiumque prosperitatibus. Cum ergo omnis creatura corporalis non minimo uinculo sit homini coniuncta, neque una ratione ad humanam speciem atineat, merito debet homo in omni perfectione quam cognoscit in creatura, oblectari. Est. n. omnis corporalis creatura, homini multis modis coniunctissima. Primum quidem, ratione eiusdem opificis, qui ipsam & hominem idem ipse condidit & creauit, quoniam ab auctore Deo, tanquam ab eodem patre, cuncta procedunt. Qua consideratione, sancti Dei homines etiam creaturas uilissimas dignabantur fratres atque sorores appellare: primarii uidelicet fontis, unde effluerat, spectantes originem. Inferiores quoque istæ creaturæ uiuentes, ex eadem terra (tanquam ex eadem communi omnium matre) procedunt. Quod si consideremus cætera omnia corporalia propter nos esse facta, & propter nostrum seruitium, nostramque utilitatem & omnem illarum perfectionem, attendamus ad nostrum commodum, nostrumque ministerium esse ab optimo & nimium nobis benefico Deo ordinatam: quo-

modo non maxime in illorum perfectionibus gaudere debemus? Quis enim paterfamilias non gaudet de suæ familiæ bono? Quis Dñs non lætatur in seruorum prosperitate? Est autem homo uelut paterfamilias & Dominus in magna domo mundi huius quam ædificauit illi Deus, ut ipse ex omnibus seruitium capiat, iucunditatem & utilitatem tam corporis quam spiritus. Quod enim Sol tantum habet decorem, tam gloriolum ornatum, mihi habet, non sibi. Mihi habet, ut me sua claritate lætificet, ut mihi lumē gratissimum per dies singulos adducat. Mihi habet, ut terram faciat germinare ac de se producere abundanter omnia, quibus ego ad corporis egeo sustentationem. Denique mihi habet omnem suam gloriam, ut me moueat pulchritudinis creatoris mei: qui cum meo aspectui sese monstrat tam mirabiliter pulchrum & fortem, utique hoc me docet luce clarius, habere se creatorem incomparabiliter pulchriore, & magis ualidum ac robustissimum. Quod etiam arbores fructus producūt, non sibi, sed mihi producant: herbæ odoriferæ odorem fundunt, non sibi, sed mihi: flores pulcherrimos producant, non sibi, sed mihi. Et (ut insignis ille Poeta ait): Sic uos non uobis, uellera ferris oues. Sic uos non uobis mellificatis apes. Sic uos non uobis, fertis aratra boes. Sic uos non uobis nidificatis aues. Scilicet ego ille sum, cui hæc omnia ex Dei præcepto inseruiunt, ut mihi in omnibus (tam quæ ad necessitatem, quam quæ ad castā uoluptatem) abunde sit prospectum. Vnde Propheta, Nō pauisti solum, inquit, sed delectasti me Domine in factura tua. Hæc ergo omnia cum per intellectum homo cognoscat propter se ita in suis perfectionibus disposita, unūquodq; in genere suo iustum est, ut diligenter naturales eorū perfectiones consideret, inque eis seipsum oblectet, ad gloriā eius qui omnia mirabilia condidit.

CAPVT XXIIII.

Quòd ratione intellectus solus homo possit & debeat agere gratias Deo, pro se & omnibus creaturis.

Consequitur ex prædictis, quòd solus homo ratione intel-
intellectu

intellectus Deo potest & debet agere gratias, & non ulla creatura alia corporalis; quodque non pro se solo & bonis quæ in seipso sunt, uetumetiam pro omnibus bonis quæ in alijs creaturis inveniuntur, possit homo & debeat agere gratias omnium creatori omnipotenti Deo. Gratiarum actio namque requirit primò susceptionem beneficii, deinde beneficii accepti cognitionem, eius quoque cognitionem qui beneficium præstat, ac postremò gratitudinis declarationem pro accepto & agnito beneficio. Beneficii susceptio communis est homini cum omni creatura. Omnis namque creatura particeps est beneficiorum creatoris sui. Cetera uerò non nisi solius hominis sunt. Solus enim homo beneficia cognoscit (ut declarauimus) tam ea quæ in seipso accipit, quàm quæ in alijs creaturis. Solus etiam homo per intellectum cognoscit bona ista quæ in se habet; atque et quæ in alijs creaturis conspiciunt, non ab ipso esse neque creaturas à seipsis habere, sed ab uno omnium benefactore Deo. Denique solus homo potest pro suscepto beneficio bonum & gratum animum declarare, & signis congruis ad benefactoris gloriam id protestari. Potest enim homo uoce testari & eloqui magnalia Dei sui; eiusque beneficia (quæ tam ipso quàm aliæ creaturæ accipiunt) ad Dei gloriam prædicare. Potest etiam alia quædam exteriora opera exhibere, ad hoc ipsum demonstrandum, uidelicet cantare, laudare, sacrificia offerre, uota facere in instrumentis musicis personarum: quæ omnia ad gratiarum actionem spectant, & soli conueniunt homini. Potest ergo solus homo gratias agere, & cum possit, utique & debet. Nam id ratio naturalis dicitur, etiam omni beneficio pro minimo aliquo beneficio, ut minimum, gratias agere, ut nunc dicam gratiam referre: quanto magis illi cuius beneficium est quicquid sumus? Et cum in omnibus creaturis homo accipiat beneficium (eo quod propter ipsum facta sunt omnia) utique pro omnibus ipse debet gratias agere Deo. Cum enim seruo aliquid impenditur beneficii in utilitatem domini, indubiè dominus magis quàm seruis tenetur gratias agere benefacienti. Et cum puero adhuc infanti & ratione carenti impenditur

Solus homo potest agere gratias.

2. 179

4. 181

beneficium, utique parentum est benefacienti gratias agere pueri loco per ætatem fari adhuc, & gratias dicere impotentis. Debet ergo homo gratias agere Deo, non modo pro se, uerum etiam pro omni creatura, maxime corporali, duplici consideratione: tum quia solus potest, & præ omnibus potest: tum quia in omnibus ipse accepit beneficium. Unde de gratias agere debet homo Deo suo, quod Soli tantâ dederit claritatem, tantam uirtutis efficaciam & nobilitatem. Item quod terræ & aquis talem dederit fecunditatem, quod aerem repleuerit uolatilibus, quod aues ita plurimum ornatu decorauerit, quod arbores, ac herbas ita fructiferas odoriferasque fecerit, & ita in singulis. Illæ enim creature excusabiles sunt, si gratias non agant, tum quia minimè id possunt, tum quia quidquid acceperunt, potius homo in ipsis accepit, quàm ipsemet in seipsis, uel pro seipsis, quemadmodum id quod seruo impenditur in utilitatem domini, domino potius quàm seruo impenditur. Hinc confidera o homo, quanta tibi incumbit seruiendi Domino Deo tuo necessitas. Attende, quanta tenearis erga Deum obligatione, qui non pro uno teipso, uerum etiam pro omnibus creaturis Deo tuo seruire ad gratiarum actionem obligaris. Vide quanto uinculo te sibi colligauit, dum te super omnia constituit. Magnum (fateor) te creauit, & sublimi admodum loco posuit altissimus conditor tuus, dum te paulominus ab Angelis minorem fecit, gloria & honore coronauit super omnem corporalem creaturam: constituitque super cuncta manuum suarum opera, omnia subiiciens sub pedibus tuis, non solum oues & boues, pecora campi, nolucres cœli, & pisces maris, qui perambulat semitas maris, uerum etiam Solem, Lunam, & stellas nobilissima illa perpetuæ incorruptionis corpora, quæ dominus Deus tuus creauit in ministerium cunctis gentibus. Ita quidem magnum & excelsum nimis altissimus te conditor tuus constituit, pro omnibus. Verum quanto tu altior es Dei speciali beneficio & superemines omnibus, tanto magis te agnosce Deo tuo obnoxium, qui sic te magnificauit & eleuauit super omnia. Agnosce (quod uerum est) nullam creaturam aliâ æquè Deo esse

esse obnoxia, æquè forti uinculo Deo esse colligata, agnos-
censq; obligationem, modis omnibus satage iustum iustè
persolvere debitum, ut quibus possis modis Deo tuo stu- *Psal. 15*
deas uel gratias agere, quandoquidem referendi neq; ne- *Colos. 2.*
cessitas est, neq; possibilitas. Bonorum enim nostrorū ille
non indiget in quo omnes diuitiarum thesauri sunt abscon-
diti. Grati tamen animi declarationem, & protestationem
per signa congrua utique à nobis exposcit, gratiarum scue
re exigitationem, non utique propter suam uoluntatem,
sed ob nostram utilitatem, ut cum pro acceptis beneficijs
temporalibus nos sibi gratos comprobauerit, maioribus a-
liquando afficiat in conspectu uultus sui; cuius in nobis im-
pressit similitudinem Deus ipse Trinus & unus, in secula
benedictus. Amen.

FINIT LIBER XI.

PSALMVS PATRI SPIRITVMQ; UNI-
uersæ carnis, i iubilatione mentis, & alacritate animi.

Paratum cor meum Deus, & iterum paratum cor meum: paratū
est corpus meum: paratæ uires omnes ad laudem tuam, quæcunq;
sue corpus, sue animam inhabitant.

Exurgā diluculo; & psallam in agro nomini tuo, medijs noctibus
confurgam de lectulo quietis meæ, ut personam cantica ante thronum
amantissimum tui amabilis thalami.

Date mihi tympana, lyram, ciuitharam, nablum, & cymbala bene
tinnientia: edent in illis arliculi manuum mearum melodiam bene re-
sonantem in auribus Domini sabaoth.

Tubas afferte huc mihi: & clangam in eis; os meum pate-
at, atrahamq; spiritum flatus, ut buccis ualeam concerpere ple-
nissimis.

Non cessabit oblectari in Deo meo animus quem creauit, quem
possedit ab initio, in quem impressit admirabilem similitudinem, ima-
ginemque nobilitatis sue.

Videbo ego caelos opera manuum ac digitorum tuarū quæ fin da-

si in fortitudine tua insuper Solem, Lunam, & stellas cuncta lim-
pidissima.

Contemplaris video totum iucundissimum decorem, potentissimum
vigorem, & ordinem uerè admirabilem non sufficio pro dignitate cō-
templari uel totis conatibus, quæ tu nullo perfecisti negotio.

At uerò ubi ad memetipsum intima reflecto oculos meos, cessant
uideri mirabilia, quæcunque foris conspicio.

Domine, domine, domine quid est homo, quia sic manifestasti eum;
homo quid est ut tanti illum feceris?

Verè paululum est ac modicum quo minuísti genus nostrum ab
angelicis Principibus tuis: omnis corporalis creaturæ Regem & Do-
minum (dato in manibus eius sceptro potentiae; & in capite corona
gloriæ) constituisti hominem.

Propter hunc enim creasti omnia, & cuncta subiecisti pedibus
eius, præcellentissima cælestium corporum creasti in ministerium
cunctis gentibus.

Sol accede huc nobis magna moles, & lata substantia: uide an
possis in tota tua uirtute atque pulchritudine nobiscum contendere.

Estò sis gloriosus in fortitudine tua, formosus sis in fulgidissima
stola tua, comas tui splendoris de tanta spargens altitudine in ima
terre uiscera.

Sed nunquid uides ipse, aut intelligis decore pulchritudinis tuæ;
nunquid cognoscis perfectionem uirtutis tuæ, qua antecellis subie-
cta omnia?

Dic si nosti illum, qui cuncta in te posuit quæ habet mirabilia:
responde muta substantia, si quidquam horum intelligis.

Magne Deus non illi contulisti splendidissimo corpori, quod mihi
donasti stercorentæ & seculentæ creaturulæ: uerè multa mihi, &
magnanimis contulisti in te unica.

Etiā si in millecuplum augmentetur tibi Soli rationalis pul-
chritudo decoris, & fortitudo roboris tui: quantumuis pauper & hu-
milis ego semper munesco te superabo interuallo, hoc solum tenens
quod nunc possideo.

Intellectu & ratione tu donasti dominator genus nostrum: a te
procescit nobis hæc tanta præcellentia.

O uicinan pro dignitate gratiarum actiones tibi ualeamus persol-
uere: nimis magna enim sunt quæ nos accipimus, & nimis pauca im-

non nimis ulla sint quæ ualeamus reddere.

Tu nos scientiarum Domine iustas sibi fac reddere gratiarum actiones, doce nos Doctor optime in Spiritu & ueritate famulationem sibi exhibere decentem.

Tu das uelle, tu das perficere pro tuo beneplacito: magne Deus semper nos tantis fac grato esse beneficiis.

Gloria patri, & filio, & spiritui sancto.

Sicut erat in principio, & nunc & semper, & in secula seculo. *rian. Amen.*

FINIT PSALMVS.


IN LIBRVM DVODECIMVM CONSI-

DERATIONIS PHYSICAE DE APPETITV

SENSITIVO, ET VOLVNTATIS

PRAECELLENTIA.

PRAEFATIO.



QVONIAM creator perfectissimus Deus, cuius (iuxta Prophe-
tae confessionem) perfecta sunt
opera, cum animalium genus sen-
sitiuae uirtutis nobilitate cete-
ris omnibus insensibilibus crea-
turis uellet praeferre; uoluit &
appetitidam uirtutem adiungere,
qua ualerent per sensum
apprehensa amare uel odire,

prosequi aut fugere, itaque de praesentibus gaudere uel tri-
stari. Quorum non conducere res obiectas apprehensione mira-
bili percipere, si non talis esset adiuncta uirtus, qua erga res
perceptas possent iuxta rationem obiecti apprehensum moueri &
affici?

affici? Ad eundem planè modum, humanum genus cum benignissimus conditor uoluisset super naturam brutorum animalium constituere: ut non solum crassa ista & corporalia sensibus subiecta, uerum etiam spiritualia & insensibilia posset apprehensione intellectiua cognoscere uoluit item & huic nobiliori potentiae cognoscitiuae correspondentem nobilitate adiicere uim appetitiuam, id est intellectui uoluntatem, per quam ad ea posset inclinari amanda, odienda, prosequenda, & fugienda, ad quae nequaquam sufficeret appetitus brutalis ille sensituius nimium ad spiritualia ignobilis. Quò autem in homine non solus est intellectus, sed est simul cum sensu & super sensum intellectus, sic & hic appetitus superior in eo non solus non est, sed cum inferiore simul existit. Duorum autem horum appetituum consideratio, maximam homini ad cognitionem sui ipsius adfert utilitatem. In his ergo duabus appetitiuis potentis finem accipiat hæc Physica consideratio. Post eam namque absolutam non erit in rebus naturalibus quo longius proficisci camur, nisi naturam penitus relinquentes in super naturalia totum transeamus: quod impræsentiarum nostro instituto minimè conuenit, qui non nisi considerationem rerum naturalium, earumque ad creatorem reductionem, præsentem determinationem intendimus.

-Riff-1709 11-11-11 M V 1:11

• C A P V T I.

Ostenditur quid sit in homine voluntas, per comparationem ad appetitum sensuivum.

Est ergo in homine altera quædā potētia ab intellectu distincta, solis ēt hominibus peculiariter conueniens potentia ad modum nobilis & excedens: unde plurima singularia homo habet; quæ cum nulla altera specie habet communia. Ad perfectam ergo hominis cōsiderationem, necesse erit post intellectum hanc etiam uirtutem diligenter cōsiderare, & quomodo in brutis inueniri non possit, quo uero indicio peculiariter speciei humanæ cognoscatur inesse, & quomodo ad appetitum sensitium se habeat, & quæ

quæ homini donet eximia distinctè determinare. Vocatur autem uoluntas nomine compositio, potentia uolitiua, siue appetitus intellectiuis. Est. n. potentia talis per quã homo appetit, uult, & non uult, ea s̄m intellectum iudicat bona uel mala. Id autem in se homo quilibet experitur, talem aliquam uim sibi inesse, per quam possit ea quæ per intellectus iudicium ut bona uel mala cognoscit aut uelle aut nolle. Quemadmodum autem rectè non potest cognosci natura intellectiux potentix, nisi per comparationem ad sensum secundum similitudinem & dissimilitudinem, uidelicet nisi ostendatur in quo sensus cū intellectu conueniat, & in quibus differant abinuicem: ita non potest exacte cognosci natura potentix uolitiux, nisi s̄m comparationem ad appetitum sensitiuum. Sicut enim in hominẽ duplex est potentia apprehensiu rerum extra existentium, ita est & duplex uis appetitiua, altera uidelicet quæ sensus coniuncta est, & ad sensus iudicium mouetur: ea quæ sensus indicat conuenientia amando & prosequendo, quæ disconuenientia odiendo & fugiendo. Atq; hæc uocatur appetitus sensitiuus. Et conuenit hac in parte homo cū ceteris animalibus brutis, quẽadmodum & in sensu. Altera uero superior est coniuncta intellectui, & corpori nullo modo (sicut neq; intellectus) immersa, per quam homo, id quod intellectus iudicat bonum, amat & prosequitur, quod malum, odit & fugit. Et hæc quia sic intellectui coniungitur, uocatur appetitus intellectiuis. Cognoscitur autem huius duplicis appetitus differentia ad eum modum quod deprehenditur differentia sensus & intellectus, uidelicet quoniam experimur hominem ea posse uelle aut nolle, ea amare uel odire, quæ nequaquam sensus apprehendit, & quæ ad iudicium sensus nullo modo uidentur sic amari uel odio haberi. Quemadmodum (exempli gratia) uirtutes amamus, & probitatem amatam prosequimur: uitia autem odimus & fugimus atque auersamur, quæ tamen manifestissimum est sensu non apprehendi, ac proinde sensitiuo appetitu sic non appeti: cum ille tantum prosequatur quæ sensus iudicat conuenientia, Oportet ergo esse in homi-

ne alium quēdam superiorem appetitum, per quem homo ad illa quæ sensus iudiciū excedunt, & quæ sensus nec cōuenientia nec disconuenientia iudicare potest, inclinetur & propellatur, ea uel prosequendo uel fugiendo. Ad cuius intellectiui appetitus meliorem cognitionem obtinēdam, pauca quēdam de sensitiuo appetitu uolumus præmittere, quoniam sine cognitione sensitiui appetitus plēnē intellectiuius cognosci non potest.

CAPVT

II.

De appetitu sensitiuo quomodo mouetur ab obiecto secundum phantasiam proposito.

Inuenitur autem appetitus sensitiuus generaliter in omnibus animantibus, neque potest non esse, ubicunq; fuerit sensus uel unicus. Nam & imperfectissima animalia, ēē quæ (iuxta probabiliorē sententiā) solum tactum possident, appetitu isto non carent. Inest nanq; eis appetitus quidam conuenientis nutrimenti, quem etiā indicant, dū se huius gratia dilatant, uel constringunt. Omnis enim motus animalis quantuncunq; imperfectus indicium est inexistentis appetitus sensitiui. Ad hoc enim se mouent, ut quod appetunt consequantur. Vnde Aristoteles, de animalibus imperfectis (ut uermibus & muscis) ait ea habere uagam imaginationem & appetitum, id est phantasiam uagam siue imperfectam consimilem appetitum. Perfectam tñ phantasiā negat illis adesse, atq; ita & appetitū perfectū consequitur ab eis abnegandum. Ex quo patet, quod æstimationis siue phantasie adiuncta est uis appetitiua, eo quod hæc ita se iouicem consequantur secundum naturam. Non enim statim ubi sensus exterior perceperit aliquod sensibile, mouetur appetitus ad prosequendum uel fugiendum, neque item mox ubi sensus communis apprehenderit: sed neque cum imaginatiua nuda illud imaginata fuerit. Verum cum ad æstimationem usque fuerit peruenitum, ut per eam iudicetur tale obiectum amicum, uel inimicum, conueniens uel disconueniens, tunc demum animal ipsum

per

*Arist. 3.
li. de ani
ma ca. 8.*

per appetitum mouetur ad concupiscendum uel odiendū,
ad prosequendum uel fugiendum, ad lætandum uel contri-
standum. Nam id manifestè monstrat experientia. Cū.n.
appetitus moueatur secundum rationem cōuenientiæ uel
discōuenientiæ, nullus aut exterior sensus conuenientiā uel
discōuenientiā apprehēdat, neq; ullus interior pter æstima-
tiuā (quæ intentiones conuenientiæ uel disconuenientiæ
elicit ex rebus sensatis) consequitur ad solam æstimatiuæ
operationem ipsiusque iudicium appetitum moueri. Et
notandum, quod appetitus iste mouet & mouetur. Mo-
uet enim ipsum animal, & immediatè uim motiuam quæ
est in membris ad quærendum id quod prosequitur. Mo-
uetur uerò ipse à phantasia, quatenus ipsum obiectum
præsentat & offert appetitui, sub eā ratione sub qua appeti-
tus moueri potest ad odium uel ad amorē, ad prosequutiō-
nem uel ad fugam. Obiectum enim præsentatum & abla-
tum uirtuti appetitiuæ sub ratione conuenientiæ, mouet
ad sui prosequutionem: sub ratione autem disconuenien-
tiæ, mouet ad fugam. Ut cum canis uidet cibum, eum-
que sibi conuenientem iudicat, mouetur ad prosequen-
dum ipsius appetitus ab æstimatiua: quatenus uidelicet ip-
sa obiectum illud præsentat sub ratione conuenientis: &
cum baculum uidet eleuatum ad uerbera, mouetur ad
fugiendum appetitus, ab obiecto sub ratione disconue-
nientis proposito, per æstimatiuam. Mouetur autem ap-
petitus ab obiecto sic sub ratione conuenientis aut discon-
uenientis præsentato naturaliter, absque ulla libertate uel
deliberatione. Canis enim cibum conuenientem uidens,
eumque æstimans sibi conuenientem, naturaliter amat
atque prosequitur & accurrit ad illum; & uidēs baculū ele-
uatum ad uerbera, æstimando sibi hoc disconueniens, &
inde male sibi futurum, ita naturaliter fugam petit, quā ma-
lū euadat, quod sibi æstimat imminere. Cū uerò plura si-
mul fuerit obiecta proposita, q̄ fortius mouet fm suam ra-
tionem, id naturaliter præualeat & mouet appetitum. Ut cū
duplex cani cibus est propositus, ille qui magis conueniēs
ab æstimatiua iudicatur, appetitum naturaliter mouet.

*Appeti-
tus mouet
& moue-
tur.*

Nota.

Ita cum ex una parte delectabile proponitur, & ex altera contristabile (ut ex hac parte cibus conueniens cani, & simul baculus eleuatus ad uerbera) solet plerunque uerberū terror præualere, ut cibo relicto fugiat. Est enim hæc appetitus natura, ut magis uehementer magisq; cito ad fugiendum à terribilibus moueatur, q̃ à delectabilibus ad prosequendum. Facilius enim & uehementius contristabilia, siue terribilia operantur in appetitu sensitiuo fugam, q̃ delectabilia siue concupiscibilia, efficiant in ipso prosequutionem. Vnde ad oculū uidemus moueri homines multo amplius timore mortis, q̃ amore uitæ, & multo uehementius dolere de infirmitate, quàm gaudere de sanitate.

CAPVT III.

Quomodo appetitus sensitiuus semper naturaliter moueatur absque libertate.

Contingit uerò interdum duobus appetitui propositis obiectis, ambobus delectabilibus, ad neutrum statim moueri, sed interdum ad tempus gradum sistere, eo q̃ ex utraque parte æquè fortis sit motio & operatio obiecti, & æstimatiua ad utranq; partē æquè sit propensa, neque plus ad hoc quàm ad illud ferat suum iudicium. Atque ita nunc accidit, ut quasi deliberare uideatur irrationale animal: cū tamen reuera nulla in eo sit deliberatio, quæ est solius rationis, sitq; ut postquam tandē alterum acceptauerit, quasi eligere uideatur, cum tamen electio nequaquam competat brutis, sitq; solius hominis. Vnde hoc sciendum est, q̃ canis ille sic quasi dubitabundus consistens, dum & huc & illuc uocatur, nequaquam consulit, neque ullo deliberat: sed habet appetitus ille admodum linguæ siue examinis in libra, siue balance, cum lanx utraque pondus penitus æquale in se habuerit. Quemadmodū enim ista neque in hanc partem deorsum trahitur, cum tamen sit pondus sufficiens ad eam pertrahendam, neque in partem alterā, cum sit & ibi pondus sufficiens, sed (propter ponderis qualitatem utrinque æquali fortitudine trahentem) consistit in medio: sic & ap-

& appetitus irrationalis animalis existente ab utraque parte pondere æquali & obiecto æquè ad mouendum ualido fixus consistit, & neque huc neque illuc mouetur, cum utroque tamen trahatur. Fitque illa immobilitas penitus naturaliter, nec ullius est deliberationis indicium. Alioquin, cur non & linguam in trutina dixeris deliberare, cum ita hæret in medio? Et cum tandem contingit in alteram partem rapi animalis appetitum, nequaquam electionis est iudicium, non amplius quam lingua illa modico flatu adiuta in unam partem tandem uergens, dici debet elegisse hanc partem ad quam flectitur. Quod si interrogas, qui ergo fieri potest, ut tandem ad unam partem moueatur appetitus, si non per electionem id fiat, & ex libertate eligendi? Dicimus quod ad eum modum animalis appetitus tandem in alteram partem trahitur, quomodo lingua illa modico uento adiuta in partem alteram mouetur, etiam si pondus maneat ut antè. Si enim contigerit æstimateduam aliquanto magis uni obiecto & fixius intendere quam alteri (etiam si non æstimet illud magis conueniens) solum ex hoc quod fixius intendat iudicio unius conuenientis quam alterius, & ad illud fortius se conuertat, ipse appetitus rapietur adueniente impetuoso flatu in illam partem, in quam æstimateduam contigerit fixius intendere. At tunc quidem ita se habebit illa defixio fortior æstimateduæ in alterum obiectum, ad faciendum unius illius prosecutionem, quomodo se habet adueniens in unam lancem flatus uenti, ad mouendum linguam in partem alteram. Vnde non uideretur aliqua ratione uerisimile, quod uulgo per iocum solet iactari de asino quem uocant Buridani, habente pabulum utrinque, æquè conueniens, æquè multum in eadem distantia sibi appositum, quod fame esset moriturus in medio pabuli. Profecto qui id asserunt, naturam appetitus & æstimateduæ uirtutis non rectè cognoscunt. Et qui hoc ita asserunt, ne cogantur in animali deliberationem ponere, aut electionem, aut facultatem liberi arbitrii, ij sanè timore timent, ubi timor non est. Sola enim (ut diximus) conuersio maior atque attentio, defixioque phantasie in alterum obiectum propositum efficere potest, ut altero relicto in hoc

DE APPETITV SENSITI.

moveatur. Relinquitur ergo appetitum naturaliter moueri ab ipso obiecto appetibili, ita secundum rationem appetibilis propositi, per æstimatiuam. Neque quidquam refert, siue dicas appetitum moueri ab obiecto appetibili sub ea ratione sub qua appetibile est; siue ipsam æstimatiuam proponentem appetibile, sub ratione appetibilis. Non enim ipsum obiectum per se mouet appetitum eo modo, quo obiectum sensus exterioris agit in sensum (ut uidelicet per se aliquid imprimat obiectum exterius in appetitum) sed tantum quatenus per æstimatiuam proponitur: ad cuius iudiciū ipsius appetitus passio consequitur. Vocantur enim omnes ipsius appetitus inclinationes, siue motus uulgaro nomine passionēs, cō q. appetitus ab obiecto pertrahitur ad concupiscendum uel odiendum, &c. propter quod ab obiecto quodammodo pati dicitur.

CAPVT IIII.

De uariis passionibus in appetitu sensitiuo.

Amor.

ET quia (ut diximus) appetitus mouetur ab obiecto per æstimatiuam secundum rationem appetibilis propositi, hinc fit ut multiplex passio & uarius appetendi modus possit in appetitu sensitiuo inueniri s̄m quod obiectum sub diuersis rationibus potest per æstimatiuam proponi. Cum enim proponit obiectum æstimatiua sub ratione cōuenientis, appetitus statim mouetur, & inclinatur ad illud, efficiturq; in ipso passio quæ appellatur amor uel cōcupiscentia talis rei: per quam uidelicet inclinatur ad talem rem sub ratione conuenientis propositam. Et hæc est prima passio, q̄ in appetitu exoritur. Si uerò præsentetur hoc idem obiectum tanquam conueniens & tanquam potens acquiri, ac tanquā propinquum ad habendum, ita ut nullum iudicetur obstaculum, quin possit illud consequi, ita fit progressus appetitus ab amore nudo ad prosecutionem. Incipit enim prosequi & iā tendere ad illud qđ prius amabat. Nā amor est quasi prima inclinatio ad rem propositam, prosecutio autem uelut tendentia in rem amatam. Vnde manifestum est,

Prosequutio.

est,

est, prosequutionem istam nasci ex amore, quasi ex radice, Nihil enim prosequitur appetitus, nisi quod amat & cōcupiscit. Cum uerò obiectum iam æstimatur ut præsens & cōsequutum, fit in appetitu passio lætitiæ, uel gaudii siue uoluptatis: per quam in re primum amata; & per prosequutionem postmodum consequuta, tandem conquiescit. Et non refert ad passionem gaudii in appetitu faciendam, utrum iam actu sit præsens obiectum, uel propinquum, & certum quod iam iam habebitur. Quod enim propè est (iuxta Aristotelis uulgatā sententiā) nihil distare uidetur. Vnde gaudium etiā est de eis quæ propinqua sunt, & iam iam uentura, quasi pro præsentibus existimantur. Et hæc passio manifestè à prioribus distinguitur, tanquā quies ab inclinatione & tendentia, & ad priores duas consequitur, amoremq; & prosequutionem præsupponit. Prius enim est rem amare, postmodum prosequi, postmodum lætari. Ut (uerbi gratia) brutum animal uidens pabulum conueniens, afficitur illi, & inclinatur ad illud pabulum, ipsumq; amat: & si assequi potest, prosequitur, ac tendit ad ipsum cōsequendum. Vbi autem fuerit allequutum quod amauit & prosequutum est, tum demum oblectatur & conquiescit in eo. At uerò amor solus esse potest absque posterioribus. Cum enim obiectum conueniens proponitur aspectui, sed non ut possibile adipisci, non fit adhuc prosequutio. Veluti cum cani cibus conueniens proponitur, sed astat iuxta cibum quibaculum ad uerbera eleuatum tenet, illic sanè amor est ad cibum, quem tam conuenientem æstimat, sed quoniā non proponitur, ut acquisibilis, neque ut propinquus haberi, propter æstans malum, amorem non sequitur prosequutio. Nonnunquam uerò prosequutio est, & uno subsequitur lætitia: quoniam uidelicet non contingit assequi rem amatam & prosequutam. Nonnunquam etiam res iam acquisita non talis inuenitur, qualis ante indicabatur secundum æstimatiuam, atque ideo non consequitur gaudium in ea iam habita & adepta. Frequenter enim æstimatiua decipitur iudicans esse conueniens, quod uerè non est conueniens.

*Volu-
ptas.*

gaudium

127

DE APPETITV SENSITI.

Nihil autem refert ad passionum harum effectiōem in appetitu, an res uerè talis sit, an non. Non enim obiectum appetibile secundum seipsum, uel secundum quod in se est mouet appetitum, sed secundum quod in phantasia proponitur, siue ita sit in re, siue aliter res habeat. Vnde cum estimatiua decepta iudicat hanc rem esse conuenientem, quæ secundum ueritatem non est conueniens, nihilominus fit in appetitu amor & prosequutio, quàm si secundum ueritatem talis esset. Cum uero iam habita præsens fuerit, etiã gaudium de re præsentis habet, donec deceptio æstimationis non fuerit deprehensa. At uero mox ubi per sensum exteriorē æstimationis perceperit se errore delusam in iudicando de re absente, cessat passio gaudij, cessante nimirum æstimatione conuenientis. Deponit enim errorem quo se competit fuisse illusam. Itaque tres istæ passionēs, amor uel concupiscentia, prosequutio uel desiderium, uoluptas siue læticia sunt, quibus afficit circa obiectum conueniens.

CAPVT V.

Odiū.

His uerò tribus passionibus prædictis correspondent tres aliæ, quæ sunt circa obiectum cōtrarium, id est, circa obiectum disconueniens odium uidelicet, fuga, & tristitia uel dolor. Cum enim primum appetitui præsentat obiectū disconueniens, mouet appetitus displicentia, & quādā uelut auersione opposita conuersioni concupiscentiæ uel amoris. Nam sicut obiectū appetibile efficit in appetitu primo conuersionē quādam & inclinationē ad ipsum, sic obiectū disconueniens auersionē quādā & retractionē. Et hæc passio odium nominatur, estque amoris opposita. Et sunt duæ istæ radices omnium aliarum passionū. Cum uerò disconueniens illud malum æstimationis proponit ut iam imminens animali, & tanquam propinquū ut ueniat, alia passio gignit in appetitu, per quā querit elongari ab illo malo, ipsumque euadere & effugere. Et hæc passio appellatur fuga, & est quasi recessio, quædam ab obiecto malo imminenti uel propinquo, per quam animal mouetur ad fugiendū, quod est disconue-

Fuga.

disconueniens, sicut prosequutio (cui opponitur) tendētia quædam est ad conueniens. Sed cum obiectum disconueniens iam præsens & habitum fuerit, efficitur in appetitu passio doloris uel tristitiæ, qua affligitur in præsentia adepti mali, sicut per uoluptatem (cui opponitur) quiescit in presenti bono. Ita enim canis uidens tenentem flagellum ad uerba eleuatum primo aspectu odit & auertitur, & si ut sibi imminētia hæc uerba considerat, fuga mouetur, ad effugiendum imminens & propinquum malum. Cum autē in ipsius corpus flagellum fuerit incussum & uerba iā suscipit, dolore & tristitia affligitur: propter quod etiam exclamat, eiulando lamentans. Contingit autem interdum (quomodo de amore per contrarium diximus) ad odium non sequi fugā. Cum enim uidet canis tenentē flagellū, odit quidē & auertitur, sed nisi uideat sibi imminere aut sibi propinquū esse malum, non sequitur fuga, ut cum multum distat ab eo, qui flagellum tenet. Neque item semper ad odium & fugam sequitur tristitia, uel quia malum illud non sit præsens, uel quia cum præsens fuerit, sensus nonnunquā monstrat non esse disconueniens, quod secundum æstimationem errantem prius disconueniens iudicabatur. Nihil enim refert ad odiendum, fugiendum, uel tristandū, an res disconueniens existat, modo ab æstimatione talis iudicetur. Vnde uidemus homines quosdam morosos tristiari pro rebus quæ secundum ueritatem eis non disconueniunt, neq; aliquo mala sunt, tantum propter firmam æstimationem, quod æstiment sibi disconueniens, quod tale non est, quā æstimationem uel nolunt uel non possunt deponere. Atque ad hunc modū tristatur canis aliquo modo, dum irascit ex hoc solū, quod domum quis ingreditur, aut firmarium, in quo iacet, non ad mali aliquid faciendum, aut quod per plateam aliquis transeat, cum id ei nullo modo sit disconueniens.

Dolor.

CAPVT VI.

De appetitu concupiscibili, & irascibili & de passionibus irascibilis.

Inueniuntur autem & aliæ passiones in appetitu sensiti-

DE APPETITV SENSITI.

no diuersæ à prædictis, originem tamen ex eis habentes. Pro cuius intellectu sciendum est, q̄ appetitus sensitiuus apud Philosophos (tam physicos quàm morales) diuiditur in duas partes, uidelicet in concupiscibilem, & irascibilem. *Appetitus concupiscibilis dicitur, quo res erga obiectum conueniens, uel disconueniens, erga bonum uel malum simpliciter afficitur, secundum rationem sub qua proponitur ab æstimatoria.*

Quid appetitus concupiscibilis.

Atque hanc partem spectant passionēs illæ omnes, quas supra iam distinximus, uidelicet amor, prosequutio & gaudium circa obiectum conueniens: odium autem, fuga & tristitia circa obiectum disconueniens & malum. Considerant enim hæc passionēs simpliciter bonum aut malum secundum simplicem aliquam rationem, ut timor & odium conueniens uel disconueniens, unde propositum, prosequutio & fuga bonum uel malum imminens: gaudium & tristitia, iam præsens. Denominatur autem hæc pars concupiscibilis à primo & præcipuo suo actu, qui est amare uel concupiscere.

Irascibilis appetitus.

Irascibilis uero appetitus dicitur qui mouetur à bono uel malo proposito, non simpliciter sed sub conditione alicuius arduitatis uel difficultatis.

Spes.

In hac parte sunt spes & desperatio; audacia & timor & ira: à quā (ut magis manifesta) pars ista irascibilis nominatur. Hæ enim passionēs omnes pro obiecto habent arduum. Vnde Spes est quasi amor boni ardui. Audacia est, quasi prosequutio boni ardui. Desperatio est, quasi odium & auersio ardui, propter arduitatem. Timor est, quasi fuga ardui mali, & Ira, quasi tristitia mali ardui, cum iam præsens fuerit. Quarum passionum ab inuicem distinctio, non parum ad cognitionem appetitus sensitiui conducet. Passio namque spei in appetitu oritur, quando ab æstimatoria proponitur obiectum aliquod conueniens, tamē sub ratione ardui: quatenus uidelicet difficultatem habet ipsum obiectum in acquirendo. Vt cum proponitur canis cibis conueniens, sed altat, qui flagellum tenet, atque ita arduitas & difficultas simul opponitur, illo tamen arduo non obstante, adhuc inclinatur canis, & mouetur amore ad ipsum cibum conuenientem, æstimans arduitatem illam se posse superare, & propter arduitatem

tatem non definit ad rem illam inclinari tanquam sibi possibilem adipisci, hic sperare dicitur. Spes enim est de rebus arduis & difficilibus. Quæ enim arduitatem & difficultatē non habet, sperare non dicimus. Econtrario autem desperatio est cum ratione ardui propositi, aut præsentatæ difficultatis, appetitus aueritur ac desistit ab obiecto alias appetibili & conuenienti, ut amplius ad ipsum non moueatur, neque inclinetur, utpote non possibile adipisci. Veluti cum canis cibum appetit uehementer: sed uidet flagellum tam terribile, & tam mirabiliter uibrantem flagellum, qui astat cibo, ut non æstimet se posse arduitatem superare, & uerbera talia euadere posse uel perferre, hic certè desperat, quia ab eiusmodi appetitu definit obiecti conueniēcis propter arduitatē & difficultatem, quā æstimat insuperabilem. Respondent autem spes & desperatio in irascibili, amorī & odio in concupiscibili: estque spes uelut amor quidam boni ardui, secundum rationem ardui. Nam quatenus bonū obiectum amatur, quatenus uerò arduum speratur. Desperatio autem est, quasi odium ardui secundum rationem ardui: id est, auersio ab arduo ut arduum est. Videntur autem spes & desperatio non solum respicere bonum, sed etiam malū. Spes enim est de bono arduo consequendo, uel de malo arduo superando. Vnde sperare dicitur, qui bonum aliquod, quod amat non definit, sed pergit appetere, nihil obstante consideratione ardui. Sperat etiam qui amat mali alicuius, quod odit euasione, & superationem, tametsi arduitatem habeat adiunctam, malum illud euadere uel superare. Item desperat de bono arduo consequendo, propter arduitatem, uel de malo euadendo, aut superando propter arduitatē. Ut (uerbi gratia) brutum animal sperat consequi pabulum, quod uidet, etiam si aliquid difficultatis sit adiunctum, & sperat effugere periculum sibi imminens, etiam si sit arduum ad effugiendum. Aut econtrario desperat de consequendo pabulo propter nimiam arduitatem, aut de superando euadendoque periculo propter nimiam arduitatem, quam sibi putat insuperabilem. Itaque tam boni consequutionem, quam mali superationem, atque euasione

Desperatio.

respiciunt spes & desperatio. Atque ita in sequentibus passionibus est dicendum. Audacia uerò & timor differre uidentur, sicut prosequutio & fuga. Audacia enim est quasi prosequutio quædam boni ardui, ut arduum est, nihil uide licet obstante arduitate. Timor uerò fuga est ardui propter arduitatem, cum scilicet arduitas retrahit & fugam facit in appetitu. Et oritur audacia ex spe, quemadmodum ex amore oritur prosequutio, & ex desperatione, timor, quemadmodum ex odio fuga. Cum enim proposito bono arduo, appetitus propter arduitatem non auertitur, ut desperet, sed manet conuersus ut speret, neque spem abiicit illius boni consequendi, quanquam sit arduum ad consequendum, tum deinde mouetur ad ardui illius prosequutionem, non obstante arduitate: atque hæc est passio audaciæ. Item, cum per desperationem quis à malo superando auertitur, spe superationis abiecta, propter arduitatem quam æstimat insuperabilem, ex hoc consequenter mouetur ad fugiendum hoc ipsum propter suam arduitatem, & est timor oppositus audaciæ. Est enim timor fuga à malo arduo, propter ipsius arduitatem, uel à consequutione boni ardui, item propter arduitatem. Quemadmodum enim spem & desperationem diximus esse de bono arduo assequendo, aut non assequendo nihil obstante arduitate, aut malo similiter superando: ita audacia prosequitur bonum arduum consequendum, uel malum arduum superandum. Timor uerò deiecto, & fuga quædam est, uel à bono arduo consequendo, uel à malo superando.

CAPVT VII.

Quod ira nullam habet passionem contrariam.

DE ira uerò hoc singulare est, quod nullam habeat passionem sibi contrariam, ut in prædictis apparuit, sed est penitus absque contrario. Cuius ratio est, quoniam ira respondet tristitiæ, estque tristitia quædã de malo arduo præsentis, quatenus arduum est adferendum, uel de boni ablatione, quatenus arduum est, & difficile tali bono carere: quæ

quæ tristitia, propter arduum, confurgit ad ipsum malum superandum per uindictam. Vnde ita est, quando propter malum arduum illatum, appetitus uehementer mouetur ad malum illud superandum, per illationem uindictæ. Existimat enim hoc modo malum proprium superare, cū æqualem uel maius illi intulerit, à quo accepit malū. Huius autem tristitiæ de malo arduo præsentis, non potest in bono aliquod inueniri contrarium. Contrarium enim tristitiæ est gaudium, quod est de bono præsentis: bonum autem præsens non potest sub ratione ardui considerari. Omne enim bonum, quantumcunq; ad acquirendum sit arduum, quantumlibet habeat in sui prosecutione & acquisitione difficultatem, cum iam habitum fuerit, nullam omnino habet difficultatē. Quapropter bonum præsens non potest nisi passionē simplicis gaudij in appetitu efficere. Nam tū ut præsens bonū mouet appetitum, non iā ultra ut arduū bonū, cū nullum præsens bonum sit arduum bonū. Et licet hoc experientia doceat, quanto bonum aliquod in prosecutione magis arduum fuit, tanto gaudium uehementius (cum iam adeptum fuerit) in affectu causari, quemadmodum ea quæ cum periculo uitæ adepti sumus uehementius diligimus, & gaudio maiori afficimur de illorum possessione, non tamē aliud quā gaudiū inde enascitur, ea adeptione uidelicet talis boni, cum iam præsens ardui rationem perdit. Quod enim maius gaudium sit ex huius consequutione non est, quia ut præsens arduū est, sed quia in prosecutione arduū fuit, & ad consequendum difficile. Atque hac de causa fit, ut ita in appetitu irascibili non possit habere contrarium, quoniam uidelicet obiectum iræ (quod est malum arduum præsens) non potest habere contrarium. Nam bonum arduum præsens & habitum, appetitus nequaquā respicit: neq; ullum obiectū sub tali cōsideratione ipsum mouere est potens. Includit enim repugnantiam: quia si bonum præsens est, arduum non est: & si bonum arduum est, præsens non est. Præsentia enim excludit in bono arduum. Secus est de malo, quod simul præsens & arduum esse potest. Secus etiam de bono absente. Nam bonum absens potest esse ar-

*Sex pas-
siones con-
cupiscibi-
lis.*

duum, priusquam habeatur, & in quod in acquirendo habet difficultatem. Omnes ergo passionēs quæ in appetitu sensitiuo inueniuntur, in sex iuga possunt reduci: quorū tria prima perfectā in paritate sua sunt ipsius concupiscibilis, concupiscentia & odium, prosequutio & fuga, uoluptas & dolor. Tria autem posteriora iuga, quorum nouissimum imperfectum est imparitate (quod unum deficiat) sunt ipsius irascibilis appetitus: uidelicet spes & desperatio, audacia & timor, & ira non habens contrarium. Opponitur tamen ei priuatiuē ipsa iræ carentia, quam inirascentiā possumus appellare. Et ad harum passionum aliquam necesse est reduci omnem passionem sensitiui appetitus, siue irascibilis, siue concupiscibilis. Quod autem omnes istæ passionēs sint appetitus sensitiui, manifestissimū est, ex eo quod singulas uideamus etiam in irrationabilibus animantibus, in quibus nullus est intellectiui appetitus. An uerò appetitus irascibilis, & concupiscibilis, duæ sint potentiæ realiter distinctæ, an tantum una secundum rem potentia, sed diuersa habens officia, nolumus impræsentiarum inuestigare profundius.

*Sex quo-
que ira-
scibilis.*

CAPVT VIII.

Quomodo passionēs irascibili oriuntur ex passionibus concupiscibilis.

Illud autem notandū est, quod passionēs irascibilis oriuntur ex passionibus concupiscibilis, & terminantur in eadem. Nam ex amore alicuius rei conuenientis quæ est in concupiscibili, exoriente aliquo quod arduitatē adducit illi rei amatae, consurgit in appetitu irascibili spes ad illam arduitatē superandam, & audacia qua prosequitur superationem talis arduitatis. Et cum per audaciam contigerit arduum superari, terminatur spes illa & prosequutio in gaudio, quod inde nascitur: atque ita in passionem concupiscibilis terminantur passionēs illæ irascibilis. Ita timor de malo imminente & arduo, cum iam malum ipsum aduenerit & uicerit, ita ut superari nō possit, in puram tristitiam

tiam terminatur. Non .n. est ira, donec mali præsentis arduitas æstimatur per uindictam superabilis, quemadmodum audacia, prosequutio est superandi mali ardui imminentis cuius mali arduitas æstimatur superabilis. At uero, cum æstimatione talis (uidelicet superandi præsentis mali) defecerit, iam non amplius ira, sed tristitia mera est, quæ ex malo arduo præsentis procedit, quemadmodum in ijs qui rebus desperatis post timorem, tandem in illud incidunt quod antè timuerant, nec æstimant mali arduitatē se ulla uindicta posse superare. In his enim ira uertitur in puram tristitiā. Talis ergo qui iam præsentis malo sic premitur, desinit desperare, desinit & timere; & post desperationē ac timorem, sine occupat dolor. Terminantur ergo (ut diximus) passionēs irascibilis in passionēs concupiscibilis. Et licet terminentur nunc in gaudium, nunc in tristitiam, simpliciter tamen amor in concupiscibili est prima radix omnium aliarum passionum: nec potest ulla passio in concupiscibili, uel in irascibili oriri, nisi ex radice amoris, siue concupiscentiæ. Non enim est aliquod odium, quod non oriatur ex aliquo primo amore. Quidquid enim odit appetitus, idē odit, quia contrarium est alicui, quod ut bonum & conueniens amat. Ut si amat canis cibum, odit quidquid ab huius cōsequutione prohibet uel impedit, & quidquid hoc, quod ut conueniens appetit expellit ac fugat: sic qui amat uitam ac sanitatem, odit quæcunque apprehenduntur ut, sanitati aut uitæ contraria. Nihil enim odit appetitus, nisi sub ratione disconuenientis. Disconueniēs autem dicitur disconueniēs in ordine ad aliquid. Indicatur ergo in odio disconuenientis, præuius amor alterius rei, illius cui hoc est disconueniens, nempe uitæ & boni ipsius animalis, cuius est appetitus. Est enim appetitui naturaliter insitus quidam amor uitæ & boni ipsius animalis, cuius est ex quo amore procedit odium generale disconuenientis, ac deinde particularia odia omnium earum, quæ æstimantur, ut contrariæ aut repugantes uitæ ac bono ipsius animalis. Sicut e contrario ex uno illo amore, oriuntur particulares amores omnium earum rerum quæcunque æstimantur, ut conuenientes

*Amor est
prima radix
passionum
non aliarum.*

re. Hinc etiam est, quod tristitia, utpote naturæ animalis contraria consumit & corrumpit ipsum animal, atque ad mortem deducit: Vnde per Sapientem dicitur: Spiritus tristis exiccat ossa. Et Iacob ad filios suos uolentes secum Beniamin adducere in Aegyptum: Si quid ei aduersitatis (inquit) acciderit in terra ad quam pergitis, deduceres canos meos cum dolore ad inferos. Contra uerò gaudium, & lætitia sanitatis est effectiua, & uitæ conseruatiua.

Prou. 17

Gen. 42

CAPVT X.

Quare Deus irascibile addidit concupiscibili, & quòd etiam timor & desperatio animali fuerint necessaria.

OMnes etiam passionēs quæ sunt in irascibili, sicut ab amore radicaliter oriuntur, ita ad gaudium naturaliter pergunt, & ad ipsum ut suum finem ordinantur. Spes enim & audacia ad hoc ordinatur, ut tandem bono arduo, non obstante arduitate, consequuto, uel malo arduo superato, appetitus per gaudiū quiescat in bono acquisito. Imò desperatio & timor ad gaudium ordinantur. Desperando enim animal mouetur ut timeat ac fugiat, sicq; euadat tristitiam quæ imminet, & gaudium habeat malo per fugam declinato.

Vbi notandum, quòd appetitus irascibilis datus est animali propter concupiscibilem, & est uelut propugnator appetitus concupiscibilis. Sine appetitu nanque irascibili, concupiscibilis esses uelut inermis, & absque defensione. Neque sufficiebat appetitus concupiscibilis ad bene esse animalis, nisi fuisset adiunctus etiam irascibilis. Frequenter enim contingit circa id quod animali est conueniens, occurrere arduitatem & difficultatem, per quam affectus concupiscibilis statim retraheretur, uel remoraretur, nisi esset adiunctus appetitus irascibilis, qui confirmaret concupiscibilem, & uelut animaret in suo amore & prosecutione, ne statim concupiscibilis occurrente arduitate se retrahat, atque à prosecutione desistat. Quomodo enim armatus aliquis per uiam ambulans cum inermi, facit ipsum inermem non desistere ab itinere, etiam si uideatur aliquid occurrere

Appetitus irascibilis propugnator est concupiscibilis.

currere

currere aduersi, qui alioqui solus & inermis existens statim ab itinere suo cessaret, uel desisteret: sic appetitus concupiscibilis statim à conuenientis prosecutione cessaret, arduitate occurrente deterritus, nisi haberet irascibilem uelut propugnatorem, qui illum teneret in prosecutione sui appetibilis. Ita ergo irascibile appetitum Deus animali concupiscibili dedit, ut etiam occurrente arduo à prosecutione conuenientis non cessaret, neque statim malo succumberet, sed contra ipsum sese erigere posset, & ad arduitate superandam conari. Item, cum forte à disconuenienti malo teneretur, ut non perpetuo sub illo permaneret, sed ad euadendum malum sese possit erigere, & uelut ad superandum amare. Ita enim per spem & audaciam animal non obstinate arduitate pergit prosequi quod amat, & unde querit gaudium. Per iram uero etiam cum praesens fuerit malum, superare conatur & euincere malitiam, atque ex ea sese extricare. Per desperationem quoque & timorem sibi consulit animal, cum ipsum malum arduum imminens tantum uidet, ut superare se non posse existimet. Conducit enim animali ad euasione[m] mali, desperatio & timor: cum tam arduum fuerit malum, ut existimet se non posse superare. Nam tunc per desperationem & timorem fugit animal, sicque suae salutis consulit. Si enim oblato arduo quod animal ipsum superare non potest, adhuc pergat sperare & audere, periculum est uitae ipsius, dum se opponere tentat malo excedenti suas uires, & se fortius oppugnare: unde cum deuictum fuerit, male habebit. Et frequentissime hoc modo animal in perditionem uenit. Itaque etiam desperatio & timor in animali utiliter posita sunt ad salutem animalis, occurrente malo quod existimatur non posse superari: sicut e contrario spes & audacia ibi conducunt ad esse animalis, ubi existimatur malum posse superari. Atque hoc pacto manifestè patet, quomodo (ut supra diximus) etiam desperatio & timor ad gaudium ordinantur, sicut ex amore proficiscuntur. Amor autem ille primus ex quo oriuntur omnes istae passionēs tam concupiscibilis quam irascibilis (ut iam ostentum est) & gaudium istud ad quod passionēs omnes ordinantur, ut ad finem,

nem, de eadem re sunt. Est enim primus amor appetitus, quo appetit & amat salutem ipsius animalis cuius est appetitus. Et gaudium ultimum ad quod ordinantur omnes passionēs aliæ, est similiter de salute & bono ipsius animalis, ad quod ordinantur quæcunque in ipso sunt omnia. His autem de appetitu sensitiuo determinatis, rursus ad intellectiuum appetitus considerationem (unde digressi sumus) reuertamur.

CAPVT XI.

Prædicta omnia etiam in intellectu appetitu inueniri.

HAs autē passionēs omnes quas iam explicauimus, manifestū est sic in homine, sicut & in aliis irrationabilibus inueniri. Nam & homo quæ secundum sensum percipit corpori cōuenientia, amat, atque prosequitur, & cum adeptus fuerit, uoluptate in eis afficitur, cum percipit disconueniētia corpori, hæc odit, fugit, & de his tristatur, si ea ad uenire sibi contingat. Sperat item, & audet, & occurrenti difficultati se opponit, ut euincat. Desperat quoq; interdū, & timet cum arduitate æstimat suas uires superare. Insuper & irascitur, cum præsens malum fuerit, quod putat per uindictam posse se superare. Et in his omnibus (quantū ad corpus attinet) manifeste homo cū cæteris animalibus irrationabilibus conuenit, ita in appetitu sensitiuo sicut in sensu. Verum quantum ad appetitum intellectuū, considerandum est, quod licet nulla talis passio corporalis posset in eo inueniri, ipse tamē dicitur amare, odire, prosequi, fugere, delectari, tristari, sperare, desperare, audere, timere, & irasci. Et hæc omnia quæ iā prius appetitui sensitiuo diximus conuenire, non sunt omnino ab intellectu appetitu aliena. Quomodo enim in appetitu sensitiuo sunt amor corporalis, gaudium corporale, odium corporale, tristitia corporalis, ira corporalis, & ita in cæteris: sic in appetitu intellectuū est amor spiritualis, quo uoluntas id quod secundum rationē bonum iudicatur, amat: est desideriuū spirituale, quo ad acquirēdum id quod secundum rationē bonum iudica-

DE APPETITV SENSITI.

iudicatur, tendit: & est gaudium spirituale, quo in eo iam adepto oblectatur. Vt cum intellectus iudicat uirtutem esse bonam, & rem utilem homini appetitus intellectiui afficitur erga illam, & incipit eam prosequi, siue ad eam tendere desiderio: atque ubi adeptus fuerit, in ea gaudet.

Et cum intellectus æternam uitā (quæ Deus est) ut bonam & summè bonam cognoscit, uoluntas amore afficitur, & desiderio tendit ad illam consequendam. Atque ubi desiderium hoc suū adimpleri contigerit, summo gaudebit gaudio. Est quoque odium spirituale, eius quod secundum intellectum iudicatur disconueniens & malum & fuga eiusdem, atq; ubi præsens adesse contigerit tristitia. Vt cum intellectus iudicat uitia esse hominis nobilitatis cōtraria, & naturā deformantia, afficitur uoluntas auersione & odio contra illa, fugitq; & abominatur ea: ac si quando in ea per fragilitatem contigerit incidere, tristatur de talis mali præsentia. De quali odio per Psalmistam dicitur: Nonne qui

Pf. 138.

oderunt te Domine oderam, & super inimicos tuos tabescebam? Perfecto odio oderam illos, inimici facti sunt mihi. Item spes & audacia in appetitu intellectiui inueniuntur. Cum enim intellectus uirtutē ut arduam & difficilem considerat (quippe uirtus & ars, iuxta Aristotelis sententiam uersantur circa difficile) uoluntas nihilominus firma & stabilis non deterrita arduitate, eamque putans posse euinci & superari, pergit amare uirtutem, pergit etiam desiderare & ad eam tendere, hic certè sperat & audet. Sin ecōtrariò arduitate uictus humanus appetitus resiliat deiciaturque ac fugiat à uirtutis proposito (quemadmodum prohi dolor cernere est in maxima parte hominum) hic desperatio & timor est. Iram quoque in intellectu appetitu spirituales experimur, cum illud quod secundum intellectum malū & disconueniens iudicamus, adesse contigerit: uoluntas tamen aduersus ipsum consurgit, & querit ipsum malum superare atque euincere. Vt cum homo in peccatum se aduerterit cecidisse, grauiter irascatur aduersus illud, si non sibi complacet in eo, neq; perseuerare eligit in eo, consurgitque ad ipsum expellendum, ac se ab

Aristot.

illo

illo emundandum. Ita cum quis in se uel in proximis uidet cōtemptum diuini honoris, ita spiritali aduersus malum hoc sē intellectiūm appetitum consurgit ad superandum & destruendum contemptū honoris Dei. Ac de huiusmodi ira intelligendum est, quod in Psalmis scribitur, & apud euangelistam Ioannem adducitur de Christo Domino: Zelus domus tuæ comedit me. Et Paulus Apostolus gaudet per suam epistolam se commouisse discipulos ad iram & indignationem contra peccatum, ad pœnitentiam. Ita ergo manifestum est, omnia ista quæ in appetitu sensitiuo inesse supra diximus, etiam intellectiuo appetitui inexistere. Est tamē hoc aduertendum, quod ista ut sunt in sensitiuo appetitu, dicuntur passionēs, non autem ut sunt in appetitu intellectiuo. Vnde & angelicæ mentes amant salutem hominum, amant Deum, prosequuntur & desiderante electorum salutem, gaudent super peccatoribus pœnitentiam agentibus, & super iustis proficientibus, tristantur super conuersis, reuertentibus ad pristina uitia, aut iustis suam iustitiam relinquentibus, irascuntur aduersus eos qui scandalizant pusillos: qui Dei nomen blasphemant, sperant de peccatoris conuersione donec in mundo est, desperant de eorum reditu ad bonum qui in peccato mortali iam condemnationem acceperunt, & ita in aliis. Nequaquam tamen in angelis sunt ponendæ passionēs, amoris gaudii, odii, tristitiæ, & huiusmodi: atque ita nec in homine sē appetitum intellectiūm, secundum quem similis est Angelis. Hæc enim omnia intellectiuus appetitus absque passione in se habet, quæ sensituius habet cum passione, & affectiones tantum non passionēs appellantur. Passio. n. corporalem aliquam immutationem designat, & imperfectionem includit. Vnde plerunq; inualescentibus passionibus corporalibus istis, cernimus hominis corpus secundum eas disponi. Vt qui uehementer irascuntur, cernuntur oculos habere scintillantes, & faciem uelut fumantem atque ardentem, propter quod in scripturis nonnumquam ita per fumum faciei designatur. Veluti cū de Deo dicitur: Ascēdit fumus in ira eius, & ignis à facie eius exarsit.

Psal. 68
Ioan. 2.

2. Co. 7.

Luc. 15.

Psal. 17

Psal. 71

lit.

DE APPETITV SENSITI.

fit. Et alibi: Domine Deus quousque irascēris super orationem serui tui? Vbi in Hebræo habetur, fumabis, pro irascēris. Qui uehementer timent; pallidi fiunt: item qui desperant, uultu fiūt deiecto. Vnde ad Cain desperantem *Gen. 4.* ob non acceptata munera, Dominus: Quare (inquit) concidit faciēs tuā? Ita qui gaudent, multum rubescunt, & grato colore perfunduntur in uultu: qui uerò tristantur, uultum habent tetricum & toruū. At uerò affectiones istæ ut sunt in appetitu intellectiuo, non sunt cū tali immutatione corporali, neque per se eiusmodi passionem in corpore efficiunt, nisi simul & in appetitu sensitiuo passio existat affectioni uoluntatis correspondens. Ita enim solet ex redundantia affectionis, quæ in appetitu intellectu est, etiam in sensitiuo passio correspondens generari. Quemadmodum uidelicet ad oculum cernimus, eos qui interno lætantur gaudio, ex bonæ conscientie testimonio, ex redundantia gaudiū spiritualis gaudere etiam corporaliter, & serenitate ac placiditate quadam uultus illud internum gaudium demonstrare. Et cum quis secundum Deum irascitur, secundum uoluntatem simul etiam corporis ira accenditur, quæ uelut ministret ultionem.

CAPVT XII.

Differentia inter passionēs appetitus sensitiui, & affectiones appetitus intellectiui.

Est etiam hæc differentia inter passionēs appetitus sensitiui, & affectiones uoluntatis, quod appetitus sensitiuus secundum eas merè patitur, quia naturaliter ab obiecto ei imprimuntur, ita ut non possit non recipere, quæadmodum sensus merè passiuæ potentia est: Vnde præsentato per sensum obiecto conuenienti, & per estimatiuam ut tali iudicato, appetitus sensitiuus necessario & naturaliter afficitur & amat illud, & cum obiectū aliquod ut conueniens & præsens per sensum præsentatur, naturaliter patitur appetitus sensitiuus, & afficitur gaudio ex ratione talis obiecti, habetque se merè passiue, quemadmodum sensus cum
à sensu-

bili oblato speciem recipit. Atq; hinc fit, ut brutum animal proposito cibo quem *fm æstimationem* iudicat conueniētem, naturaliter erga ipsum amore efficiatur, ipsumq; prosequatur, neque potest non amare, aut non prosequi, nisi adsit impedimentum aliunde quod præualendo naturaliter operetur fugam uel odium, ut supra declarauimus. At uerò in appetitu intellectiuo multò aliter se res habet. Est enim uoluntas, potentia multò nobilior, non utiq; merè naturaliter patiens ab obiecto, etiam sub ratione sua proposito, sed mouens seipsam ad obiecti propositionem potius, quam ab obiecto moueatur. Nā si naturaliter ab obiecto moueretur, semper obiecto proposito deberet *fm rationem* obiecti moueri, cum nullum esset ab extra impedimentum. Atq; experientia aliud manifestat, uidelicet hominis uoluntaté nulla necessitate ab obiecto proposito moueri, sed propria libertate ipsam sese mouere. Potest. n. contingere, & cōtingit per singula momenta in plurimis, ut intellectus & ratio iudicet hoc esse bonū, aut conueniēs, cū tamen ipsa uoluntas illud non prosequatur, nec amet: itē ut intellectus iudicet hoc esse malū, cum tamen uoluntas non odiat illud, nec fugiat. Vnde in incontinentibus manifestē hoc cernimus: iudicant enim secundum intellectum, malum esse adulterio coīquinare uxorem alienam, malum esse in tali statu permanere: attamen *fm uoluntatem* non tristantur de tali malo præsentī, neque odiunt, neque fugiunt. Item omnes secundum intellectum iudicāt peccatum esse malum, & deformans humanam naturam: attamen secundum uoluntatem non omnes odiunt peccatum neque fugiunt. Est ergo uoluntas potentia non merè passiuā naturaliter patiens ab obiecto, ita ut non possit nō pati ab eo quemadmodum est appetitus sensitiuus: sed libera est, & actus sui in seipsa libere effectiua, ad propositionem tamen obiecti. Intellectus enim & rationis est uoluntati obiectum proponere, utpote sub ratione boni aut mali: & uoluntas non trahitur ad obiecti prosecutionem neq; ulla necessitate in ea fit affectio secundum rationem, obiecti, sed libertate sua se mouet cum uoluerit, *fm affectionem*

Appetitus intellectus, lectus, differt a sensitiuo.

*Voluntas
libera est
223*

DE APPETITV SENSITI.

tionem tali obiecto conuenientem: ita ut etiam cum mouetur, liberare possit non moueri. Vt cum intellectus uirtutem ut bonam & conuenientem humanæ nobilitati proponit, uoluntas non trahitur naturaliter ad eius amorem & eius prosecutionē, sed liberè se mouet. Nam obiecto eodem similiter oblato, & nullo existente alio impedimento, potest nunc moueri ad amorem uirtutis, alias non moueri: potest nunc prosequi, alias non prosequi.

CAPVT XIII.

De libertate uoluntatis super affectiones proprias & passiones appetitus sensitui.

EX prædictis uidetur manifesta libertas ipsius appetitus intellectiui, quo ad proprios actus, & affectiones. Vnde etiam fit ut proprie nominentur uoluntatis actus uel operationes, nequaquam autem passiones, tamen si ut in appetitu sensitui, passiones uerius quam actus uel operationes appellentur: uidelicet quia in appetitu sensitui fiant ab obiecto potius quam efficiantur ab ipso appetitu: in intellectiui autem contrario, non ab obiecto in ipsum imprimantur, sed ab ipsiusmet libertate efficiantur. Non solum tamen hanc libertatem habet uoluntas super actus proprios, uerum etiam super passiones, quæ sunt in appetitu sensitui, magnum habet dominium; & magnam libertatem. Quia enim appetitus sensituius, secundum naturam subiectus est uoluntati ut inferior superiori: & quia uoluntas potentia libera est, hinc fit, ut non solum imperium & libertatem habeat supra proprios suos actus, uerum etiam supra passiones appetitus sensitui. Imò uerò ex Dei ordinatione, hoc ipso quod uoluntatem liberam homini dedit, inferiorem appetitum non liberum uoluit huic superiori libro esse subiectum, uoluitque huius passiones naturales & non liberas ab huius libertate regi & moderari. Vnde ex ore Domini, ad Cain exarscentem mala iracundia (propterea quod non quæ ipsius mala munera, igne cœli absorpta essent, ut bona sacrificia fratris) ita dictum legimus. Subter te erit appetitus tuus, & tu domi-

Voluntatis libertas.

Gen. 4.

dominaberis illius. Quasi dicat, Tu quidem nunc subita exardescis iracundia, quasi grandi malo tibi illato, ex eo quod tibi frater praelatus est signo diuino. Attamen scito, inordinatum hunc iracundiae furorem qui in tuo sensitiuo appetitu exoritur, debere te comprimere & moderari, per superiorem quæ in te est liberam uoluntatem, ne propter hunc iræ furorem, impium aliquid opere committat, quod in proximo futurum est, si insurgentem appetitum primū non comprimās. Si autem uerum est quod ait Dominus, *Genes. 4.* sub homine esse ipsius appetitum, & ipsum dominari debere suo appetitui: manifestè consequitur supra hunc appetitum debere poni aliam aliquam potentiam superiorem cui subdatur, & cuius imperio atq; dominio subiicatur. Quod autem dominatur alteri, & sub se habet subiectum ut possit reprimere, moderare, ac regere, libertatem habere debet qua id possit. Hæc autem potentia superior uoluntas est & appetitus intellectiuius; Patet ergo ex uerbis illis Domini, appetitum sensitiuum subiectum esse intellectiui, item & uoluntatem habere libertatem, & imperium, non solum super actus proprios, sed etiam super passiones sensitiui appetitus. Quomodo enim sub ipso esset appetitus sensitiuus, & quomodo ipse huius dominaretur, si super suos tantum proprios actus diceretur habere libertatem? Quomodo enim regem dicemus imperare populo, si ipsam fateamur solum habere libertatem in propriis rebus agendi quod uoluerit, & non etiam in negotiis populi? Sed & si ea quæ antecedunt prædicta Domini uerba, diligentius considerauerimus, inueniemus libertatē uoluntatis causam esse, ob quā illi subiicitur sensitiuus appetitus. Sic enim Dominus præmittit, Quare iratus es, & quare concidit facies tua? Nonne si bene egeris, recipies; sin autē malè, statim in finibus peccatum tuum aderit? Ac demum subiungit quod iam diximus. Sed sub te erit appetitus tuus, & tu dominaberis illius. Vbi dum propriæ actionis libertatem præmittit, mox subiungens seruitutem & subiunctionem appetitus, indicat appetitum homini subiectum esse ratione eius quod est in eo liberum, & à quo suam habet libertatem. Et hæc est sola po-

DE APPETITIV SENSITIV

sentia uoluntatis. Per uoluntatem enim homo habet libertatem. Est ergo uoluntas in homine, quæ ex diuina ordinatione habet libertatem & imperium super appetitum sensitivum.

CAPVT XIII.

De dominio uoluntatis supra appetitum sensitivum.

*Duplex
dominiū.*

AD cognoscendum autem quomodo uoluntas dominatur super appetitum sensitivum, notandum est (iuxta Aristotelis distinctionem) duplex esse dominium: alterum quod Dominus dominatur in seruum, ita ut nihil possit facere à seipso seruus, nisi quod Dominus imperauerit, cuiusmodi dominium Græca appellatione uocat despoticū, quod nos latinè dicere possumus herile, id est, quo herus dominatur seruo. Siquidem despotes, herus, uel dominus interpretatur. Alterū est dominium liberum, quo rex dominatur suis subditis liberis: qui licet subiecti sint suo domino, nō sic tamen (quemadmodum priores) ut non possint nisi quæ ille iubet facere, sed ita ut pareant quidē illi in ijs quæ imperauerit, possint nihilominus etiā illo nō requisito agere quæ sibi uidentur cōmoda. Manifestū est autem, appetitū sensitivū pro hoc statu potius posteriori hoc modo quā priori, esse uoluntati subiectū. Nō enim sic ei subijcitur, ut nihil possit nisi quod ille iusserit. Nam potest per se absque uoluntatis imperio sensitivus appetitus, mouere ipsum hominē ad obiectum, ad quod fuerit pertractus, etiā non requisita uoluntate, neque accepto à uoluntate imperio. Quanquam enim in homine appetitus sensitivus subiectus est uoluntati, non tamē ob hoc est ignobilior neq; impotentior in homine quā sit in animali bruto, ubi alium non habet superiorem. Vnde sicut in bruto appetitus motus ab obiecto, per sufficiens est animal mouere ad obiectum à quo ipse prior mouetur prosequendum uel fugiendum, ita potest & in homine moueri per semetipsum. Secundo autem modo subiectus est uoluntati, & uoluntas ei dominatur, quoniam uidelicet ubi uoluntas iusserit, potest appetitum

tum inferiorē compescere, eiusq; passionē mitigare, uel comprimere, uel prorsus suppressere, potestq; eum cohibere, ne animal moueat ad obiectum, à quo ipse mouetur. Ad eandē rē tertio libro de anima adduci Aristoteles cōparationē sphaeræ superioris & inferioris, quarū superior mouet ad inferiorē suo raptu, eā secū circungyrando: inferior nihilominus proprio motu contra mouetur. Sic enim uoluntas (ut sphaera superior) suæ iussione imperio sibi parere facit appetitū sensitiuū, & ui quadā cogit suū sequi imperiū. Attamē habet etiā sensitiuus appetitus potestātē motu proprio mouendi, quam nō accepit à potentia superiori. Quod si quis huius rei requirat experientiam, mirabor ego an lapis sit absque sensu qui id requisierit. Quis enim nō experitur in sese per singulos dies, imò per singulas horas (ha quid horas dico? potius per singula momenta dicere debuerā) multis se inordinatus passionibus & motibus mirum in modum molestari, quæ absque uoluntatis imperio ex parte inferiori à sensitiuo appetitu exoriuntur? Quis nō statim uisa re pulchra percipit intra se amorem rei illius, & quadā prosequutionē antequā uoluntas adsit, quæ compe scat sensuale passionē? Quis non circa res sensibiles sentit frequentissimē sese brutorum more statim affici, subitis passionibus in sensitiuo appetitu nascentibus, concupiscentiæ, prosequutionis, desiderii, odij, fugæ, timoris, spei audaciæ, iræ, & similibus ante oē uoluntatis imperium? Hanc ergo nō perfectam subiectionem sensitiui appetitus ad uoluntatem, euidentissimē sic in nobis probat experientia.

Comparatio Arist.

CAPVT XV.

Quomodo sensitiuus appetitus uoluntati contrariatur.

NEque uerò hanc solam habet facultatē appetitus sensitiuus, ut possit absque uoluntatis imperio moueri à suo obiecto, ac deinde ipsum animal etiam mouere: sed (quod magis dolendum atque deffendum est) secundum eam conditionem in qua nunc est, plerumque etiam ad eā quæ uoluntati sunt contraria, inclinatur & mouetur. Appetitus

si non

Gg 3 nanque

*Contrarie
tas appeti
tus sensiti
us & in
tellectiui*

namque intellectiuius secundum suam naturam ea amat ac
prosequitur, & de illis gaudet, quæ sibi intellectum atque
rationem bona sunt: ea uerò quæ ratio malè indicat, odit,
ac fugit, & de illis tristatur. De huiusmodi etiam bonis spe
rat, mala contraria timet, & aduersum mala huiusmodi ira
scitur. Appetitus autem sensitiuius amat & prosequitur ea
quæ sensus bona iudicat, & de his gaudet: ea uerò quæ sen
sus disconuenientia iudicat, odit ac fugit, & de his tristat.
Atqui non eadem sunt quæ sensus bona æstimat, & quæ ra
tio uel intellectus: item quæ sensus mala, & quæ intellectus.
Æstimatio namque sensus illa iudicat bona, quæ carni sūt
gratia, bona uidelicet corporalia, & temporalia, delicias, di
uitias, amplam supellectilem, pompas magnificas, & glorio
sos titulos, amplum famulitium, abundantiam ciborum, fer
culorum, potuum, musicorum instrumentorum concentū,
& cætera huiusmodi, quæcunque sensui carnis sunt grata,
& quæcunque sensum oblectant, & hæc omnia inordinate
& secundum excessum considerata, sensus æstimationi bo
na uidentur, & sic ea sensualis appetitus prosequitur. Ra
tio uerò siue intellectus uera bona iudicat illa, quæ incor
ruptibilia sunt atque æterna, & ea quibus ad æternitatem
pertingitur, cuiusmodi sunt bona cœlestia, item uirtutes, &
uirtutum opera, uirtutum etiam occasiones, & quidquid no
uit ad uera atq; æterna bona consequenda idoneum. Quæ
autē sensus sibi grata & conuenientia iudicat, sibi eū usum,
nempe superfluum & excessiuum, nequaquā intellectus ut
uerè bona iudicat, sed potius ut mala & noxia ad ea bona
consequenda quæ ipse uerè bona iudicat. Non enim hæc te
poralia iudicat utilia, nisi quatenus ad uera spiritualia & æ
terna bona conducunt, quod est secundum usum modera
tum & sufficientem. Propter quod, appetitus sensitiuius cō
trarius est uoluntati, non simpliciter in hoc, quod ipse tem
poralia & corporalia appetat, uoluntas autem supernaturā
lia & æterna: sed quia ille corporalia secundū excessum &
inordinationem appetit, ista uera non nisi secundū debitā
moderationem, nec ea quidem per se, sed ut ad aliud cōdu
centia. Atq; hoc est quod sanctus Apostolus ait, carnē cōcu
piscere

Gala. 5

Rom. 7

Ibidem.

piscere aduersus spiritum, & spiritum aduersus carnem, & adinuicem hæc sibi aduersari, ut non quęcunque uelint homines faciant. Carnem nanque intelligit partem infimam appetitus sensitiui, & spiritum appellat superiorem partem in anima hominis, ratione uoluntatis: significans uidelicet appetitum sensitiuum & intellectiuum ad inuicem pugnare ut caro, id est, carnis appetitus, concupiscat contraria appetitui intellectiuo. Hinc & in alio loco multa uerborum replicatione conqueritur, non habitare in carne sua bonum, sed malum sibi adiacere, ita ut legem Dei facere uolens, & secundum spiritum quę uere bona sunt diligere, inueniat in carne sua aliam legem, legi mentis repugnantem, seque captiuantem in lege peccati, & alia huiusmodi multa dicit, quę non nisi sensualitatis peruersitate indicat uoluntati repugnantis: quę illi usque adeo est molesta repugnando, ut in uocem tandem exclamationis miserabiliter eiulans terminet quærimoniam, dicens: Infelix ego homo, quis me liberabit de corpore mortis huius?

CAPVT XVI.

Vnde procedat rebellio appetitus sensitiui contra uoluntatem.

Sciendum tñ est, qđ appetitus sensitiuus licet ex sua natura appetat bonum corporis, ut corporis non tñ ex sua natura habet sic appetere bona corporis extra modum & ordinem, etiam contra rationis dictamen, & supra quam ratio dictet, quomodo nunc manifestissimè experimur in nobis ipsis. Verum id ex corruptione prouenit humanę naturę, quam sacrę scripturę auctoritas & sanctorum patrũ testimonia nobis astruunt, ex primi peccati inobediētia euenisse. Nā (ut Sapiēs attestat) fecerat Deus hoīem rectū ab initio, & absq; ulla cōtētiōe: princeps pacis, & for diffensionis, duos hos appetitus in hoīe sine ulla cōtrarietate cōiūxerat, sicq; appetitū inferiorē subiecerat superiori, ut nihil posset cōtra eius imperiū & cōtra regulę ipsius directionē (id est contra dictamen rationis) appetere, ut non posset amare aut prosequi cibum, uel potū, uel aliud quodcūq; sensus gr̃a

Eccle. 7.

DE APPETITV SENSITI.

tū, contra uoluntatis imperium, neque contra rectæ ratio-
 nis dictamen. Nam ante primi peccati inobedientiam, nun-
 quam appetitus sensitivus appetisset cibum, nisi quantū &
 quomodo & quando corpori fuisset bonum pro sua susten-
 tatione, & sicut uoluntas uoluisset appeti, ipsaq; rationis re-
 gula dictasset appetendum, neq; unquam fuisset imperium
 uoluntatis egressus appetitus inferior, neq; limites excessus
 set rationis. Mox enim ut uoluntas iussisset cessare inferiorē
 appetitum a sui obiecti prosecutione, dicto statim fuisset
 obediens, nec progressus fuisset ulterius. Atque ita dul-
 cissima omnino fuit ab initio duorum horum appetituum
 harmonia, & iucundissima concordia, inferiore in nullo su-
 perioris prætergrediente imperium, eratque tum ab homi-
 ne in eo statu procul omne dissidium. Et perdurabat quidē
 hæc suauissima pacis cōcordia, donec diuinæ uoluntati par-
 uit uoluntas humana, & donec præcepti diuini regulā uo-
 luntas hominis non fuit transgressa. At uerò posteaquā suā
 uoluntatem homo per inobedientiam subduxit, imò uerius
 suffuratus est diuinæ uoluntati, ei que cœpit per suam uo-
 luntatem uelle contrariari, diuini que præcepti regulā trās-
 gredi (heu sortem nostram miserandam) iusto Dei iudicio
 harmonia illa & pax suauissima in homine dissoluta est, ex
 tunc sunt in homine confusa atque perturbata omnia, ita
 ut obedientiam iam negare inciperet appetitus inferior su-
 periori (tui usque tunc optimè fuerat subiectus) mox ut hic
 superiori uoluntati diuinæ multò magis debitam denegasset
 obedientiam. Qui enim superiori suo iustæ negat subie-
 ctionis obedientiam, hūc non potest iustior ultio subsequi,
 q̃ ut sui quoque subditi patiatur rebellionem. Et qui initiū
 cum superiori Dño fœdus uiolat, dignus est tui nec alij fi-
 dē seruent. Ita ergo per primi peccati inobedientiā, dum se-
 uoluntas humana a diuina seiunxit, atq; separauit, eligens
 & appetens, quod illa nolebat, factum est, ut mox in carne
 inferior appetitus similem nobis ludum ludere inchoaret,
 inciperetq; statim appetere superiori appetitui contraria,
 ut ille iam amauerat quod diuinæ oīum supremæ uoluntati
 repugnabat. Atque hoc malum in posteros omnes propaga-
 tum,

*Vnde pro
 fecta car
 nis rebel-
 lio.*

47.5.17

tum, ex uno homine, nemo non sentit grauissimè in se de-
 scendere, nisi quem fortè Deus speciali dignationis priuile-
 gio ad pristinum illum innocentiae dulcissimum statum re-
 duxerit, per gratiae suae superabundantis praeuentione re-
 stituens; quod per primi parentis inobedientiã semel per-
 ditũ amplius natura non potest restituere. Id quod iuxta cõ-
 sonam catholicorum doctorum sententiam, de beatissima
 Dei genetrice uirgine Maria est confitendũ: in qua nõ est
 uerissimile fuisse unquã inordinatũ aliquẽ in appetitu sensi-
 tiuo motũ, qui in ullo uoluntatis repugnasset imperio, aut
 à rectae rationis regula dissonasset. Nam de benedicto filio
 eius Dño nostro Iesũ Christo, in hac re (ubi de inordina-
 tione loquimur) opus nõ est uerba facere, quẽ ut uerũ Deũ
 ordinatissimum omnium ordinatorem, firmissimè credi-
 mus nulla prorsus inordinatione posse, uel potuisse coinqui-
 nari. Patet ergo, quomodo sensituius appetitus non secun-
 dum primariam suae naturae conditionem id habet, ut con-
 tra uoluntatem cõcupiscat, sed secundum corruptionem il-
 lam quae in humanam naturam ex primi peccati inobedien-
 tia processit, & hanc contrarietatem quae in homine cerni-
 tur, non debere Deo creatori imputari (nõ est enim Deus
 dissensionis, sed pacis, ut sanctus ait Apostol.) sed homini
 prauaricatori, qui seipsum à Deo uoluntarie separando,
 sui inferioris appetitus perdidit perfectũ dominium. Hic
 autem appetitus inferior, secundum hanc corruptionem
 appropitiato uocabulo sensualitas solet nominari. Nã quo-
 ties sensualitatem nominamus, inordinationẽ istam in ta-
 li nominatione intelligimus. Nominatio autem appetitus
 sensitui corruptionem non includit, sed ipsam tantum po-
 tentiam inferiorem appetendi.

*Virgo
 Maria à
 carnis re-
 bellione
 immunis.*

*De Virg.
 30, 1. 03*

CAPVT XVII.

*Quanta miseria homini oriaturs in rebellionẽ appetitus sensuiui con-
 tra uoluntatem.*

EX hac autem humani generis corruptione ex illius
 pulcherrimae harmoniae miserabili dissolutione multi
 plex

plex in hominibus procedit incommodum. Inter quæ illud non minimum est, quod homo ad omne bonum admodum est difficilis ac tardus, & quod non nisi cum difficultate multa operatur bonum: ad malum uerò promptus est & facilis. ipsumq; sine multa difficultate operatur: quæadmodum in Genesi scribitur, sensum & cogitationem humana cordis prona esse ad malum ab adolescentia sua. Ex eo .n. quod sensualitas semper transire quærit rationis limites (quæ est regula uoluntatis) semper homo in se habere cognoscitur, quod uirtuti studentibus reluctetur. Nā uirtus & bonum intra limites rectæ rationis consistit, quos sensualitas exire semper appetit, sicq; uirtutis studentibus sua importunitate faceffit negotium; & non modicā ingerit difficultatem, suis passionibus continuò pulsans, & uelut imperum faciens in uoluntatem ad meliora conantē. Atq; hunc est, quod Aristoteles in libris Ethicorum asserit, uirtutem, sicut & arte uersari circa difficile. Profecto .n. difficile non foret homini operari bonū, si non hanc in se haberet corruptam sensualitatem, sic semper ad mala sollicitantem, & bono semper repugnantem. Impossibile est aut nō fieri difficultatem in re quantumuis facili, ubi sit qui retrahat, & qui impediat. Quæadmodū in se quidā est facillimū in altū de terra hunc eleuare baculū. Si tamen sit qui toto pōdere calcet super eius extremū, at si sit qui mihi sursum trahere uolēti quomodocūq; cōtrahatur, difficultas mihi erit in eleuando: nō quidē ex re ipsa, sed ex parte retrahentis atq; contrahentis. Atq; ita sane, uirtus non circa ipsum quod in se est difficile uersatur, neque per se difficile est uoluntati appetere & mouere ad bonum: sed pp hanc sensualitatem retrahentem semper à bono, & ad malum sollicitantē, prouenit difficultas. Neque aliud quā sensualitatem istā rebellē respicit Saluator, cum in Euangelio uiam uitæ facit angustā, & angustā portā dicit per quam intratur ad uitam. Videlicet significare uolens, plerosq; mortalium sensitium appetitum insequentes per uias malas ad mortē pergere, paucissimos uerò appetitui huic resistentes per uias bonas ad uitam proficisci. Quam

re illud maximè deſcendum eſt, quod non ſolum reſuſcitari in nobis poteſt ſenſualitas uoluntati, & in bono proſeque- do ei facere negotium, uerum etiam penitus eam poſſit ad ſe allicere, imò ſibi ſubiicere, & pertrahere quo ipſa uolue- rit: ſicut pertrahere ſolet ancillā cōducticiā dñā quæ uolue- rit. Nam ſi tantam difficultatem poſſet inferre uoluntati in operando bonū, foret id quidē tolerandum. Nunc uerò tā tam habet poteſtatē, ut etiam ſuprà uoluntatem poſſit ſor- diſſimè cōſcendere, eamq; ſibi ſeruilit̃er ſubiicere. Quod ſanè ſpectaculum tam ſœdum eſt, tam ſordidum, tam ina- mœnum, tam Deo & ſanctis Angelis, atque ſpiritali ani- mæ abhominandum: ut uerbis explicare non queat: tole- rabiliusq; foret totam mundi machinam perturbari, ſur- ſum ac deorſum cōmiſtis omnibus inſimis ad ſuprema, & ſupremis ad inſima commutatis, quam ita inferiorem illū appetitum ſuperiori tanto nobiliori dominari. Narrat apud Eſdram ſecundus ille nobilium adoleſcentum, qui de mulierum fortitudine diſſerebat, rē ſœdiſſimā, de mulie- re meretricula, concubina magnifici Regis: quæ ſedens ad Regis dexterā, auſerebat diadema regni eius, imponēsq; ſibi, palmis Regem cedebat cum ſiniſtra manu: cum ille ſu- per hæc omnia aperto ore intueretur meretriculam & arri- deret ridenti indignanti uerò blandiretur donec reconciliaretur in gratiam. Atq; hoc tam ſœdum ſpectaculum re- ferens ille adoleſcens purpureorū omnū præ narrationis nouitate in ſe conuertit oculos, & Principum animos com- mouit in uehementem admirationem. At uerò iis quæ in- ter nos habent oculos, qui ſœditatem internam ualent cō- ſpicere, multò ſœdius, multò ſordidius, longe magis ex- crabile uidebitur, ſenſualitatē uiliſſimam & ſordidam de terra prodeuntem, & ſemper in luto uolutari, quærentem dominari uoluntati de cœlo progenitæ, ac de clariſſimo diuino ſtemmate prognatæ nobiliſſimæ utique ac liber- rimæ Imperatrici, & Regni diadema (quod huic donauit altiſſimus) ab ea auſerre, ſibiq; imponere. O uiliſſimā me- rettriculam, o ſcortum putridiſſimum, prauā ſenſualitatē, quæ iam multorum hominū uoluntates tibi uiliſſimè ſubi-

Nota.

3. Eſd.

lib. mo. 7

. 1. 1. 1.

iicit, quæ hominum uoluntates facis quæ bona sunt relinquere, & tuis pessimis desideriis acquiescere.

CAPVT XVIII.

Quod uoluntas ob suam libertatem non possit cogi ab appetitu sensitivo.

Hoc tamen sciendum est, quod nulla uoluntas à sensualitate superatur merè uiolenter, sed tm̃ sua permissione & libertate. Propter quod, nequaquam uoluntas excusatur à grauissimo scelere, Deūq; in infinitum offēdit, cum se ita permittit à uilissimo scorto superari. Quamquā enim sensualitas rupto fœdere potest suis passionibus facere negotium & molestiam exhiberi uoluntati rationis rectæ regulam insequi cupienti, si tamen uoluntas obistere uoluerit, & nisi ultro consenserit sollicitanti, nisi cedat insultanti sensualitati, impossibile erit ipsam ab hac superari: ita ut impossibile sit uoluntatem subiici uiolenter à sensualitate, neq; possit unquam ab ea expugnari, quantumuis oppugnetur, nisi ipsa se dedat in manus meretriculæ.

Quapropter omni excusatione caret uoluntas, quantumuis grauib; impulsibus passionum sollicitata, si sceptrum & diadema regni à Deo optimo sibi datum permiserit à se tolli, & in manus meretriculæ fuerit deuenire. Non. n. potest à uoluntate tolli sceptrum, nisi ipsa dederit, & uerius ipsa se subijcit sensualitati, quam à sensualitate subiiciatur. Qui. n. omnem oppugnantis apparatus & insultū sua uirtute potest repellere, hic si se superari ab hoste permittat, manifestum est quod seipsum dederit in manu uictoris. Atq; ita cum uoluntas in homine possit sua libertate depellere omnes passionum impulsus, quibus ab appetitū sensitivo potest impugnari, siue blandiendo, siue quācunque molestiam exhibendo, manifestum est, non posse ipsam manu uiolenta expugnari, sed à semetipsa spōte dedi in manus expugnantis. Atq; hinc æstinet homo, quam grauiter illa à iusto iudice Rege Regum & Domino dominantium punienda sit uoluntas, quæ ita præter necessitatem

Nota diligenter.

tatem absque omni periculo commissum sibi Regū & Imperium, ad modicam oppugnationem uel molestiam resignet & tradit alteri inferiori, cui Deus nequaquam regnū uult esse in homine id est, infimæ & corruptæ sensualitati quā ipse uoluit omnimodis esse subiectam. Proinde omni diligentia quisque debet sibi attendere, ne ipsam in naturalem dominationem, ministræ super dominam, seruæ super liberam, ancillæ, super heram, mulierculæ, super uirum, in semetipso admittat. Attendat uoluntas nobilitatem suæ originis, quoniam de excelsis coelestibus, non de terra progenita, & quantumuis importunam se exhibuerit coniuncta eadem in carne meretricula quantumlibet sibi faceat negotium: caueat tamen ne unquam tam uilissimo scorto ipsa tam nobilis Dei propago se subiiciat: maximè cum nulla sit illi necessitas atque hoc certissimo sciat, non posse se nisi uolentem ab illa superari, imò uerò suo conatu & suæ libertatis uirtute illam quantumcumque repugnantem posse nihilominus quo uoluerit pertrahere. Tanta enim est uoluntatis humanæ pro hoc etiam, statu libertas, ut non possit ab ullis passionibus appetitus sensitiui pertrahi uolenter ab eo quod ipsa eligit, ipsa uerò possit sensualitatem uolenter pertrahere quo uoluerit, quantumlibet reclamet, quantumlibet recalcitret ac reluctetur. Et licet uoluntas hominis impedire non possit quin à sensualitate oppugnetur, quin illa recalcitret, remurmuret, repugnet, quia prauæ in illa passionibus exurgant, à quibus magnam difficultatem ipsa patiatur, & multam sustineat perpetuamque molestiam, potest tamen si diligenter aduigilauerit & uiriliter se gesserit, omnes illius passionibus edomare atque compescere, ita omnem difficultatem euincere, ut non possit unquam expugnari, neque in subiectionem uenire oppugnatæ, ut manifestum sit, quoties uoluntatem deuinci contigerit, non ex impotentia esse, sed ex socordia atque segnitie: quandoquidem uiriliter decertando, omnem potuisset oppugnationem superare.

ET quoniam impedire non potest, nec prohibere uoluntas pro statu huius misere dissensionis, quin sensualitas suis motibus & passionibus insurgant, ut autem uon dominetur & non praeualeat omnino, potest sua uigilantia prohibere: hinc est quod ad culpam a iusto iudice imputatur uoluntati & destituta ab eo requiritur ultio, si se ab illa permittat suum pariter perari, & sub pedibus conculcari. Non autem imputatur ei, quod passionum in sensualitate exorientium patitur insulxime subiugari, nisi quantum ipsa per negligentiam illas permittit exurgere & inualescere. Quae uero suae rebellionis impetu sensualis effectus uoluntate praeueniendo agit, pro his culpa non ascribitur uoluntati. Non enim exigitur ab ea quod sua facultate ipsius est, & quod prohibere ipsa haudquaquam potest, quomodo ergo ei iuste imputabitur? Quapropter non illi tantum laudandi sunt, neque boni uiri censendi, qui nullis passionibus molestantur, in quibus nullae sensualitatis malae affectiones exurgunt (hoc enim uix paucissimis datur, & non nisi singulari contingitur Dei beneficio: & uix interdum post multos labores, post luctam annorum multorum a Deo hoc obtrinetur) sed ille laudandus est, qui mox ubi praesenserit in se malas oriri passiones, occurrit ex aduerso, per imperium uoluntatis, ut eas antequam crescant, succidat, & antequam inualescant, supprimeat. Quemadmodum non ille solum Agricola laudandus est, in cuius agro nullum crescit lolium, nulla unquam exurgunt zizania: sed qui diligenter prospicit, ne ita exurgant zizania, ut triticum suppriment, quique mox ut nasci uiderit diligenti sollicitudine euellit ac succidit, antequam in altum exurgant. Neque ille tantum equi sessor laudatur, cuius equus non reluctatur, non calcitrat, non in altum proiicit posteriora, non exercet ullam petulantiam: sed qui petulantem atque saltantem equum ita nouit freno gubernare, calcaribusque comprimere, ut non ipse pessundet, & equum cogat eam quae ipse uoluerit uiam, quantum uis reluctantem incedere.

Per similitudinem petulantis equi ostenditur quomodo debeat appetitus sensitivus subingari voluntati.

Quam similitudinem equi petulantis & sessoris eius si diligenter consideraverimus, inueniemus, quomodo voluntas in domanda sensualitate sese habere debeat, ut non solum pessundet, uerum etiam ad quicquid uoluerit, eam cogat sibi subseruire. Videmus autem equorum sessorum ad equorum petulantium gubernationem duplicibus uti adminiculis: uidelicet frenorum gubernaculis, & stimulis calcariis; quibus equum quantumcunque petulantem diligens sessor, & equitandi gnarus sub se retinet, & quocumque uoluerit, potest agitare. Ita ergo & sensitivus appetitus frenis egeret & calcariis, quibus constringatur, ut sub obedientia debita permaneat. Sunt autem freni isti habitus boni & bonæ assuefactiones: quibus illum voluntas quodammodo induit, dum frequenter illius passiones frangendo, & secundum rationem moderando, ita quandam assuefactionem bonam in eo generat, per quam facilius ipsum regat ac sub se teneat: habitus enim morales, id est, bonæ assuefactiones per multum laborem passionibus malis resistendo, easque moderando in appetitum sensitivum introductæ, hoc ei sunt, quod freni. Quemadmodum enim freni equis affixi & firmiter copulati, sessori dant quo se teneat, & quo equum subiectum moderetur: ita habitus illi atque assuefactiones in appetitu sensitivo ex multis actibus relictæ, sunt aliquid ei inexistens, quo potest teneri & moderari. Generantur autem huiusmodi habitus uel assuefactiones in appetitu sensitivo, ex continuo exercitio. Cum enim frequenter voluntas suo imperio resistit passionibus sensualitatis, & eas cohibet intra limites rectæ rationis, facitque non rem aliter appetere quam oportet, ex hoc relinquuntur in ea habitus quidam & quædam assuefactiones, & quanto amplius & frequentius id factum fuerit, tanto firmiores habitus & maiora freni iniiciuntur in appetitum. Atque hinc fit, ut rebellio illa appetitus sensitivi ad uoluntatem in studiosis &

& diligentibus hominibus continuo mitigetur, fiatque indies mitior ille bestialis appetitus, & facilius se gubernari permittat. Fit etiam, ut illis qui primum à uitijs ad uirtutes se conuertunt, difficillimum sit continere appetitū, ne currat in pristina obiecta. Sunt enim hi fessoribus imperitis similes, equo indomito absq; frænis insidentibus illis.

Calcaribus indiget sensitivus appetitus. Vbi uerò paulatim assueuerint, fit eis studium uirtutū multò facilius. Calcarium autem stimuli quibus equi sūt subiecti, afflictiones sunt & pœnalitates, quibus affectus sensitivus afficitur à uiris spiritualibus, quo facilius illum sibi subiectum reddant, & minus rebellantem, faciliusque dicto faciant audientem. Huiusmodi sunt ieiunia, uigiliæ, lacrimæ, labores manuum, nuditas, frigus, fames, sitis, egestas, uilitas, contemptus, & huiusmodi: quibus omnibus uelut quibusdam stimulis calcarium pungitur affectus sensitivus, afficiturque dolore & affligitur, ut minus sit uoluntati bonæ molienti molestus, & facilius sequatur quocunque illa duxerit. Atque hæc ratio est, quare sancti uiri quibus

I. Cor. 9. omnis cura est tota uoluntate domino suo deseruire, sedulo huiusmodi afflictionibus insistant, ieiunantes, uigilantes, laborantes manibus, uerberibus seipso afficientes, & siti & algore seipso torquentes, atq; ita de alijs huiusmodi afflictionibus. Hinc illa Pauli Apostoli uox est. Castigo corpus meum, & in seruitutem redigo, ne fortè cum alijs prædica

I. Cor. 12 uero, ipse reprobis efficiar. Et alibi in infirmitatibus gloriatur, in ieiunijs, plagis, fame, siti, nuditate, frigore, & huiusmodi: asserens quod uirtus in infirmitate perficitur, & quod tunc fortior sit, cum infirmat. Videlicet hæc omnia ad effectus sensitiui edomationem ille referebat, non audens super indomitum equum absque calcaribus insidere. Et quātò quisque magis lasciuientem & magis rebellē hūc subiectum equū perferat, tantò magis illum stimulis huiusmodi punire debet atq; urgere, nec cessare, donec præ dolore subsilientem & clamitantem cogat cessare à petulantia, Atq; ob hoc, in principio conuersionis (cum maximè ferocire uidetur appetitus contradictionem à uolūtate præter consuetudinem patiens) illis maximè exercitijs corporis

ris afflictiuus insistendum est, iis qui facile uolunt ac breuē reportare uictoria triumphum. Postea uerò quā subiecti coeperit, iam utcunque didicit pristinis stimulis humiliatus minus lasciuire, mitius quoque tractari potest, & stimulis calcarum prædictorum minus urgeri, sic tamen, ut non nimia remissione rursus redeat ad lasciuiani. Nulla enim remelius quā afflictione contumax seruorum genus in subiectionem redigitur, & in subiectione retinetur: quemadmodum Agar ancillam præ lasciuia dominam suam spernentem, prudens Sara dura afflictione sibi subiicere curauit: quod consilium à Deo non est improbatum, ut fugientem eam etiam Angelus Domini reduxerit, & consiliū Saræ probarit, dicens, Reuerte ad dominam tuam, & humiliare sub manu illius. Quomodo uerò habitibus moralibus appetitus frenetur, & an ipso tales sint habitus, & quot sint, & qui, aliaq; huiusmodi particularia, ad præsentem tractatum non pertinent. Ad moralem namque doctrinam, atq; ad Theologorum determinationem spectant. Nobis sufficiat duos istos appetitus secundum naturalem considerationem distinxisse, & quemadmodum se adinuicē habeant indicasse. Nunc uerò ad considerandum ipsam in se uoluntatem pergamus, & quæ per illam homini præueniant eximia contemplemur.

Gen. 11.

CAPVT

XXI.

De libertate uoluntatis in omnibus operationibus.

A Voluntate habet homo hoc sibi peculiare, ut solus omnium suorum actuum sit dominus, hoc est, ut quæcunque homo operatur, liberè operetur, possitq; pro sua libertate quod operatur, non operari. Subiecit enim Deus uoluntati omnes alias uires quæ sunt siue in corpore, siue in anima, ita ut ad uoluntatis imperium omnes possint moueri, possintq; eis uoluntas imperare sui actus executionem, & ipsæ ei obedire. Loquimur autem non simpliciter de omnibus operationibus, neque de omnibus uiribus quæ sunt

Voluntati ceteræ uires subiiciuntur.

H h in ho-

In homine, sed de uiribus animalibus, & de operationibus
 animalibus, quæ uidelicet homini s̄m quod est animal cō
 ueniunt. Nā potentia uegetatiua non subiiciuntur impe-
 rio uoluntatis. Non enim ad imperium uoluntatis nutritur
 Luc. 12, homo uel augetur. Alioqui non uerū esset, quod ait Sal-
 uator, non posse nos ad staturam nostram adiciere cubitū
 unum. Si enim augmentatiua potentia esset subiecta homi-
 nis uoluntati, indubiè plurimi statura pusilli (qui ob hoc
 contemnūtur ab hominibus) etiam ultra cubitum sibi adii-
 cerent. Illæ autem uires omnes quæ homini conueniunt,
 ut animal est, subiacent uoluntatis imperio: non ita ut abs-
 que uoluntatis imperio non possint moueri, sed quia ad
 imperium uoluntatis sic nata sunt moueri. Visus enim
 naturaliter ab obiecto mouetur; cum fuerit præsentatum
 sed uoluntas ipsi potest imperare, ut ad hoc uel illud ui-
 dendum se conuertat, & potest auribus præcipere,
 ut ad sonum illud attendant, quanquam oblatum so-
 num absque omni uoluntatis imperio possint audire.
 Ita potentia motiua imperat uoluntas, ut corpus mo-
 ueat huc aut illuc, quo scilicet uoluerit. Sed & intelle-
 ctus à uoluntate moueri natus est. Potest enim impera-
 re intellectui, ut ad hoc aut illud intelligibile contempla-
 dum se conuertat. Et omnes hæ potentia s̄m quod uolun-
 tati sunt subiectæ, aliquo modo per participationem libe-
 ræ dicuntur, eo quod à uoluntate liberè moueantur. Sola
 tamen uoluntas per seipsam libera est, & uerā habet liber-
 tatem. Omnes enim aliæ tamen si à uoluntate libere pos-
 sint moueri: proposito nihilominus obiecto naturaliter ab
 illo mouentur, quemadmodum de sensitiuis potentiis su-
 præ declarauimus, & de appetitu sensitiuo. Volun-
 tas uerò omnino libera est, quia proposito sibi bono &
 appeteribili, nulla cogitur necessitate illud amare, sed po-
 test liberè non amare, & non prosequi: & proposito ma-
 lo, liberè potest non odire & non fugere. Neque possibile
 est, ut quis uoluntatē cogat ad aliquid amandum, uel pro-
 sequendum, odiendum uel fugiendum, ad gaudendum
 de aliquo aut tristandum: atq; ita in cæteris actibus uolun-
 tatis

tatis. Neque solum in proprijs actibus ipsius uoluntatis id
 uerum est, sed in omnibus potentiarum sibi subiectarum:
 Nemo enim potest cogere uoluntatem, ut imperet alicui
 inferiorum uirium exercitium actus sui: uidelicet ut impe
 ret potentie motiue ullum motum, ut ullum membrum
 moueat, aut per ullam potentiam animalem quidquam fie
 ri debeat. Sed neque ipsa corpora cœlestia, neque omnes
 quæ sunt in superioribus constellationes, ad aliquid pos
 sunt uoluntatem liberrimam compellere, quantumuis sint
 constellationum uehementes operationes; quamlibet effi
 cax sit uirtus astrorum. Quanquam non est negandum astro
 rum & cōstellationum influxus posse agere in corpus, sicq;
 appetitum sensitiuum ut corpori immersum posse immuta
 ri ab effectu astrorum impresso in corpus, & inclinari ad
 aliquid appetendum uel fugiendum secundum qualitatem
 impressi effectus. Verum ultra appetitum sensitiuum non
 potest protendi uirtus astrorum. Non enim possunt nisi in cor
 pora uel corporalia suos effectus producere. Voluntas ergo
 neque corpus neque corporale aliquid existens, sed poten
 tia superior, nec immersa corpori, nullius est effectus ab
 astrorum uirtute susceptiua. Et licet fere contingat (pro
 pter insipientiam) bonam partem hominum astrorum in
 clinationem etiam secundum uoluntatem sequi, id tamen
 argumentum nullum est, quod astrorum influxus cogat uo
 luntatem, aut quod astrorum uirtus per se immutet & in
 clinet uoluntatem: sed inde hoc procedit, quia maxima
 pars hominum, per damnandam socordiam permittunt uo
 luntatem a sensualitate superari: & quia paucissimi sunt,
 qui non secundum carnem uiuunt, & carnis concupiscen
 tiam spiritu contempto insequunt. Propter quod recte Sa
 piens ille dixit Ecclesiastes, stultorum esse infinitum nu
 merum. At uero Sapiens si quis inuenitur e millibus unus,
 hic per uoluntatis libertatem, omnem superabit astrorum
 operationem, omnia sensualis appetitus blandimenta pro
 nihilo pender, atque ex alto despiciet. Vnde illa Pthole
 mæi uulgo iactata sententia, syllabarum quidem numero
 modica, sed ueritatis pondere grauissima: Sapiens domi

*Corpora
 cœlestia
 nō possunt
 uoluntatem
 cogere.*

Iacob. I

inabitur astris. Qui enim astris non dominatur, profecto stultus est & insipiens, utpote qui absque necessitate in perditionem abduci sese permiserit. Nemo ergo cum tentatur dicat, quoniam à Deo tentatur, aut ab astrorum influxibus (quæ sunt creaturæ Dei) ad malum urgeatur, non creaturam Dei bonam, & bonam ualde incuset, sed suam potius stultitiam & insipientiam condemnet. Vnusquisque (ut ait Iacobus Apostolus) tentatura propria concupiscentia abstractus & illectus: cuius meretricis blandimentis dum uoluntate consentit, ipse se propria culpa filium mortis gehennæ constituit, ac propria sponte damnabilem facit.

Ibidem.

CAPVT XXII.

Quod ratione uoluntatis homo mereatur uel demereatur.

*Meritū,
& demeritū præ
supponunt
libertatē.*

EX hac autem libertate quam iam ostēdemus inesse hominis uoluntati, consequitur hominem ratione uoluntatis posse mereri uel demereri, dignumque fieri præmio bono siue malo, iuxta quod per uoluntatem bona uel mala facere elegerit. Cæterorum uero animalium nullum mereri potest aut demereri, aut retributione bona uel mala dignum fieri. Meritum enim & demeritum, præmium & punitio illic locum habent, ubi est actuum liberum dominiū, ubi quod fit, libere fit, ita ut possit qui facit hoc ipsum, si uelit, non facere: item ubi quod non fit siue omittitur, libere non fit, libereque omittitur, ut potuisset si uoluisset, non omittere. Vbi uerò libertas non est, ita ut non possit agens non agere quod agit, uel ut non possit agere quod nō agit, ibi constat nullam esse meriti uel demeriti, præmii uel retributionis rationem. Propter quod ignis si hominē innocentem comburat, nullam meretur punitiōē. Quod enim egit, libere non egit, sed naturali necessitate. Similiter lapis, cum hominem desuper cadens interficit. Immo & lupo cum hominem fame excitatus uorat, uel etiam cum sola phantasia ductus id facit. In his enim omnibus si-
cut nulla libertas, ita nullum est demeritum. Sic infantuli
dum

dum parentes manu cædunt, dum per noctis tempus molesti sunt parietibus & multum illis faciunt laborem, uociferantes & clamantes contra illorum uoluntatem, in nullo demerentur, neque puniti ne sunt digni, ob defectum libertatis. Necdum enim usum habent suæ libertatis, sicut necdum habent usum rationis. Ita quoque moriones, qui penitus uelut pueri aut bruta absque libero usu sunt ipsius uoluntatis & rectæ rationis. Et licet secundum ciuiles leges puniri decernantur animalia bruta, ubi homicidium fecerint, non hoc arguit, illa punishmentem huiusmodi meruisse suo actu. Nam talis punitio potius ad dominorum ipsorum forum damnum ad quos attinent spectat, quam ad ipsa animalia bruta: ut sit cum bos interfecto hominis securi cæditur, capite rotæ supraposito: uidelicet ut discant possesores illorum diligentius sua iumenta obseruare. Vel fiunt huiusmodi punishmentes ad hominum commotionem, ut magis ab huiusmodi ipsi absterreantur animalia rationalia, cum & in irrationalibus bestiis talem uident capitalis sententiæ seueram exerceri uindictam. Interdum etiam in sceleris detestationem, ueluti cum is qui cum iumento coïit, simul cum ipso iumento exuritur, si possit comprehendere. Consequitur ex prædictis, quod non in omnibus suis actibus homo meretur uel demeretur, sed in iis tantum, quæ uoluntariè operatur. Primum quidem in iis actibus quæ propriè sunt ipsius uoluntatis, & deinde in omnibus quæcunque à uoluntate imperantur, non autem in illis quæ nec propriè ipsius sunt uoluntatis, nec ipsius sub sunt imperio. Idque intelligendum est tam de ipsis actibus, quàm de actuum omissionibus. Potest enim homo mereri, & bono præmio dignus fieri, non solum tale aliquid faciendo quod bonum est fieri, sed etiam omitendo quod bonum est non fieri, & malum est fieri. Sed demereri potest, non solum faciendo quod malum est fieri, sed etiam omitendo quod bonum est fieri, & non malum est non fieri.

*Bruta cui
secundum
leges puni-
antur.*

Quomodo actus humani, de uoluntatis libertate participant.

*Participa-
tio uolun-
tarie li-
bertatis.*

Est etiam circa præsentem locum aduertendum, nõ re-
quiri ad hoc ut in actu aliquo mereatur homo uel de-
mereatur, quod sit actualiter & formaliter imperatus à uo-
luntate, sed sufficit quod uoluntas super ipsum habuerit do-
minium & imperium: ta ut impedire potuisset, si tãtum uo-
luisset. Quod enim uoluntate permittente sit uoluntarium
est, & ut libertatem uoluntatis participans meritũ uel de-
meritum facit. Non enim solum peccat uoluntas, dum ipsa
met eligit actum malum, sed etiam quando appetitus sensi-
tius malã passionẽ excitat: quã uoluntas non suppressens
dum põt, ita acceptat atq; permittit. Hac enim acceptatio-
ne uel permissione, actus ille de uoluntatis libertate partici-
pat. Ex quo patet causa, ob quam in illis actibus homo nõ
mereatur uel demereatur, quos habet à potentiis nõ subie-
ctis uoluntatis, uidelicet nutritione & augmentatione, itẽ
in illis quæ ei ut corpori naturali conueniunt: ut cum subi-
tò cadens homo alium opprimit, uel interficit. Hic enim
non aliter homo se habet, quàm truncus, aut lapis, neque
ut homo agit. Item in ijs quæ homo dormiens per phanta-
siam agit, ratione ligata. Item in ijs quæ homo in furia exi-
stens agit, non compos mentis, nec suæ uoluntatis utens li-
bertate. Consequitur etiam, non demereri hominem ex
solo aspectu rei illicitæ oblatae, ad quam non se per uolun-
tatem conuertit, neque in auditu rerum obscenarum subi-
tò, cum non aduertit uoluntariẽ auditum ab huiusmodi, &
ita in cæteris. Non enim in potestate uoluntatis erat talem
actum cõpescere, neque aliquid de libertate uoluntatis par-
ticipat. Qui autem uoluntariẽ conuertit oculos suos ad aspi-
ciendum uana, aures accommodat ad mala audiendum, &
ita in aliis: aut etiam nõ auertit oculos, non obturat aures,
cum possit & debeat, hic in operationibus sensuum peccat
ex libertate uoluntatis, cuius ibi fit participatio. Cõsequit̃
insuper (quod supra diximus) primos illos passionum mo-
tus, qui ab appetitu sensitiuo exurgunt in homine, præue-
niendo

niendo uoluntatis imperium, non imputari homini ad demeritum, si nulla sit acceptatio uoluntatis, si uoluntas motus ut senserit, sese opponens incipiat eosdem compescere. Hoc tamen sciendum est quantum magis diu tales motus sustinet, postquam aduertit & repellere potuit, tanto magis ipsi imputari ad demeritum: quoniam continuo magis & de libertate participat, quantum magis uoluntas in eis quiescit. Et uniuersaliter ita in omnibus iudicandum est, quantum unusquisque actus, uel unaquæque ommissio magis est uoluntaria, & quantum magis de uoluntatis libertate participat, tanto maioris esse meriti uel demeriti. Circa quod est notandum est, posse in aliquo actu esse participationem uoluntariæ libertatis, etiam tunc cum uoluntas omnino nihil operatur & prorsus est ligata, uidelicet cum aliquid prius uoluntariè homo eligit, & liberè operatur uel admittit, ad quod alterum illud per se consequi est natum. Ut qui per tempus uigiliæ illicita uaria cogitat, neque antequam somno se dat, agit poenitentiam suæ uanitatis, huic si per noctem de præteritis uanæ occurrant imagines, inordinationes huiusmodi & illusiones nocturnæ non prorsus culpæ uacant. Voluntariæ namque libertatis aliquid habent, quatenus uigilans illa admisit in sese, unde in somno plerumque solent consequi. Sic qui se uoluntariè inebriat, si postea ebrutus delinquat, uel committendo quæ committere non debet, uel omittendo quæ facere debuit, hunc certò à peccato non excuset ebrietas. Atque hac in re quantum ad ea quæ in somno fiunt, multum confert illa somniorum naturalium ab animalibus distinctio, quam in libro præcedenti posuimus. Naturalia enim somnia absque uoluntatis participatione sunt, eò quod causam habeant naturalem. Animalia uerò aliquid de uoluntaria libertate participant. Quid autem sit uoluntarium, & quor modis dicatur, & alia plura quæ de uoluntario subtilius solent differi, ad moralem doctrinam pertinent. Nobis sufficit generaliter hominis istam prærogatiuam in merendo uel demerendo descripsisse.

*Præcepta solis
rationali-
bus dant.*

Habet quoque à uoluntate homo, ut solus ipse inter cætera omnia naturalia creata possit accipere præcepta & prohibitiones, promissiones item & cōminationes. Hæc enim illic locum habent, ubi est actionum libertas. Frustra namque præceptum fieret illi à quo non posset fieri quod non præcipitur, uel à quo non posset non fieri, utpote illi quod naturaliter quippiam facit ut non possit in oppositum. Quemadmodum uanè præciperet, qui igni præciperet calefacere, aut materiam appositam inflammare. Neque illic est præmia proponere, ubi non est libertas ad faciendum uel omittendum. Ad hoc enim præmia proponuntur (siue bona promittendo, siue mala cōminando) ut ad ea quæ bona sunt agēda extimulentur, uel ab ijs quæ mala sunt amoueantur, ij qui libertatem habent siue bonū siue malum faciendi, aut committendi, pro sua libertate. Est autē promissio & comminatio de re non præsentē sensibus, sed quæ tanquam futura proponitur. Sunt enim promissiones de futuris, item & comminationes. Vnde cum solus homo propositione futurorum moueatur, cætera uerò omnia tantum ad præsentiam obiecti sensibilis per sensitiuum appetitum mouentur naturaliter, hinc fit ut non possint nisi homini promissiones fieri & comminationes. Et licet aliquando appellemus ostentationem ipsius appetibilis promissionem & ostentationem rei terribilis, nonnanquam uocemus comminationem (uelut cum cani baculum ostendimus, eundem uiibrantes tanquam indicantes accepturum illum uerba, si ad carnem hanc accedat) id tamen manifestum est potius allicere uel abstertere esse, quàm promittere uel comminari. Quod etiam in scripturis legitur, Deus præceptum posuisse irrationabilibus creaturis: quemadmodum de cœlestibus corporibus non solum irrationabilibus, sed etiam in animatis dicitur Psalmō centesimo quadragesimooctauo quòd illis Deus poposuerit præceptum quod nunquam præteribit: hoc certum est di-

ci methaphorice, uidelicet ad significandum diuinam institutionem, quia illis motum suum ab initio instituit & definiuit, quem ipsa inuolabili lege obseruant. Proprie ergo solis hominibus præcepta, & prohibitiones, promissiones, & comminationes constituuntur. Maximè autem illæ promissiones secundum dignitatem hominis sunt, quibus bona æterna promittuntur.

CAPVT XXV.

Quòd homo ratione uoluntatis capax sit infiniti boni.

Habet insuper homo à uoluntate, ut solus sit capax infiniti boni, nulloq; possit bono creato repleri, nullo possit temporali bono satiari. Est enim ipsa capacitatis infinitæ, & durationis æternæ: cum sit potentia nõ immersa materiæ, & à corpore separabilis, atque in æternum permanens. Omnia aut alia creata præter Deum solum, finita bona sunt. Solus Deus est bonum infinitum & incomprehensibile. Ac proinde non potest hominis uoluntas ullo bono creato quantumlibet præcellenti satiari, nisi solo Deo. Nam finiti ad infinitum nulla est proportio. Vnde sicut si uas aliquod imaginaremur infinitæ capacitatis corporalis, nullo posset creato liquore impleri, etiam si omnia flumina in illud infunderentur, omnesq; aquarum fontes, & putei: ita sanè uoluntas hominis infinitæ capacitatis exiitēs, nullis potest bonis creatis, etiam si uniuersa simul influant, satiari. Quantumcūque enim boni finiti in uoluntatem immisceris, nihil aliud agis, quàm si in immensum uas, aquæ guttulam infuderis. Verum infinitum aliquod flumē infinitum uas posset replere, minus autem infinito non posset replere infinitum. Infinita enim capacitas requirit infinitum replens si debeat repleri. Vnde impossibile est uoluntatem ullo creato satiari. Appetitus autem sensitius non est capacitatis infinitæ, sed admodum modicæ: propter quod facile impletur, & impletus cessat concupiscere, donec rursum illo, quo plenus fuerit euacuetur, impletur.

Voluntas nullo creato satiabilis.

Appetitus sensitius facile impletur.

Atque

Atque hinc manifesta est differentia inter animalia bruta & homines brutaliter siue bestialiter uiuentes. Animalia enim bruta quoniam non nisi appetitum sensitiuum habent, citò satiantur & replentur, modo cibo uel potu. Homines autem eiusmodi, uerè non homines, equis & mulis minus rationabiles, qui uoluntatem habent sensualitati subseruientem, & similiter ut appetitus sensitiuus inordinatè absque regula rationis sensibilia appetentem, nunquam possunt temporalibus rebus satiari, quantum ad effectum, ut gulosi cibos atque potus absque termino concupiscunt, nec ingurgitare desistunt, donec usque ad guttur ab imo pleni prohibeantur ulterius ingurgitare, non defectu desiderij, sed defectu corporis, quod omnino nequit amplius recipere, propter nimiam impletionem. Ea uerò sensibilia bona quæ non intra nos suscipimus (ut sunt pecuniæ & possessiones, & huiusmodi) absque ullo termino & fine semper appetuntur. Videlicet hoc ipso cognoscere potest & debet homo, per illud quo supereminet ceteris animantibus, se esse capacitatis infinitæ, & nullo finito bono satiabilem. Propter quod uanè laborat ac frustra seipsum deuexat homo, dum temporalibus, ac finitis huiusmodi bonis quæ in hoc mundo sunt, suum cupit infinitum desiderium adimplere: non minus quàm si uas infinitum (ut diximus) modico aquæ cyatho quis laboret implere. Illud autem bonum requirere debeat, & toto conatu inuestigare, quòd solum est suo infinito appetitui proportionatum, quod solum potest hominis desiderium penitus implere & satiare perfectissimè. Bonum autem hoc unicum est, non temporale, sed æternum, non creatum, sed creator Dominus Deus super omnia benedictus, qui ad hoc nos sic creauit capacitare infinitos, ut ipsum qui solus in infinitum potest adimplere requireremus, & ad eum omne nostrum dirigere desiderium. Cum enim nihil ipse frustra fecerit, qui est sapientissimus omnium conditor, nunquam utique hominis uoluntatem infinitæ fecisset esse capacitatis, nisi aliquo modo uoluisset bono infinito eam adimplere. Vnde cum solus ipse tale bonum infinitum sit, constat ad hoc il-

lum

*Christiane
lector at-
tende.*

lum fecisse nos capacitatis infinitæ, ut ab eo plenissime im-
 pleremur. Hanc philosophiam non ignorabat ille qui de *Psal. 16.*
 post fortantes assumptus fuit ad regnum, cum diceret, Sa- *Psal. 27*
 tiabor cum apparuerit gloria tua. Sic & in alio loco excla-
 maus, Quid enim mihi (inquit) est in cœlo, & à te quid
 uolui super terram? Quasi dicat, Omnino nihil est, quod
 meam infinitam capacitatem valeat implere. Et subiun-
 gens quid sit quo credat posse se adimpleri, ita prosequi-
 tur, Defecit cor meum, & caro mea. Deus cordis mei,
 pars mea; Deus meus in æternum. Et rursus alio loco. *Psal. 26*
 Credo uideri bona Domini in terra uiuentium. Manifestè
 uidelicet significans, non hic in terra exilij & morientium;
 esse ulla bona quibus possit satiari. Sic enim loquitur qua- *Luc. 12.*
 si nulla hic bona uiderit. Hinc & saluator in Euangelio to- *Cap. 18.*
 tines monet thesaurizare non thesauros in terra, sed thesau-
 ros in cœlo deficientes.

CAPVT XXV.

Quomodo per uoluntatem Deum amare, Deoque uniri potest homo.

Habet insuper homo ex uolūtate, ut inter omnes crea-
 turas solus possit Deum diligere, eiūque per uolunta-
 tem adhærere perpetua adhæsione. Nam animalia bruta p-
 sensitium appetitum non possunt nisi quæ sensibilia bona
 sunt, & quæ sensus iudicat conuenientia diligere. Deus au-
 tem nullo sensu sentiri potest, homo uerò sicut per intelle-
 ctum sensui supereminentem, potest Deum cognoscere, ita
 per uoluntatem Deum potest amare. Amor uerò facit rem
 amantē adhærere rei amatae. Hæc enim est natura amoris
 ut uniat amantem cum re amata: faciatque unum ex duo-
 bus. Est enim uinculum & quasi uiscus siue glutinum, quo
 conuiscantur, coniuntur, & conglutinantur ad inuicem &
 amarum: ita ut etiam uulgo qui se multum amant, unam
 animam in diuersis corporibus dicantur habere? Et sicut
 Paulus de meretricio amore ait, quòd duos coniungat in
 unum corpus; (Qui adhæret, inquit, meretrici, unum cor- *1. Cor. 6.*
 pus

DE APPETITV SENSITI.

pus efficitur) ita de amore spirituali uoluntatis dicendum est, quòd unum spiritum efficiat. Vnde & subsequenter de amore diuino loquens adiecit, Qui autem adhæret domino, unus spiritus est. Hæc enim adhæsiō de qua loquitur, non nisi per amorem est. Potest ergo homo per uoluntatem Deum infinitum amare, & sic cum illo unum fieri. Per uoluntatem quoque potest homo donec abest à Deo ipsum prosequi, & desiderare, infinito & infatigabili desiderio, & in eo iam habito potest gaudere, & quanto perfectius habuerit, tantò perfectius gaudere: & cum perfectissimè ipsum habuerit in futura scilicet patria, tunc perfectissimè gaudebit, eritq; ibi unio perfectissima, supra quàm humani ingenij ualeat caligo nunc apprehendere. Ecce quanta, quàm admiranda sunt, quàm eximia, quàm præcellentia, quæ humana soboles uerè cælo demissa ab alto, præ cæteris omnibus creaturis possidet, quibus creatis omnibus præstat & præfertur in immensum. Vide ò homo & attende, quàm nobilem te nobilissimus creauit conditor tuus. Ecce qui cunctas res naturales creauit finitas, te solum infinitum creauit: & talem te creauit, ut ab ipso posses inhabitari, & ab ipso infinite bono, infinite beatificari.

*Conclusio
libri.*

Sed nos iam ab infimis rerum naturalium elementis atque principiis, ad id quod in creaturarum ordine dignissimum est atque omnium supremum Dei adiutoris (qui nos solum sic direxit calamum) subuecti, quo iam auolabimus longius? quo proficiscemur ulterius? Per materiam & formam rerum naturalium, per earum causas, per motus & accidentia cætera, per generationes & corruptiones iam per uolauimus, supernas impressiōes sub nobis reliquimus, uiuentium naturam & sentientium dignitatem (tam quoad externos sensus, quàm quoad internos) proposuimus ante oculos omnium: Insuper & hominis intima introgressi, nobilissimas illas uires (intellectum & uoluntatem) quàm tum dedit altissimus, utcunque lallantes puerorū more & balborum instar magna fari gestientium expressimus. Quo uero super hæc conscendamus altius, in ordine rerum naturalium nequaquam poterimus inuenire. Ipse igitur qui

nostræ fuit considerationis initium, qui ad sui gloriam nostrum hæcenus calamum direxit atque prouexit, nunc quoque nostri laboris finem accipiat: & cuius gloriam in cunctis præcedentibus spectauimus: tandem in operis conclusionem canticum laudis idem ipse accipiat: qui in Trinitate & unitate uiuit & regnat in æterna sæcula benedictus. Amen.

FINIT LIBER XII.

PSALMVS ILLI, QUI SOLVS IMPLERE
re potens est humanum desiderium.

QUænamadmodum desiderat fatigata cernua ad fontes aquarum, ut refecilletur in eis: ita desiderant ad te Deus animæ nostræ, ærefactæ præ inopia, & fatigatæ carnis molestia.

Apud te nanque solum est fons uitæ, & torrentes voluptatis apud te sunt: uena tu es aquarum uiuentium, quibus solis satiari possumus, & inebriari rationales animæ nostræ.

Quæcunque in hoc creato mundo sensibus subiecta percipimus, nequaquam implere possunt, uel secundum partem minimam, desideria nostra, etiam si agglomerentur quæcunque orbis iste continet superna, & infima, non ualebunt nec imius hominis implere desiderium.

Talem enim tu Deus piissime creasti rationalem creaturam tuam: ita magne Deus & mirabilis, magnum & mirabilem creasti hominem.

Ut tui capax esset nec ullo posset satiari bono nisi te, ut solo unoque te posset impleri, suæque capacitatis te ipsum accipere plenitudinem.

Irrationalium ceterorum animantium appetitus, rebus impletur per modicos: pro nihilo est eorum satiare desideria.

Lupus famæ insanies uenæ una satiantur aut altera: Leo rugiens prædæ adeptus modicam, cessat à uenatione sua.

At uerò hominis uoluntatem nimia donasti amplitudine: latitudo capacitatis eius atque profunditas non habent terminum.

Quantumcunque fuerit iniectum creati boni, non implebitur immensitas

ET VOLUNTATE
immensitas eius nihilo amplius quam si in ollam mensura infinitam
iniiciatur paruula aquae guttula.

Infinita: am tamen istam non afflictionē contulisti homini, ut semper egenus torqueretur atque famelicus: multo magis, ut ueræ beatitudinis & supernæ felicitatis solus ipse capax foret, talem creasti eum.

Ita magne Deus, nos noluisti capaces facere amplitudinis tuæ: talem enim tibi complacuit creaturam condere, in qua posses inhabitare ipse secundum plenitudinem gloriæ atque felicitatis tuæ.

Quomodo autem te caperemus infinitum, immensum, & immensurabilem, nisi & nos tu creasses capacitate infinitos? nequit enim ratione monstrante, infinitum a infinito concludi.

3 Magnam mare magnam requirit alueum, nec posset mare infinitum finito contineri alueo.

Nequaquam ergo ad malum nobis est infinita capacitas ista: quoniam quidem ad infiniti boni possessionem felicissimè nobis proficit.

O quam dulcis est Domine spiritus tuus: & quam bene illis erit qui dignis nunc tibi faciunt suas animas, ut ad eam tandem aliquando pertingant beatitudinem.

Bonum est homini cum portauerit iugum tuum Domine ab adolescentia sua: quia in uis mandatorum tuorum ambulans, perfectam custodieris animam suam.

Et quam magne multitudo dulcedinis tuæ Domine, quam præparasti filiis hominum quam non uidit oculus, non audiuit auris, lingua non gustauit, immo neque cor hominis ualuit comprehendere.

Ibi conglutinabitur spiritus Domini cum spiritibus seruorum suorum: indissolubili glutino charitatis perpetuæ eriant conglutinati absque dissolutione, in æternitate perpetua.

Eia Domine, quando ueniet dies illa ut impleatur nobis beata unio ista: ut tu nobiscum, nos tecum, tu in nobis & nos in te simus unum suauiter?

Ibi erit absque defectu satiety plena, ibi erit absque siti, perfecta, & dulcis ebrietas: cum sese nobis manifestauerit reuelata facie fulgidissima illa gloria tua.

In beata unione implebitur uoluntas bonis omnibus quæcumque desiderauerit: infiniti namque boni talis possessio statim reddit totius bona accumulatione perfectissimam.

Expectabo

*Expectabo te Domine , stabo super speculam & custodiam meâ ,
ut uigilem: donec tu mihi aduenias , plenitudo omnis desiderii mei.*

*Absque hæsitacione tibi fidens , credo uidere bona omnia in ter-
ra uiuentium , ad uitæ fontes aquarum , in te sperans non confun-
dar in perpetuum .*

Gloria patri , & filio , & spiritui sancto .

*Sicut erat in principio , & nunc & semper , & in secula seculi .
loriam. Amen.*

FINIT PSALMVS.

DEO LAUS, ET GLORIA.



The first of these is the fact that the
 number of cases of the disease has
 increased in the last few years.
 This is due to the fact that the
 disease is now more common in the
 tropics than it was formerly.
 The second fact is that the disease
 is now more common in the
 tropics than it was formerly.
 The third fact is that the disease
 is now more common in the
 tropics than it was formerly.

THE END OF THE WORLD

THE END OF THE WORLD



269

INDEX ALPHABETICVS EORVM, QVAE
IN PRAECEDENTIBVS TRACTANTVR.

Abstracta & concreta un-
de dicantur, & duplex
abstractum describitur.

Fol. 209

Actus primus & secundus quid
sit 131

Actus quomodo libertatem
participant tametsi uolun-
tas actu non imperat. 243

Actus qui nō mereatur ibid.

Actus voluntatis participēs
sunt etiam dum voluntas li-
gata est ibidem.

Actus in ebrietate admissi nō
excusantur à peccato 144

Ad aliquid excessione, defe-
ctione actiui, passiui, mo-
tiui, & mobilis, quid 42

Aequinoctialis circulus cur
dicatur, & cur equator, cin-
gulum 117

Aequinoctium uernum & au-
tumnale, quid 119

Aestimatiue officium & ip-
sam esse motus principium
178

Aestimatiue duplex opera-
tio 179

Aestimatiue ab imaginatiua
differentia ibid.

Aestimatiua an eadē sit cum
phantasia dubitatur 180

Aestimatiua diuidit, & com-
ponit quod quidam phāta-

fix tribuunt ibidem.

Aestimatiua in homine quā
in cæteris animalibus nobi-
lior est, & quomodo hæc
ab illa differat ibid.

Aestimatiue seu phantasie lo-
cus, & despectio, & officia
181

Aestimatiua somnia natura-
lia operatur 194

Aestimatiua mouet obiectū
ibid.

Affectiones, amor, gaudium,
& cetera, spirituales in in-
tellectiuo appetitu inueniū-
tur, quæadmodū corpora-
les i sensitiuo sūt 224. 232

Affectiones cur dicantur, &
& non passionēs ibid.

Agens naturale non pōt seip-
sum secundum utrāq; par-
tem mouere, neque à sei-
pso moueri 43

Agens & patiens, similia &
dissimilia cur eē deant 74

Alteratio quid, & quomodo
ab alijs motus speciebus
differat. 71

Amor omnium passionū ra-
dix 228

Anima rationalis à corpore
separata corpori iungi cu-
pit, quod angelis non com-
petit. 19.

li Anima

I N D E X

- Aīa rationalis corporis cor-11** ruptionē non corpus detestatur. ibid.
- Anima rationalis seipsam mo-43** uet. 43
- Anima uegetatiua nutritio-71** nis est causa, & augmentationis naturalis. 71
- Antiperastasis quid 89**
- Antiperastasis duobus fit mo-ibid.** dis. ibid.
- Anima rationalis ab iutelligē-105** tiis differt. 105
- Annus bissextilis quis, & qua-110** re hoc noīe appellet. 110
- Angelus ille primus eur Luci-113** fer dictus sit. 113
- Anima quid. 131**
- Animæ aliæ duæ definitio-132** nes. 132
- Anima in tres species diuidi-ibid.** tur. ibid.
- Aīæ trēs tm rōe differunt, & in singulis corporis parti-ibid.** bus simul sunt. ibid.
- Animarum, sola rationalis à corpore separata non perit-133** nec de potentia materiæ educitur. 133
- Anima rationalis à corpore-ibid.** separata, quomodo seruet allegatas potentias organo corporeo. ibid.
- Angeli paucis operationi-131** bus, hominibus plura assequuntur. 131
- Animalia quædam ex corru-235.**
- ptione nascūtur, alia indif-ferenter ex hac, & ex semi-11** ne, alia ex cōmitione specierum, quorum primā & postrema generationē nesciunt. 133
- Animalia quædam cur citius homine ambulent, aliaque-142** uitales operationes exercent. 142
- Animalia quædam cur respi-ratione odorentur alia ue-166** rò minime. 166
- Animalia quædam cur odora-167** tus organum habeant re-ctum, alia uerò non ibi.
- Animalia quædam cur gustū non habeant. 167**
- Animal omne, & solum ani-191** mal dormit, & quare. 191
- Apprehendentes facile, malē-182** seruant. 182
- Appetitus sensituius in oībus animalibus reperit, & ab æstimatiua naturaliter mo-222** uetur, & mouet. 222
- Appetitus concupiscibilis, & irascibilis quid, & quæ eo-226** rum passionēs. 226
- Appetitus intellectuius, qui à sensitiuo differat. 233**
- Appetitus intellectuius ab ob-ibid.** iecto non patitur, nec cogitur prosequi. ibid.
- Appetitus sensituius quomo-230** do uolūtati repugnat. 230

Appe-

Appetitus sensitivus quomodo ad modum petulantis equi refrenari, & subiici debeat. 240

Approportione maioris Inæqualitatis fit actio. 55

Aqua quem habeat situm. 99

Alinus buridani inter duas auenas. 228

Astrum quid. 110

Audacia. 227

Auditus in quodam aqueo consistit. 155

Augmentatio multis dicitur modis. 71

Augmentatio à nutritione differt. ibid.

Augmentatio quomodo fiat & ex quo. 72

Augmentatio fit sine uacui positione, aut penetratiõe dimensio- num, quemadmodum & motus localis. ibid.

Augeri quod propriè dicatur 73

Aures tortuosæ. 156

Aures nullum proprium habent sonitum, ut nec oculus colorem, & unde sonitus ille qui intra aures percipitur, ipsum esse boni auditus argumentum. ibid.

Axes mundi, seu poli, arcticus & antarcticus qui dicatur 109

B

Bruta animalia hominibus tum cibo, & potu, tum u-

nere, temperatiora sunt. 59

Bruta non reminiscuntur. 187

Bruta non componunt aut dividuntur mediante copula uer- bali. 215

Bruta licet oblati duobus obiectis deliberare uideantur, non deliberant tamen. 224

Bruta cur interdum per sententiam iudicariam morte plectantur. 243

C

Causa quid sit, & quomodo ab occasione distinguatur. 25

Causa materialis quid. ibid.

Causa efficiens quid. 27. & 33

Causa finalis quid. 27

Causa formalis quid. 27. & 32

Causa finalis & efficiens quomodo primæ dicantur. 27

Causa eadem contrarios producit effectus, pro uaria passi affectione. 29

Causa per se, & per accidens secundum appellationem quid. 31

Causa per se & per accidens secundum rem, quid. ibid.

Causa potentialis, quid. 32

Causa actualis, quid. ibid.

Causa secundum esse, quid. 33

Causa secundum fieri, quid. ibid.

Causa longitudinis & brevitatis uita procedit ex caloris

I N D E X

- naturalis, & humidi radicalis pportione adiucē 146
 Causa breuitatis uitæ hominis triplex est, brutorū duplex, plantarum unica 141
 Causæ uelocitatis & tarditatis motus sunt uariæ ibid.
 Causæ altera definitio, eius quatuor spēs explicās 161
 Causæ plures sunt eiusdē rei diuersarum specierū & eiusdem 28
 Causæ sunt sibi mutuo causæ, & in eodem, & in diuerso genere 29
 Causarū proprietates tres 28
 Causarum quædam uniuersalis, alia particularis, alia, p-
 pinqua, alia remota, & quæ sint 30
 Causarum alia per se, alia per accidens, secundum rem, & appellationem. 31
 Calidum segregat partes diuersæ rationis in misto. 76
 Caligo uel nebula qd, & quō dissipata serenitatem diei prænuntiet. 89
 Calor naturalis augmentationis & nutritionis instrumentum, quo deficiente augmentatio cessat 71
 Calor Solis à Martis calore differt 144
 Calor naturalis uitæ necessarius, humido radicali nutritur 140
 Calor & humiditas qualitates bonæ sunt, & quas inter ceteras expedit dominari 141
 Capra saltans quid 87
 Caput & cauda draconis, qd 122
 Casus & fortuna quibus affectibus conueniunt 37
 Casus quid ibid.
 Calus à fortuna distinctio ibi.
 Canes uocum significationē ignorāt, tamen si ad auditū quarundam quasdam operationes exercent 212
 Cælum nihil corrumpat 104
 Cælum unicam eamque nobilissimam habet qualitatem, lucē uidelicet, qua mediāte suas operationes exercet ibi.
 Cœlestis natura mistum non ingreditur ibidem.
 Cælū cur quinta essentia uocetur 104
 Cœlestia corpora animata nō sunt 105
 Cælum empyreū quid & an in inferioribus quid operetur 106
 Celi xj. & quo ordine siti 107
 Cælum nouum cur aqueū dicatur ibid.
 Cœli aquei frequens in sacris literis fit mentio 108
 Cælum stellarum & firmamentum idē est, utriusque nominis ratio ibid.
 Circulus tactus quid 88
 Cir-

- Circulus maior quid, & quot
 sint 117
 circulus minor quid ibid.
 circuli minores quatuor sunt
 120
 circulus arcticus & antarcti-
 cus quid ibid.
 circulus Zodiacus quid 117
 cognitio nostra intellectualis
 quomodo à sensu profici-
 scatur 203
 cognitio Dei in nobis duobus
 formatur modis 204
 Cognit. intellectus quadruplex
 206.
 cognitio intellectualis singu-
 laris quid ibid.
 cognitio uniuersalis intellecti-
 ua quid ibid.
 Cognitio concretua quid &
 ipsam esse infimam opera-
 tionum intellectus 207
 cognitio abstractiua qd & ip-
 sa sensui nō cōpetere 220
 cognitio uniuersalis concreti-
 ua, & abstractiua quid ibid.
 collatio pulchra sensualitatis
 cum meretrice, ex literis
 sacris 242
 Color luminis alieni illustra-
 tione eget ut uideatur, non
 autem lux quæ etiā per mā-
 ius lumen impeditur. 134
 color quibus conueniat cor-
 poribus ibid.
 Color actū sensum faciens qd
 ibidem. 242
 color quid ibidem.
 colurus solstitiorum quis cir-
 culus dicatur 118
 colurus æquinoctiorū, & pun-
 cta duo in eo æquinoctia
 distinguuntur ibid.
 combinationes qualitātū pri-
 marum unde quatuor ele-
 mēta consurgunt 75
 Cometa futurorum malorū in-
 diciū 87
 Cometa qua cœli parte gene-
 retur, & quem habeat mo-
 tum ibid.
 comparatio debita tria requi-
 rit 35
 Comparatio uiuentiū quoad
 uitæ longitudinē fit multis
 modis 142
 complexionones in mistis quæ
 sint. 104.
 Complexionum quæ sit ma-
 ximè diuturna 145
 contemplatio de congruētia
 corporis ad animam, & e-
 diuerso 135
 contēplatio pia, ex planeta-
 rum ordine congruo 114
 coniunctio dimetrialis quid
 122.
 consequēter se habentia quæ
 dicantur ibid.
 consurrectio in Deum ex na-
 turalibus 14
 cōstellationes & astrorū uirtu-
 tes uolūtātē cogere nō pos-
 se, quantumuis uehementē-
 ter,

INDEX

- res, sed solos stultos ipsas
sequi ibid.
continuum quid 96
continua quæ dicantur. 46
contigua quæ dicantur. 47
contra naturā quid dicatur 9
conuersio in Deum ex crea-
turis 40
Coqui cur ex cibis quibus pa-
rando adsunt exaturentur,
similiter is qui penarium
uino repletum intrat 165
Corpora quædam cur ab odo-
ratu non percipiātur 164
corpora simplicia in quinque
gradus in uniuersum cogū-
tur ibid.
corpora cœlestia non possunt
congregare uoluntatē 243
Corporis simplicis diuisio &
eorum corporum situs ex-
plicatur 97
corporum quædam multa, al-
ia pauciora habent orga-
na, alia nulla 132
corpus, quantitas, quid ibid.
corpus simplex, & cōpositum
siue mixtū qd 76. 96 & 74
corpus opacum luminoso o-
biectum, si eo minus fue-
rit, pyramidalem facit um-
bram ibid.
corpus physicum & organicū
quid 131
D
Deo nihil est casuale aut
fortuitum. 38
Deo materia & forma non
competunt 38
Deo cōpetit esse causam fina-
lem & efficientem 39
Deus multa mediātibus cau-
sis scdis agit, quæ tñ oīa p-
se potest ibid.
Deus licet mediante causa se-
cunda agat immediatē ta-
men ad quemlibet concur-
rit effectum ibid.
Deus in omnibus rebus p suā
essentiam inexistens & pre-
sentiam, non mouetur 55
Deus quāuis oīa instantanee
mouere pōt, nō facit tñ ibi.
Deus seipsum mouere nō po-
test ibidem.
Deus solus essentia infinitus.
57
Definitio quid nominis, &
quid rei 58
Deo solum esse conuenit, nō
fuisse aut fore 77
Desperatio quid 227
Deus nobiliori modo docet
quam homo 212
Diuinitatis cōsideratio ex na-
tura materiæ 13
Differētia multiplex regionis
cœlestis & elemētaris 104
Dies quis naturalis, & quis ar-
tificialis dicatur 109
Doctrina Spūs sc̄ti nullā per-
se hēt in docendo resisten-
tiā, & quō peccatū obs. 205
Dominii duplex est, & iuxta
alte-

alterum eorū, appetitus sen-
fitius uolūtatī subest. 234

E

Eclypsis Lunæ quomodo
fiat 121

Eclypsis Lunæ qñ fiat 122

Eclypsis Lunæ quibus locis So-
le & Luna existentibus fiat
partialis ibid.

Eclypsis totalis, & uniuersalis
quid differant 123

Eclypsis Solis quid ibid.

Eclypsis quando perfecta, &
quādo partialis ibid.

Eclypsis Solis in nouilunio, &
Lunæ in plenilunio fit 124

Eclypsis Solis uniuersalis esse
nequit ibid.

Eclypsis Solis à Lunæ eclypsi
multiplex discrepātia ibid.

Eclypsim Solis tēporē passio-
nis Christi Dionysius in
Aegypto uidit 125

Eclypsim tempore passioni,
Christi uniuersalē fuisse,
partim Luna coniuncta So-
li, partim radijs retractis,
aut nubibus obiectis 126

Echo quid 161

Echo semper fieri licet nō au-
diat, & cur nō audiat prio-
rū partiū soni reflexio ibi.

Effectus quid sit 28

Efficiens causa est, tum prin-
cipalis, tum minus princi-
palis 33

Effectus secundum esse, & sic
rī, quid ibid.

Effectuum, quidam semper a-
lius plerunque, alius suam
sequitur causam 35

Effectus quis dicatur fieri, p-
pter finem, & quis non 36

Effectus casualis quid 37

Effectuū quidem per electio-
nem fiunt, alij non 37

Elementa quatuor sunt quo-
rum quodlibet habet duas
primarū qualitatum 74

Elementa symbolizantia quæ
dicantur & quæ non 75

Elementorū symbolizātium
facilior est transitus ibid.

Elementum superius sibi, pxi-
mum inferius proportionē
decupla excedit 76

Elementa quatuor, quomodo
in mistis corporibus ma-
neant 77

Elementa quatuor ad quod li-
bet mistum & quamlibet
eius partem concurrunt 78

Elementorum aliquid in mi-
sto semper dominatur ibi.

Elementis puris nō utimur 79

Elementa post iudicium in a-
liū statū esse reuocāda ibi.

Elementa cur rem ad interi-
tum ducunt 104

Entia sēcundum naturam q̄ dicant 8

Entiū quædā sunt actiua, a-
lia & potentia sunt 42

Ens, in decem prædicamenta
di-

I N D E X.

- diuiditur. ibid.
 Ens seu uerū, intellectus obie-
 ctum. 201.
 Essentia mobilium non mo-
 uetur 51.
 Experimenta docent uacuum
 esse non posse. 64.
 Experimenta docent quatuor
 elementa in misto mane-
 re. 78.
 Exhalatio quid. 86.
 Exhalatio causa materialis i-
 gnitorum, i aeris suprema
 regione potissimum appa-
 rentium. 86.
 Exalatio causa materialis est
 tonitruī, fulminis, uentorū
 atque terræmotus. 91.
- F**
- Ebricitantibus cur oīa sint
 insipida. 167.
 Finis ultimus quid. 35.
 Finis nō ultimus quid. ibid.
 Finis ultimus unicus, quip-
 pe Dens. ibid.
 Finis nō ultimus cuiuslibet
 rei usus est. ibid.
 Finis prima causa est, & ad ip-
 sum effectus & media op-
 tantur. 36.
 Firmamētū nōnunq̃ totū ag-
 gregatū ex orbibus planeta-
 rum, & stellarum fixarum
 significat. 108.
 Fluuij ex mari fluentes cur
 falsi non sint. 90.
 Fluxus & refluxus maris un-
 de. ibid.
 Frigidum partes heteroge-
 nias coniungit. 81.
 Frigidiora loca habitātes am-
 pliori cibo egent. 86.
 Frigiditas & siccitas mortis
 initia sunt. 141.
 Frōns cornuta & obfusa, cuius
 sint indicīū, & qua rōe. 177.
 Forma ut est principiū rerum
 naturalium quid. 14.
 Formæ ultimæ plures se non
 cōpatiunt in eadē mate. 5.
 Formam nō id esse quod suo
 aduentu cōposito dat. ibid.
 Forma Deo similis ostendi-
 tur. 16.
 Forma quomōdo materiam
 appetat. 17.
 Forma substantialis cōlestia
 corpora icorruptibilia red-
 dit. 22.
 Formales causæ tres sunt sub-
 stantialis, artificialis, & ac-
 cidentaria. 32.
 Forma accidentaria quid. ibid.
 Forma minus cōmune est ca-
 su. 38.
 Fortuna quid. ibid.
 Forma qūo infinita. 57.
 Formæ substantiales per se lo-
 cum non habent. 59.
 Fontes & fluuij unde generen-
 tur. 89.
 Fōtes & fluuij nō ex aqua ex
 pluuiā

pluuia collecta fluunt. 90
Fontes cur in locis montosis.
- ibid.

Forma cadaueris anima non
est. 141

Flumen quid. 161

Fulmē exteriora sine nocumē
to trāsit interiorib. laxis. 92

Fumus iram in sacris literis si
gnificat. 232

G

G Alaxia quid, & eam esse
duplicem 88

Gaudium & uoluptatem, om
niū passionū esse finē. 228

Generatio uerbi æterni, & p
cessus Spiritus sancti expli
catur, per Solem generan
tem lumen & ardorem. 34

Generatio quid & quō ab aliis
motus speciebus differt. 70

Generare sibi simile opus na
turalissimum est, nec omni
bus nec solis animalibus
conueniens. 137

Generatur quibusdam simile
sine semine, ramusculo in
ferro. ibid.

Grādo quid, & cur lapides in
se nonnunquā concludat &
rotundat sit figura. 89

Grando cur aliquando anima
lis referat speciem. ibid.

Grādo cur potissimū in uerē
& autumno generetur. ibi.

Graue dī dupliciter, utpote
quā simpliciter graue est, &

id quod solum cōparatio
ne alterius graue dī. 971

Grauiissimum quid & unicum
esse. ibid.

Gustus quid, & quod mediū
eius & instrumentum. 166

Gustus & tactus habent me
diū coniunctum. ibid.

Gustus est quidā tactus. 167

H

H Alon quid & ubi genere
tur. 92

Hemispherium quid, & duo
esse 119

Hiatus quid 87

Horizon quis dicatur 119

Horizon in rectum & obli
quum distinguitur. 120

Homo fere cæteris animalib.
bus uiuacior est. 154

Homines studiosi macrescunt,
somnia culosi pinguescunt.
189

Homo multis animalia cæte
ra excellit, tū q̄ uocū signi
ficationes capiat. 198.2

Homo solus animalium discipli
ne capax. 213

Homo solus diuidit, & coniu
git plura, copula uerbali, &
plures propositiones coniu
git, atque ratiocinatione
conficit. 214

Homo solus suam excellentiā
nouit, & ea gaudet, id quē
per

I N D E X

- per intellectum 216
 Homo intellectus lumine oī
 perfectione cuiuslibet crea-
 turæ gaudere potest 218
 Homo solus omnium creatu-
 rarum tenetur gratias suo
 creatori agere, etiam pro
 aliis creaturis ibid.
 Homo nō in omnibus actibus
 meretur aut demerēt 242
 Homo rōne uoluntatis infini-
 tæ est capacitatis, rōne ue-
 rò appetitus sensitiui fini-
 tæ: unde homo gula, cupi-
 ditate bruta longè excedat
 245
 Homo solus Deum amare po-
 test & ei uniti 246
 Humidum est facilè termina-
 bile termino alieno 140
 Humidum ueneris ab humo-
 re Lunæ differt 113
 Humidum radicale quid, &
 qua materia partim & con-
 sumptum reparetur 140
 Hyeme maiori est opus cibo
 quam æstate 86
 Hyeme candelæ uehementius
 ardent quàm æstate ibid.
 Hyeme media aeris regio mi-
 nus est frigida, quàm æsta-
 tæ ibid.
I De zenith habentes eundē
 habent meridianū 119
 Igni perpēdicularis quid 87
 Ignis fatuus seu candela ardēs
 quid ibidem.
 Ignis elementariis à quibus-
 dam negatur & oppositum
 ratione probatur 98
 Ignis elementaris cur ita ra-
 rus ibid.
 Ignis elementaris nutrimen-
 to non eget 99
 Imaginatiua q̄, & locus eius &
 differētia à sensu cōi 177
 Imaginatiua nunquā est mo-
 tus principium ibid.
 Infinitum essentia & quanti-
 tate 56
 Infinitas materiæ, imperfe-
 ctionis est, formę uerò per-
 fectionis 57
 Infinitum quantitate cōtinua
 & discrera ibid.
 Infinitum potētia & actu 58
 Infinito nihil maius 58
 Infinitū successione, nō actus
 sed potentia tantum infini-
 tum est 59
 Infinitū in actu, in rerum na-
 tura non reperitur ibid.
 Infinitum multitudine nō re-
 peritur ibid.
 Inclination rerum naturalium
 generalis & specialis 65
 Ingeniosi ferè memoria defi-
 ciunt, & ediuerso 188
 Ingeniosi bene reminiscun-
 tur, licet non semper bene
 memorentur ibid.
 Insomnia unde procedant, &
 cur

- cur ita esse puramus ut som-
niamus. 193
- Intellectus quid sit, sensus cō-
paratione docetur. 198
- Intellectus æstimatoriā excel-
lit. ibid.
- Intellectus agens & passibilis
quid & quod utriusque of-
ficium. 200
- Intellectus agēs humani cōpa-
rat & lumen spirituale dici-
tur. 201
- Iupiter qualitas quid. 112
- Intellectus à sensu dīa & ne-
cessitatē esse ponendi intel-
lectū agētē & patiētē. 201
- Intellectus agens an realiter à
passibili differat dubit. ibi.
- Intellectus multa cognoscit
que nō immediatē à sensu
habet. 203
- Intellectus agēs quō se super
phantasinata conuertit, &
ex corporalibus spiritualia
intelligat. ibid.
- Intelle. adiutus lumine Spiri-
tus sancti Deū facie ad fa-
ciem contemplabitur. 204
- Intellectus Deū sibi maximē
cognoscibilē ob corporis
molē cōtueri nō ualet. 205
- Intellectus quomodo singula
riter intelligat. 206
- Intellectus eodē phantasmate
nunc abstractā, nunc cōcre-
tā habet notitiam. ibid.
- Intellectus super suos actus re-
flectitur, quod nulli sensū
competit. 205. 217
- Intellectus ex seipso Deum
potest cognoscere 217
- Ira passionem cur non habeat
& contrariam sibi. 227
- Iris quomodo generetur, &
quod tricolor sit. 92
- Iris & Halō q. differat. ibid.
- Irides duæ aut ad summum
tres apparent simul. 93
- Iris secunda eosdem habet co-
lores cū prima, sed ordine
continuo, & tertia eodem
omnino ordine. ibid.
- Iris quo tpe appareat. ibid.

L

- Lancea uolans quid. 87
- Lapis cum fulmine ex nu-
be decidens, fulminis cu-
neus dicitur. 92
- Languentes cur sæpenumero
longam uitam degant. 142
- Leue quid. 97
- Leue quoddam tantum in re
spectu, aliud simplic. ibid.
- Leuissimum quid. ibid.
- Linea quid. 96
- Linea simplex quid. ibid.
- Linea eclyptica quæ, & cur
ita appellatur. 118
- Linea eclyptica cur uia solis
appellatur ibid.
- Lignū uitæ cuius fuerit uirtu-
tis. 144
- Lin-

INDEX.

- Linguae duplex officium, alterum tamen necessarium 159
- Locus quid & potissimus locus proprius 59
- Locus qui communis, & quis proprius 60
- Loci proprietates sunt quatuor ibid.
- Locus quis naturalis rei 61
- Locus quis uiolentus ibid.
- Locum naturalem cur cuncta petant & magno desiderio contendant. ibid.
- Luna humidis dominatur, quae plenilunio crescunt, nouilunio uero decrescunt. 113
- Luna in bonam partem, & malam in scriptura applicatur 113
- Lunae uariis ad Solem respectus mutationis eius est causa 122
- Lunae unde sit uaria figura ibid.
- Lumen omnium astrorum à Sole proficiscitur 114
- Lumen semper reflectitur 155
- M.
- M**ateria prima quid 11
- Materia secunda quid 11
- Materia prima tantum eius potentia 11
- Materia prima tantum passiva est, ideoque Deo diffinibilissima 11
- Materiae creator Deo non fuit indigna 12
- Materia non nuda, sed sub forma est creata 13
- Materia an sine forma creari potuisset dubitatur ibid.
- Materia nulla creata uirtute fieri potest ibidem.
- Materia à nulla creatura anni hilari potest 14
- Materia inferiorum an specie à superiorum materia distinguitur ibid.
- Materia & forma, cerae & sigillo comparantur 15
- Materia formam appetit, ut à quo perficiatur 17
- Materia coelestis, uim nullam patitur, aliam formam accipere prohibita 23
- Materiae ad alias formas appetitus, ex imperfectione est atque ideo pueris & cani assimilata Aesopico ibidem.
- Materia in beatis sub forma eadem manebit sine uiolentia quam in damnatis admittere non uidetur inconueniens. ibid.
- Materia comparatur ad formam & sic in qua dicitur, & formae correlatiuum est 32
- Materia ad compositum collata ex qua dicitur ibid.
- Materia quo infinita 57
- Mare duplici ex causa falsum 90

- Maris fluxus cur quotidie fe-
 rē unā hora tardius inci-
 piat *ibid.*
 Mare quando crescat, decre-
 scatve *ibidem.*
 Mare cur nunc impetuosius,
 nunc mitius fluat *ibid.*
 Mars nō ita nociuus planeta,
 atque Saturnus, & quā ope
 retur complexionem 112
 Medium motus quoq; distin-
 guere 46
 Mensura durationis triplex &
 discrimen eiusdem 67
 Mercurius ingeniū dat, Marti
 aut Saturno iunctus hære-
 ticum & tumultuarium, Iō
 ui uerò propinquus, tran-
 quillum & cōmodum 113
 Meridianns circulus quis di-
 catur 119
 Medium uisus quid, cur colo-
 re careat 154
 Medium propter colorem, &
 non propter uisum, illumi-
 nari debet 155
 Memoria quid & quod eius
 officium, pulcherrima do-
 cet similitudo 182
 Memorix ab imaginatiua dif-
 ferentia *ibidem.*
 Memorix nomen tripliciter
 accipitur *ibidem.*
 Memorix locus & eius dispo-
 sitio, & bonæ memoriæ in-
 dicion *ibid.*
 Memor, q̄ bona, q̄ mala 183
 Memoria eadem, cur unū al-
 tero melius seruet. 184
 Memoria duplici ex ratione
 bona, & studia illi propor-
 tionanda *ibid.*
 Medium quod sit ad remini-
 scendum aptum 185
 Memoria intellectiua, quid
 & quam sit necessaria eius
 à sensitiua memoria diffe-
 rentia 209
 Mistio quid & quotuplex 76
 Modi existendi in alio, octo
 59
 Modi quatuor se tangentiū 73
 Mollities carnis, excellentis
 ingenii cur iudiciū sit 170
 Mollities carnis, bonitas inge-
 nii, bonitas tactus, eiusdē
 causa effectus *ibid.*
 Mollities duplex *ibid.*
 Monstrum quid, & uariis ex
 causis contingere 39
 Motus omnis aut ad quantita-
 tem, aut qualitatem, aut sub-
 stantiam, aut locū dicitur
 esse 42
 Motus quis perfectus, & quis
 imperfectus *ibid.*
 Motus subitus instāaneus &
 successiuus quid *ibid.*
 Motus nullo prædicamento
 continetur 43
 Motus extensionis non aut in-
 tensionis habet partes 44
 Motum localiū alius rectus,
 alius curuus 96

INDEX

- Motus rectus, motus sursum
 deorsum & circularis quid
 ibid. 1
 Motuū quis simplex, & quis
 mixtus dicatur ibid.
 Motus cœlorum unde, & an
 uiolent. post iudiciū quie-
 scet 108
 Motus raptus quis dicatur, &
 quare 109
 Motus proprius orbiū inferio-
 rum aduersatur motui ra-
 pto ibid.
 Motus cœlorum quō contra-
 rii dicantur, & quomodo
 cœli inferiores sine uiolen-
 tia à primo mobili rapien-
 tur ibid.
 Motus cuique cœlo proprius,
 quāto tpe absoluitur ibid.
 Motus primi nec merentur
 nec demerentur 242
 Motus propriè dictus tendit
 à termino positiuo, ad ter-
 minum positiuum contra-
 rium 44
 Motus propriò dictus, & nu-
 tatio differunt ibid.
 Motus, saltem rōne, à termi-
 no ad quē distinguitur ibi.
 Motus, ab actione & passione
 differt, saltem ratione 46
 Motu codē, mobile mouetur
 & mouens mouetur ibid.
 Motuum quis tantus, aut ue-
 lox 47
 Motus frequēs non idē quod
 uelox ibid.
 Motuum, quis regularis & ir-
 regularis 48
 Motus irregularis unde ibid.
 Motus naturalis quē habeat
 processum, item uiolentus,
 & progressius 49
 Motus cœlorum maximè re-
 gularis est, licet difformis
 ibid.
 Motuum quis naturalis, quis
 item uiolentus dicatur &
 utrumque in cunctis rebus
 reperiri ibid.
 Motus eiusdem speciei inter
 se sunt cōparandi ibid.
 Motus cui quieti priuatiuè op-
 ponatur 50
 Mobile & mouens per se mo-
 uent & mouentur ratione
 partis, & per accidens 51
 Mouens & mobile quid dica-
 tur dum proportionē agi-
 tur 52
 Mundus uniuersus quibus cō-
 stet 97
 Multum humidi & ob id lan-
 guentes in iuuentute, sæpe
 numero sunt longioris ui-
 tæ 141.

N

- Natura quid & quotu-
 plex 8
 Naturā quæ habere dicant 8
 Nadir quid 119
 Nix quid, & quando gene-
 ratur

tur	119
Nouilunium quid sit	125
Numerus quis numerans & quis numeratus	65
Nubes in regione aeris supra non generant, sed ignea quædam	88
Nutritio cur fiat, & eius ab augmentatione differentia licet utriusque idem sit obiectum	143
Nutriti necesse est, quandiu uiuens existit	144

O

O bjectionum quarundam contra eclipsim in tempore mortis Christi factam, solutiones	126
Obiecta sensuum exteriorum quinque	152
Oculus quomodo quandam lucem habere dicatur	155
Odoratus quid, & cuius naturæ & quod instrumentum & obiectum, & quomodo odoratio fiat	163
Odorifera cur magis die quam nocte percipiuntur	ibid.
Odorifera quædam non percipiuntur	164
Odoratus cur in homine quam in cæteris animalibus imperfectior	ibid.
Odores quidam propter soporem grati, alii propter se	ibid.

Odoratus hominis cæterorum animalium perfectior est odoratu	165
Odores quomodo ab odoratu percipiuntur	ibid.
Omne quod mouetur ab alio moueri, quomodo intelligendum sit	31
Opiniones diuersæ de loci natura	59
Opiniones diuersæ de cælorum numero	111
Ordo quis sit in mouentibus subordinatis	52
Ordo essentialis, & accidentalis causarum subordinatarum	ibid.
Ordinem essentialem infinitum, sequeretur actu infinitum, accidentale, non ita	52
Ordo in elementis unde	103
Ordo planetarum, ratione probatur	111
Ordo Solis eadem ratione probari nequit	ibidem.
Oppositio diametralis quæ dicatur	122
Organa sensuum exteriorum quinque	153

P

P artes mobilium perfectius ipsis accidentibus mouentur	51
Partes heterogeniæ, homogeniæ quæ dicantur	81
Pa-	

INDEX.

- Parahelii quid 93
 Parahelius quid ab halone & iride differat ibid.
 Parahelii plures simul apparent, sub quibus tã Lunæ, quam Solis imago comprehenditur 94
 Parahelii duo cum sole apparuerunt tempore natiuitatis Christi ibid.
 Passiones tres sunt quibus animal circa obiectum disconueniens afficitur 223
 Passiones tres quibus obiectum disconueniens, animal efficit ibid.
 Passiones irascibilis, quæ quibus passionibus concupiscibilis respondeant 228
 Passionum quæ irascibilis, & quæ concupiscibilis uis, quarum ira tantum habet passionem priuatiuè oppositam: ibid.
 Passiones irascibilis, ex passionibus concupiscibilis oriuntur, & in eadem terminantur. ibid.
 Passiones irascibilis ad gaudium terminantur, & cur uis irascibilis concupiscibilis sit addita. 230
 Passiones cur dicantur, & corpus immutent. ibid.
 Passio Christi ob naturæ nobilitatem duriori ei fuit. 171
 Peccatum unde procedat. 39
 Periodum seu terminum determinatum, natura omne uiuens habet. 145
 Periodum naturalè res raro attingunt, & nunquam prætereunt. ibid.
 Periodum præscientiæ diuinæ omnia attingunt, non tamen prætereunt unquam. 147
 Periodus diuinæ præscientiæ quò præteriri possit, quò minime, cum expositione auctoritatis Iob. ibid.
 Perspicuum actu & potentia, quid. 131
 Peccatum intellectui non nunquam displicet, dum intellectui appetitiui placet. 236
 Phantasiæ cur in tenebris terreantur non autem præfente lumine. 203
 Penetratio dimensionum impossibilis. 62
 Pisces cur uocem non edant. 159
 Pluuia quid, & quid imber, pluuia & labrocera differant. 88
 Pluiæ nomen, specificum est quauis latius sæpenumero sumatur. ibid.
 Pluuia ubinā generet. ibid.
 Pluuia cur rotunda & salsa. ibi.
 Pluuia ex uaporibus ex mari attractis generata cur salsa non

- non fit. ibidem
 Planetæ septem & eorum sit-
 tus. 108. 111.
 Planetæ soli stellarū non scin-
 tillant. 111
 Planetæ quomodo à stellis
 fixis differant. ibid.
 Planetæ uarij eorum colorum
 apparatu ab inuicem diffe-
 runt quemadmodum & ua-
 rios producunt effectus.
 ibid.
 Planetæ nunquam zodia-
 cum exeunt, unicustamen
 Sol lineam eclipticā sem-
 per tenet. 118
 Plenilunium quid. 125
 Poli mundi duo, quorum al-
 ter nunquam nos latet, al-
 ter uerò perpetuò. 109
 Poli mundi immobiles sunt,
 non aut poli zodiaci. ibi.
 Potentiarum animæ quædā
 in anima sunt aliæ in com-
 posito, quarū illæ tm ani-
 mam à corpore separatam
 sequitur. 132
 Potentiæ animæ conuenien-
 tes cum sint quinque, cur
 trimembris fit facta diui-
 sio. 133
 Potentiarum distinctio unde
 sumenda. ibid.
 Potentiarum diuersitas par-
 tim perfectionis, partim
 imperfectionis est. 134
 Potentiæ uegetatiuæ quæ &
 quot officia præcipua. 139
 Potentiæ quatuor sunt neces-
 sariæ nutritioni, augmenta-
 tioni & generationi. ibid.
 Potentia generatiua primæ
 uegetatiuæ animæ uis. 137
 Potentijs duabus homo cæte-
 ra animalia excellit. 139
 Præter naturam quid. 9
 Principium naturale quid. 9
 Priuatio quomodo transmu-
 tationis rei naturalis sit pri-
 cipium. 10
 Priuatio in corporibus cæle-
 stibus est, quæ tamen non
 reddit generationi obno-
 xia. 21
 Propter finem omnes res na-
 turales agunt, siue uiuēs
 siue non 35
 Præter hominem res omnes
 naturales ad finem aguntur
 à Deo potius quàm agunt. 36
 Prouidis pauca casualia aut
 fortuita contingunt, impro-
 uidis uerò plurima. 38
 Proprietates tpis quinq;. 68
 Proprietates augmentationis
 sex. 73
 Primæ qualitates quatuor. 75
 Primum qualitatum calor &
 frigus etsi maximè actiua
 sunt minimè tamen resi-
 stunt. 76
 Proprietates elementorū sex
 sunt. ibid.
 Pruina quid sit, & qñ fiat. 89

INDEX

Pruina cur forteat. ibid.
Pruina quando indicium serenitatis, & quando effectus contrarii. ibid.
Proportio quatuor qualitatum primarum causa est uitæ longæ, aut brevis. 141
Proportio calidi & humidii cur causa uitæ longioris aut breuioris dicatur, cum tamen quatuor qualitatum proportio sit. ibid.
Precocia seu præmatura ingenia, cur breuioris sint uitæ. 142
Precepta & prohibitiones cur solis rationibus dantur, & quomodo irrationalibus dicantur præcepta dari. 118
Puri mense octauo nati aut citò moriuntur, aut miserè uiuunt. 142
Puncta solstitiorum duo, & ubi. 119
Pueri cur infelices sint memorantur. 184

Q

Quinq; ad motum requisita. 46
Quietudo quid sit. 50
Quantitas corporea sola ita occupat, ut eodem loco aliam non admittat. 62.63
Quinque modi sunt locum replendi. 63
Quadam replent, & non oc-

cupant ibid.
Questio, an quicquam simpliciter generetur, nec ne. 80
Questio, qua ratione ex contrariis quatuor aliquid generetur. 81
Qualitates secundæ horum inferiorum ex primis nascuntur. 82
Questio, an quamlibet corruptionem sua sequatur generatio noua. ibid.
Questio, quænam sit causa generationis aut corruptionis diuersorum temporum. ibid.
Questio, unde quorundam tantæ facilis generatio, aliorum uero tantæ tarda ac difficilis. 83
Questio, an corruptum semel possit idem redire. ibid.
Qui diutius uiuant uoluptatum moderamine. 142
Questio cur indiuiduum nutritiundo nequeat perpetuari. 143
Quinque concurrerunt miracula tempore passionis Christi. 116

R

Ranæ cum pluuia descendunt. 89
Ratio, qua sensus, seu potentia una alteram excellere probatur. 198
Res naturalis, quid. 7
Res

- R**es spirituales creatæ tatum
 habent finalem & efficien-
 te causas corporales uerò
 ad hæc materialem & for-
 malem. 25
Res permanens & successiua
 quid. 43
Regulæ proportionum septē
 Arist. quibus duæ adijciū-
 tur. 53
Regula communis de sensib.
 177
Regularum proportionum e-
 xempla. ibid.
Resistentia, motum in instan-
 ti fieri prohibet. 54
Regiones aeris tres, & earum
 qualitates. 85
Regiones quæ sint habitabi-
 les & quæ minimè, & quo-
 modo id sit accipiendum.
 121
Respiratio duo habet officia
 quorum alterum necessitas
 est, nec omnibus animalibus
 conuenit. 159
Reminisci quid, & qui à me-
 moratione differat, & ad il-
 lud quam ad hoc plura re-
 quiri. 186
Reminiscentia quomodo me-
 moriæ discontinuatæ dica-
 tur. 187
Res corporalis in intellectu
 non agit. 202
Res quid & cur potissimū uer-
 no tempore generetur. 89
Saturnus planeta nociuus,
 & cur cum facile depinga-
 tur. 112
Saliua licet non sit mediū gu-
 stus ad gustationem tamen
 requiritur 167
Saporum uariæ sunt species.
 ibid.
Sapientes & philosophi, quō
 Deum cognouerunt 204
Scripturæ origo 170
Secundum naturam quæ dicā-
 tur 8
Semini pulcherrima conside-
 ratio 138
Sensus exteriores quinque 152
Sensibile per se quid, & sensi-
 bile per accidens ibid.
Sensibile proprium, & sensibi-
 le commune quid 153
Sensus omnis speciem abs-
 que materia recipit, & cur
 plantæ non sentiunt 172
Sensibile excellens, sensum
 corrumpit, & quid dicatur.
 ibidem.
Sensus, suum quisque habet
 obiectum, organum, & me-
 dium 173
Sensus nullus, proprii obiecti
 alterius speciem in se re-
 cipit ibid.
Sensus debitam obiecti distā-
 tiam requirit. ibid.
 licet non oībus sit inæqua-
 lis. ibid.
Sensus

INDEX.

- Sensus omnis obiecti sui pri-
uationem percipit. 174
- Sensus communis ubi situs, &
quod eius officium. 176
- Sensus communis necessario
ponitur. ibid.
- Sensus exterior super actum
suum non reflectitur. 177
- Sensus communis an obiecti
præsens requirat, ut eius
speciem in se seruet, dubi-
tatur. 176
- Sensum interiorum nomina
variantur. 179
- Senes infœlicis sunt memo-
riæ quæ tñ in iuuetute me-
moriz mandauerunt tena-
cissimè seruant 184
- Sensualitas unde in natura
humana quantum uolunta-
ti resistat 237
- Sensualitas quatenus uitio de-
tur 132
- Siccum formam impressam
optimè seruat 81
- Signa pluuiæ 88
- Signa terræ motus 91
- Signa borealis, seu septentrio-
nalis aut arctica sex sunt,
rursus sex meridionalia,
australia, seu antarctica &
cur ita dicta, 118
- Signum nulla æquali distan-
tia ab utroq; polo distat, &
quodlibet in longitudine
gradus habet 109
- Sol cur Deorum & hominū
pater sit dictus 115
- Sol cur neq; primo neq; infi-
mo ponatur loco ibid.
- Solis in scriptura magnifica
mentio 115
- Solem ut coniugem comita-
tur, muliebrium est effecti-
ua qualitatum ut Sol uiri-
lium 114
- Sol diuino uerbo compara-
tur ibid.
- Solstitium hyemale & æstiuu
le quid & quādo sit, & quō
Sol stare dicatur 118
- Sonus quid, & tria ad ipsum
requiri 156
- Sonus in suo medio est, quod
nulli illorum obiectorum
contingit ibid.
- Sonus mediante locali motu
ibidem.
- Sonus partim realiter, par-
tim per solam speciem in
aere est 157
- Sonus fortior cur nō semper
longius audiatur 158
- Sonus & in aqua & in aere re-
cipitur ibid.
- Somnus quid, duplici de cau-
sa necessarius est 189
- Somnus uti cibo necessarius
est, quatenus unicuique u-
tendum 190
- Somno immodico dediti, cui-
us officio exequendo in i-
donei ibidem.
- Somnus quomodo fiat; unde
for-

fortior aut debilior 191
 Somnus potissimum ad uege-
 tatiuas potentias ordinatur

192.

Somnus postremo loco sen-
 sum reparat ibid.

Somnus matutinus castitati,
 inimicus ibid.

Somnia naturalia, supernatu-
 ralia, animalia quæ 193

Somnia mala, uiris optimis
 sine crimine cōtingūt 194

Spiritus motiui, & sensitiui,
 unde oriuntur 191

Species rerum non sunt ani-
 mæ cōcreatæ: nec ipsæ quo
 que animæ simul creatæ
 sunt 198

Spes unde oriatur 226

Species uiuentium corrupti-
 biles sunt 147

Stipulæ ardentes quid 87

Stellæ firmamenti in sex ma-
 gnitudinis differentias di-
 uiduntur 101

Stellæ innumeræ sunt in fir-
 mamento, hinc uisu nō no-
 tabiles 111

Stellæ fixæ scintillant, & cur
 fixæ dicantur ibid.

Stellæ & luna, cur de die non
 uideantur 113. 114.

Superficies plures se simul p-
 mittunt 60

Successio impedit durationē
 ut occupatio repletionē 67

Superficies quæ conuexa dica-

tur & quæ concaua 59
 Superficies quid 96
 Sydus uolans quid 87

T

T Angendi modi quatuor
 sunt, 54

Tactus organum, medium, &
 obiectum, quid 167

Tactus, solus omnium sensuū
 animali est necessarius, cur
 per totum sit diffusus 168

Tactus perfectio, aliorum
 sensuum perfectionem nō
 arguit, nec ediuerso ibid.

Terminus à quo, ad quem,
 quid 42

Terminus ad quem dignior
 est termino à quo motum
 denominat, motus distin-
 guit specie, genere, aut nu-
 mero 45

Terminus à quo, non distin-
 guit motum ibid.

Terminus à quo, & ad quē di-
 cuntur pro se primo, rōne
 partis & per accidēs ibid.

Tēpus quid & eius duplices
 partes, & quomodo nume-
 rus dicatur 63

Tempus omnia mēsurat, sed
 solum motum primi mobi-
 lis intrinsece, cui & æquale
 est 66

Terræ motus quid 91

Terra mobilis est omni mo-
 tu,

INDEX

tu, & quomodo punctum & centrum dicatur mundi 101	Tropicus capricorni seu hye- malis quid, & unde tropi- cus dicatur ibid.
Terra unde suam habeat im- mobilitatem 102	Tremor & pulsus, quid diffe- rant 63
Terram esse rotundā, quomo- do intelligatur ibid.	V
Terra cur montosa sit, & ualli- bus plerisque in locis di- stincta ibid.	V Actū impossibile est ef- fe 64
Terræ quantitas 103	Vacuum quid sit 63
Tēpus uitæ humanæ, prædi- uerſis mūdi ætatibus, aliud atq; aliud fuit 147	Vapor quid 86
Tempus cæterorum uiuentiū quoq; diuersum fuit ibid.	Varietas figurarū in aere ap- parentium unde perueniat 87
Tenebræ quid 154	Vapores qui somnium gene- rent, qui impediāt 193. 86
Terribile plus mouet ad fugā delectabiles, ad prosequu- tionem 224. 225	Ventus quid, eorū qualitates, nomina quot sint 91
Timor quid sit 23	Venus, nunc Lucifer, nūc He- sperus dicitur 113
Tonitruum quid 91	Venus immoderata speciem humanam miris modis de- bilitat 109. & 110.
Tonitruū fulmine prius est, licet posterius percipiatur ibidem.	Veritas & falsitas quomodo sunt in intellectu 214
Torrida zona quid, & quam uiuentibus præbeat habita- tionem 121	Vituli cum pluuia descen- dunt 88
Triplex significatio dictionū motum significantium 46	Visio quomodo fiat 162
Tribus modis quippiam dici tur esse in loco. 62	Visua potentia, oculus, & ani- ma diuersimodē uidere di- cuntur ibid.
Tropicus <u>canceri</u> , seu æstiu- alis quid 120	Visibilia quædam duplici ra- tione uidetur, nocte dieq;, diuersa tamen ratione: alia etiam eadem ratione 163
Tropici respectu quorū hie- males & æstiuales dicantur ibidem.	Vigilia quid 189
	Vigi-

Vigilia corpus exiccat, ut ieiunium ibid.
Virgo beata ab omni motu in ordinato fuit immunis 237
Vocabula actionem in anima manentem significantia, quadruplicē habent significationem 46
Vorago quid 87
Vox quid, quibus conueniat ex natura tam in brutis, q̄ hominibus aliquid significat 158
Vocalis arteria, eius operculum 159
Vox articulata, & eius instrumenta, uox non semper significat 160
Vox inarticulata, etiam naturaliter significat ibid.
Vocem formare & loqui differunt ibid.
Vox naturaliter significatiua ibid.
Voluntas quid sit, compara-

tionē appetitus sensitiui docetur 221
Voluntas dominiū habet 234
Voluntas à sensualitate uinci non potest, nisi se dedat, licet ab ea uexari possit ibi. & 238.
Voluntas quomodo omnibus uiribus animalibus dominatur ibid. & 241.
Voluntas sola meretur, & demeretur 242

Z

Z Enith capitis quid 119
Zodiacus circulus oīum circulorum solus longitudinem habet 117
Zodiacus iuxta longitudinem in duodecim signa secatur 118.
Zodiacus quid ibid.
Zonæ cœli quinque 121
Zona torrida quæ sit ibid.

F I N I S.

FINE

1

LABORATORIO RESTAURO

A. Lombardi

Via Valsolda n. 125-127

Tel. 809503

1971

